

**P. Gasparis Schotti Mechanica hydraulico-pneumatica : qua præterquam
quòd aquei elementi natura, proprietas, vis motrix, atque occultus cum
aëre conflictus, à primis, fundamentis demonstratur; omnis quoque
generis experimenta hydraulico-pneumatica recluduntur; & absoluta
machinarum aquâ & aëre animandrarum ratio ac methodus præscribitur.
Opus bipartitum ... Accessit experimentum novum Magdeburgicum, quo
vacuum alij stabilire, alij evertere conantur.**

Contributors

Schott, Gaspar, 1608-1666.

Publication/Creation

[Francofurti ad M.] : Sumptu heredum J.G. Schönwetteri, excudebat H. Pigrin typographus, Herbipoli, 1657.

Persistent URL

<https://wellcomecollection.org/works/buks8p3r>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.





Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



472 Π/Β

Εθνικό
Μουσείο





ONS PULCHER suffici vidas.



M ECHANICA
HYDRAVLICOPNEUMATICA
Ad Eminentiss: S: R: I: Principem
Ioannem Philippum
Electorem Mogunt:
Auctore
P. GASPAR. SCHOFFO.
Soc: Iesu

ALLEGORIA

ETATI CORTESIA

IN PRAECEPS

62244

P. GASPARIS SCHOTTI
REGISURIANI, E SOCIE-
TATE JESU,
Olim in Panormitana Siciliæ, nunc in Herbipo-
litana Franconiae ejusdem SOCIETATIS Academia
Matheseos Professoris,

MECHANICA HYDRAULICO-PNEV- MATIC A,

Quia

*Præterquam quod Aquei Elementi natura, proprietas, vis
motrix, atque occultus cum aëre conflictus, à primis fundamentis de-
monstratur; omnis quoque generis Experimenta Hydraulico-pneumatica
recludantur; & absoluta Machinarum aquâ & aëre animandarum ratio
ac methodus prescribitur.*

OPUS BIPARTITUM,

Cujus

Pars I. Mechanicæ Hydraulico-pneumaticæ Theoriam continet.

Pars II. Ejusdem Praxin exhibet, Machinasque Aquarias innumeræ, uti & Organa, ali-
aque Instrumenta, in motum ac sonum concitat; nec non varia technasina,
motum perpetuum vi aquæ spondent, exponit.

ACCESSIT

*Experimentum novum Magdeburgicum, quo vacuum alij sta-
bilire, alij evertare conantur.*

*Sedentum Hereditum JOANNIS GODEFRIDI Schönwetteri,
Bibliopol: Francofurtensi.*

*ERICUS PIGRIN Typographus Herbipoli,
ANNO M. DC. LVII.*



PM



DEDICATIO.



*Eminentissimo, & Reverendissimo Principi
ac Domino,*

D. JOANNI
PHILIPPO,

SACRÆ SEDIS MOGUNTINÆ
Archiepiscopo, S. Rom. Imp. per Germani-
am Archi-Cancellario, & Principi Electori; Episcopo
Herbipolensi, Franciæ Orientalis Duci,
Domino meo clementissimo.

EMINENTISSIME PRIN-
CEPS. Fontes quos Natura
producit ad hominum utilitatem,
Mare petunt, ut fluant. *Omnia quippe*
flumina, ac proinde & fontes flumi-

ā 2 num

DEDICATIO.

num origines, *intrant in Mare, & Mare non
redundat; ad locum, unde exirent flumina, revertun-
tur, ut iterum fluant.* Fontes quos hoc
in Opere produco ex Hydrotech-
nica Arte ad Principum delecta-
tionem, ut saliant, FONTEM petunt
PULCHRUM, Te inquam, E MI-
NENTISSIME DOMINE, Tuumq;
favorem ac benivolentiam. Nisi
enim ope Tua, qui FONS es PUL-
CHERRIMUS, foveantur, &
Tua augeantur ditenturque co-
pia; exarescant necesse est, ma-
gno licet labore, nec minori
Arte, in fluxum ac saltum à me
animati. Pateat igitur Fontibus
meis

DEDICATIO.

meis FONS PULCHER; derivetur
in eos Humanitatis Tuæ aquæ, ut
gloriari liceat, ac dicere: FONS
PULCHER SUFFICIT UNDAS.
Dixi quod volebam, & hic finio,
nè peccare cogar peccatum quo
Scriptorum plerique reos se con-
stituunt, dum in Mecænatum
suorum laudes ipso in Librorum
vestibulo quàm pro loci oppor-
tunitate longius excurrunt. Ma-
jor est virtutum Tuarum splen-
dor, majora in Ecclesiam & Im-
perium Romanum merita, quàm
ut exili calamo meo, præsertim
hoc loco, exarentur.

ā 3

Vale

DEDICATIO.

Vale PRINCEPS EMINEN-
TISSIME, Imperii columen,
& Ecclesiæ decus; ac bono utrius-
que quam diutissimè vive. Ita
optat Herbipoli Die VIII. Julij,
Anno M DCLVII.

EMINENTISSIMÆ
TUÆ

CELSITUDINIS


Humillimus Cliens

Casparus Schott è So-
ciitate JESU.

IN

*IN FRONTEM LIBRI
ACROAMA EXEGETICUM.*

FONS PULCHER SUFFICITUNDAS.



Obmutesce Antiquitas;
Jam dudum exaruit lympha,
Quam propinavit Pincerna vatum

P E G A S U S.

Riget instar pumicis, qui Parnassum irrigavit:
Qui infantium etiam linguas fecerat disertas,
Dudum, pro pudor, est desertus.

Pone cristas Heliconis Nympha;

HIPPOCRENE FUIT!

Unde, aut ubi fluxerit olim, quis sciat?
Castalides ipsæ nesciunt,

Ex quo toties potæ cecinerunt.

Et quid mirum Helicona nusquam apparere,
Si ipsa Græcia disparuit, & migravit
In EUROPAM reliquam;

In quâ non unas numeres Athenas,
Quando pæne innumera vides Athenæa,
Suo quodque formosum Apolline,
Suo quodque irriguum fonte,
E quo bibunt sapientes Europæi,
Et entheantur.

De

De Europa universa periculum fac in sola

GERMANYA:

De Germania verò pronuncia,
Si, quæ Rhenus, Mœnusve alluit, invisas

ATHENÆA, MOGANUM ET ARTAUNIUM.

Quæ, qualésve ea incolant Musæ,
Disce ex latice, qui eas reficit,

FONS

Medio bullit è Nobilitatis Rhenanæ jugo,
Non sonipedis Pegasi extusus ungulà;
Sed jubati LEONIS effossus ungue,

CALLOCRENÉ.

Hoc uno ambæ libant & vivunt de fonte,
Cælo divisæ, non zelo,

MOGANIDES MUSÆ ET FRANCONIDES.

His

Seu sitim arentis gutturis levent,
Seu barbita pulvere glorioſo fôrdida lavent,

Seu in carmina animent Vates,

Seu fugientes Vatibus venas revocent,

Seu in præmia lauros & palmas rigent,

Seu festivè cum Nymphis ludant

Apollinis honori,

FONS PULCHER SUFFICIT UNDAS.

Verùm quid Musas, Nymphásque memoro?

Ipsa adeò Natura hoc fonte haurit,

Ut parturientem juvet Artem:

Hinc

Hinc Ars bibit, ut languentem fulciat Naturam;
 Experti discimus:
Quod non sola Natura audet.
 Nec Ars sola potest,
Et potest cum Arte Natura & audet.
 Verum deficerent, nisi sufficeret,

F O N S P U L C H E R

Undas, Animos, Vires.

Hoc manante animatur emortuus Æolus,
 Et spirat:

Hoc stillante liquescunt, licet ære fusæ, Phaëtoniades,
 Et lacrymantur:

Hoc illabente alterni folles inflantur & efflantur,
 Et organa resonant:

Hoc saliente Deorum simulacra irrorantur,
 Et tripudiant.

Verbo,

Paucis multa dicam:

CRESCIT QUODCUNQUE RIGAT,
VIGET QUODCUNQUE LAVAT,

F O N S P U L C H E R:

Hinc est quod stupent obstipi;
 Et ægrè vident Invidi,

H O C F O N T E,

Virere lauros, Musasque vigere.

F O N S P U L C H E R.

Feras cicurat, monstra domat:
Hercule felicior!

Quæ is exanimabat, hic animat;
Quæ iste clavâ fregit, ille regit
Suaviter influendo.

Hoc stratagemate,
Rotas Moganas firmavit,

Ut bene verterentur,
Quæ à procellis, quia rapiebantur,
Pæne evertebantur.

Pluris scilicet sæpe est esse humanum quàm fortē,
Ubi gloria est major,

Vincere amoribus quàm viribus.

In fontibus reliquis eximium hoc habet

F O N S P U L C H E R,

Quòd non aquam solùm fundat,
Quà suam effæta reparet Juventam

A Q U I L A;

Sed & oleum stillet,

Quo repullulantes pennas ad robur
Ungat.

Nec Aquilæ modò hoc *Fonte* lotæ:

Juvenescunt :

Sed, quia cum Igne quid commune habet:

F O N S P U L C H E R,

Hoc etiam in *FONTE* emortuus,

No^o

*Novo prodigio Novus
Reviviscit*

P H O E N I X.

Unde infelicissimorum temporum

Hæc una est felicitas,

Quod mergantur in FONTE PULCHRO,

In quo nisi tota submergantur,

Nunquam emergent

Felicia.

Et Gloria hæc summa erit

F O N T I S P V L C H R I,

In ea incidisse tempora,

In quæ nisi incidisset,

Forent tempora omnino

Profligata.

De FONTE PULCHRO quid amplius dicam?

Fontes alij aut æstu prospero exsiccantur,

Aut algore sinistro congelant,

Ut fluxum sistant:

F O N S P V L C H E R.

FLUET DONEC INFLUAT

I N F O N T E M

QUOCUM SALIET IN VITAM ÆTERNAM.

Quod vovent & precantur mecum

OMNES BONÆ MUSÆ

A FONTE PULCHRO

LOTÆ, RIGATÆ, POTÆ.

*P. NICOLAUS MOHR è Socie-
tate JESU.*

Facultas admodum R. P.


**PRÆPOSITI GENERALIS
SOCIETATIS JESU.**

**G O S W I N U S
NICKEL SOCIETA-
TIS J E S U**

PRÆPOSITUS GENERALIS.

Cum Opus, quod inscribitur Mechanica
Hydraulico-pneumatica, à P. GASPARE
SCHOTT nostræ Societatis Sacerdote compo-
tum, aliquot ejusdem Societatis Religiosi recognove-
rint, & in lucem edi posse probaverint; facultatem
concedimus ut typis mandetur, si ijs ad quos pertinet,
ita videbitur. In cuius rei testimonium has litteras
manu nostrâ subscriptas, sigilloq; nostro munitas da-
mus Roma, 23. Januarij 1655.

GOSWINUS NICKEL.



Facul-

FACULTAS
R.P. PROVINCIALIS
SOCIETATIS IESV
Per Rheni Superioris Provinciam Bi-
bliopolæ facta.

Cum ex Mandato Sacrae Cæsareæ Majestatis omnibus
et singulis Typographis, Bibliopolis, ac aliis quamcun-
que librariam negotiationem exercentibus, serio firmiterque in-
hibetur, ne quisquam libros ullos à SOCIETATIS nostræ Pa-
tribus hactenus editos, aut imposterum edendos intra S.R. Im-
perij, Regnum, & Dominiorum Suæ Cæsareæ Majestatis hæ-
reditariorum fines, simili aliovè charactere aut formâ, sive in-
toto, sive in parte recudere, vel alio recudendos mittere, aut ali-
bi etiam impressos adducere, vendere, & distrahere, claram seu
palam, citrâ supradictorum Patrum consensum ac testimonium,
audeat, vel præsumat: Ego NITHARDUS BIBERUS,
SOCIETATIS IESU per Rheni superioris Provinciam Pro-
vincialis, concedo Joanni Godefrido Schönwettero fa-
cultatem, suis sumptibus excudendi P. GASPARIS SCHOTTI
è SOCIETATE IESU Mechanicam Hydraulico-pnev-
maticam. In quorum fidem hoc ei testimonium manu nostrâ
subscriptum, & Sigillo munitum dare voluimus. Herbipoli:
21. Januarij 1656..

NITHARDUS BIBERUS.

L. HS.

— 3 —

ELEN-

ELENCHUS



ELENCHUS TITU- LORUM,

Sive

SYNOPSIS OPERIS.

Præloquium ad Lectorem, de Operis Occasione, Divisione, Inscriptione; deque
Hydraulicorum & Pneumaticorum Scriptoribus. pag. I.

PARS I.

THEORETICA.

De Machinarum Hydraulico-Pneumaticarum principiis seu fundamentis. 15

PROTHEORIA I.

De vi Attractiva corporum, ad vacuum vel replendum, vel fugiendum: seu de
primo Machinarum Hydro-pneumaticarum principio. 18

§. I. Hero Alexandrinus vacuum in aëre & aqua disseminatum agnoscit. 19

§. II. Experimenta quibus Hero vacuum in corporibus disseminatum probat. 21

§. III. Experimenta quibus vacuum nullum esse probatur. 25

§. IV. Vis attractiva ob vacui metum, primum Machinarum Hydro-pneumaticarum principium, quæ, & qualis, quibusvis insit corporibus. 28

§. V. Experimentum, quo ostenditur vis attractiva ad aquas in altum evenendas, vacui vitandi causâ, per Machinas Hydro-pneumaticas. 30

§. VI. Notantur nonnulla circa prædictum Experimentum, simulque stabilitur, in attractione aquæ metu vacui habendam esse rationem perpendiculi aquarum. 32

§. VII. Heronis Alexandrini error in elevanda aqua vi attractiva. 33

§. VIII. Alius Heronis error in elevanda aqua vi attractiva. 36

§. IX. In aquarum elevatione vi attractivâ, habenda est ratio perpendiculi solum illorum tuborum, per quos aqua, non per quos aër vehitur. 37

§. X.

TITULORUM.

§. X. Vi attractivâ elevari potest aqua ultraperpendiculi altitudinem, aëre me-
diante. 40

PROTHEORIA II.

De vi Expulsiva propter corporum impenetrabilitatem; seu de secundo Machi-	
narum Hydro-pneumaticarum principio.	43
§. I. Omnia universi corpora sunt inter se contigua.	ibid.
§. II. Corpora se mutuò expellunt.	45
§. III. Experimentum, quo ostenditur vis expulsiva, propter corporum im-	
penetrabilitatem, ad aquas elevandas in altum.	46
§. IV. Notantur nonnulla circa prædictum Experimentum.	48
§. V. Heronis error in elevando oleo vi expulsivâ in lucerna.	50
§. VI. Attractione & expulsione simul aquam elevare possumus.	53
§. VII. Salomon Caus merito sugillat Heronem..	55
§. VIII. Idem perpendiculum aquæ cadentis non potest servire simul attra-	
ctioni & expulsioni..	57
§. IX. Error apud Joannem Baptistam Portam indicatur..	58
§. X. Alia ratio aquam elevandi in altum propter corporum impenetrabili-	
tatem..	59

PROTHEORIA III.

De vi Rarefactiva; seu de tertio Hydro-pneumaticarum Machinarum prin-	
cipio.	61
§. I. Rarefactionis vis, & effectus mirabilis..	ibid.
§. II. Alia rarefactionis exempla.	62

PROTHEORIA IV.

De fluxu aquæ naturali; seu de quarto Hydro-pneumaticarum Machinarum:	
principio.	64
CAPUT I. De Proprietatibus aquæ fluentis liberè..	65

PROPRIETATIS.

I. Aqua tendit ad loca decliviora.	67
II. Aquæ superficies superior, cessante fluxu, sphærica est; reliquæ conforman-	
tur vasis & receptaculis..	ibid.
III. Aquaminus pressa expellitur à magis pressa..	68
IV. Aquæ, & humidi cuiuscunque, pars unaquæque premitur humido supra	
ipsam existente ad perpendiculum, si humidum sit descendens in aliquo, aut:	
ab alio aliquo pressum..	ibid.
V. Aquâ in situ naturali consistente, partes superiores non premunt inferio-	
res..	70
VI. Aquæ:	

E L E N C H U S

VII. Aquæ in situ naturali positæ una pars non expellit alteram. VIII. Non omnes æquæ æquales in magnitudine, sunt æquales pondere. CAPUT II. De Proprietatibus aquæ fluentis per siphones.	71 ibid. 72
PROPOSITIO	
I. Siphonis varias divisiones assignare. II. Siphonis erecti proprietates assignare. III. Siphonis inversi proprietates assignare. IV. Siphonis mixti inæqualium crurum proprietates assignare. V. Siphonis mixti æqualium crurum proprietates assignare. VI. Inversi siphonis, vasi uno crure imposito, proprietates assignare. VII. Causam adsignare, cur quando osculum externi cruris siphonis inversi est altius, aut æquè altum ac aquæ superficies suprema in vase, aqua non fluat; quando vero est demissius, fluat. VIII. Siphonem ad libram seu vectem revocare, & filtrum ad siphonem. IX. Diabetem spiritalem describere, eiusque proprietates adsignare. X. Siphonis inversi fluxum æqualem reddere. XI. Siphone inverso aquam ex uno montis latere in alterum, per verticem, de- ducere. XII. Siphone inverso aquam ex montis radice ad ejus verticem elevare. XIII. Causam assignare, cur in siphone inverso interrupto perpendiculum aquæ descendentis debeat superare perpendiculum aquæ ascendentis. XIV. Causam assignare, cur in Fonte Heronis perpendiculum aquæ descen- dantis debeat esse longius perpendiculo aquæ ascendentis.	ibid. 74 77 81 84 ibid. 88 93 94 96 98 102 104 107 110
CAPUT III. De Proprietatibus aquæ fluentis per tubos.	
PROPOSITIO	
I. Aquadecurrit per tubi verticalis foramen basis, instar columnæ aqueæ, cuius basis æqualis foraminis, altitudo perpendicularis à basi erectæ; sive tubi sint semper pleni, sive non.	111
II. Per tubos tam semper, quam non semper plenos æqualis altitudinis, & æqua- lium foraminum, effluit æqualis aquæ copia, eodem vel æquali tempore, cujuscunque capacitatis & formæ sint tubi.	113
III. Per tubos tam semper, quam non semper plenos æqualium luminum, sed inæqualium altitudinum, effluit eodem, vel æquali tempore, inæqualis aquæ copia.	115
IV. Per tubos semper, & non semper plenos inæqualium luminum, sed æquali- um altitudinum, effluit eodem, vel æquali tempore, inæqualis aquæ copia.	114 ibid.
V. Per	

TITULORUM.

- V. Pertubos æquè altos, & æqualium luminum, non semper plenos, fluit eodem tempore æqualis aquæ copia; sed tantò fluit unus diutius altero, quanto plus aquæ continet unus quam alter. ¹¹⁵
- VI. Per tubos non semper plenos, & non æquè altos, æqualium tamen luminum, eodem vel æquali tempore non fluit æqualis aquæ copia. ^{ibid.}
- VII. Tubis altitudine quadrupedalis, cui pro basis diametro pedis Parisiensis uncia, aquâ semper, plenus, effundit per lumen lineare in basi situm, aquæ libram spatio tredecim minutorum secundorum temporis. ¹¹⁶
- VIII. Aquæ fluentes ex tubis tam semper quam non semper plenis æqualium foraminum, sed inæqualium altitudinum, habent rationem subduplicatam altitudinum tuborum; habentque dicti tubi duplicatam rationem aquarum, quas fundant. ¹¹⁷
- IX. Aqua naturali motu descendens & effluens per tubos, imitatur leges aliorum gravium naturali motu descendientium. ¹²⁰
- X. Velocitates motus aquæ descendantis & effluentis per tubos æqualium foraminum, sed inæqualium altitudinum, habent subduplicatam rationem altitudinum. ¹²⁵
- XI. Causam assignare, cur aquæ fluentes per tubos æqualium luminum, sed inæqualium altitudinum, habeant rationem subduplicatam altitudinum tuborum. ¹²⁶
- XII. Tempora quibus æqualis aquæ quantitas è tubis æqualium luminum, sed inæqualium altitudinum effluit, habent subduplicatam rationem tuborum. ^{ibid.}
- XIII. Si tubi, sive semper pleni, sive non semper pleni, sint ejusdem altitudinis, sed inæqualium foraminum, est eadem ratio aquæ ad aquam, quæ foraminis ad foramen, physicè seu ad sensum. ¹²⁷
- XIV. Tubi non semper pleni æquè alti, & æqualium foraminum; sed inæqualium basium, evacuantur inæqualibus temporibus, estque eadem ratio temporum, quæ basium. ¹²⁹
- XV. Tempora quibus deplentur tubi non semper pleni, æquè lati, sed non æquè alti, per æqualia foramina, sunt in altitudinum ratione subduplicata. ¹³¹
- XVI. Tempora quibus evacuantur tubi non semper pleni similes, & æquales quo ad altitudines & bases, per lumina similia inæqualia, sunt reciprocè, ut lumina. ^{ibid.}
- XVII. Datis altitudine & foramine tubi semper pleni, invenire quantitatem aquæ quam dato tempore effundat; vel, datis iisdem, invenire magnitudinem cisternæ quæ dato tempore repleatur. ¹³²

E L E N C H U S

- XVIII. Datis altitudine & lumine tubi semper pleni, invenire tempus quo datum aquæ quantitatem effundat, sive quo datum cisternam impletat. 135
- XIX. Datis tempore, quantitate aquæ, seu cisterna, & lumine tubi, invenire altitudinem tubi, qui semper plenus cisternam dato tempore repleat. 136
- XX. Dato vase, & foramine per quod effluit aqua, invenire tempus quo evanescatur. 137
- XXI. Dato vase, & tempore, invenire foramen per quod evacuetur tempore dato. 139
- XXII. Altitudinem scaturiginis dati fontis per tubos fluentis invenire. 140
- XXIII. Data alicujus tubi, aut vasis erogatorii altitudine, ac tempore quo determinatam aquæ quantitatem è suo lumine effundit, invenire altitudinem ejusdem aut alterius tubi, qui æquali tempore, per æquale lumen, aliam determinatam aquæ quantitatem effundat. 140
- XXIV. In tubo seu vase semper pleno determinare spatia, quæ temporibus æqualibus sibi succedentibus evanescantur; uti & mensuram seu pondus aquæ quæ effluit. 141

P A R E R G U M C A P I T I S III.

De inventione mediæ, ac tertiar proportionalis quantitatis, in numeris, & lineis.

144.

P R O P O S I T I O

- I. Inter duos numeros medium proportionalem invenire. 145
- II. Datis duobus numeris, tertium continuè proportionalem invenire. ibid.
- III. Inter duas rectas lineas datas invenire tertiam proportionalem. ibid.
- IV. Datis duabus rectis, invenire tertiam proportionalem. 146
- V. Aliter invenire tertiam proportionalem. 147
- VI. Adhuc aliter invenire tertiam proportionalem. ibid.
- VII. Datis tribus numeris invenire quartum proportionalem. 148
- VIII. Datis tribus rectis lineis, quartam proportionalem invenire. ibid.

C A P U T IV.

De proprietatibus aquæ salientis ex tubis.

149

P R O P O S I T I O

- I. Salientum sive ecdromorum horizontalium, & mediorum, super eodem horizonte, longitudines sunt in ratione subduplicata tuborum, ex quibus existunt. 151
- III. Salientes horizontales & mediæ, ejusdem tubi, cù sunt longiores, quò lumen tubi fuerit altius supra horizontem. 153
- III. Sa-

TITULORUM.

- III. Salientes horizontales & mediae, candem longitudinis ratione in servant,
quam altitudines tuborum super eundem horizontem. 154
- IV. Salientium verticalium in quacunque elevatione tubi supra horizontem
semper eadem est altitudo. 155
- V. Saliens verticalis nunquam adaequat alitudinem originis. 156
- VI. Saliens verticalis tubi quadrupedalis proxime aequat quinque sextas tubi sui
partes. ibid.
- VII. Salientes verticales eò sunt longiores, quo tubi sunt longiores; sed non eâ-
dem proportione illæ ac hi crescunt. ibid.
- VIII. Data tubi altitudine, & supra horizontem elevatione, invenire longitudi-
nem salientis horizontalis, & mediae. 157
- IX. Data longitudine salientis horizontalis, aut mediae, invenire altitudinem tu-
bi, cognitâ ejus elevatione supra horizontem. ibid.
- X. Ex nota scaturiginis altitudine fontis unius ex tubo exilientis horizontaliter,
altitudinem scaturiginis cuiuscunque alterius aequaliter supra horizontem
elevati invenire. 158

CAPUT V.

De fluxu aquæ per diversa ejusdem vasis aut tubi foramina. 158

PROPOSITIO

- I. Per foramina aequalia, aequè à summo tubi distantia, sive in base, sive in latere,
æquali tempore aequales fluunt aquarum quantitates. 160
- II. Aquæ è foraminibus aequaliter à summo tubi distantibus recurrentes, sunt in-
ter se ut foramina. ibid.
- III. Aqua per foramina vasis eo impetu seu velocitate decurrit, quo per tubos
æqualium foraminum & altitudinum. 161
- IV. Velocitates aquæ recurrentis per foramina aequalia ejusdem vasis, inæqua-
liter distantia à summo vasis, sunt in subduplicata ratione distantiarum. 162
- V. Aquæ per aequalia foramina inæqualiter à summitate vasis distantia fluentes,
sunt in subduplicata ratione distantiarum. ibid.
- VI. Seco foramine lateralí vasis in partes aequales, à rectis horizontalibus, in-
venire rationes aquarum ex eis fluentium. 163
- VII. Seco foramine lateralí vasis in partes inæquales, à rectis horizontalibus,
reperi rationes aquarum effluentium ex ipsis. 164
- VIII. Datis foraminibus inæqualibus super eadem horizontali, venari rationes
aquarem. ibid.
- IX. Datis foraminibus ejusdem vasis, quorum unum superius, alterum inferius,
inter easdem parallelas perpendicularares, reperi rationes aquarum. 165

ELENCHUS

- X. Datis foraminibus ejusdem vasis, quorum unum superius, alterum inferius,
non inter easdem parallelas, reperire rationes aquarum. ibid.
XI. Dato foramine, & linea horizontali, in aliquo vase, constituere super illa fo-
ramen, è quo æqualis aqua fluat eodem tempore. 166
XII. Dato foramine, & latere alterius in eodem vase, reperire foramen, è quo
æqualis aqua effluat. ibid.
XIII. Dato foramine, reperire aliud æquale in eodem vase, è quo fluat aqua in
ratione data. 167
XIV. Dato foramine, aptare in eodem vase aliud datum sunile, magnitudinis di-
versæ, à quo aqua fluens cum fluente à primo, habeat rationem dataim. 168

CAPUT VI.

- De aëris gravitate, rarefactione, & condensatione. 169
PROPOSITIO
I. Aëris gravitatem invenire. 169
II. Quantum condensari aër possit, invenire. 170
III. Quantum rarefieri aër possit, invenire. 171

PARS II. PRACTICA.

- De fabrica Machinarum Hydro-pneumaticarum ex traditis principiis. 173

CLASSIS PRIMA.

- De variis Hydraulicis atque Pneumaticis Machinis. 176

CAPUT I.

- De Machinis quæ fiunt vi attractiva. ibid.
MACHINA
I. Fonticulus phialæ vitreæ inclusus. 177
II. Siphon inversus interruptus, aquam in determinatam altitudinem elevens.
179. ibid.
III. Fons Cæsareus. 181
IV. Scyphus plenus per fundum effundens liquorem, non plenus retinens. 183
V. Cancer vomitor. 185
VI. Sphaera vitrea Aquifuga. 186
VII. Siphon inversus interruptus, elevans aquam in quamvis altitudinem. ibid.
VIII. Navis Horologa. 188
IX. Siphon inversus horologus. 189
X. Bina

TITULORUM.

X. Bina vasa, quorum unum si aqua infundatur, alterum reddit vinum.	190
C A P U T II.	
De Machinis quæ fiunt vi expulsiva.	191
I. Fons Heronis in vasis immediatis.	192
Item Fonticulus sunilis Fonti Heronis.	194
II. Clepsydra Heroniana.	195
III. Fons Heronis in vasis mediatis: item scyphus ejiciens liquores.	197
IV. Fons novus Polysiphonius.	201
V. Fons perennis, alto in loco aquam è puto profundo subministrans.	203
VI. Antlia, seu Ctesibia Machina.	205
VII. Speculator cornu inflans.	207
VIII. Fonticulus compressione aquam spargens in altum: Baculus item viatorius aquivomus, & Catellus mingens.	208
IX. Phiala vitrea, compressione aquam projiciens in altum.	211
X. Infundibulum pneumatico-hydraulicum, aquam in determinatam altitudinem attollens.	21X
XI. Infundibulum alterum pneumatico-hydraulicum, aquam in quamlibet altitudinem extollens.	213
XII. Fons eadem fistulâ discoloris ejiciens liquores.	214
XIII. Scopetum Æolium seu pneumaticum.	216
XIV. Aliud scopetum Pneumaticum.	217
XV. Sedes Aquivoma.	219
XVI. Heronis vasa quæ vintum pro aqua infusa reddunt: seu Hydriæ Canæ Galilææ.	220
XVII. Hydracontisterium antiquum.	222
XVIII. Hydracontisterium novum.	223

C A P U T III.

De Machinis quæ fiunt rarefactione.

M A C H I N A

I. Pyrobolus fons, incandescentis per ignem aeris vi aquam expellens.	226
II. Fons alius pyrobolus, projectum liquorem convertens in aerem, aut ignem.	
226. Item Meteorologicæ impressiones ignæ.	229
III. Thermoscopium prognosticum Hybernum. 229. & Æstivum.	231
IV. Instrumentum novum, gradus humidi & siccii indicans.	232
V. Cacabus ejiciens, & retrahens eandem aquam.	236
VI. Pilæ Æoliae.	237
VII. Cista Æolia.	238

E L E N C H U S

VIII. Æolus ventum efflans.	239
IX. Memnonia statua, citharæ, & humanæ vocis sonum ad orientem solem edens.	240
X. Memnoniæ aves, voce & motu animatae.	242
XI. Ara aspide adornata, in qua igne posito Isis & Osiris vinum & lac sacrificant aspis verò sibilando applaudit.	244
XII. Valvæ facelli succenso sacrificii igne sponte aperibiles, & extincto clausæ.	
	246.
XIII. Ara Deorum imagines tripudiantes exhibens.	247
XIV. Hydrologium horarum Astronomicarum, seu æqualium.	248
XV. Fonticulus horarius.	249
XVI. Præco horarius, singulis horis cornu inflans.	252

C A P U T IV.

De Machinis quæ sunt naturali lapsu aquæ.	254
M A C H I N A	
I. Clepsydra Kircheriana, quæ fontis instar ejaculatur aquam, & inventa iterum fluit.	254
II. Multimammia Deorum mater, lac ex uberibus promens.	256
III. Rota versatilis, aquam lustrationi necessariam fundens.	257
IV. Cycocephalus Ægyptius ex veretillo aquam fundens, quæ horas æquinoctiales in subjecto vase monstrat.	259
V. Hydrologium horarum antiquarum, seu inæqualium.	261
VI. Hydrologium Bettinianum.	264
VII. Hercules clavâ Draconem percutiens.	265
VIII. Aquila horodiætica.	269
IX. Chorea serpentum aquivomorum.	270
X. Coluber volitans.	271
XI. Nauta Hydro-horologus.	272
XII. Libra hydraulicæ horodiætica.	274
XIII. Hydraulicum horolabium facillimum.	275
XIV. Incubus Hydro-horologus.	276
XV. Hydrologium Magneticum.	277

C A P U T V.

De Machinis quæ habent principium mixtum.	278
M A C H I N A	
I. Avis exspumat à serpente aquam sorbens è cratero.	279
II. Vas hydro-pneumaticum, omnis generis jocos exhibens.	281
III. Triton buccinâ inflatâ cursum fluminum fistens.	285

IV. Tri-

TITULORUM.

- | | | |
|-----|--|-----|
| IV. | Atlas cælum humeris impositum torquens in gyrum. | 289 |
| V. | Lucerna Grünbergeriana. | 290 |
| VI. | Hydrotechnicus tubus, varia ludentis Naturæ spectacula exhibens. | 291 |

CAPUT VI.

De Machinis hydraulicis variis.	299	
MACHINA		
I.	Sphæra in aëre suspensa, ac circa suum centrum mota.	300
II.	Cribrum Vestalis virginis.	303
III.	Tubus vitreus, aquam perpetuò incorruptam conservans.	304
IV.	Phœnix hydro-botanica.	ibid.
V.	Phiala tabaci fumum refrigerans.	305
VI.	Torricelli & Berti tubus vacuo vacuus.	306
VII.	Hydropota varij coloris ac saporis aquam expuens.	310
VIII.	Palingenesia Cæsarea.	313
IX.	Vas eodem ore vinum & aquam, calidam & frigidam, hauriens ac fundens.	315
X.	Prochytæ Heronis Alexandrini male constructa.	317
XI.	Libra hydrostatica mirabilis.	318
XII.	Canopus Ägyptiacus.	320
XIII.	Lamina plumbea plana, aquis innatans.	321
XIV.	Anemoscopium commune.	ibid.
XV.	Anemoscopium Kircherianum.	323
Epilogus Classis primæ, ubi nonnulla de fontibus Romanis, ac Tusculanis, alioque.		
	325	

CLASSIS SECUNDA.

De Machinis motum perpetuum æmulantibus.	329	
PROLUSIO. De motu perpetui arte procurati impossibilitate.	ibid.	
MACHINA		
I.	Cochlea Archimedea motum perpetuum æmulans.	336
II.	Tubus spiralis in plano, aquam attollens, & motum perpetuum æmulans.	341
III.	Horarium hydraulicum, motum perpetuum adumbrans.	346
IV.	Kircheriana Machinula, motus perpetui rarefactionis & condensationis specimen exhibens.	351
V.	Fonticulus motum perpetuum vi rarefactionis & condensationis aëris e- mentitus.	353
VI.	Ho-	

ELENCHUS

VI. Horoscopium Hydropneumato-Magneticum, quo sphæra Magnetica in medio liquorum librata perpetuò circumducitur, ad monstrandas ho- ras, circulos cœlestes, totiusque Astrolabij mysteria.	354
VII. Machinamentum aliud hydro-pneumatico-magneticum, perpetuans mo- tum per ventum.	357
VIII. Ctesibica Machina perpetui motus æmula.	360
IX. Catena perpetuò mobilis in gyrum hydrostaticâ arte, ut putabatur.	362
X. Situlæ automatæ, spontaneo atque perpetuo motu aquam haurientes.	365
XI. Funigiana industria perpetuo motu situlæ unicæ è puteis aquam hauriens. 368	
XII. Perennis fontium ac fluviorum in Terraqua circulatio.	371
XIII. Gnomon Scheinerianus in centro mundi.	374
XIV. Mobile perpetuum Chymico-hydraulicum.	376
ANNOTATIO II. De Motu perpetuo quem Drebellius & alij adumbrarunt.	
377	
ANNOTATIO III. De motu perpetuo quem Boëklerus promittit.	379
ANNOTATIO IV. De motu perpetuo quem D. Harstorfferus excogitavit.	381

CLASSIS TERTIA.

De Organis hydraulicis, aliisque instrumentis harmonicis hydropneuma- ticis.	383
MACHINA I. Organum hydraulicum automatum & autophonum.	384
PRAGMATIA I. Cameras Æolias fabricari, ad ventum organo hydraulico subministrandum.	ibid.
PRAGMATIA II. Secundus modus Æolias cameras fabricandi.	386
PRAGMATIA III. Tertius modus Æolias cameras construendi.	387
PRAGMATIA IV. Ventum per folles perpetuum producere in ordine ad Organæ hydraulicæ.	388
PRAGMATIA V. Folles aliter inflare ad instrumenta chordophona sive fidicina incitanda.	389
PRAGMATIA VI. Cylindrum phonotacticum construere,	390
§. I. Cylindrum phonotacticum harmonice delineare.	ibid.
§. II. Cantilenam in Cylindrum phonotacticum harmonice delineatum transferre.	ibid.
§. III. Dentibus Cylindrum phonotacticum instruere.	397
§. IV. Plures cantilenas in eundem cylindrum transferre.	399
§. V. Cantilenas syncopatas, & b molli signatas, ut & semitonias, in cylin- drum phonotacticum transferre.	400
§. VI. Minimi valoris notas cylindro phonotactico inserere.	401
	406

PRA-

PRAGMATIA VII.	Cylindrum phonotacticum in gyrum movere.	407
PRAGMATIA VIII.	Organum hydraulicum automatum atque antophōnum fabricare.	408
MACHINA II.	Organum hydraulicum Vitruvianum.	409
MACHINA III.	Cuculus cantans, atque tripudians.	414
MACHINA IV.	Gallus cantans & alas quatiens.	414
MACHINA V.	Diversæ volucres garrientes, ac se moventes.	417
MACHINA VI.	Pan Octaulum inflans, Nympha Echo reflans.	418
MACHINA VII.	Cyclopes automati Musicam Pythagoricam exhibentes.	
	420.	
MACHINA VIII.	Clavicymbalum automatum, omissis generis instrumentorum fidibus instrutorum symphoniam exhibens.	432
MACHINA IX.	Automatum Kircherianum, omissis generis instrumentorum symphoniam exhibens.	436
MACHINA X.	Cistapneumato-harmonica antophōna, solo vento harmoniosum sonum edens.	438

EXPERIMENTUM NOVUM MAGDEBURGICUM.

§. I.	Experimentum quomodo fiat.	445
§. II.	Experimento jam invento quænam de novo addita Herbipoli.	447
§. III.	Argumenta ad stabiliendum vacuum ex hoc Experimento suumpta.	449
§. IV.	Argumenta ad evertendum vacuum ex eodem Experimento deproposita.	450
§. V.	P. Athanasii Kircheri de novo Experimento judicium.	452
§. VI.	Litteræ Auctoris Experimenti, ejusdemque ad varia quaestia responsio.	453.
§. VII.	Eiusdem Authoris responsio ad nostrum quæsitus.	450
§. VIII.	P. Nicolai Zucchii è Societate Jesu de novo Experimento judicium.	463.
§. IX.	P. Melchioris Cornæi è Societate Jesu de eodem Experimento judicium.	465



MECHANICAM HYDRAU- LICAM

Odarion Encomiaстicon.

CEdat superbas Amphitryonides
Palmas Minervæ. Vis jacet: Artium

Tropæa clarent. Cuncta nutus:

Jam Domine venerantur Artis..

Non ille nostri temporis Hercules,

Qui frangit armis cornua fluminum,

Dum cana seclorum senectus:

Ingeniis animisque floret.

Quid? ergo Reges nè furor incitet:

Vincire Pontum. Nil nisi fabulam:

Seris propinabit nepotum:

Fastus Achæmenidæ cachinnis..

Risere stultas æquora compedes

Manare ritu: certa suo, licet:

Ringatur & flagro rebelles:

Mulctet aquæ malefanus iras:

Insanientis quid Dominum inæ:

Tangunt proteruum marmor? Herus jubet?

Surdescit, & plaudente fluctu:

Ludificat pelagus Tyrannum..

At non & Artem. vis Acheloia

Impunè ludet.. Capta suis Aqua

Technis tenetur, liberosque

Victa jocos, patiturque risus..

Et

Et quas domando non potuit mari:
Sevum fremiscens ardor adores,
Has lenè solers Machinator
Præripuit meliore nisu.
Spectare gestin? en tibi panditur
Hoc scena libro, quā strepitū procul,
Quæ dulce sit spētasse, spēctes,
Quæque juvet didicisse; discas,
Quām fœderatum non violabilis
Lex nebat orbem; si qua pericula
Vexent, ut imis summa, raris
Densa, levi grave det salutem;
Quò pondus cuncta twergat, et aëris;
Quod pellat, aut quod corpora jus trahat;
Cur iste gurges ruget cunctas,
Quas avido bibit ales ore;
Quid mille lassus, mille jocos aquæ
Eundet, docebit S C H O T T V S Hydraulica;
Consultus artis, doctus idem
Ingenium fluitantis auræ.
Non ille nomen fluctibus apprimat,
Quod turbet Auster, dignus aheneis
Scribi columnis, quæ nec ævi
Dente, nec invidiae terantur.

L.G. S. J.

MONI-

MONITIO AD LECTOREM.

Opusculum hoc Appendice exceptâ Romæ
conscriptum, ac prælo præparatum fuit;
ideo in eo passim ita loquitur Auctor,
quasi Romæ adhuc degeret. Vale, & nè
quid te moretur, errores paucos in calce
Libri notatos, priùs corrige.

I.G.2.

ANONYMO



MECHANICA
HYDRAULICO-PNEVMATICA,
P R A E L O Q V I V M
AD LECTOREM;
De Operis Occasione, Divisione,
Inscriptione: deque Hydraulicorum,
& Pneumaticorum Scripto-
ribus.

OCCASIO OPERIS.

Nagiam Naturalem conscribere ani- Magia Na-
mus mihi est, benevole Lector, è Viri turalis Au-
Doctissimi, totoque orbe notissimi Atha-
nasij Kircheri Libris, quà typò excusis,
quà exaratis manu collectam; atque ex omnibus eius-
dem Adversariis ac Schediasmatis, quæ penes me
sunt; nec non ex alijs probatorum Auctorum monu-
mentis, nostrisque inventis, fide summâ, parique studio
concinnatam, propriisque & aliorum experimentis
stabilitam: illam inquam Magiam Naturalem, cuius
A in Ca-

PRÆLOQVIVM

in Catalogo Librorum posthac à predicto Doctissimo
Auctore edendorum Magnetice Arti denuò hic Ro-
ma nuper editæ apposito feci mentionem. Spartam,
hanc ab ipso Auctore mihi commissam præ alijs assum-
psi excolendam, quoniam præterquam quod omnium
ab ipso conscriptorum librorum, seu prælo commissorū,
seu in Adversaria coniectorum, copiam habeo, quo-
tidianâ eiusdem utrō consuetudine, utpote in re litte-
rariâ socius; cuius proinde sententiam aut minus
intellectam, aut brevius subinde explicatam, exquire-
re nullo negotio possum. Opus erit ingens, multiq; la-
boris ac studij, nec minus reconditâ rerum cùm natu-
ralium, tūm arte factarum refertum scientiâ. Habe-
bis in eo varia, curiosa, exotica admirandorum effe-
ctuum spectacula, reconditarūmque inventionum mi-
racula, & quæ meritò censemuntur magica; ab omni-
tamen imposturâ, & illicitæ artis suspicione aliena.
Habebis Magiam Arithmeticam; at non vulgarem:
Habebis Geometricam; at paucis perviam: Habebis
Astronomicam; at penitus abstrusam invenies Ma-
giam Magneticam, Gnomonicam, Staticam, Opti-
cam, Dioptricam, Catoptricam, Hydraulicam, Pnev-
maticam,

AD LECTOREM.

3

maticam, Pyrobolicam, Harmonicā, Phonocamppticā
Anacāpticā, Anaclasticam, Physiognomicā, Mechanicam,
Sympathicam, Steganologicam, Cryptographicam,
Divinatoriam, Cabalicam, Hieroglyphicam, Sacram.
Miraberis in eodem Opere secreta Animalium, Herbarum, Plantarum, Lapidum, aliarūmque rerum, per variam activorum cum passivis applicationem, virtutum occultarum combinationem, Naturæ & Artis connubium, Paronymphâ Experienciam. Ideam aliquam in fine huius Operis invenies.

Quoniam verò Opus, ut dixi, vastum erit, multique laboris ac studij, nec nisi subcisisvis horis, quas ordinariis occupationibus subtrahere licebit, perficiendum; opera pretium me facturum, gratumque Republicæ Litterariae existimavi, si qua paulatim elaborasssem, per partes protruderem. Ab Hydraulicis igitur atque Pneumaticis initium sumere decrevi, idque non tam meā, quam aliorum voluntate. Scribendi occasio hæc fuit. Est in supradicti Doctissimi Auctoris Museo sanè celeberrimo, frequentatissimōque (quod brevitypis evulgabimus) non exigua Hydraulicarū ac Pneumaticarum Machinarum copia, quas sum-

Museum
Kircheria
num.

PRÆLOQVIVM

mà animi voluptate spectant atque mirantur ij, qui ex omnibus Urbis & Orbis partibus ad ipsum visendum accurrunt Viri Principes ac Litterati, avidè que scire desiderant, & Machinarum constructarum rationes, & machinalium motionum causas. Horum desiderio ut satisfacerem, omnium dicti Musej Machinarum fabricam & quasi anatomiam edocere, aut alicubi jam ab ipso Auctore edoctam enarrare, brevi opusculo aggressus sum. Quod dum faciebam, tam multa ejusdē argumenti animo calamóq; occurabant, quæ alibi videram, legeram, excogitaveram ipse, nec vulgaria, nec injucunda, ut difficilius mihi fuerit sistere, quam prosequi inceptum cursum; nec minor in non scribendo, quam in scribendo labor subeundus: multoque plura fuerunt omittenda, quam charta committenda, ut sumptibus & tempori parceretur.

OPERIS DIVISIO.

Divisio Operis præsentis bipartita.

Cùm verò ut in aliis scientiis & artibus, ita in Hydraulicis atque Pneumaticis, vel maximè Praxis & Theoria conjunctionem ita ambiant, ut una si alteram destituat, merito utraque cadat; & nec sola Praxis suam sine Theoria obtinet existimationem, nec sine Praxi sola suam Theoria; utramq; coniungendam putavi; præfertim cùm vix ullum id habetens factitasse videam, tuque mecum perspicies, Lector, si evolves,

AD LECTOREM.

5

quotquot de Aquaticis ac Spiritalibus quoquo modo tractarūt
Auctores, quorum Elenchum postea dabimus. Plerique enim
nudam duntaxat tradunt Praxin, non perscriptis, ac nē indi-
catis quidem operandi principijs seu fundamentis, quæ vel igno-
rarunt ipsi, vel alijs inviderunt: quò fit, ut alijs sepe errandi
præbeant occasionem, & ipsi nō raro pudendos committant erro-
res, vel tunc etiam, cùm aliorum errores detegere atque corri-
gere præsumptuosius attentant. In duas igitur partes Opus to-
tum dividimus. In prima theoriam damus ad omnis generis
Machinas Hydraulicas, Pneumaticas, & Mixtas ex Vtris-
que construendas facilitate summā, successu infallibili. In se-
cunda fabricam docemus, & proxim exhibemus innumerarum
Machinarum, seu purè Hydraulicarum, seu purè
Pneumaticarum, seu Hydro-pneumaticarum, hoc est, ex v-
trisque Mixtarum, ex traditis principijs constructarum, con-
struendarumvè, ad hortorum delicias, domorumque utilita-
tes, commoditates, ornamenta, virorum præsertim Principum,
qui magis oculorum inde, animique oblectamentum, quam rei
familiaris questum exspectant. Nec oculos tantum modò pa-
scere sat agimus; auribus etiam sua paramus delinimenta, &
variaque Organa atque Instrumenta automata, & autophona,
solo aquarum lapsu, aërisque allapsu, in motum ac sonum con-
citamus, non minori facilitate, quam arte. Et quoniam in-
credibilis est hodie, si unquam alias, nescio an manuum, an ve-
rò ingeniorum pruritus, motum, quem vocant perpetuum (quem
tot modis ac vijs nō pauci hactenus quæsiverunt, sed frustrà, per-
ennis quietis potius quam motionis Architecti) reapse exhibendi,

motus per-
petui effi-
ciendi pru-
ritus mul-
torum.

A 3

& Mun-

Et Mundo iam dudum eius exæstuantि desiderio obtrudendi; multique putant, non alijs facilius Machinus quam hydraulici in opus deduci id posse; in unum collegi refutavique, quotquot videre, audire, legere potui aliorum artificia, qui eā in re se aliquid præstitisse putarunt, aut præstari posse sibi persuaserunt; ut visâ alieni conatus vanitate, curiosus Lector judicium ferre de alijs queat, & à simili vano labore sibi temperet. Tres igitur Classes habebit Pars secunda Operis.

OPERIS INSCRIPTIO.

Inscriptio
operis pre-
sentis,

Aquaticæ
Machinæ
triplicis sunt
generis.

Tractoria.

Hydrauli-
ca.

Mechanicam porrò Hydraulico-pneumaticam vocamus hoc Opus; & Machinas Hydro pneumaticas, seu Hydraulico-pneumaticas, quas in eodem producimus, appellamus, quod pleraque tales sint, taliumque tradantur in prima Operis parte principia ac regulæ; Hydraulico-pneumaticas, inquam, quasi dicas, Aquatico-Spirituales, hoc est, aqua & spiritu seu aere animatas. Aquaticæ etenim Machinae, hauriendis è profundo, deducendis per planitatem, educendis in altum per fistulas ac tubos (aviles Græci appellant) aquis excogitatae, triplicis sunt generis. Aliæ iumentorum, hominum, ponderum ope, rotis variè inter se implicatis, moventur; cuiusmodi sunt tympana, antliae, cochleæ, tollenones, similiaque, quæ Vitruvius producit libro 10. Capite 9, 10, 11, 13, & 14. alijque Auctores multi ad nauem usque confarinatis libris inculcant. Aliæ solo aquarum lapsu fontes exhibent amoenissimos, & aquas per siphones tubosque variè configuratos protrusas nunc expandunt in subtilissimum lucidissimumque velum, nunc diffundunt in radios, figura-

AD LECTOREM.

7

figurant in stellas, effingunt in flores, extendunt in iacula, cri-
spant in pluvias, congregant in grandines, summâ oculorum
voluptate, ut passim in urbanis ac suburbanis Romæ vide-
mus hortis.

Aliæ denique inclusi intrusive æris violentiâ eiaculan- Hydrauli-
co-pneu-
maticæ.
tur in altum aquas, inflant tibias, tubasque, volucrum ani-
maliumque aliorum imitantur motum ac Cantum, aliaque præ-
stant tam mira atque exotica, vix ut ab humano ingenio præ-
stari posse videantur. Eius generis fuit apud Cornelium Seve-
rum in Ætna Triton, qui aquarum assultu auram concipiebat,
ac per buccinam ori admotam vocem edebat, sive ut ait Poëta,
irriguum Carmen. Tales etiam sunt, quas magno numero, nec
minori ingenio prodit Hero in suo de Spiritalibus libello Machi-
nas, ab antiquis (quos Ægyptios interpretatur Kircherus in
Mechanica Ægyptiaca tom. 2. Oedipi parte 2.) excogitatas:
cuiusmodi sunt statuae ad aras vinum & lac sacrificantes, va-
sa melancoryphi vocem edentia, Syringæ mentientes vocem a-
vicularum multarum per ordinem dispositarum, quibus assidet
noctua, quæ sua sponte ad aviculas conversa eas terret, &
à cantu absterret; aliæque multæ. Tales denique, quas toto hoc
Opere magno numero producimus.

Primi generis Machinas appellamus nos cum alijs Tracto-
rias: & de illis non agimus hoc Opere; pertinent enim ad illam
Mechanicæ partem, quæ vi ponderū atque rotarum suas perficit
operationes, & sine ipsis principijs nec tradi, nec ab alijs
percipi possunt: quare Magia nostræ Mechanicæ eas reserva-
mus. Secundi generis Machinas appellamus Hydraulicas.

Tertij

PRÆLOQVIVM

Tertij denique generis Hydraulicо-pneumaticas. Quoniam igitur pleraque Machinæ, quas producimus, huiusmodi sunt, Machinæ huius Ope hoc est, aquæ & aëris subsidio constructæ; ideo Hydraulicо-pneumaticas, ut dicebam, appellamus hoc Opere traditas lico-pnev. Machinas. Dico, plerasque aquæ & aëris subsidio esse constructas; non omnes: sunt enim & purè hydraulicæ multæ, & purè pneumaticæ non paucæ; imò nonnullæ, quæ licet aquæ auxilio fiant, hydraulicæ tamen propriè ac rigorosè, juxta sensum expositum, censeri non possunt, ut videbis in Operis decursu, & ex Machinarum indice apparebit.

SCRIPTORES HYDRAVLICORVM, ET PNEUMATICORVM.

Scripores quod attinet, qui de Hydraulicis, Pneumaticis-que quoquo modo scripserunt, & ad manus meas pervenerunt, sunt sequentes, Alphabeti ordine. Archimedes, Athanasius Kircherus, Augustinus Ramellus, Benedictus Castellus, Daniel Lipstorpius, Daniel Schvventerus, Evangelista Torricellus, Galilæus Galilæi, Gaspar Ens, Georgius Agricola, Georgius Philippus Harstorfferus, Georgius Valla, Hero Alexandrinus, Hieronymus Cardanus, Iacobus Besson, Ioannes Baptista Porta, Ioannes Baptista Balianus, Ioannes Baptista Aleottus, Ioannes Iacobus Weckerus, Ioannes Leurechon, Iosephus Ceredus, Ioannes Branca, Marinus Ghetaldus, Marinus Mersennus, Marius Bettinus, Nicolaus Cabæus, Petrus Herigonius, Raphaël Magiottus, Robertus Valturius, Robertus

AD LECTOREM.

tus à Fluctibus, Salomon Caus, Simon Stevinus, Theodorus Muretus, Vassor Arabs, Vitruvius, eiusque Commentatores, vt Philander, Barbarus, Cæsarinus, alijque. Hæc Auctorum nomina.

Ex his Archimedes duos prescripsit libros περὶ λᾶν ὀχυέρων, Archimedes.
hoc est, de Insidentibus in humido, ex quibus pauca nostro inserviunt proposito. Athanasius Kircherus Societ. Jesu multa Kircherus.
passim hydraulicia atque pneumatica machinamenta inserit suis doctissimis libris, præsertim de Arte Magnetica, de Lumine & Umbra, de Consono & Dissono, ac novissimè suo incomparabili de Ægyptiorum hieroglyphicis Operi, quem Oedipum Ægyptiacum inscripsit: multa quoque inter eius Manuscripta reperi, multaque oretenus ab eodem percepit. Augustinus Ramellus.
mellus ingens scripsit Opus de Machinis Italico & Gallico idiomate, interque illas ingentem habet copiam Antliarum diversis modis constructarum, aliasque nonnullas praxes ad elevandas aquas; sed omnes tractoriae sunt Machinae ad primum pertinentes genus. Benedictus Castellus, olim Mathematicus Pon- Castellus.
tificius, libellum composuit Italico idiomate de aqua currente, sed per alveos, aqueductus, & tubos inclinatos; quæ proinde ad nos non pertinent. Daniel Lipstorius Lubecensis Lipstorius.
edidit Specimina Philosophiae Cartesianæ, in cuius parte 3. c. 3. multas adducit Machinas hydraulico-pneumaticas, easque explicat ex Cartesij principijs. Daniel Schrövenerus, & Georgius Philippus Harstorferus Norimbergensis Patritius, in Delicijs Mathematicis multas afferunt, easque incundissimas Multas etiam in Machinas hydraulicas, & pneumaticas. Thau-

PRÆLOQVIVM

Galparius Thaumaturgo suo Mathematico adducit ex alijs Gaspar Ens;
 Wecker. vt & Weckerus in suis Secretis nonnullas ex Cardano desum-
 Cardanus. ptas, quas dictus Cardanus inserit suis de subtilitate libris. E-
 Torricell. vangelista Torricellus, Magni Hetrurie Ducus Mathematicus,
 & Benedicti Castelli discipulus, scripsit libros 3. de Motu
 projectorum; quorum secundo interserit nonnulla de motu a-
 quarum per tubos, sed quam subtilia, tam parum ad praxin v-
 tilia, vt ipsem fatetur. Galilaeus Galilæi edidit Archimedem
 redi virvū, quem ex latino Italicū fecit Ioānes Baptista Hodierna
 Siculus, Vir rerum Astronomicarum apprimè gnarus, & side-
 rum, adeoque Naturæ totius scrutator indefessus, amicusque
 sincerissimus. Opusculum est ad Hydrostaticam pertinens;
 Ghetaldus. quale etiam est Archimedes promotus Marini Ghetaldi; vt &
 Stevinus. quæ habet Simon Stevinus; ideoque nobis nullam hic suppetunt
 materiam. Georgius Agricola libro 6. de rebus metallicis in-
 serit nonnullas Machinas hydraulicas, nonnullas Robertus
 Valturius, suis de Militia libris, nonnullas Iacobus Besson Del-
 phinas suo de Instrumentis Mathematicis ac Mechanicis tracta-
 tui; sed omnes sunt tractoriae, & alienæ à nostro instituto. Ge-
 orgius Valla Placentinus libro 15. Expetendorum & fugiendo-
 rum, qui est sextus Geometriæ, seu Spiritalium vnicus, multas
 habet Machinas Spiritales, sed ad unam omnes ex Herone Ale-
 xandrino decerptas, nè nominato quidem Herone. Habebat
 vir bonus, vt Iosephus Ceredus testatur, Heronis librum græ-
 cum de Spiritalibus, nondum tunc à Federico Commandino,
 aliove Latinitati donatum, putabatque securè atque impunè se
 posse in alienam messem mittere falcam suam.

Hero

AD LECTOREM.

ii

*Hero Alexandrinus Auctor antiquus, græcè edidit libel-
lum de Spiritalibus, in quo quæ ab antiquis (quos Ægyptios
interpretatur Kircherus, vt suprà dicebam) tradita in illo ge-
nere fuere, in ordinem redegit; & quæ ipse met invenit, expo-
suit: quæ quidem omnia pulcherrima sunt, & ingenio plena.
Idem Auctor ait se quatuor libros conscripsisse de aquaticis horo-
scopijs; quos tamen temporum iniquitas nobis invidit. De-
scribit autem Hero nudam praxim, nec vllibi præcepta & regu-
las tradit, nisi quòd in principio de vacuo agat; ideoque &
ipse subinde errat, (si tamen ipsius, & non Interpretis sunt er-
rores) & alios in errorem inducit; nec omnia quæ promittit,
effectum sortiuntur. Est nihilominus ipse de Republica litteraria
egregiè meritus, & unicus qui ex antiquis de rebus hydraulicis
& pneumaticis sua ad nos monumenta transmisit. Reperies
in hoc Opere nostro nonnullas ex ipso desumptas Machinas; quæ
ideo adducimus, quòd aliquæ indigent correctione, vt pote false:
aliquæ explicatione, vt pote obscurius traditæ; aliquæ excusa-
tione ac defensione, vt pote sinistrâ ab alijs censurâ notatae; aliæ
commendatione, vt pote nostrarum ectypa; aliæ denique ad-
miratione, vt pote ingenio plenissimæ. Heronem Latinum fe-
cit Federicus Commandinus Vrbinas; Italicum Joannes Ba-
ptista Aleottus, qui & in fine addidit quinque Problemata no-
va, sanè jucundissima, pariterque ingeniosa.*

*Hero Ale-
xandrinus
nudā pra-
xīn hydrau-
lico-pnev-
maticarū
Machina-
rum tradic-*

*Eius Ma-
chinæ nō-
nullæ qua-
re in hoc
Opere ad-
ducantur.*

Aleottus,

*Ioannes Baptista Porta Neapolitanus tres latinè scripsit
egregios libellos de Spiritalibus, qui tamen pessimum nacti sunt
Interpretem Joannem Escripanum Hispanum, qui eos Italicè
atque Hispanicè vertit; sed cum Italicam linguam non calleret,*

PRÆLOQVIVM

mirum est, quām barbarum & ubique, quām obscurum, quām mutilum reddiderit optimum Auditorem. Addidit nonnulla de suo, oretenus à Porta, sed male intellecta, & peius prescripta, itaque alienis permixta, ut discerni nequeant, nisi cum genuino comparentur partu. Tradit Porta Spiritalium principia, tradit machinamenta multa; utraque longis experimentis, nec sine expensis confirmata. Huic ego primas inter omnes Spiritalium Scriptores dandas censeo. Latinum exemplar Neapoli impressum Anno 1601. innumeris scatet erroribus typographicis, qui sensum saepe prorsus pervertunt. Idem Author lib. 18. & 19. Magiae Naturalis multas alias habet Machinas Hydraulicas & Pneumaticas.

Balianus.

Joannes Baptista Balianus Patritius Genuensis, scripsit libros sex de motu naturali gravium & liquidorum, quorum tres ultimi sunt de liquidorum fluxu per canales & foramina; è quorum ultimo nonnulla in Protheoriam nostram quartam derivavimus.

Leurechon

P. Ioannes Leurechon è Societate nostra, Lotharingus scripsit gallico idiomate, tacito nomine suo, Recreatio-nes Mathematicas; quas deinde germanicas fecit Daniel

Ceredus.

Schroenter, latinas verò Gaspar Ens. Iosephus Ceredus, Medicus Placentinus, scripsit tres egregios discursus de Cochlear Archimedæ compositione & utilitate, ad elevandas magnâ quantitate ac facilitate aquas.

Branca.

Ioannes Branca civis Romanus, & Architectus Lauretanæ domus, librum scripsit Italico ac Latino sermone de Machinis, quas inter multæ sunt hydraulicæ, & nonnullæ hydro-pneumaticæ, at pleræque false, & hydro-pneumaticis principijs contrarie. Marinus Mersennus

Mersennus

scripsit

scripsit Phœnomena hydraulica & pneumatica, multasque experientias à se in illa materia factas, ex quibus multa ducit doctissimaq; Theoremat a tque Problemata; & nos nonnulla ex ipso inseruimus quartæ nostræ Protheoriæ. Nicolans Cabæus ^{Cabæus.} Commentarijs suis in Aristotelis Meteora, nonnulla habet hydraulic: nonnulla Marius Bettinus in Apiarijs Mathematicis ^{Bettinus.} Apiario 4. Progymnas. I. Nonnulla denique Petrus Herigonius to. 3. Cursus Mathematici tract. de Mechanica. Raphael Magiottus, Mathematicus Excellentissimus, Opusculum scripsit Italicum de aquæ Renitentia compressioni; in quo tradit Experimentum novum, quod nos adducimus Part. 2. Classe I. cap. 5. Machina 6. Robertus à Fluctibus in sua Philosophia Mosaica alijsq; Operibus, multas passim interserit Machinas, a- ^{Robertus à Fluctibus.} liâ occasione. Salomon à Caus scripsit Gallico idiomate libros tres ^{Salomon à Caus.} de hydraulicis, quos ipse de viribus motricibus intitulat: Opus est egregium, in eoque theoria aliqualiter cum praxi conjungitur. Theodorus Muretus, è Societate SV, in Pragensi Universitate Mathematicæ Professor, edidit Problema Mathematicum de Fontibus. Vitruvius lib. 8. Architecturæ cap. 6. & 7. agit de perductionib; & librationib; aquarum, & instrumentis ad hunc usum; & libro 10. varia habet instrumenta hydraulic, at pleraque tractoria. Vassor Arabs habet varias ^{Vassor Arabs.} praxes Spiritales ad aquas in altum educendas: Liber est Manuscriptus, latinus, quem reperi inter libros P. Athanasij Kircheri, at mutilum, & sine figuris necessarijs: Suspicio esse fragmentum Scriptoris cuiusdam Græci antiqui, à Vassore in Arabicam, ab alio in Latinam linguam translatum. Edidit

14 PRÆLOQVIVM AD LECTOREM.

sem vñacum hoc Opere, si opere pretium me facturum judicas-
sem.

Hi sunt Auctores, qui de Hydraulicis atque pnevmati-
cis scripsierunt, seu ex professo, seu incidenter. Ex quibus ta-
men, si Kircherum, Portam, Mersennum, aliosque nonnullos
excipias, pauci nostrum triverunt iter, & vix ullus theoriam
cum praxi conjunxit; quod nos facimus. Aliorum Auctorum
nomina, qui vnam aut alteram Machinam suis interserue-
runt Operibus, proferemus suis locis: Cuiusmodi sunt Oron-
Fineus. tius Fineus, & Bonaventura Cavallerius, eximius vterque
Cavalleri. Mathematicus; quorum ille in fine tractatus de Horologijs
vnicam habet hydraulicam Machinam; hic alteram in fine
Exercitationis sextæ Geometricæ; quarum utram-
que nos infrà Parte 2, afferimus.



ME-



15

MECHANICÆ HYDRAVLI-
CO-PNEUMATICÆ
PARS PRIMA
THEORETICA,
De Machinarum Hydraulico-
pneumaticarum principijs,
seu fundamentis.

PROœMIVM.

QUATUOR reperio Machinarum Hydraulico-pneumaticarum principia, quibus ab Arte animantur in motum, illósque præstant effectus, quos tantâ voluptate miramur quotidie, tantâ passim experimur utilitate. Primum est vis Attractiva, ad vacuum vel fu-
giendum, vel replendum; quâ vi Aqua, elementum, Principia
machinarū
Hydrau-
lico-pnev-
maticarū
quatuor.
I. Attracti-
va vis ad
vacuum e-
vitandū,
alio-

alioquin grave, iners, lento, & humirepens, tracta
accurrit non invita, ut videtur, suaque oblita natura
in sublime nititur, tripudiantis similis, vacui vel reple-

II. Expulsiva vis ad corporum penetrati-
one in fu-
giendam: di, vel impediendi causâ. Alterum est vis Expul-
siva, ad corporum penetrationem fugiendam; quâ vi
eadem Aqua, dum aëri alterivé corpori validè in-
cumbentice dere cogitur hospitio, expulsa fugam prori-
pit eò celeriorem, excelsiorémque, quo vehementiori-

III. Rarefa-
ctio & con-
densatio,
aquam vel refactiva; quâ obfessum elementum in tantas subin-
expellens,
vel attra-
hens. bus se stimulis agitatam senserit. Tertium est vis Ra-
de redigitur angustias, ut dum sese, quâ data porta,
vel subducit, vel ingerit, alas induisse videatur, abje-

IV. Gravi-
tas aquæ
æquilibri-
um affec-
tantis. ctis gravitatis propriæ compedibus. Quartum de-
nique est gravitas Aqua naturalis, ad decliviora loca
tendentis, & æquilibrium affectantis; qua gravitas
non raro (quod mirere) in altum attollit ipsam, quam
paulò antè depresso at in profundum.

Hac quatuor principia qui applicare ritè nove-
rit, quaslibet ingeniosas Machinas, ad Naturæ nescio
an emulacionem, an invidiam fabricari poterit, faci-
litate summâ, successu infallibili; cum nulla Machina
hydraulica, aut pneumatica, aut ex utrisque mixta

ad-

ad signari possit, qua non aliquâ harum facultatum instituatur. Imò multis parasangis Naturæ superabit conatus ideo texuitus. Natura etenim non nisi uno motu principio aquas terrâ ejicit, atq; in fontes efformat, naturali videlicet fluxu aquæ descendētis primū, ac deinde ascendentis: at verò Ars non uno, sed multiplici, ut dixi, scilicet suctu seu attractione, pressione, dilatatione, præcipitatione: queis artibus, vel potius stragematis, in valles, in montes, in hortos, in domos deducit, non fontes tantummodo, sed machinamenta alia varia, jucunda, ac prorsus unctionata, aliorum vel necessitati, vel utilitati, vel delectationi: Verissimum quippe est illud Antiphontis, τέχνη γάρ κελέμεν, ἐν φύσει νικεῖ μεδα. At hæc ipsa quatuor hydro-pneumaticarum, Machinarum principia seu fundamenta, antequam ulterius progrediamur, paulò fusiùs explicare libet, ut securius deinde in praxi procedamus.

Ars vincit
Naturam
infantibus
producen-
dis.



PROTHEORIA PRIMA

De vi attractiva Corporum, ad vacuum vel replendum, vel fugiendum: seu de primo Machinarum hydro-pneumaticarum principio.

Vacuum Philosopherum alij admittunt, alij respun-

Vacuum appellat vulgus quodlibet vas, aut locum, in quo nullum cernunt visibile corpus, etiam si aere sint plena. At Philosophi *Vacuum* definunt *locum nullo repletum corpore*. Hoc posterius, quod solū *vacuum* nomen meretur propriè, non tam *invisum Naturæ est visum* Democrito, Leucippo, Epicuro, alijsque, ut eliminandum penitus censuerint è rerum *ensem*. Alij verò plerique Philosophi cum Stagyrita suo adeo *Naturæ adversum*, adeo perniciolum existimant *Vacuum*, ut ad evitandum ipsum dicant, eandem *Naturā nullū non movere lapidē, & omnia fusq; de quæ vertere corpora, ipsaque permiscere elementa*. Qui de hydraulicis, pneumaticisque tractant Machinis, *vnanimi consensu* fatentur omnes (si Lipstorpium eum Cartesio suo excipias) vim attractivam, quam in Machinis nonnullis apertissimè elucidere videmus, alienum de non provenire, nisi quod Aqua, & Aér, *Naturæ obsecundatur*, accurant tracti seu sponte, seu invitè, vel ad replendum vacuum quod oderunt, vel ad impediendum quod timent. Vtrage igitur sententia, & quæ *vacuum recipit, & quæ rejicit*, Hydraulicorum ac Pneumaticorum Artificibus favet; ac proinde ex vtriusque placitis vis attractiva prædicta est explicanda.

S. I.

§. I.

Hero Alexandrinus Vacuum in aëre & aqua disseminatum agnoscit.

Hero Alexandrinus, simul Spiritalium Magistrum agens, si. Hero vacu-
um admis-
tit in aëre
& aqua dis-
seminatum
 mul Democritici, Epicureique Philosophi personam, priorem de Vacuo sententiam doctè non minus quam fusè explicat, atque tuetur, in Praefatione Libelli sui de Pneumaticis seu Spīritalibus, vbi ait: *Alij enim universe nullum omnino vacuum esse affirmant; alijs coacervatum quidem naturâ nullum esse vacuum, sed secundum exiguae partes disseminatum in aëre, humido, & igne, alijsque corporibus; quibus maximè assentiri convenit.* Vacuum coacervatum veteres vocabant *άθετον*, disseminatum verò *παρεπαχμένον*, ut notat Petrus Gaslendus in Philosophia Epicuri; à quo Epicuro Heros sententiam suam mutuatus est. *Ἄθετόν μέν, inquit Epicurus* Epicurus
vacuum ad
Epistola ad Herodotū, οὐ τὸ πᾶν ἐσὶ τὸ μέν Σῶμα πῦ δὲ κενὸν universum mittit.
autem partim quidem Corpus, partim verò inane est.

Suam porrò de vacuo sententiam Hero tot probat rationibus & experiencijs, vt demonstratam existimet, easque dignas censuit Marinus Mersennus, quas Hydraulicis suis præmitteret Vasa in-
nia aëre esse
 Phœnomenis. Ac principio quidem ostendit Hero. *Vasa, quæ multis vacua videntur, eo quod nullum in ijs visibile deprehendunt Corpus, non esse vacua, ut putant, sed aëre plena.* Quod plena, varie
probatur
experimen-
tū. quidem patet ex eo, inquit Hero, quod si vas, quod vacuum videatur, quis inversum in aquam depresso, rectumque servarit, aqua in ipsum non ingredietur, quamvis totum occultatum fuerit. Vtique non alia de Causa, nisi quia aëris, cum Corpus sit, & totum vas occupet, non permittit aquam ingredi, vt ipsemet subjungit. Idem patet in phialis vitreis, ollis, alijsque vasibus, si inversa aquis immersantur: non enim nisi difficulter admodum demerguntur; & dum retrahuntur, latera interiora habent sicca; non ob aliud profecto, nisi quia inclusus aëris ingressum prohibuit aquæ.

Quod si prædictorum Vasorum inversorum aquis immersorum fundum quis perforet, aqua quidem per os demersum in ipsa ingredietur, aëris verò perforamen exibit, adeo manifeste, vt non lo-

lum manui admotæ sensum inferat, sed etiam aures sono demulceat, & quidem harmonico, si foramini aptentur fistulæ sono Harmonico edendo aptæ, prout ipsem Hero fieri jubet in multis, quas describit in citato Libello, hydraulicis atque pneumaticis Machinis. Quod etiam quotidie experimur in Hortis Romanis, Tusculanis, Tiburtinis, & in ipso etiam P. Athanasij Kircheri museo. Non igitur arbitrandum est, infert Hero, in his quæ sunt, vacui naturam quandam coeteratam ipsam per se ipsam existere sed secundum exigas partes in aëre, & humido, alijsque corporibus disseminatam, etiam in ipso adamantem, durissimo licet, densissimoque, quippe qui neque igniri, neque rumpi potest, & percus-

Adamus i. sus in incudes & malleos totus ingreditur (vt cum Plinio putat Hero; gni & mal. leo cedit.

mallei in varias partes dissilit, & ita potest igniri, vt pereat.) Hoc autem ipsi accidit, subiungit Hero, non quod vacuo careat, sed ob continuatam densitatem. Corpora porro illa (aëris præterim) quæ partes suas habent inter se cohærentes, non tamen ex omni parte, sed interiecta habent intervalla quedam vacua, (quæ vacuola appellat Mersennus) bellè comparat Hero arenarum cumulo, inter cuius grana multæ aëris particulæ intercedunt; atque, arenæ particulas particulis aëris similes esse, aëre vero, qui inter arenas interjicitur, similem vacuolis intra aërem contentis; quæ quidem vacuola tunc disinere putat in aëre (alijsque corporibus) cum accedente vi quapiam condensatur aër; redire vero, cum facta remissione in pristinum ordinem restituitur aër ob naturalem contentionem, quæ, velut arcus inflexus, aut sicca spongia impressa, molem ab ipso rerum conditu sibi tributam repetit, sta-

*Aer interie-
ria habens
vacua secū-
dum Hero-
nam compa-
ratur arc-
ma.*

tim atque vis externa definit. At aëris corpora, inquit Hero, inter se cohærent, non tamen ex omni parte, sed interiecta habent intervalla quedam vacua, sicut arena, que est in littoribus. Itaque aer nimo concipiendum est, arenæ particulas corporibus aëris similes esse, aeratur arcem vero, qui inter particulas arenæ interiicitur, similem vacuis intra aërem contentis. Quamobrem vi quadam accedente aerem densari contingit, & in vacuorum loca residere, corporibus præter naturam inter se compressis; remissione vero factâ rursus in eundem ordinem restituitur,

tur, ob naturalem Corporum contentionem; quemadmodum & in cer-
num ramentis, & in spongiis siveis, que si compressa remittantur, rur-
sus in eundem locum redeunt, eandemque accipiunt molem. Similiter
si aliqua via aëris particulae à se invicem distractæ fuerint, & maior præ-
ter naturam locus vacius fiat, rursus ad sese recurrunt, per vacuum e-
nī celerem corporum lationem fieri contingit, nullo obstante, aut re-
pellente, quousque corpora ad sese applicentur.

§. II.

Experimenta quibus Hero vacuum in Corpo-
ribus disseminatum probat.

*Argumēta
Heronis pro
vacuo.*

His præmissis, multa, & passim obvia adducit experimenta *Vacuum in*
Hero, quibus probat dari vacuum inter corporum aëris præ-*corporibus*
sertim, particulas disseminatum; & aquam, aliaque corpora ad *disseminatū*
illud replendum, si nimium distrahabantur particulae vi externâ, ac *experimen-*
currere attracta; atque adeo vim attractivam, quam primum *tis probat*
hydro pneumaticarum Machinarum principium esse diximus,
tribuit Vacuo inter corpora disseminato. *Hero.*

Primò enim, si quis vas levissimum & angusti oris assumens, Vasa exsu-
atque ori admovens aërem exsuxerit, dimiseritq; ex labiis statim vas *do aëre la-*
appendetur, vacuo carnem attrahente, ut locus exinanitus repleatur. *biorū car-*
nēs attrah-

Secundò. Ova medica, que ex vitro constant, & angusti sunt *bunt.*
oris, quando volunt humido replere, exsugentes ore aërem, qui in ipsis *Ova medi-*
continetur, osculumque digito comprehendentes, in humidum inver-*ca quomodo*
runt, & digito remisso in locum exinanitum attrahitur aqua, atque id-*repleantur*
ipsum humidum præter naturam sursum fertur. Idem contingit in
Siphonibus, qui exlucto aëre humidum è yasis hauriunt, ut quo-
tidiana docet experientia, & dicemus fusè infrà Protheoria 4.
Cap. 2. Idem in multis Machinis hydraulicis, aut pneumaticis e-
venit, ut suo loco videbimus.

Tertio, Cucurbitæ à Chirurgis igni priùs admotæ, vt aër *Cucurbitin-*
in ipsis contentus rarefiat, dum corpori applicantur, non solum *la cur car-*
non excidunt, manifestam gravitatem habentes, sed adiacentem ma-*nem attrah-*
teriam per corporis raritates attrahunt, eandem ob causam, vt scilicet *bant.*

Pars I.

locus exinanitus repleatur : iniectus enim ignis, subjungit Hero, corrumpt & extenuat aërem, qui in ipsis continetur, ideoque relinquitur in ipsis vacuum; cùm verò cucurbitula respiraverit; aëris in vacuatum locum succedit, materiâ non amplius attractâ, deciditque cucurbitula.

*Sphaera con-
cava, Grae-
replena, cur
plus aeris
per inflatio-
nem recipi-
Heronem.* Quartò, construatur Sphaera crassitudinem habens lamine, ut nè facile rumpatur, continensque circiter cotylas octo, & undique præclupat secundū to secundū diametrum opponitur, ita vt aqua fluere possit; alia autem ipsius pars extra sphaeram emineat circiter digitos tres, ipsi q̄ diligenter ad ferruminetur, ambitu foraminis circa tubum stanno præcluso, ut cùm volumus ore per siphonem inflare, spiritus ex sphæra nullo modo excidat. His factis, inspiciamus quæ contingunt. Aëre enim in ipsa existente (quemadmodum & in aliis vasis quæ vacua appellantur) totumque qui in ipsa locum replento, & per continuationem quandam ad eius ambitum applicato, nullo denique loco, ut arbitrantur, penitus existente vacuo; neque aquam immittere possemus, neque alium aërem, non excedente priori aëre qui in ipsa erat; & si multa vi immisionem faciamus, prius disrumpetur vas, quam aliquid suscipiat, cùm plenum sit: neque enim aeris corpora in minorem magnitudinem contrahi possunt: quare necesse erit, ut in seipsis habeant quedam intervalla, in qua compressa minorem obtineant molem; hoc autem verisimile non est, nullo penitus existente vacuo: & cùm corpora ad se applicentur secundū omnes superficies, & similiter ad vasis ambitum, non possunt expulsa locum alicui facere, non existente vacuo aliquo, quamobrem nullo modo in sphæram immittetur aliquid eorum, quæ sunt extra, nisi excedat aliqua pars aeris prius in ea contenti, siquidem totus locus constipatus est, & continuatus, ut arbitrantur. At experientia constat contrarium: nam si quis siphonem ori admoveens sphæram inflet, multum immittit spiritum, non excedente aëre, qui in ea est. Quod cùm ita semper contingat manifesto ostenditur, contractionē fieri corporū in sphæra existentium in vacua implicata: contractionē autem præter naturam fit, ob immisionis violentiam. Si igitur aliquis inflans, & ad ipsum os maximum apponens, statim dito siphonem obturet; manebit omni tempore consti-

constipatus aëris in sphera: quod si quis aperiat, rursum extra erumpat cum magno strepitu & clamore immisus aëris, propterea quod, ut proposuimus, expellitur à dilatatione præexistentis aëris impetu quodam factâ.

Quintò, si quis velit aërem, qui in Sphera est, per siphonem attrahere, magna copia consequetur, nullâ aliâ substantiâ in spharam succedente, quemadmodum in ovo ante dictum est. Quare ex hoc perspicue ostenditur, magnam vacui coacervationem in sphera factam esse: nec inter non enim aëris corpora, quæ relinquentur e tempore, maiora fieri possunt, ita ut expulsorum corporum locum repleant: nam si augerentur, cùm nulla ipsis substantia extrinsecus accedat, verisimile esset, augmentum fieri per rarefactionem; hoc autem esset implicatio secundum evacuationem: sed vacuum nullum esse dicunt; non igitur augebantur Corpora; neque enim aliud augmentum ipsis accidere mente concipi potest. Ex quibus perspicuum est, in aëris corporibus disseminata esse quedam vacua intermedia, & vi quadam adveniente ea præter naturam in vacuare reclinare.

Sextò, vacuis non existentibus, neque per aquam, neque per aërem, neque per aliud corpus ullum posset lumen transire, aut caliditas, qualitates aut alia potentia seu qualitas corporea. Nam quomodo radij solares per aquam in fundam vasis penetrarent? Si enim aqua non haberet poros, sed radij aquam visciderent, contingere vas plena superfundi: quod fieri non videmus: Ad hæc si aquam visciderent, non utique radiorum alij ad superiorem locum frangerentur, alij deorsum caderent: nunc autem quicunque aquæ particulis occurront, franguntur ad superiorem locum; quicunque vero incident in aquæ vacua, paucis partculis occurrentes in vas fundum pervadunt. Adde quod si nulla essent in corporibus vacua, nullum corpus per alia corpora transire posset: quod tamen oleis contingit, quorum aliqua tam subtilia, sunt ut omnia metalla, ipsumq; etiā vitrum penetrant. Idem etiam fieri ab igne, nemo nelcit, qui ferrum, aurum, & vitrum candentia vidit. Idem præterea à virtute magnetica fieri, quotidie experimur.

Septimò, Vinum in aquam iniectum videtur secundum fusio- scetur aqua nem quandam per totum aquæ locum permeare; quod non fieres, nisi va- ob intersper cuæ aquæ inessent. Lumen quoque alterum per alterum fertur: nam savacua juxta Heronem.

Pars I.

24

cum plures lucernas quis accenderit, omnia magis illustrabuntur; ijsdem quoquò versus per se in vicem penetrantibus. Sed & per æs, per ferrum, & per alia corpora omnia penetratio fit; quemadmodum & quod in torpedine marina contingit.

Argumenta aliorum pro vacuo. Hæ sunt rationes Heronis, quibus probat, omne corpus extensum tenuibus constare corporibus, inter quæ sunt vacua disseminata particulis minora. Quibus addi potest ulterius, quod eadem vacuola vindicentur admittenda inter aquæ partes frigore constrictas in glaciem: etenim aqua in congelatione ad maius intervallum occupandum extenditur; vasa enim licet benè compacta, si à sinu latiori in angustum assurgent, & repleantur aquâ ad maximam illam latitudinem, vel ultra; in congelatione diffinguntur: non sic, si infra illam latitudinem repleantur, ut dilatationi spatiū detur. In maioribus etiam vasis, sed recurvo intus labro, validius resistentibus, ipsa glacies curvatur, sursum secundum convexum elevata. Omnis etiam glacies aquæ iniecta supernat. Dilatatur ergo in congelatione aqua, & vacuitates parvas intus habet.

Addi præterea in confirmationem dictorum potest duplex Experimentum, vnum argenti vivi, alterum aquæ tubo inclusæ; de quibus agemus in frâ Classe I. cap. 6. Machina 7. Item experimentum Thermoscopij, de quo ibidem cap. 3. Mach. 3.

vis attractiva quomodo ab Herone explicetur. Ex his alijsque argumentis atque experimentis, quæ vide ri possunt apud alios, præsertim Neotericos nonnullos, constare potest, quomodo ex Heronis & eorū sententia, qui vacuū admittunt, Natura adnitatur trahere alia corpora, aquam præsertim & aërem, ad vacuum replendum, quod vi extrinseca præternaturam est alicubi coacervatum; & quomodo corporibus omnibus insit vis quedam attractiva, ut repleant vacuum illud; ac denique quomodo vis attractiva corporum, aquæ inquam & aëris, causa esse possit ac principium Machinarum hydro-pneumaticarum. Lege Heronis Spiritalia.

§. III.

§. III.

Experimenta quibus vacuum nullum esse
probatur.

His tamen non obstantibus, communior & sanior Philo-
phorum Veterum ac Recentiorum sensus est, nullum in re-
rum natura vacuum esse, neque coacervatum in vnum, neque
diffusum inter partes corporum discissas; & neque sponte
ortum, neque productum violenter; adeoque corporum tra-
ctionem, quæ in allatis Experimentis elucet, non fieri ad replen-
dum vacuum, quod nullibi est, neque esse potest; sed ad impe-
diendam, quam Natura tantopere abhorret, inanitatem. Sua-
dent hæc tum experientia Philosophiæ Magistra, tum rationes.
Experientias adducam paucas ex multis; rationes apud alios
leges.

Argumen-
ta contra
vacuum.

Primò, Latera folium, si arctè constricta sint, & inter se
contigua, nulla vi diduci possunt, etiam Angelica, si obturetur
orificium, per quod aër interiectum inter diducenda latera spa-
tium occupaturus subeat. Cur hoc, nisi quia vacuum dari non
potest? quod tamen dari deberet, si occluso orificio aër, &
quocunque aliud corpus subitum excluderetur, & tamen la-
tera diducerentur. Eadem de causa duæ tabulæ planissimæ,
& sibi mutuò secundùm planitatem cohærentes, divelliri non po-
sunt, si ita tentetur divulsio, vt aër aut aliud corpus inter super-
ficies subintrare tempestivè non possit. *Inveni lacertorum suorum
robur iactanti* (inquit P. Nicolaus Zucchius in sua de vacuo do-
ctissima Diatribe) proposita semel est lamina ærea per ansam in me-
dio extantem apprehensam elevanda è tabula marmorea, cui optimè con-
gruebat: qui primò tanquam rem ladioram puero committendam con-
tempsit: tum instantibus amicis manum utramque admovens, cùm lu-
ctatus diu hærentem non removisset, excusavit impotentiam, obiectâ
peregrini & potentissimi glutinis interpositione, quo fortissimè copulan-
te nequiret divelli; donec vidi ab alio per tabulam facillimè laminam
deduci, & ad extrema productam, & actam in transversum, inde de-
portari. Passim etiam experimur, dum duo corpora secundùm

Latera fol-
lium diduci
non possunt,
ore occluse,
ob metum
vacut.

Tabula pla-
na metu va-
cui divelli
non possunt.

planas superficies coniuncta sunt, ut unum illorum elevatur, sequi etiam alterum, quantumvis grave, atque in aere libero veluti suspensum hærere.

Vas inversum difficulter extrahitur ex aqua ob vacui metum. Secundò, Si vas vitreum aquæ immegas atque impleas, & deinde intra aquam invertas, ut patens os deorum vergat, tum æqualiter ita inversum eleves, & extrahere tentes; spectabis autem quam illo inclusam sursum intra illud simul attolli; & si vas illud ex parte iam extractum, & ex parte adhuc immersum, manus sustineas, videbis etiam aquam inclusam in illo persistere sic elevatam supra ambientis aquæ luperficiem æquilibratam, & suo etiam pondere manum sustinentis aggravare. Cur hoc? Quia non potest aer succedere ad occupandum locum inter aquam descendenter, & partes vasis, quæ aquâ descendente deferruntur. Idem continget in quolibet alio vase, sed in vitro etiam oculis patet experimentum. Quod si in fundo vasis foramen aliquod sit clausum, ut possit aperiri; eo aperto, & aere liberè subintrante, aqua intra vas suspensum descendet, & desinet gravare manum.

Vasa subusa pertusa, superius occulta aquam retinente va cui metu. Tertiò, In vasis ad irrigandos hortos passim adhiberi solitus (cuiusmodi proponimus infra Class. i. cap. 6. Mach 2. & Cribrum Vestarium vocamus) licet fundum ipsorum sit perforatum, & multis foraminibus pervium, dum aquâ plena, æqualiter levantur in libero aere, aqua non defluit, quam diu digitus foraminis illorum supernè in collo patent ad pressus non permittit ingressum aéri ad replendum locum, qui, si deflueret aqua, relinqueretur inter superiorum vasis superficiem, & defluentem aquam. Et in tali consistentia permanente aquâ intra vas, tantum gravat, & deorsum nititur aqua, quantum si fundo integro & collo aperto, simul cum vase sustineretur. Remoto vero dito, & permisso ingressu aéri per superiorius foramen, statim defluit aqua ex fundi foraminibus. Quod si in medio defluxu iterum apposito dito foramen obstruatur, pendet iterum aqua, contra inclinationem suæ gravitatis, tunc etiam manum gravantis, nec defluit in apertum aërem.

Quar-

Quartò, Si fistulæ vnam extremitatem aquæ immergas, Fistula ex-
suicto aere a-
quæ recipit
vacui metu ex altera ori admota aërem exsugas, elevatur confessim aqua, suálicet gravitate reluctans, post aërem extractum ad os exsugentis; vtique nè detur vacuum in fistula extucto aère.

Quintò, Siphialam cupream firmis lateribus compactam, Phiala cale-
facta, & a-
qua immer-
sa, attrahit
ipsam va-
cui metu. nè facile rumpatur, igni admotam calefacias, vt aér intus contentus vehementer rarefiat, eamque deinde frigidæ immergas, Fistula ex-
tracto aere
carnē ad-
motam tra-
hunt, ne
vacuum
detur. vt aér phialæ à violenta rarefactione se recolligens condensetur, & minorem occupet locum; intus attrahitur aqua, dum alias aér in locum relinquendū succedere non potest, ne scilicet detur vacuum in phiala. Sic si ex fistula, cuius vnum orificium occlusum, alterum apertum, aut ex clave fœminea benè compacta, exsugas fortiter & continuato tractu aërem, & cessante suctione statim apponas fistulæ orificio patentì digitum aut labrum, nè succedat ambiens aér; attrahitur intra fistulam, aut clavem, caro digitii aut labri, vt notabiliter vellicet, & de carne dependeat. Non alia de causa, nisi quia durante exsuctione rarefit remanens intus aér, & violenter totū illud spatium solus implet; cessante verò suictu recolligit se à violenta rarefactione, & minore locum occupans ad vocat aliud, quod ipsi proximum est, ad locum desertum replendum. Eademque causa est, cur cucurbitulæ, quæ Chirurgis in usu esse solent, carnem sursum attrahant; nimirum quia aér, qui priùs igne incaluerat, & in raritatem abi erat, extincta flamma frigiditatem & densitatem recipit, atque in minorem contractus molem inane spatium relinquere, nisi ad id replendum caro elevaretur.

Sextò, Sisclopeto æneo, aut maiori bombardæ, immittas embolum interiori superficie benè congruentem, vt aér inter ipsum & embolum subire non possit, & deinde igniarium foramen occludas; non nisi difficulter extrahitur embolus, & aliquantis per extractus retroagitur intra fistulam.

Atque hæc secunda sententia, quæ Naturæ vacuum tandem metu, tuperè fugientis partes tuendas suscipit, meritò à melioris notæ Philosophis, vt olim, ita nunc quoque præfertur: quidquid ob-

Vacuum da- ganniant Neoterici quidam, qui nescio quo novitatis studio In-
rinaturali- citati, nevadoξias vento inflati, nova quotidie dogmata cedere,
ter non po- aut obsoleta veterū commenta recoquere non verecundantur.
reſt. Satiūs enim ac faciliūs esse existimatur, admittere contra dispo-
 sitiones particulares corporum gravium elevationem, levium
 depressionem, densiorum dilatationem, rariorum condensa-
 tionem, durorum inflectionem, & similia, quām vacuum, quod
 Naturam adeo abhorrire conspicitur, vt nulla vi naturalis agen-
 tis, nullo Machinæ artificio dati possit. Huiusmodi autem na-
 turæ pugnas & stratagemata multa spectabis manifestè infrā in
 multis Machinis, quibus hæc Naturæ inanitatem fugientis so-
 lertia summam præbet commoditatem. Alia etiam paulò post
 afferam, si priùs, quænam sit vis illa Attractiva corporum, quā
 Natura ytitur ad vacuum impediendum, ostendero.

§. IV.

Vis attractiva ob vacui metum, primum Machinarum
 hydro-pneumaticarum principium, quæ, & qua-
 lis, quibusvis insit corporibus,

Vis attrac- HÆ sunt binæ de vacuo sententiæ, quarum vtraque fontium
tiva aquæ artificialium, aliarumque hydro-pneumaticarum Machina-
riū constructioni, & effectuum mirabilium patrationi viam a-
 perit & subministrat arma; quamvis evidenter secunda, quām
 prima, cui & illam idcirco prætulimus. Quæstio tamen non le-
quibus insit vis remanet inter secundæ huius sententiæ fautores circa vim il-
corporibus. lam, quæ cogit corpora gravia accurrere ad vacuum impedi-
 endum, etiam contra propriam inclinationem; dubitaturque,
 quibusnam illa vis insit ceu subiectis; trahentibusnè, an tractis
 corporibus?

Vis attrac- Alij enim putant, esse virtutēm motivam ipsis corporibus
tiva non accurrentibus intrinsecam, quæ in bonum Universi corpora gra-
inest corpo- via in altum, contra consuetum modum, ad vacuum impedi-
*ribus attrac-*endum, vrgeat atque impellat. Athoc experientia ipsa satis con-
 vellit, & falsitatis arguit; siquidem, vt benè advertunt Cabæus
tit. &

& Zucchius, aqua ascendēs intra tubum, ad vacuum impediendū (quod in sequentibus Machinis frequentissimum est) tantundem gravat, quantū gravaret in libero aëre suspēta. Quòd bene advertejubet Cabæus illos, qui specioso nimis nomine se Ingenieros appellari volunt; & Zucchius ait, se huius rei experimento coëgisse, virum alioqui non ineruditum, ut fallaciam agnosceret in via, quā motum perpetuum se invenisse putabat, & iam dicandum Magno Principi schema in eis incidi curaverat, supponendo aquam ad impediendum vacuum sua vi ascēdentem non egere virtute equilibrante, ne dum superante pondus illius, qua eget cùm sistenda vel elevanda est in aëre, liberè accurrente ad replendum spatiū inter eam, & alia corpora relinquendum.

*Aqua intus
bis elevata
ad fugiendū
vacuum
gravat.*

Alij igitur, & meliùs, existimant, omnibus corporibus contiguis hanc inesse vim, à Natura attributam, ad Universi bonum ac conservationem, vt quotiescunque vnum illorum loco cedit, seu tractum ab extrinseco agente violenter, seu sponte & innatā inclinatione recedens, pondere videlicet, aut levitate: trahat secum alterum sibi contiguum, quantumvis reluctans, quoties inter ipsum & contiguum non potest subintrare corpus aliud, quod partium Universi contiguitatem tucatur, & impedit inanitatem; adeoque trahentibus, non tractis corporibus vim illam motivam inesse. Ethanc vim appellant vim attractivam, estque illa ipsa quam nos primum Machinarū hydro-pneumaticarum principium seu fundamentum dicimus, vnaque est ex causis vacui impeditivis. Dico, vna ex causis, non enim unica est via atque industria, quā vacuum Natura evitare adnititur. Modò enim vtitur prædicta vi attractiva: modò adsciscit operam alteratricium qualitatum, quæ corpora rarefaciunt, & in ampliorem molem diffundunt: nonnunquam magno impietu vase frangit, aut alia id genus media, prout occasio & necessitas fert, accommodat: quin etiam haud raro nullo motu, nulla actione, nulla denique vi effectrice, sed per negativam quandā obstantiam vacuo repugnat; vt cùm latera folium compressa clauso orificio, vt diximus supra, divelli non sinit. Semper ta-

*Vacui can-
sa impediti-
va multi-
plex.*

Pars I.

30

men Natura in his, vt in cæteris rebus, cōpendio studet, & quantum potest, facilioribus ac simplicioribus vtitur medijs; vt si ad fugam vacui corpus sursum attrahere, quām densatione impidiere promptius sit, illud præstat, non hoc; si contrā, hoc, non illud: item si per solum motum localem sine rarefactione corpus aliunde trahere sufficit, rarefactioni parcit; alioquin vtrumque milcet.

*Attractiva
vis ad va-
cuum im-
pediendum
omnibus
corporibus
inest.*

Sed hæc accuratiū Philosophi; nobis sufficit varijs experi-
entijs monstrasse, inesse corporibus Vniversum componentibus
vim attractivam vel ad replendum, vel ad impediendum vacuū;
quæ vis vt alia corpora, ita multò magis aërem & aquam attra-
hat, & Machinarum Hydro-pneumaticarum principium ac fü-
damentum primum constituat.

Nunc tempus est, vt experimento vnico & veluti re ipsa
monstremus, quomodo vis attractiva, quam hactenus corpori-
bus Vniversum componentibus inesse ostendimus ad vacuum
impediendum (vel vt Hero vult, replendum) causa esse possit,
atque principium Hydro-pneumaticarum Machinarum.

§. V.

Experimentum, quo ostenditur vis attractiva ad aquas
in altum evehendas, vacui vitandi causā, per Machinas
Hydro-pneumaticas.

*Experi-
mentum vim
attractivā
ostendens
ad vacuum
impedi-
endum.*

Infrā Clasē i. cap. i. Machina ii. Modum præscribimus aquā
ad certam ac determinatam aliquam altitudinem evehendi,
eumque appellamus Siphonem inversum interruptum: qui mo-
dus cùm nitatur vi Attractivā orta ex vacui metu, multaque im-
plicet notatu dignissima, & ad vim Attractivam penitus intelli-
gendarū omnino necessaria, hīc eum paulò fusiū explicandum
censui; ibi enim breviter tantū, & quantum ad praxin sufficit,
illum proponimus. Sit itaque in cisterna, puteo, piscina, aut
vasc quocunque b, aquā pleno, elevanda ad pedes ex g. centū (di-
co, exempli gratia, nam alioquin non potest ad tantā altitudinē
attolli per vim attractivam) aqua in vas K A, quod sit constitu-
tum



tum in parte superiore domus, habeatque epistomium *H*, per quod, ubi repletum fuerit vas, depleri possit. Fiat vas *C*, cuiuscunque capacitatis (quamvis melius sit, ut sit æqualis capacitatiscum vase *KA*, aut saltem non minoris) ex eoque deriveatur ad vas *KA*, siphon seu tubus *D*, qui in vase *C*, incipiat immediate infra operculum ipsius, in vase vero *KA*, desinat paulò infra eiusdem operculum, tantum ab illo distans, quantum sufficit ut aer permeare possit. Deinde ex vase *B*, derivetur ad vas *KA*, tubus *E*; qui in vase *B*, incipiat paulò supra fundum ipsius,



us, in vase verò KA, desinat paulò intra operculum; vbi etiam non nihil incurvetur, vt in figura apparet. Tandem ex vase C, derivetur alius tubus EF, cum epistomio E, habens longitudinem paulò majorem longitudine tubi BK, capacitatem verò seu amplitudinem eidem BK, omnino æqualem. Debent autem omnes tres tubi diligentissimè ad ferruinari seu coarctari plumbo, alia è materia suis vasis in loco transitus; & tam vas C, quam vas KA, claudi obturari que vndiq, studiosissimè, nè aërem aliunde, quam per tubos, recipere aut eicere valeant. His ita præ-

præparatis, impletatur vas c. aquâ per foramen o, immisso ipsi foramini iufundibulo; & vbi repletum fuerit, claudatur ut dictum. Deinde clauso epistomio h, aperiatur epistomium e, tubi E F; defluetque aqua ex vase c, & in locum ipsius, nè vacuum in vase admittatur, sequetur per siphonem i o, aëris in vase KA, contentus; in locum verò aëris extracti è vase KA, sequetur, propter vacui metum, aqua vasis seu cisternæ aut piscinæ b, per siphonem BK; & tam diu durabit ascensus aquæ per siphonem BK, in vase KA, quàm diu descendet aqua per siphonem E F ex vase c. Lege quæ dicimus intrà loco cit. En ergo, quomodo aqua, ad vacuum impediendum, ascendat contra naturalem suam inclinationem, & quomodo propter eandem causam aëris descendat.

§. VI.

Notantur nonnulla circa prædictum experimentum, simulq; stabilitur, in attractione aquæ metu vacui habendam esse rationem perpendicula aquarum.

Diximus, melius esse ut vase c, sit æqualis capacitatis cum vase KA, aut saltem non minoris: & præterea siphonem E F debeat esse paulò longiorem siphone BK, capacitatis verò seu amplitudinis æqualis. Ratio quoad capacitatem vasorum & siphonum est, quia tamdiu ascendit aqua per BK, quàm diu descendit per E F, ut dixi (tam diu enim, & non amplius, durat vacui metus, ob quam aqua ascendit per tubum BK:) si ergo vase c minus esset quàm vase KA, aut tubus E F capacior quàm tubus BK; efflueret tota aqua ex c, antequam repleretur KA. Accedit & hoc commodi ex æquali utrorumque capacitatem, quòd scire possit apud c existens, quandonam plenum sit vase KA; quandonam effluxerit tota aqua c. Ratio verò cur tubus E F, debeat esse longior tubo BK, patebit ex dicendis Protheoria IV. capite 2. Proposit. 13. interim hīc id confirmo hoc Experimento. Accipe vase aquâ plenum, eique infere siphonem inversum A B C D æqualem crurum. Accipe deinde tubum rectum D E aquâ plenum, cumque, obturato priùs ore E, infere extremitati D,

E

cruris

*Experimē-
tum aliud:**ostendens**vim aera-**etivam a-**qua in altū.*



Pars I.


cruris CD, & diligenter coarcta inter se, ne aer inter utrumque transire possit. His factis aperi os inferius. Et si quidem tubus rectus DE longior fuerit quam crux AB a superiora superficie aquae vasis usque ad B effluet aqua ex E, ascendetque aqua vasis A, per crux AB, indeque per CD, si crux descendet, donec tota effluxerit ex ore E. Si aut deurtetur tubus DE in F, fiatque aequalis cruri AB; atendet aqua vasis A solum usque ad B, quam diu videlicet aqua ex F effluit; quam elapsa, relabetur aqua cruris AB intra vas A. Si idem tubus DE decuretur in G, aut H, fiatque brevior quam crux AB; ascendet aqua per AB solum aliquousque, & deinde relabetur. Experientiam quilibet facile poterit facere.

Nec sufficit ut tubus EF, super-

rioris figurae sit quacunq; ratione longior tubo BK, sed necessarium est, ut perpendiculari ipsius EF, sit longius quam perpendicularum BK, hoc est, ut tubus EF perpendiculariter descendat profundius infra vas C, quam tubus BK ascendat perpendiculariter supra vas B. Quare si tubus EF centum & unius pedum inclinaretur infra vas C, aut convolveret in helicem,

Perpendiculum aquae descendens debet esse longius quam ascendentis. vt hic apparet, ita ut perpendicularum ipsius solum esset pedum v. g. 60. ab E usque ad D v. g. & non usque ad N; neutiquam sufficeret; sed omnino necessarium est, ut perpendicularum sit etiam ad minimum centum pedum, & pertingat usque ad N. Et haec perpendiculari mensura adeo est necessaria in hydraulice hinc operationibus, ut Natura falli nulla arte, nullo dolo, nullaq; experientia possit. Ioannes Baptista Porta lib. 2. Spiritual. cap.

L. ait,



i. ait, se, cùm indigeret determinato perpendiculo infra vas descendente , nec locum haberet ad demittendum perpendicula- riter tubum , multis viis tentasse, vt defectum suppleret; præcipue verò duabus memoratis , nimirum inclinando primùm, deinde in helicem convolvendo tubum requisitæ longitudinis ; sed nunquam desideratum effectum fuisse consecutum , nec vñquam ascendisse aquam ad maiorem altitudinem quā erat perpen- diculum tubi inclinati , aut tor- tuosi. Demisit etiam infra vas canalem capaciorem , licet bre- viorem illo , qui erat supra vas: præterea loco vnius longioris demisit multos breviores , qui si- mul superabant longitudinem

superioris : sed vano semper labore. Adeo sui juris tenax est Natura, & vt non fallit nos in suis operationibus , ita nec falli à nobis vult. Infrà tamen Classe i. cap. i. Machina 7. Modum do- cebo elevandi aquam ad quamvis altitudinē perpendiculis bre- vibus multiplicatis, led vtrisque, descendantis nimirum & ascen- dentis aquæ. Notandum præterea est hoc loco , Tubum o i, aut c i, posse esse quantævis longitudinis , vt infrà iterum dicam §. IX. Quomodo autem vi attractiva & expulsiva simul elevari possit aqua ad maiorem altitudinem quā sit perpen- diculum aquæ descendantis , dicemus infrà

Protheoria II.

E 2


§. VII.

§. VII.

Heronis Alexandrini error in elevanda a-
qua vi attractivâ.*Error He-
ronis.*

Hero Alexandrinus cap. 53. libri de Spiritalibus modum præscribit elevandi aquam per vim attractivam ex vacui metu; sed vehementer hallucinatur, ob perpendiculi prædicti defectū; si tamen Heronis est error ille, & non potius interpretis, qui schema apposuit, vt notavit etiam Ioannes Baptista Porta lib. 2. de Spirital. cap. 2. Affero verba vnā cum Schemate Heronis, ex versione & editione Federici Commandini Vrbinatis, qui ex Græco in latinum eum transtulit; quem errorem repetit etiam Ioannes Baptista Aleottus in versione Italica.

Est etiam alia constrūctio, inquit Hero, in qua humidum sensim fertur, & manet, ita ut semper ascendens videatur.



Sit basis AB undique præclusa, quæ diaphragma habeat CD, & vitreum operculum Cylindri forma EF similiiter undique præclusum. In operculo autem EF sit tubus GH, ab ipsis tecto parum distans, & simul perforatus cum diaphragmate. Alius etiam tubus KL simul perforetur cum tecto basis, & à diaphragmate parum distet. Insit autem basi extra vitreum operculum foramen M, per quod vas AB, impleatur: & basis AB ad fundum canalem habeat N. Sit præterea aliis tubus X O, simul perforatus cum diaphragmate, parumque à basi distans, per quem implebitur vas CB. Itaque obstructo canali N, aëris qui est in CB, per tubos; & per foramen M excedet extra. Et cum vas CB repletum fuerit, implebitur AD per foramen M, aëris enim qui in ipso est, per idem foramen excedit. Si igitur canalem N fluere dimittamus, in locum CB exinanizum, aëris ex vitreo operculo procedet per tubum GH: in locum autem vitrei operculi ex inanipitum ex AD humidum ascendet per tubum KL, & aëris

Itaque obstructo canali N, aëris qui est in CB, per tubos; & per foramen M excedet extra. Et cum vas CB repletum fuerit, implebitur AD per foramen M, aëris enim qui in ipso est, per idem foramen excedit. Si igitur canalem N fluere dimittamus, in locum CB exinanizum, aëris ex vitreo operculo procedet per tubum GH: in locum autem vitrei operculi ex inanipitum ex AD humidum ascendet per tubum KL, & aëris

aer per foramen M ingredietur. Atque hoc usque eò fiet, quoad vitreum operculum repletum fuerit. Oportebit autem loca A D, C B, E F, inter se aequalia esse, ut ad invicem & aer, & humidum transferantur. Quando autem vas C B exinanitum fuerit, & constiterit aeris continuitas, rursus ex vitreo operculo aqua in vas A D deferetur, aere per canalem N, & per G H tubum in vitreum operculum ingrediente, qui verò est in vase A D aer per foramen M excedet.

Ita Hero; sed errat aut ipse, aut eius interpres: debet enim canalis N descendere infra vas perpendiculariter ad tantam profunditatem, quanta est longitudo K L, ut attrahatur tota aqua vasis A D; alioquin postquam effluxerit aliquantulum aquæ ex canali N, traxeritque aliquantulum aeris ex cylindro E F, & aquæ ex vase A D, cessabit omnino aquæ fluxus, ob defectum perpendiculari aequalis perpendiculari K L, saltem ab supra superficie aquæ vasis A D, usque ad orificium K tubi prædicti K L. Qui defectus si suppleatur, sequetur effectus desideratus. Porta tamen loco citato, occasione huius Heronianæ industriae, alium excogitavit modum elevandi vi attractiva ex inferiori ad superiorius vas aquam: quem legere poteris apud ipsū.

§. VIII.

Alius Heronis error in elevanda aqua
vi attractiva.

ALiū errorem commitit Hero lib. cit. de Spiritalibus cap. 5. Error aliust Heronis.
sit tamen & hic non est adscribendus interpreti. Docere vult Hero modum elevandi atque attrahendi humidum ex vase per siphonem inversum, cuius unum crus sit humido immersum, alterum extra vas promineat, non attrahendo prius per os nostrum aërem ex siphone, sed appendendo vas quodpiam aquâ plenum: Sic ergo discurrit.

Sit smerismation aliquod, cuius masculum quidem apponatur extrinsecosiphonis cruri, ita ut per ipsum fluat, sitque T V; fæmina ve-

E 3



ro TYV prius adglutinata vasi LZ, quod paulo plus aquae, quam siphon capiat; habeat autem ad fundum effluxionem. Quando igitur volumus per siphonem educere aquam, quae est in vase AB, effluxionem vasis LZ digitis comprehidentes, ipsum aqua implebimus. Postea fæmineum smerissima masculo aptantes effluxionem dimittemus. Evacuato autem LZ vase, aer in siphone existens in evacuatum locum procedet; quem consequetur humidum quod in vase AB, ita ut siphon impletatur. Deinde afferentes vas LZ Siphonem fluere sineamus. Oportet autem siphonem recte descendere, si officium suum prestatere debeat; illud autem erit, quando ad vasis AB labrum duas regulas rectas compingemus, atque inter ipsas intrinsecum siphonis crus constituemus, ita ut utrasque contingat; ad idem verò siphonis crus intrinsecum utrimque clavicularum affigemus, regulas continentem parte interiori: ita enim neque obliquum, neque in anteriorem partem declinabit; recto enim & exquisitè descendet, claviculis regulas atterentibus.

Hæc Hero; quæ tamen falla sunt, & contraria experientia, rationi, & hydro-pneumaticis principijs. Nisi enim vasis altitudo ab V ad Ω tanta sit, quantum est crus internum CD Siphonis; non ascendet aqua per crus CD, nisi ad tantam altitudinem, quanta est altitudo vasis prædicta ab Y, usque ad Ω . Et ratio est, quia cum perpendicularum Y Ω minus sit, quam perpendicularum CD; non potest aqua attolli ad altitudinem CD, sed postquam ascenderit ad altitudinem æqualem perpendiculari Y Ω , relabetur intra vas AB, Ioannes Baptista Porta lib. 2.

lib. 2. de spiritual. cap. 3. ait. aquam non effluxuram è vase LZ, ab-
lato impedimento apud Ω, propter defectum scilicet perpendiculari-
culi predicti. Sed ratio & experientia convincit, effluere aquam
è vase, & ascendere aquam per crus internum ad altitudinem ex-
plicatam; quod ipsemet Porta alibi fatetur.

Error Ioann.
nis Baptista
Porta.

Ut igitur ex vase AB extrahi possit aqua per siphonem ab-
que eo quod ore attrahatur aer, oportet loco Vasis LZ adhibere
tubum tantæ longitudinis, quantæ est crus CD, immo paulo ma-
joris: tunc enim effluente aquâ ex tubo appenso ascendet paula-
tim aqua per siphonem, donec pervenerit usque ad signum V,
quod suppono esse semper demissius quam est supraemaluperfi-
cies aquæ in Vase AB: tunc enim si auferatur tubus appensus, ef-
fluxus aquæ ex siphone tam diu durabit, donec tota aqua ex
vase AB effluxerit, si os c ad fundum usque vasis pertigerit. Vi-
de Salomonem de Caus lib. 1. de viribus motricibus. Vide præ-
terea quæ scribimus de fluxu aquæ per siphones infrà Protheo-
ria IV. Cap. 2. præsertim Proposit. XI. ubi in Annotatione 2. no-
tamus errorem Marini Mersenni similē predicti Heronis errori.


Monuit hinc, & optimè, acutissimeque P. Paulus Casatus
Matheseos in Romano nostro Collegio Professor, quæ diximus
contra Heronem hoc loco, tunc solum habere locum, quando
suprema aquæ superficies non esset multum supra punctum c.
Cæterum si vas AB est plenum, & perpendiculari Y superat per-
pendicularum à supraemaluperficie usq; ad D, poterit ascen-
dere aqua, & per crus DY defluere; quam semel defluente, sem-
per deinde defluet, donec evacuetur vas usque ad punctum c,
quoniam perpendicularum DY semper manebit longius quam
perpendicularum CD.

§. IX.

In aquarum elevatione vi attractivâ, habenda est ratio
perpendiculi solum illorum tuborum, per quos aqua,
non per quos aer vehitur.

Notat optimè Ioannes Baptista Porta lib 2. de Spiritualibus.c.6. Tubis por-
quos aer de-
fertur in
& nos etiam suprà in fine §. VI. insinuavimus, in Machinis

Machinis
attractivis
metu vacui
possunt esse
quanta vis
longitudinis



gnant, juxta dicenda infrà Protheoria IV. cap. 2. Proposit. 13. tubus verò oī potest esse quantævis longitudinis aut brevitatís, ac proinde vas c potest esse & infra & supra vas B. Patet hoc experientia, ut dicemus loco citato, vbi etiam experientiae causam dabimus.


§. X.

Viatractivâ elevari potest aqua vltra perpen-
culi altitudinem, aëre mediante.

IN-

viatractiva elevantibus aquam, habendam esse rationem longitudinis ac brevitatis solùm illorum tuborum seu canaliculū, qui conferunt ad aquarum perpendicularum, & per quos transire debet aqua, atque adeo quorum aquæ se mutuò trahere ac vincere debent; non verò reliquorum, per quos solùm aër transire debet. Quod vt melius intelligatur, inspicciatur figura posita suprà §. citato, in qua figura habenda est solùm ratio tuborū BK, & EF; hi enim duo continent aquas quarum perpendiculara ad invicem pugnant, juxta dicenda infrà Protheoria IV. cap. 2. Proposit. 13. tubus verò oī potest esse quantævis longitudinis aut brevitatís, ac proinde vas c potest esse & infra & supra vas B. Patet hoc experientia, ut dicemus loco citato, vbi etiam experientiae causam dabimus.

Ingeniosissimum sanè modum Naturā quodammodo decipiendi, & aquam ultra perpendiculi à Natura requisiti altitudinem elevandi vi attractiva, assert Porta loco proximè citato, cap. II. aitque se illum casu reperiisse inter continuas hydraulicas atque pneumaticas experientias quas fecit. Fit hoc aëre mediante, aquæ immisto. Hac ratione, inquit Porta, perpendiculo 50. pedum elevari potest aqua ad altitudinem pedum 80. Modus hic est.



Sit ex vase AB portatile elevanda aqua ad vas D, ad altitudinem pedum 80. Fiat canalis vitreus GK (ut spectari, oculisque percipi manifestè possit artificium) vtrimeque apertus, & vas D optimè coarctatus apud K. Fiat deinde vas C, æqualis aut maioris capacitatatis, quam vas D; inseraturque utriusque canalis PQ vtrimeque apertus immediatè sub operculis seu tectis vasorum. Tandem ex vase C descendat perpendiculariter canalis EF quinquaginta pedum longitudinis, habens epistomium E, & sit opti-


Experiments
Porta
ad aquam
elevandam
ultra perpe-
diculi alti-
tudinem,

mè adferruminatus fundo vaseis C. His factis, impletantur vase AB, & C, aquâ, admoveaturque vas AB tubo GK, ita ut osculum G sit aquæ immersum, & aperiatur epistomium E; descendat aqua ex vase C, secumque trahet aërem ex tubis Q P, & KG, & ex vase D, simulque aquam ex vase AB. Postquam ascenderit aqua intra canalem GK usque ad aliquod spatiū exiguum, v.g. usque ad H; remove aliquantulum vas AB; & aqua canalis ascendet ulterius, tracta scilicet ab aqua effluente per FE) & post aquam sequetur aëris. Admove deinde iterum

F

vas

Pars I.



vas AB, & attrahetur alia aqua, eritque aer H i inter aquam GH, & i M. Iterum remove vas AB, & ingredietur per os G aliis aer, sequeturque aquam. Quo facto, si vas iterum admoris, dictamq; operationem repetitive-
ris; ascendent tandem aqua & aer misti inter se, vlique ad vas D, illudque replebunt, ante quā effluat tota aqua vasis C, quod ob id minus esse debet quam vas D.

Procedendum est autem valde cautē in hoc negotio, nē nimium aeris ingrediatur per os G, & levitate sua sursum tendens pellat modicam aquam

antea intromissam, repleteque totum canalem GK, siveque destruatur continitas aquae & aeris intra canalem: hoc enim si fieret, non repleretur vas D, nisi post longissimum tempus, & multas operationes, deberetque saepius repleri vas C. Nunquam præterea tantum aquæ simul continere debet canalis GK, ut ejus perpendicular supererit perpendicular aquæ canalis EF. Ex hac praxi deducit Porta modum mirabilem, & omnibus antiquis ignotum, ut ipse ait, elevandi per siphonem inversum aquam è montis radice ad ejus verticem; quem modum afferam infra Protheoria IV. cap 2. Proposit. 12. ex.

quo etiam loco melius intelligetur hoc
præfens Experimentum.

PRO-

PROTHEORIA SECUNDA.

De vi Expulsiva propter corporum impenetrabilitatem; seu de secundo Machinarum Hydropneumaticarum principio.

§. I.

Omnia Vniversi corpora sunt inter se contigua.

Corpora omnia, quæ Devs Optimus Maximus in prima rerum conditione intra præstitutum in Vniversi ambitu conclusit locum, Cœlum dico, Elementa, & Mixta, tali sunt ordine disposita, ut multi, nec vulgares Philosophi, existiment, motum localem in Mundo non futurū ullum, nisi aut concedatur dispermum per omnia vacuum (quale vidimus invēhere Heronem, aliosque nonnullos) aut corporum mutua penetratio, aut rerum omnium commotio, atque pernixtio. Audi Epicurum apud Diogenem Laertium lib. 10. in Epistola ad Herodotum, ubi ait. *Ei δὲ μὴ οὐ καὶ κενὸς, καὶ χώραν, καὶ αὐτῷ φύσιν ὀνομάζομεν, ἢν δὲ εἴχε τὰ σώματα ὅπερ ἦν, γέδε διὰ ἐκκινήσθη, καθάπερ Φάίνεται κινήσεα. Nisi vero id esset quoque, quod & inane, seu vacuum, & regionem, seu spatiū, ac locum & intactilem sive incorpoream naturam vocamus; non haberent corpora neque ubi essent, neque quā motus suos obirent; cùm moveri ea quidem manifestum sit.*

Hanc autem, quam petitam ex motu rationem insinuat solummodo Epicurus, deducunt manifestius Democritus atque Leucippus (quos fecutus est Epicurus) apud Aristotelem lib. 4. Phys. tex. 6. (ubi etiam alteram de corporum penetratione urgent) his verbis *γάρ διὰ δοκόν εἴναι εἰ μὴ ἡ κενὸν, τὸ γάρ πλῆρες ἀδύνατον εἴναι δέξασθαι, &c. Non videtur quippe esse motus, nisi sit inane. Quod enim plenum est, admittere in se mobile non potest. Nam si ad-*

Corporum penetratio non potest fieri naturaliter. mittat, & fuerint in eodem loco duo corpora; nihil repugnabit, quò minus quotquot libuerit, simul sint; quia dici, cur id non valeat evenire, minimè potest. Sin autem eveniat, tunc quod minimum, id admettit quod maximum; quando ipsum magnum multa parva est: adeo ut si multa & equalia in eodem esse contigerit, esse & in aequalia contingat. Eadem consecutione deducit Lucretius in sua versibus ligata Philosophia; additque non solum, si Inane seu Vacuum non admittatur, rem nullam ex his quæ sunt, moveri, sed nec ullam denuò nasci posse in mundo.

Vacuum nō admettit Lucretius.

Qua si non esset Inane,

Non tam solito motu privata careret, Quām genita omnino nulla ratione fuisse, undique materies quoniam stipata fuisse. Cogita enim univerlum mundum (ait vir doctissimus Petrus Gallendus in suis de Physiologia Epicuri Animadversionibus, ex Epicuri mente,) si nihil Inanis interspersum habeat, confertissimam esse mollem, adeo ut nè minimum quidem corpusculum valeat de novo suscipere (quod quidem alterendum necessariò est, si nullum in rebus Inane, si nihil non plenum, si locus nullus restat complendus.) Quare aut corpus non admettitur denuò genitum, aut in illo loco collocabitur, in quo aliud jam situm est; sicque idem locus duo corpora sele undique penetrantia capiet. Quod sanè per vires Naturæ fieri posse non dixeris, ut ut alij id alterant, induci exemplo panis, spongiæque siccæ aquam, cui injiciuntur, insigentis; & cinerum tantundem aquæ in consortium suum admittentium in vase, quantum sine cineribus vas recipere potest.

Argumentum Epicureorum ac Democriti eorum pro VACNO.

Si absonum videtur vacuum admittere, si absonum corporum dari penetrationem, & tamen motum admittimus localem; susque deque verti corpora omnia, quæ Universo concluduntur, fateamur necesse est toties, quoties eorum unum movebitur, dicet Democriticus quispiam, aut Epicureus: moveatur enim quodcunque eorum, quæ sunt, de suo quem occupat loco, alteriusque invadere tentet stationem; sanè cùm locum plenum offendat, necesse erit, ex eo pellat, quod corpus illum occupat. Illud porrò quónam concedat, si omnia quidem plena sunt? An

non

non ipsum rursus expellet aliud? At de eo par redibit difficultas: hoc enim, aliud expellere loco debebit; & illud aliud; sicque continuari necesse erit inchoatam semel corporum commotionem in ævum, & totum commoveri Vniversum vel ad muscæ volatum. Si enim vel unum corpus cedere loco non valeat, aut non volet, omnis cessabit illicò motus, eritque unaquæquo res mundi sic inserta in aliam, ut magis è loco excedere nequeat, quām myctuli (inquit Gaslendus paulò antè citatus) seu cochleæ illæ, quæ intra silices nascuntur. Neque dicas, esse in mundo rara, liquida, fluxaque corpora, quæ cedere magis quām silices possint. Sint enim quantumvis rara, fluxa, & cedere nata; si admistum Inane non habent, si particulæ omnes illorum contiguitatem undique, seu secundūm totas superficies habent; tale continuum corpus facient, ut perinde sit seu ex silice, seu ex aqua, seu ex aëre illud dicas: neque enim aér vel paucioribus, vel minùs compactis sui partibus occupabit locum minorem, quām silex, cùm quotcunque loci particulæ feceris, tam nulla earum sit aëris, quām silicis particulæ expers. Hactenus Democritici, & Epicurei.

§. II.

Corpora se mutuò expellunt.

His quid reponendum, viderint Philosophi. Aristoteles certè, qui nec vacuum admittit, nec corporum penetrationem mutuam, nequaquam timet rerum omnium ad quemlibet motum commotionem; quoniam liquida non solum pelluntur, sed dividuntur etiam dum urgentur; & quæ antrorsum vergebant partes, latera lambentes claudunt terga. At quidquid sit, tam evidens est, corpus unum expellere alterum è suo, quem occupat, loco, ni sponte excedere velit, quām est manifestum, motum dari localem; idque verum est non tantum in duris solidis, sed liquidis etiam ac fluidis corporibus, aëre dico, & aqua. videmus enim quotidie, aquam vasī, tuboque aëre pleno illabentem, expellere aërem, si exeundi locum habet; & si non habet, neque aquam posse, aut veile infundi. Videmus item aë-


*Corpora ex-
pellunt se
mutuò.*

*Experimē-
ta varia,
quibus pro-
batur cor-
poræ se mu-
tuò ex-
pellere.*

rem inflatum vasi per os unum, expellere aquam per alterum, aut etiam per idem, si elabendi detur locus; qui si non datur, nec acri patere ingressum. Videmus tollibus compressis erumpere aërem, & aquam etiam, si aquâ erant repleti. Videmus, si vasi aquâ pleno operculum in medio perforatum imponamus, deprimamusque aquam pressam, si inter latera vasis & operculum erumpere non potest, exsiliare per foramen magno impetu. Taceo centena exempla alia. Atque hæc mutua corporum expulsio alterum est Machinarum Hydro-pneumaticarum principium, quo innumera, & non minus iucunda, quæ admiranda exhibentur spectacula passim, ut apparebit apertissimè ex sequentibus Machinis. Interim sequens accipe Experimentum.

§. III.

Experimentum, quo ostenditur vis expulsiva, propter corporum impenetrabilitatem, ad aquas elevandas in altum.



Fac exstanto, cu-
pro, creta, ligno,
aut alia quacunque
materia aquis resi-
stente tria vascula
A, F, & G, columnis
inter se distincta, vt
monstrat figura; aut
alia ratione, prout
placuerit, aut com-
modius fuerit: sin-
que hæc vascula vn-
dique clausa quæ
diligentissime, nè
aer possit aut ingre-
di, aut elabi, saltem
ex A & G. Vas infe-
rius G habeat epi-
stomium i, per quod
aqua

Prothœria II.

47

aqua effluere possit. Vasa A & F habeant in opérculis foramina C & E, vt per ea infundi possit aqua, & iterum obturari. Ex vase A egrediatur tubulus AB vtrimeque apertus qui apud A fundum vas non attingat, sed tantum ab illo distet, vt aqua interfluere possit: apud B verò habeat osculum strictissimum. Habeat præterea epistomium K. Ex eodem vase A descendat intra vas inferius G aliis tubulis D N, vtrimeque aperitus, qui apud D non attingat operculum vasis A, sed tantum ab illo distet, vt possit egredi aëris: apud H verò transeat solum operculum vasis G, & non extendatur ulterius. Ex vase denique F descendat intra vas G aliis tubulis FG vtrimeque aperitus, qui apud F transeat solum fundum vasis, & non progrediatur ulterius: apud G verò distet tantum à fundo, vt aqua effluere possit, habeatque vas G epistomium L. Hi tres tubi debent ita stanno alia vè materia coarctari, & ad ferruminari vasis in loco transitus, vt nullus aëris penetrare intra vasa, aut elabi ex iisdem possit. Cavendum præterea diligenter est, nè tubulus AB sit longior, aut æquè longus, ac tubulus FG, quare melius erit, si inter B & K decuretur quantum potest, & quam minimum extra vas A protendatur.

His ita ritè præparatis, repleantur aqua duo vasa A & F, per foramina C & E, & obturentur quam diligentissimè, maximè foramen C (foramen enim E potest manere apertum;) vas verò G maneat vacuum; & omnia epistomia sint clausa. Deinde aperiatur epistomium L, vt aqua vasis F defluere possit intra vas G: & postquam defluxit aliquantulum aquæ, aperiatur epistomium K; erumpetque maximo impetu aqua vasis A per tubulum AB, profiliatque in altum, vi expulsiva, propter corporum impenetrabilitatem. Nam aqua vasis F descendens intra vas G, expellit inde aërem per tubulum HD intra vas A: qui aës expellit inde aquam per tubulum AB, quoniam neque in G, neque in A, aëris & aqua simul in eodem loco manere possunt, sed necessariò unum corpus expellit alterum, propter eorum impenetrabilitatem. Vides igitur quomodo vis expulsiva propter corporum impenetrabilitatem sit principium & causa.

causa Machinarum Hydro-pneumaticarum? Vbi descenderit aqua vasis F intra vas G, & exsiliuerit aqua vasis A per tubum AB; deponi poterit aqua vasis G per epistomium I, & repleti iterum vas a A & F, vt antea, & institui idem lusus.

§. IV.

Notantur nonnulla circa praedictum

Experimentum.


Hoc experimentum est fundamentum omnium Hydro-pneumaticarum Machinarum quae sunt vi expulsiva ob corporum impenetrabilitatem; ideoque Tyrones diligenter procurare debent, vt illud intelligent: quare nonnulla circa ipsu sunt advertenda.

Primum est, expedire vt vas A non sit minus capax quam vas F; & vt tubus FG non sit amplior tubo AB: sic enim fiet, vt quamdiu aqua ex vase F descendit intra G, tamdiu saliat aqua ex vase A per tubum AB. Hoc tamē non est omnino necessarium.

Secundum est, Non esse necessarium, vt fiat vas F, sed fieri potest solus canalis seu tubus FG, qui apud F habeat infundibulum, vt aqua infundi possit; dummodò sit longior quam tubus AB; vt mox dicam.

Ter.

Fundame-
tum omni-
um Machi-
narum Hy-
dro-pneu-
maticarum
qua sunt vi
expulsiva.



Protheoria II.

49

Tertium est, omnino necessariū esse, ut tubus $F G$ longior sit quam tubus $A B$, quia, ut diximus Protheoria I. §. VI. & dicemus iterum infra Protheoria IV. cap. 2. Proposit. 14. hinc etiam, ut ubiq. in hydraulicis, perpendiculis certatur, non vero aequaliter copiā. Perpendiculum autē tubi $F G$ computatur ab F usq; ad supremam superficiē aquae delcendentis & quielcentis in vase G . Quò vero longius fuerit perpendiculum $F G$ supra perpendiculum $A B$ eō altius salit aqua ex osculo B . Quare cum in principio, quando incipit descendere aqua intra vas G , longius sit perpendiculum $F G$, quam postea (repleto paulatim vase G) & id sēper magis ac magis minuatur; consequens est, ut in principio altius saliat aqua ex B , quam post principium, & ut semper minus & minus altè exsiliat. Vide etiam quæ dicimus infra Parte 2. Classe I. cap. 2. Machina I. Annot. 2.

Quartum est, Non solum servandam esse proportionem quoad longitudinem inter tubos $A B$, & $G F$, sed etiam quoad capacitem, nē scilicet $A B$ laxior sit quam $G F$; alioquin gravior erit aqua intra ipsum, quam ut elevari possit ab aëre modo intra vas A pulso à modica aqua cadente intra vas G . Si vero $F G$ tubus laxior esset quam $A B$, nimis citò repleretur vas G , & antequam tota aqua vasis A expelleretur per $A B$.

Quintum est, Nihil referre quantæ sit altitudinis tubus $H D$, per quem aér defertur, quia nihil confert ad perpendiculum. Procurandum tamen est, nē sit nimis laxus, alias multum aëris intra ipsum absorberetur, qui alioquin expelli deberet intra vas A .

Sextum est, prædictum artificium elevandi aquam vi expulsiva propter corporum impenetrabilitatem, esse typum & exemplar omnium Machinarum Hydro-pneumaticarum prædicta virtute animatarum; ac proinde semper ante oculos in similibus Machinis fabricandis esse habendum, ut in principio dicebam.

G


§. V.

§. V.

**Heronis error in elevando oleo vi Expulsivâ
in lucerna.**

* a lycno **H**ero Alexandrinus in libello de Spiritalibus cap. 71. proponit hanc Machinam. *Lucernæ constructio, ut * a ellychnio imponatur ellychnum sito, quando oleum deficiat, ex aure eius oleum in * b ellychnium infundatur, quantum quis voluerit, nullo ipsi apposito vase, ex quo oleum in Error Heronis in lucernæ constructione confluat.* Quia quidem in constructione errorem committit gravissimum (si tamen ipsius est error, & non potius interpretis, qui figuræ appoluit) quem hic detegere oportet, ne alijs etiam sit errandi occasio. Quod eò etiam libentius facio, quod nec Federicus Commandinus, qui ex Græco in latinum translulit Heronem; nec Ioannes Baptista Aleottus, qui Commandini interpretationem reddidit Italicam; nec Ioannes Baptista Porta, qui Heronis errorem etiam observavit, genuinam lucernæ delineationem dederunt. Eam verò hinc dare conabimur, allatis Heronis verbis ex Commandini translatione, addendo nonnulla verba majoris claritatis gratia, quæ asteriscis in margine notantur. Sic ergo discurrit Hero.

*Lucernæ
Heronis ge-
nuina figu-
ra.*



Construatur lucerna, basim habens concavam, & triangularem instar pyramidis; sitque basis concava AB CD, & in ea diaphragma EF. Lucernæ autem caulis sit GH, & ipse concavus; supra quem sit concavus calathus KL, plurimum olei continens. Ex diaphragmate EF proceda

Protheoria II.

51

cedat MN tubus, simul cum eo perforatus, tantum distans à calathi operculo KL (in quo *c ellychnium *d imponitur) quantum ad aëris: c Operculo exitum sufficiat. Alius autem tubulus xo demittatur per operculum KL distans à fundo calathi, quantum satis sit ad aquæ *e fluxum *e olei & ex operculo paululum excedens. Excessui vero aptetur alius tubulus p habens superius osculum obstructum; qui tubulus per fundum lychnij *f impulsus coagmentetur lychno. At tubum autem p adglutinetur aliis tubulis exilis procedens ad extremitatem auris, & simul cum ea perforetur, ut insiuat in concavitatem ellychnij, *g foramen habens *g Lychni quemadmodum & alij. Et sub diaphragmate EF conglutinetur clavicula *h deferens in locum CDEF, ita, ut si aperiatur, aqua ex loco *h R. ABEF, in ipsum CDEF transeat. Sit autem in operculo AB parvum foramen, *i per quod locum ABEF implebimus aquâ; & qui *i S. in ipso est aëris, per dictum foramen excedet. Itaque sublato *k ellychnio, calathum oleo implebimus per tubum xo, aëre per NM tubulum excedente, & adhuc per clavem *q apertam, qua est in fundo CD, *q I. *l quando & que est in CDEF aqua effluet. Imposito igitur *m ellychnio per smerisma P, quando opus sit oleum infundere, aperiemus *m Lychne clavem, *n que in fundo CD; *o & aquâ ex loco ABEF in locum *o CDEF secedente, aëris qui est in ipso, per tubum MN ad calathum perveniens elidet oleum; quod quidem per tubulum xo, & CDEF per alium ipsi coherentem ad *p ellychnium procedet. Quando autem non amplius fluere volumus, clavicula *r claudetur, & cessabit; & *r R. rursus quando opus sit, idem faciemus.

Hæc Commandinus Heronis Interpres; quæ ego omnino mendola esse existimo: puto enim vbique lychnum pro ellychnio ponendum esse, & alia pleraque legenda prout in margine sunt posita asteriscis notata. Non potui invenire Græcum Heronis textum, ut vt diù quæsiverim. Tubuli etiam supra calathi operculum disponendi sunt sine dubio, ut nos disposuimus, quoniā Heronis textus latinus apud ipsūmet Commandinum id exigit. Nec mireris Lector, si suspicer Commandini præsentem Latinum de lucernâ textum non esse vndequaque correspondentem græco textui; posthumum enim est Opus Commandini,

Heronis locus apud Commandinum mendosus.

G 2

nec

nec postremam ipsius manum expertum, ut habetur initio libelli
 in prefati uncula ad Lectorem. Est autem in Commandini te-
 xtu ac scheme insignis error in eo, quod clavicula & trans-
 mittit aquam quae est in A B E F intra basim E F C D per aper-
 tum solum foramen sine tubulo, qui paulo longior sit quam tu-
 bulus oxs; quod tamen omnino requiritur, ut diximus paulo
 ante §. IV. & causam dabimus intra Protheoria IV. cap. 2. Pro-
 posit. 14. experientia siquidem constat, cylindrum aquae per fo-
 ramen descendente (si quandoque descendit aere succedente)
 in aere libero non habere eandem vim, ac descendenter per
 tubam; tametsi utroque sit eadem aquae quantitas, cum eodem
 perpendiculari. Causa est, quia si liberè & sine tubo defluit aqueus
 cylindrus, signum est aerem subintrare; si aer subintrat, cessat me-
 tus vacui, ac proinde aqua debet elevari ut laborati Naturae suc-
 currat. Quod si tam strictum est foramen, ut aer subintrare non
 possit, ne gutta quidem aquae effluet, ut experientia quotidiana
 docet, idque propter vacui metum. Hunc tamen errorem ego
Heronis er-
ror exca-
sus.
 nequaquam Heroni adscribendum putem, ut Porta facit, sed
 ex ultimo Heronem produxisse tubulum & ferè usque fundum
 C D; sic enim major erit quam tubulus x o, & aqua per ipsum
 & decidens habebit perpendicularium præponderans perpendiculari
 aquae seu olei ascendentis per x o.

Similis error reperitur apud Heronem cap. 36. ubi docet
 satyricum construere super quadam basi, utrem in manibus te-
 nente, cui adiacet labellum; ut infuso in labellum humore, ita
 ut repleteatur, aqua per utrem in idem labellum influat, & non su-
 perfundatur, quo usque tota per utrem aqua evacuata fuerit. Ex
 qua quidem constructione desuma est praxis construendi for-
 tem Heronis, de quo infra Parte 2. Claise I. cap. 2. Machi-
 na 1. 2. & 3. ubi errorem Heronis detegemus;
 si tamen Heronis est, & non in-
 terpretis.


§. VI.


Attractione & expulsione simul aquam ele-
vare possumus.

Diximus §. IV præcedente, perpendiculum aquæ cadentis & pellentis aërem, longius esse debere perpendiculo aquæ ascendentis per expulsionem. Diximus præterea Protheoria I. §. VI. perpendiculum aquæ cadentis & trahentis aërem, debere superare longitudine perpendiculum aquæ attractæ. Infrâ Parte 2. Classe I. cap. 1. Machina 7. & cap. 2. Machina 10. & 11. dicemus, qua ratione per multiplicationem plurium perpendiculorum brevium elevari possit aqua, tam per expulsionem, quam per attractionem, ad quamvis altitudinem. Nunc subjiciam modum attollendi aquam per attractionem & expulsionem si-
Modus in-
geniosus &
levandi
simul ad duplam altitudinem aquæ cadentis, quoniam ingenio-
fus est, & ad multa potest esse utiles. Refert illum Porta lib. 2.
Spiritualium cap. 2. cumque magnificè extollit, tanquam à se in-
ventum; & ait superare omnem humanum intellectum, nec un-
quam in mentem venisse antiquis, se verò post expertas multas,
& labores plurimos illum tandem reperisse. Modus hic est.

Sit ex vase B elevanda
aquam in
quamvis al
titudinem
per attracti
onem & ex
pulsionem,
simul,
aqua usque ad vas E, ad
altitudinem centum pe-
dum, mediante perpen-
diculo 50. pedum aquæ
cadentis. Fiant alia duo
vasa A, & C, in eodem
plano horizontali cum
vase B constituta, ejusde
capacitatis cum B; & in-
fra ipsa constituatur vas
D, cuius suprema oper-
culi pars distet à fundis di-
ctorum valerum 50. pedi-
bus. Ex vase A defcen-
dat in vas D tubus G X, 50.

G 3 pe-





pedū; qui tamen ab x extendi ac prolongari potest usque ad H , dummodò tantum distet à fundo, ut aqua effluere possit. Habeat autem hic tubus epistomium v . Ex vase B descendat in idem vas D aliis tubus K , incipiens paulò infra operculum apud K , & desinens paulò infra operculum apud L . Ex vase C descendat tubus $O P$ 50. pedum, habens epistomium T . Ex vase E descendant in vase B & C duo tubi: primus $N C$, incipiens infra operculum apud N , & desinens infra operculum apud C : alter $M L$, incipiens immediatè infra operculum apud M , & desinens supra fundum apud L . Longitudo verò hujus tubi $M L$ ab operculo M usque ad punctum L sit centum pedum. Tria vasea A, B, C , habeant sua foramina cum infundibulis F , per quæ aqua infundi possit intra vasea, & obturari. Vastamen A potest manere apertum. Duo vasea D & E habeant sua epistomia H & S . Omnia præterea vasea, excepto A , debent esse undique ac diligentissimè clausa; ideoque tubi debent in loco transitus accuratissimè ad ferrum inari ipsorum vasorum operculis, & fundis. His ita constitutis, repleantur tria vasea A, B, C , aquâ, & claudantur, clavis priùs omnibus epistomijs omnium vasorum ac tuborum: reliqua verò duo vasea, D & E , maneant vacua. Deinde aperiatur epistomium T ; & aqua vasis C descendat versus P , secumque trahet, ad vacuum vitandum, aërem vasis E , per tubum $N C$, simulque aquam vasis B usque ad altitudinem 50. pedum ubi v ,

ubi v , quantum nimirum est perpendiculum tubi OP , per quem aqua cadit. Postquam vero aqua descenderit hinc usque ad P , inde usque ad v , haerebit utrumque velut in æquilibrio immobilis, propter perpendiculorum æqualitatem. Tum vero aperiatur epistomium v , & aqua vasis A descendet intra vas D , indeque expellet aerem per tubum IK intra vas B ; qui aer premet aquam, atque propellet sursum per tubum LM versus M , sicque elevabitur aqua ultra punctum v , effluetque aqua ex tubo OP , penitusque ascendet aqua vasis B , per tubum LM , intra vas E ; nec cessabit fluxus, donec tria vasa A, B, C , simul fuerint evacuata, totaque aqua B ascenderit in E . Si jam aqua vasorum D & E per sua epistomia deponatur, & vasa A, B, C , denuo repleantur; institui poterit eadem circulatio, idque toutes quoties libuerit. Hæc est praxis Portæ; ingeniosus atque industrius artifex addere, demere, mutare poterit, quæ libuerit, ornatūs aut commoditatis gratia, modò non alteretur rei substantia, quam nos præcisè hic dedimus.

Nota hinc, ut aperto epistomio T descendat aqua vasis C versus P , laxandum simul esse epistomium v vasis A ; alioquin nunquam descendet aqua vasis C , ne detur vacuum, ut consideranti patebit.

Nota præterea, quod diximus de aqua ascendentे ad altitudinem 50. pedum, tantum gratia exempli fuisse dictum: nam aqua non potest per attractionem elevari ad tantam altitudinem, ut alibi fuissemus dicemus.

§. VII.

Salomon Caus merito fugillat Heronem.


Hero cap. 55. Spiritalium ait, quædam vasa à principio humore injecto fluunt, intermissione vero facta non amplius fluunt injecto humore, quo usq; ad dimidium repleta fuerint; tunc enim incipiunt fluere: At intermissione facta, non amplius fluunt, quo usq; impletantur. Hujus rei probandæ gratia proponit hujusmodi machinam.

Sic

Pars I.

56

Heronius Ma
ohina defec-
tuosa.



Sit enim vas A-B, habens in seipso tres siphones inflexos C, D, E, in ventre occultatos, quorum altera quidem crura sunt ad fundum vasis, altera vero extra ferantur in canales efformatae; atque eorum extremis apponantur vasa F, H, G, quorum fundum distet ab osculis, quantum ad aqua fluxum satius sit. Omnia vero comprehendantur alio quodam vase, tanquam basi KLMN, quae canalem x habeat. Et siphonis quidem C curvitas sit ad fundum vasis; siphonis vero D curvitas ad dimidium altitudinis ejus; & siphonis E ad ipsum collum. Si igitur in vas A-B aquam infundamus, a principio quidem fluet per siphonem C, quoniam curvitas ipsius est ad fundum. Quod si intermittamus, evacuabitur humidum

infusum per canalem x, & vas F relinquetur aqua plenum, siphonis vero C reliqua pars aere plena erit. Rursus cum aquam infundamus, non procedet per siphonem C, propterea quod aer in eo continetur inter aquam infusam, & eam qua est in vase F. Ascendet ergo humidum usque ad siphonis D curvitatem, qua est ad dimidium altitudinis vasis; & tunc fluere incipiet: sed intermissione facta, rursus idem contingit quod in siphone C jam dictum est. Eadem & in siphone E intelligantur. Oportebit autem humidum sensim infundere, ne aer, qui in siphonibus comprehensus est, summa vi expellatur. Hec Hero; Quia tamen, & quidem optimè, atque ex Hydro-pneumaticæ artis principijs, Salomon Caus in suis hydraulicis, seu lib. i. de viribus motricibus, reprehendit, dicens effluere aquam per siphonem C, etiam post secundam infusionem intra vas, eo quod aer contentus intra siphonem C pellatur ab aqua extra inferius osculum, erumpatque extra aquam vasis F. Quod


Heronis er-
ror.

Quod quidem verissimum est, cum aqua infusa intra vas A B per secundam infusionem, faciliter ascendat per crus internum usque ad curvitatem C, non resistente aere; qui aer intra siphonem C F compresus cedit aquae ascendi primum usque ad curvitatem C, inde descendenti pondere suo, pulso aere, erumpente per aquam vasum F. Adde quod si tam altum esset vasculum F, ut aer per ejus aquam exitum non inveniret; ascenderet is per siphonem aquae mixtus, prout fieri videmus in canali vitreo quantumvis gracili atque longo: si enim aqua aliquousque eum repleas, & obturato utroque orificio invertas, ut aqua superiorem, aer inferiorem occupat locum; statim descendit aqua, & ascendit aer, aperitur sibi vel per medias aquas viam, ut testantur bullae frequentes inter aquas erumpentes; & qui paulo ante succumbebat aquae, eidem paulo post incubit aer.

§. VIII.

Idem perpendiculum aquae cadentis non potest servire simul attractioni & expulsioni.

Porta loco saepe citato de spiritualibus Cap. VIII. ait, se frequenter tentasse ut aquam eodem perpendiculo mediante elevaret ad maiorem altitudinem, quam perpendiculum erat, partim attractione, partim expulsione. Eum in finem fecit vas A, ex quo elevare volebat aquam, usque ad vas B, ad altitudinem pedum centum verbi gratia. Construxit igitur aliud aquale vas C in eodem plano, & aliud DF demissius utroque pedibus so. vasorum constructa instruxit tubis & epistomis, prout figura monstrat. Hisce peractis, replevit vasum C & A aquis, & diligenter clausit utrumque, clausis etiam eadem diligentia vasum B & DE. Deinde aperuit tubum BD, ut descendente aqua vasum C intra vas DE, traheretur aer ex tubo CK, vase B, & tubo IH, simulque attraheretur aqua vasum A saltem ad L, altitudinem pedum so; quod & factum fuit. Sperabat autem ut aer vasum DF pulsus per tubum EG, intra vasum A, expelleret inde




aliam aquam , & sublatam
jam antea aquam usque ad
L, attolleret ulterius usque
ad vas B; at nunquam id
obtinere potuit: nam post-
quam ascenderat aqua us-
que ad L, haesit suspensa,
& aqua vasis c non deflu-
xit amplius per tubum E.D.
Colleget inde , idem per-
pendiculum ED non pos-
se inservire attractioni &
expulsioni simul , sed vel
soli attractioni , vel soli ex-
pulsioni quod benè notan-
dum est. Causam dabi-
mus infrā Protheoria IV.
capite 2. Proposit. 13. & 14.
quam tamen ignorasse Por-
ta videtur , quoniam nul-
lam adsignat,

§. IX.

Error apud Ioannem Baptistam Portam, indicatur.

A pud Ioannem Baptistam Portam lib 2. Spiritualium cap. 10.
traditur modus elevandi aquam per expulsionem ad stellas
usque, ut ibi dicitur, mediante solo unico perpendiculo quin-
quaginta verbi gratia pedum altitudinis : qui tamen est omnino
falsus, & repugnat doctrinæ Portæ in præcedentibus traditæ;
Vnde suspicabar ab Hispano traductore fuisse additum : crede-
re enim nulla ratione poteram, à Porta tamenormem errorem
potuisse committi. Reperit tamen deinde eundem modum in
editione



editione latina cap. 9. Modus hic est. Esto vas C, & supra ipsum ad distantiam pedum verbi gratia quinquaginta, vasa D & K, cum suis infundibulis; & supra hæc aliud G; aliudque supra hoc; & sic deinceps ad quamvis altitudinem, etiam usque ad stellas. Conjugantur dicta vasa tubis, ut monstrat figura, habeatque tubus DB suum epistomium, ut & vas C suum; & vasa D & K repleantur aqua. Deinde aperiatur epistomium tubi DB, & aqua descendens intra vas C expellet inde aerem per tubum FG intra vas K; qui aer inde expellet aquam per tubum FG in vas G, & ex G per tubum H in expellet aqua in aliud vas, & sic ulterius. Sed hæc prorsus sunt erronea, & contra principia hydraulica.

*Error apud
Portam.*

Perpendiculum enim DB aquæ cadentis pedum quinquaginta, non potest elevere aliam præter aquam vasis K per tubum FG pedum etiam ad summum, usque ad vas G, ubi quiescat aqua. Dato deinde quod ex G posset elevari aqua eodem perpendiculo DB, debet tubus H pertingere ferè usque ad fundum vasis G, ut aqua pressa intrare posset. Falsus ergo est hic modus. Alium nos trademus infra Classe I. cap. 2. Machina 4. & 11.

§. X.

Alia ratio aquam elevandi in altum propter

Corporum impenetrabilitatem.

Est & alia ratio aquam quiescentem atque infusam vasis elevandi, in altum, atque in fontes efformandi, quam vel ipsa bruta docent animalia. De Cervis quippe Lybicis narratur, quod

dum sitientes foveam offendunt aquā plenam , cuius tamen suprema superficies humilior atq; profundior est, quām vt capite ac collo protenso eam attingere possint, calculos ore & vnguis asportantes foveæ injiciant , vt desidentibus in fundum lapidibus humor subsidentium corporum occupatione elevetur , superioremque elatus repleat vacuitatem ; ita solerti machinatio- ne reficiuntur. Vasis itaq; puteisque si solida injicias corpora, quæ fundum petant vel sponte , vel vi depressa ; elevabitur aqua , & per tubos superiū applicatos effluens in fontem formabitur. **Hoc artificio constructus erat olim fons ad S. Georg. Venetijs,**

*Fons ad S.
Georgium
Venetijs.*

teste Iosepho Ceredo Discursu primo de Modo elevandi aquas è locis humilibus , pag. II. Binæ enim fabricatae erant cisternæ, seu piscinæ, humilior ac profundior una , altera elatior ad prioris latus. Humilior latera habebat angusta , & putei instar erecta; & cuius fundo usque ad collateralis suprema labra deduceban- tur tubi plumbei. Habebat præterea operculum ligneum atque gravissimum , quod cisternæ latera vacua implebat , & aquæ in- cumbens suo paulatim pondere descendebat , atque aquam cō- primens eam intra tubos compellebat ; per quos ascendens, sub- sequentibus alijs aquis pulsa, exonerabat se intra superiorem collateralem cisternam , indeque pondere suo naturaliter dela- bens per fistulas efformabatur in fontem. Multas alias Machi- nis hydraulicis eodem constructas artificio enumerat ibidem Citedius Ceredus , & vnam hac ratione adornatam Machinulam Scaliger Exercitat. 42. contra Cardanum ; ex qua tamen falsum deducit modum ostendendi fontium originem ex mari. Hac porrò ratione in altum elevaturaqua per antlias, quarum ingen- tem copiam affert Augustinus Ramellus in suo de Machi- nis hydraulicis opere , & nos aliquas adduce- mus Classe I. cap. 2. Machina 6.

PRO-

PROTHEORIA TERTIA.

Dei Rarefactiva; seu de tertio Hydro-pneumaticarum Machinarum Principio,

§. I.

Rarefactionis vis, & effectus mirabiles.

Rarefactionem ingentes suppeditare vires ut alijs corporibus, ita aquæ & aëri, ad ea in omnem situs differentiam impellendam, multòque magis ad hydro-pneumatica omnis generis technas mata monilienda; is solus ignorare potest, qui stupendos ipsius effectus ignorat. videmus quotidie, miramurque, ac plangimus stragem, quam πολιορκηται nitrato & sulphureo pulvere intra bombardorum militarium angustias rarefacto edunt, in sternendis non hominibus tantum, sed ædibus, turribus, propugnaculis, atque adeo vrbibus integris. Non Iovis tantummodo fulmina imitatur rarefactio in bombardis, sed Plutonis etiam iras æmulatur in subterraneis cuniculis; tantò perniciosiore strage, quantò minus patente. Excavant Martiales Architecti à loco obsidionis ad usque propugnaculum, cui ruinam minantur, viam anfractuosam, angustamque, magneticæ pixidis ductu, uti inter alios docet P. Athanasius Kircherus lib. 2. de Arte Magnet. par. 2. cap. 1.

Probl. 7. & nos in Pantometro Kircherianolib. 5. Ichnographico Probl. 8. Sub loco deinde ruinæ destinato Cameram construunt laxiorem, eamque implent pulveris tormentarij vasis, & ostium claudunt, relicto exiguo foramine, perque viam totam ignis pabulum sternunt, & egressi ignem applicant; qui serpens per viam accedit pulveris massam omnem Camerâ conclusam, itaque rarefacit, dilatatque, ut angustiarum impatiens, & laxiorem quærens locum, impositam sibi molem disiciat horribiliter fremitur, nec minori terrore, quam damno. Nihil unquam magis simile terræ motui, qui & ipse rarefactionis est effectus lumen-

*Rarefactio-
nis vis in
bombardis.*

*Rarefactio-
nis vis in
cuniculis
subterra-
neis.*

*Rarefactio-
nis vis in
terra mor-
tibus.*

culentissimus, excogitatum fuit. Eodem enim prorsus modo in terræ concussione flamma ex aliqua subterranea fornace, vel interno calore, per venulam aliquam nitri aut sulphuris serpit, donec perveniat ad locum, in quo maiorem huiuscemate copiam inveniat; quâ subito accensâ & rarefactâ, dum maiorem querit locum, sibi impositas concutit, & disjicit non raro, moles. Sæpe etiam iam antea accensus in terra visceribus ignis, dum nova augetur aliunde attracta materia, montes sibi impositos concutit, fiuditque, ut non semel audivi, vidique in Ætna Sicut ciliæ, duorum annorum accolâ olim, & nunc hoc ipso anno 1654. quo hæc scribo, hîc Romæ, quam (raro exemplo) concusserunt motus ille ingens, qui tantam Sorœ stragem intulit, & Romam hinc inde Neapolim, omnesque interiacentes regiones tremefecit.

§. II.

Alia Rarefactionis Exempla.

Rarefactio-
nis exempla
duo.

Narrat P. Nicolaus Cabæus lib. 4. Meteor. Arist. text. 12. q. 1. vidisse se marmoreum vas maximum atque durissimum ab aqua conglaciata discissum, eò quod cōgelatione rarefactæ fuerint aliquæ internæ partes aquæ: factâ enim illâ subitâ congelatione, obstruerunt attenuationi & rarefactioni partium latera vas, cessitque durities vehementiae rarefactionis, & fractum est vas, quod non disruptissent centum juga boum, si in diversas partes traxissent. Idem Cabæus ibidem asserit, se vidisse columnam marmoream, quam tres homines dilatatis brachijs simul non poterant complecti, quamque mille juga boum, si in diversas partes, toto juncto impetu traxissent, frangere non potuissent, fractam tamen prorsus medium atque truncatam, eò quod ligna quedam columnæ illi proxima fuerint combusta, ideoque ex vicino calore spiritulus aliquis in marmore inclusus intus in meatibus fuerit rarefactus, & ex rarefactione maiorem sibi locū quæsiverit.

Notum jam pœnè est omnibus, quod refert Petrus Castellus in Libello de Incendio Vesuvij Italicè conscripto, & ex ipso Kircherus lib. 3. Artis Magnet. part. 2. cap. 3. circa finem, depul vere

vere pyrio ex auro confecto, quod aurum fulminans appellat **Castrum**. *Aurum fulminans.*
 stellus, & aurum volatile Crollius. Est id nihil aliud quam aurum calcinatum aquâ fortis eum regiâ, sale armoniaco, & oleo tartari præcipitati. Hæc calx quam primùm sentit etiam calorem ignis, concipit sponte sua flamمام, & in auras abit, cum ingenti fragore & strepitu: & si vel vnum aut alterum huius pulveris granum cultro impolueris, & candelam infrà applicueris, ut incandescat; tantum edit fragorem, ac si magnam explosiones bombardam. Facit autem effectum contrarium ordinario pulvri pyrio, quia non sursum, sed deorsum tendit; unde scrupulus vnicus huius volatilis auri positus supra laminam ferream nō modicæ crassitie, & carbone desuper applicato accensus, penetrat & perforat ipsam laminam.

Nolo hinc omittere aliud rarefactionis exemplum, quo ego ipse multis in locis, coram viris etiam Principibus, exigua machinula non exiguum excitavi fragorem, bombardulae minoris fragori prorsus æqualem ac similem. Vitreas Sphærulas *Vitreas sphærulas minores bombardulae crepitum emulantes.*
 nucis avellanæ magnitudine, aut etiam minores, fieri curavi ad lampadem Romæ à quodam Germano artifice, vitrum in omnes colores omnesque figuræ florum, fructuum, avium, animalium omnis generis, juncularum quarumlibet affabré elaboratarum efformante, idemque in subtilissima fila ad rotam circumactā diducente. In eas vitreas Sphærulas acetum, aut nitratum salēm aquâ dissolutum ac liquefactum infundi iussi, & ad mediatem repleri, ac deinde hermeticè claudi ad eandem lampadem. Harum sphærularum vnam si carbonibus non nimium accensis, aut calidis cineribus (ut paulatim calefiat) impolueris, rarefit spiritosa materia intus clausa, & majorem quærens locum, post spatiū circiter temporis quo Psalmus 50. *Miserere mei Deus,* recitari potest, tanto cum impetu ac fragore viam sibi aperit, ut non tantum vitrum in mille minutissimas particulas disstringat, sed cineres etiam & carbones toto conclavi dissipet, nullius damno, nisi si quis vultum propè applicet. Cum experientiam Romæ coram Serenissimi Hollatia Ducis Filio primogenito facerem,

cerem, foco assidenti more ibidem solito, famuli ante cubiculum prætolantes accurrebant attoniti, bombardulam in Principem suum explosam credentes. Alius magnus quidam Princeps cum nonnullas a me accepisset, ac domidie quodam cum multis alijs nobilibus foco assideret, vnam ostendit, ac videntibus omnibus igni iniecit, asserens, ubi calefieret, gratissimum sparsum odorem. Cum omnes arrectis naribus, & ore hiante odorem exspectarent, derepente fit crepitus, & carbonum disiectio, diffugientibus omnibus in timorem primò, deinde in rufum dissolutis. Alio tempore coram Cardinale quodam & magno Nobilium comitatu, admonito prius clanculum solo Cardinale, vnam explosi; & ita omnes alij præter dictum Cardinalem territi fuere, ut auctorem (ignorabant me esse) ad poenam quærerent.

Innumeros alios effectus rarefactionis, sicut & condensationis, adducere possem; sed his sufficiunt ad adstruendam efficaciam in commovendis corporibus. Quæ efficacia si tanta est, quantam vidimus; quis neget, eandem in aëre & aquis elucere posse, dilatando & constringendo elementa ipsa, & in fontes aquaque hydraulicæ, pneumaticaque artificia animando? sed hæc evidentissimè ostendemus in multis ex sequentibus Machinis Partis 2. præsertim Clas. I. cap. 3. Mach. 1. 2. 5. 6. 8. & alijs multis.

PROTHEORIA QVARTA.

De fluxu Aquæ naturali;

seu

De quarto Hydro-pneumaticarum Machina- rum principio.

Durima, jucundissima, utilissimaque circa Aquæ fluxum naturalem, seu libera ea sit, seu aquæ ductibus, canalibus, tubis, siphonibus, fistulis, & quibusunque alijs meatibus constricta, dicenda ocurrunt hoc loco, quæ Hydro-pneumaticarum Machinarum Artificibus

Protheoria IV.

63

Ecibus non minùs necessaria, quām utilia sunt. Nos ex omnibus ea tantūm, quæ fini nostro conducere videbuntur, selegimus; cetera ad Mechanicam nostram Magiam reservabimus.

C A P V T I.

De proprietatibus Aquæ fluentis liberè.

P R O O E M I V M,



Iberè fluit aqua, dum nullis constricta
est meatibus seu vinculis. Huiuscē propri-
tates, fini nostro conducentes, vt assignem,
Suppono duo, quæ licet in dubium revocentur
ab aliquibus, conceduntur tamen à melioris
note Philosophis & Mathematicis.

Primum est, Ordinem Elementorum, naturæ eorum con-
gruentem hunc esse, vt Terra sit in medio omnium, Aqua circa <sup>Elemento-
rum ordo
naturalis;</sup> Terram, circa Aquam Aer, & circa Aerem putatus Ignis. Ac
principio quidem rerum, quando Creavit Deus coelum &
terram, Genes. c. I. predictum servarunt ordinem, usque ad
diem Mundi tertium, quo die Deus benedictus Terram, antea
sphaericè rotundam, in cavitates varias deformatum, in easque
Aquam omnem subtercœlestem, maribus, lacubus, fluminibus,
fontibus discretam, derivavit, unumque ex Terra & Aqua
globum constituit, unicum contentum sphaericâ superficie, terrena
hinc, inde aquea, prout Aquæ diversimodè Terram discissam <sup>Terraqua-
us globus
in medio
mundi col-</sup>
interfluunt, aut circumfluunt. Qui quidem globus ex Terra
& Aqua coagmentatus (quem ob id recte Terraqueū appellare
possimus) in prima sui coagmentatione, quando die Mundi <sup>locat⁹ fuit
die tertio
creationis
terrum.</sup>

tertio dixit Deus: congregentur aquæ, quæ sub cœlo sunt, in locum vnum, & appareat Arida; & factum est ita; in medio Vniversi, hoc est, in centro supremi, & omnia ambientis Cœli collocatus fuisse videtur; in medio, inquam, non solum quoad sensum (quod nullus, aut vix ullus, saltem alicuius nominis, negat) sed revera ac mathematicè, ita ut centrum gravitatis Terraquæ congruerit tunc perfectè centro Vniversi, exi-

Terraqua
nnuc non
est semper
in mundi
centro ma.
thematicè. gente id naturali ipsius gravitate. Nunc verò licet ob continua mutationem in Terra Marique mutationem, centrique gravitatis variationem prædicta Terraqua non sit fortasse semper præcisè & mathematicè in Mundi medio in sensu dicto (non enim certò constat, ad centrum gravitatis mutatum continuò, sequi continuam, licet exiguum, trepidationem ipsius, nitentis ad mundi centrum) tam parum tamen ab illo centro distat, quam multum distat à tota mole Terraquæ quocunque pondus de facto additum aut ablatum de novo. Ex quibus deducitur, si centrum gravitatis Terraquæ differt à centro magnitudinis eiusdem (ut probabile est differre, cum Terra ponderosa sit quam Aqua, nec omnes Terræ partes, æqualis sint ponderis) differre solum insensibiliter; ac proinde idem censeri posse; saltem physicè & ad sensum, utrumque centrum. Sed de his fusè tractatum vide à Kirchero in Mundo subterraneo, libro I. de Centro sophia, & à nobis in Mechanica Vniversali lib. I. aut in Magia Mechanica.

Centrum
commune
omnium
gravium
ac levium

Alterum quod suppono est, centrum Vniversi, adeoque Centrum Terrauei globi, quem in Mundi medio statuimus, censeri posse centrum commune omnium gravium ac levium, quæ nimis

nimirum omnia gravia per se tendunt appetitu innato, & à quo levia recedunt, utraque per rectas ac brevissimas lineas, nisi impedianter, aut cogantur per obliquam ac longiorem viam versus illud descendere, vel ab illo recedere. Cùm igitur aqua omnis sit gravis, ut experientiâ patet; tendet appetitu naturali ad centrum Terraquæ, id est, ad centrum Vniversi. Idem dicendum est de alijs liquoribus. His premissis accedimus ad propositum.

Proprietas I.

Aqua tendit ad loca decliviora.

Aquam, & omnem alium humorem, fluentem liberè, currere ad loca decliviora, & centro Mundi ac Terraquæ propinquiora, si patet ipsius liber aditus, sive rectus ac perpendicularis, sive obliquus; patet experientia quotidiana, nec indiget probatione. Ex quo deducitur, aquæ etiam consistentis partes omnes inclinare innato appetitu ad eadem loca decliviora: ideo enim de facto, sublatis impedimentis, eò fluit aqua, quia naturaliter eò inclinat. Consistentem porrò aquam appello, quæ situm obtinet naturalem. Situs autem seu positio naturalis aquæ est, quem dum naturali suo fluxui & consistentiæ permittitur, sua sponte assumit, tam in superficie superiori, quam in inferiore, & lateralibus.

Proprietas II.

Aqua superficies superior, cessante fluxu, sphærica est; reliquæ conformantur vasis & receptaculis.

Aqua liberè fluens tam diu fluit, donec partium continuata-
rum extima seu superior superficies sphærica sit, habens idem
centrū cum centro Terraquæ & Vniversi, hoc est, donec omnes
extimæ superficiæ partes æ qualiter distent à Centro Mundi. De-
mon.

Pars I.

monstrat hoc subtilissimè Archimedes lib. 1. de insidentibus humido Proposit. 2. & Aristot. lib. 2. de Cœlo text. 31. & sequitur ex præcedente Proprietate. Si enim cessante fluxu, & consistente iam aquâ, pars vna superficie extimæ altior esset, & altera humilior, hoc est, si non omnes æquè distarent à centro Mundi (quod est sphæricam habere superficiem, habentem idem Centrum commune Mundi;) non omnes aquæ partes, sublatis impedimentis, fluenter ad loca decliviora, nec aquæ consistentis partes omnes eò naturali appetitu inclinarentur aut certè violenter in tali statu, & nullo præsente impedimento, detinerentur; quod incongruum est, & naturis rerum repugnans.

*Aqua vasis
consentanea su-
perficies con-
formantur
vasorum in
figura
tus.* Inferior porrò aquæ superficies, & laterales, conformantur superficiebus internis vasorum & receptaculorum, quibus aqua continetur: Vnde si vna pars fundi vasorum ac receptaculorum est altior alterâ (prout in mari, lacubus, fluminibus, & vasis ordinariè fit) etiam talis erit aquæ illis contentæ inferior superficies. Idem intellige de lateralibus superficiebus.

Porisma I.

*Aquarum.
omnium Su-
perficies su-
perior est
sphærica.
In vasis, ta-
men exiguis
sensi po-
test plana.* Colligitur hinc, Oceani, Marium, lacuum, & aquarum quærumcunque continuatarum, & in quibuscunque receptaculis contentarum, ac consistentium, superficies superiores atque externas esse sphæricas, habentes idem cum Terraquæ superficie cōvexa centrum. In vasis tamen & receptaculis exiguis adeo exigua est & insensibilis sphæricitas istius superficie, ut meritò supponi possit esse planam, seu horizonti parallelam: vnde & nos in sequentibus id nobis concedi postulabimus, & ita supponemus.

Porisma II.

*Aqua plus
continet vas
plenum infe-
riori, quam
superiori.
Ieo.* Colligitur iterum, idem vas ad turris aut montis radicem positum, & aquâ omnino plenum, plūs aquæ continere, mathematicè loquendo, quam possum in turris aut montis vertice, & aquâ itidem omnino plenum. Ratio est, quia major est sphæricitas aquæ in primo, quam secundo casu.

Porisma III.

Colligitur tertio, si aqua ad libellam constituta esset alicubi, non posse consistere, sed necessario moveri, quia tunc non omnes partes extimæ & superioris superficie essent æquæ vicinæ centro Terraquæ. Athoc melius explicabitur in Pantometro nostro Kircheriano lib. 9. Hydragogico, vbi delibellatione aquarem agemus, iterumq; in Mechanica nostra Universali, libro quem inscribemus Mechanicam Hydragogicam.

Proprietas III.

Aqua minùs pressa expellitur à magis pressa.

AQuæ, & humidi cuiuscunque, ea est natura, inquit Archimedes lib. 1. de Insidentibus humido, Hypothesi 1, vt partibus ipsius æqualiter iacentibus & continuatis interfuse; minùs pressa à magis pressa expellatur; & quidem tanto fortius, quanto aut minùs illa, aut magis hæc pressa fuerit. Hoc quomodo sit intelligendum, patebit ex sequentibus Proprietatibus huius capituli, & etiam ex dicendis capite sequenti, Propositione 2.

Proprietas IV.

Aqua, & humidi cuiuscunque, pars unaquaque premitur humido supra ipsam existente ad perpendiculum, si humidum sit descendens in aliquo, aut ab alio aliquo pressum.

Asserit hoc Archimedes loco proximè citato. Itaq; quando aquæ pars humido non est descendens in aliquo, aut non est ab aliquo alio pressum, sed consistit in suo situ naturali, una pars non premit alteram, vt mox dicemus. Si autem humidum est descendens in aliquo, vt si effluit per foramen vasis, aut influit in vas coniunctum: tunc partes supra foramen premuntur à partibus ad perpendiculum ipsis incumbentibus, non verò ab alijs collateralibus. Similiter si humidum premitur ab aliquo, partes pressæ premunt solum quæ ipsis ad perpendiculum substant;

Aquâ in situ naturali consistente , partes superiores non premunt inferiores.

Patet hoc ex multis signis. Primò enim alioquin partes aquæ inferiores essent deniores superioribus, quia cōpressæ essent. Secundò, vrinatores infra aquam existentes non sentiunt pondus aquarum incumbentium sibi. Tertiò, herbæ levissimæ intra aquam crescentes , & in altum assurgentes, non sternuntur ab aqua superincumbente. Quartò, corpus grave fune alligatum & infra aquam demersum, sustinetur à manu , & extrahitur, tanta facilitate, quanta sustineretur & extraheretur, si nulla aqua illi incumberebat; imò maiorietiam facilitate , quoniam gravia minus ponderant intra , quam extra aquam. Quintò, fistula aqua plena levior est intra aquam , quam extra : Cur hoc , nisi quia aqua intra aquam non ponderat?

Porisma.

*Aqua con-
sistens pars
superioris non pre-
munt inferiores.* C Olligitur hinc, quando Archimedes, alijque dicunt, omnes partes aquæ partes, dum ea in situ consistit naturali , æqualiter praeservantur, non esse sermonem de actuali pressione, sed solùm de aptitudinali. Premi vnum ab alio aptitudinaliter , est , habere supra segrave non sustentatum ; at premi actualiter est ita habere super actu, præsegrave non sustentatum, vt ablato impedimento cedere cogatur corpori incumbenti; & nisi cedat, comprimatur. Videlicet, quid cendum est , premi quidem partes humidi inferiores à superioribus sibi superincumbentibus, at non comprimi. Solùm ergo partes superiores aquæ actu premunt inferiores, quando vel ab alio premuntur superiores, vel quando sunt altiores alijs partibus contiguis in eodem vase , aut in duabus vasis inter se communicantibus, vt videbimus, cum de Siphonibus agetur; vel denique quando infra se habent inferiores immediate corpus levius se in specie, v. g. aërem , aut tenuissimum fundum ; in omnibus enim hisce casibus partes inferiores cedunt quidem superioribus , at minimè ab illis comprimuntur. Hinc est, quod aqua effluat è foramine in fundo aut latere vasis. Hinc etiam est, quod fundum

Protheoria IV.

71

dum tenue vasis incurvetur, ac tandem frangatur. Hinc denique est, quod dum partes aquæ superiores premuntur, & partes inferiores non habent effugium aut infrà, aut è latere vasis, rumpatur potius vas, quam partes inferiores comprimantur. Vide quæ dicimus infrà parte 2. Classe I. cap. 5. Machina 6.

Proprietas VI.

Aquæ in situ naturali positæ vna pars non expellit alteram.

Patet experientia. Et ratio est, quia vna non premit alteram, ut dictum in præcedenti Proprietate. Quod si in vasis conjugatis altior aqua pellit minùs altam, causa est, quod non sit posita in situ naturali, quia scilicet non habet omnes partes æquæ distantes à centro Mundi.

Proprietas VII.

Non omnes aquæ æquales magnitudine, sunt æquales pondere.

Sunt enim salsæ graviores dulcibus, & frigidæ calidis eiusdem speciei, seu individui; & tam salsæ, quam dulces, aliæ alijs graviores sunt, ut patet experientia, & fatentur etiam nautæ, vi- dentes naves è fluminibus impuris ad pura, aut è mari ad flumina transeuntes subsidere profundiùs, & subinde cum submersionis periculo.

Proprietas VIII.

Aqua naturaliter non ascendit ad locum altiorum suâ origine.

Mò nec fluit naturaliter ab uno ad alterum locum, nisi terminus à quo altior sit, quam terminus ad quem. Vtrumque patet experientiâ, & sequitur ex dictis Proprietate I. & II. Hinc Hydragogî asserrunt, non posse deduciaquam de loco in locum, sive per alveum, sive per aqueductus, canales, ac tubos deducenda sit, si spatiū fit æquilibrium, seu ad libellam constitutum; nec sufficere Ma- thematicâ, aut quamcunque physicam declivitatem, sed requiri in singulis milliaribus cadentiam seu declivitatem quatuor ad minim.

Pars I.

72

minimūm vnciarum vnius pedis, (est vncia pars duodecima pedis) ita ut terminus ad quem in fine milliaris sit vicinior centro Terræ quatuor vncijs, quam terminus à quo; & post alterum milliare alijs quatuor vncijs sit vicinior, & sic deinceps semper, est que hæc regula à plerisque recepta tanquam Axioma hydagogicum. Sed de hac re fusè agemus in Pantometro nostro Kircheriano lib. 9. vbi agemus ex professo de Hydragogia & libellatione aquarum; & in Mechanica Universali.

CAPUT III. DE

Proprietatibus Aquæ fluentis per siphones.

Sipho quid uamvis in Machinis nostris Hydro-pneumaticis, Parte 2. indifferenter & pro eodem sumamus nomen siphonis, & tubi, profistula scilicet, per quam aqua fluit, sive recta illa sit, sive curva; hic tamen, maioris distinctionis gratia, siphonem à tubo distinguimus. Est igitur Siphon nihil aliud quam tubus inflexus. Huius variæ sunt species, ut sequitur.

Propositio I.

Siphonis varias divisiones assignare.

Sipho igitur, seu tubus inflexus, dividitur varie, & habet diversas figuræ, ut apparet in appositis schematismis. Alius enim dicitur siphon erectus, alius inversus, alias mixtus, alias æqualis, alias inæqualium crurum.

Sipho erectus est, cuius omnia crura sursum sunt. Huiusmodi sunt septem priores, & ultimus ex his appositis.

Sipho inversus est, cuius omnia crura deorsum sunt. Huiusmodi sunt idem, si inversi intelligantur, hoc est, si b sursum, c & a deorsum spectent.

Sipho mixtus est, cuius crura partim sursum, partim deorsum sunt. Huiusmodi sunt tres penultiimi ex appositis, seu 8. 9. & 10,

Siphoni-



Siphones tam erecti, quam inversi, vel habent utrumque erus æquale, vel inæquale. Si æqualia sunt crura, vel longitudo & capacitate sunt æqualia, ut apparet in prima, tertia, & septima figura: vel sola longitudine æqualia, capacitate vero inæqualia, ut apparet in secunda, quarta, quinta, sexta, & ultima figura.

*Siphones a-
equalium.
& inæqua-
lium cruri-*

Si-

K


Siphones mixti, vel habent omnia crura æqualia longitudo
ne, ut in octava figura apparet; vel aliqua tantum, ut in nona
figura; vel nulla, ut in decima figura patet. Hæc eadem crura
possunt esse diversæ capacitatis inter se.

Siphon con-
ingatus. Nota. Siphonem quartum aliqui vocant coniugatum, re-
liquos verò inflexos appellant.

Propositio II.

Siphonis erecti proprietates assignare.

*Siphonis e-
recti proprie-
tates.* Prima. Aqua vni siphonis erecti cruri infusa descendit pri-
mū, deinde ascendit per alterum crus, donec supremæ su-
perficies in utroque crure sint in eadem linea horizontali.



Sint siphones erecti A B C D E F, sive æ-
qualium, sive inæ-
qualium crurium,
tam quoad longitu-
dinem, quam quoad
capacitatem; vniq;
crurium, sive longi-
ori, sive breviori,
sive æquali, & sive
largiori, sive stricti-
ori, v. g. cruri A B,
infundatur aqua:
descendet ea primū
utique ad B, indeq;
per C & D ascen-
det, donec supremæ
aque superficies sint
in utroque crure in
eadem linea Hori-

Protheoria IV.

75

zontali, v. g. in linea HIK; hoc est, donec omnes dictarum superficierum partes distent æqualiter à centro terræ, juxta dicta cap. 1. Proprietat. 2. Ratio desumitur ex dictis ibidem. Ex his formo sequens.

Axioma Hydraulicum I.

Quantum aqua descendit per unum siphonis erecti crus, tantundem ascendit per alterum. Idem contingit in omnibus canalibus, alveis, & meatibus quibuscumque incurvatis.

Secunda. Si crurum, sive longiori, sive breviori, sive æquali, & sive capaciori, sive minùs capaci, addas aliquid aquæ, v. g. cruri AB; attollitur etiam alterius cruris aqua, donec rursus superficies distent æqualiter à centro terræ, seu sint in eadem linea horizontali, v. g. in linea GFE. Ratio est eadem.

Tertia. Si cruri longiori, sive id capacius sit altero iam pleno, sive non, addas plus aquæ, v. g. cruri AB; descendet ea per B, elevabitque aquam cruris CDEF, & expellet per os EF, donec cessante infusione sit iterum vtraque superficies in linea GFE. Patet experientiâ, & ratio est eadem, ne scilicet superficies vnius cruris distet plus aut minùs, à centro terræ, quam alterius.

Quarta. Si cruri breviori, licet capaciori, nempe cruri EFC D, jam pleno addas plus aquæ; ea non attollet aquam cruris longioris ultra punctum G, sed effluet ex ore EF, licet aqua cruris EFC D sit longè maior & ponderosior, quam aqua cruris AB. Patet itidem experientiâ, & ratio est eadem.

Corollarium I.

Colligitur hinc primò, aquam majoris perpendiculari pellere aquam minoris perpendiculari, non obstante maiore copia, & maiore pondere huius: ideo enim aqua cruris AB primæ & tertiae figuræ expellit aquam cruris CDEF, licet longè maiorem & ponderosiorum, quia perpendicularum illius est maius seu longius, quam perpendicularum huius. Aquæ perpendicularum hic, & in sequentibus, appello altitudinem aquæ supra horizontem, seu supra centrum Terræ, ita ut illa dicatur habere maius perpendicularium,

K 2

Aqua majoris perpendiculari pellit aquam minoris perpendiculari in Siquid, perpendiculum aquæ.

culum, quām altera, cuius altitudo ab infima ad supremam superficiem maior est, in eodem horizonte.

Corollarium II.

*Aquama
gis aut, mi
nus pressa
in siphoni-
bus, quenā
dicasur.*

Colligitur secundò, Quænam aqua in siphone erecto dicatur magis aut minus pressa: Nam cùm constet, Aquam minus pressam expelli à magis pressa, per dicta Capite primo, Propriet. 3. constet præterea, Aquam minoris perpendiculi in siphone erecto premi atque expelli ab aqua maioris perpendiculi; clarum est, Aquam minoris perpendiculi dici minus, aquā verò maioris perpendiculi dici magis pressam. Ex his formos sequens

Axioma Hydraulicum II.

*Axiomo hy-
draulicum.*

In hydraulicis non aquarum copiâ, sed perpendiculus pugnatur, & vincitur. Illa enim vincit pellendo, vel trahendo alteram, cuius perpendiculum est maius.

Corollarium III.

*Siphonis e-
recti ope a-
quam ex v-
no monte in
alterum de-
rivare.*

Colligitur tertio, Quomodo siphonis erectiope hoc est, canale, tubo aut in modū siphonis erecti constructo) ex monte per vallem ad alterum montem, priori paulò humiliorem, aut ad locum in latere montis, derivari possit aqua; si nimurum fiat siphon erectus, cuius os vnum immergatur aquæ montis altioris, & dein siphon deducatur per vallem, & latera montium, usque ad locum destinatum, humiliorem tamen origine aquæ.

Corollarium IV.

*Dolii quo-
usque sit pli-
num, Si-
phone ex-
plorat e.*



Colligitur quartò, Quomodo scire possis præcisè quo usque dolium aliquod exinanitum sit, manente obturamento superiore clauso, nulloq; alio foramine facto præter id, cui epis tomium immitti solet.

folet. Sit enim dolium $D\ C$, exinanitum usque ad lineam $F\ G$; quod tu ignores: scies id, si tubum oblongum $A\ B$ incurves inferius iuxta B , & doleo iuxta C inseras epistomij loco; liquor enim dolij effluens ascendet per tubum, donec perveniat usq; ad E , & æquetur supremæ superficiei liquoris in dolio contenti.

Corollarium V.

Colligitur quintò, Quomodo repleti possit prædictum dolium in ^{Dolium im-} c ^{plerè pere-} per foramen c epistomij. Si enim tubum $A\ B$ incur- ^{piстомиум} $vatum$ inseras dolio iuxta c , & superius iuxta A infundas lit- ^{ope siphonis.} quorem; ascendet is in dolio, donec æquetur summitati tubi, aut donec dolium sit omnino repletum, si tubus altior est dolio. Bene tamen Schvventerus monet in suis Recreationibus Mathematicis parte 13. quæst. 3. debere in summitate dolij foramen aperiri, per quod aër elabatur, impediturus alioquin liquoris infusionem, si non possit erumpere per foramen c & tubum $B\ A$.

Annotatio.

In Siphone erecto plurim quām duorum crurium eadem contingunt, quæ in siphone duorum crurium, ut consideranti patet.

Propositio III.


Siphonis inversi proprietates assignare.

Plurimas proprietates, easque plerumque miras habet Siphon ^{Siphonis in-} ^{versi pro-} eversus, tam æqualium quoad longitudinem & capacitatem ^{prietates.} crurium, quām inæqualium. Nos præcipuas referemus.

Prima Proprietas.

Si crura siphonis inversi inæqualia sunt quoad longitudinem, & totus siphon repleatur aquâ, & invertatur; effluire ea tota per crus longius, licet sit minus capacitate. Esto Siphon inversus $A\ B\ C$ inæqualium crurium, aquâ plenus, & crus $A\ B$ longius sit quām crus $C\ B$, hoc est, extremæ aquarium superficies A & C inæqualiter distent à Centro Mundi, scilicet $A\ B$ minus, $C\ B$ plus; dico, totam aquam effluere per crus $A\ B$, licet capacitate sit minus quām $C\ B$. Ratio est, quia cum aquæ $A\ B$ perpendicular, sit longius, quām aquæ $C\ B$ perpendicular, magis premitur aqua apud A , quām apud C , per corollarium I.

Pars I.



Propositione. II.
præcedentis; ac pro-
indeper Propt. III.
cap. i. aqua AB ex-
pellet aquam CB,
non quidē per pres-
sionem, sed per at-
tractionem; hoc est,
effluet aqua AB, se-
cumque trahet aquā
CB, & quidem to-
tam, tum propter
rationem dictam,
tum nè detur vacu-
um in siphone.

Annotatio I.

Monuit hīc P. Athanasius Kircherus, ea quæ diximus hoc loco, sō-
lūm esse intelligenda in eo casu, in quo tubi ABC laxior portio BC
inferius est clausa, solo foramine I. relicta. Si enim totum orificium a-
pertum fuerit; aqua nulla ratione sisti poterit quin effluat. secumque tra-
hat aquam cruris BA. Rationem adsignat, quia quando solum fora-
men I est apertum, sola columna aquæ BI in fig. 1. habet rationem per-
pendiculi, eò quòd solum illa premit supra I. At quando totum orifi-
cium est apertum, tota aqua BH + CG habet rationem perpendiculi,
quia tota premit supra orificium apertum, ac proinde aequivalet pluribus
perpendiculis equalibus perpendiculo BI; que simul sumpta superant
perpendiculum longius BA. Addidit, hæc se longa experientia didicisse.

Opportuna monitio, nec menti meæ contraria. Puto tamen, a-
quam ex orificio CI penitus aperto effluere non tam ob rationem adsig-
natam, quam quòd aëri facillimus pateat ingressus ob laxitatem orificij;
quo ingrediente discontinuatur aqua, & per utrumque orificium apertū
effluit.

Porisma.

Porisma.

Confirmatur hinc Axioma hydraulicum præcedens, quod in siphonibus (& etiam tubis, & quibuscumque vasis) non pugnatur ponderibus, sed altitudinibus, seu perpendiculis. Intellige, in casu & sensu explicato.

Annotatio II.

Dicere quis posset, quando solum patet foramen I, tunc attracto cylindrulo aquo BI, facilius succedit aer per foramen attractus, quam aqua lateralis HI, vel GI; immissoque aere, aqua illa lateralis facillime effluet per foramen I. Quare in nullo casu videtur posse verificari, quod aqua AB attrahat totam aquam BC. Nego tamen id recte dici, quia aer ingrediens per foramen I adhaerbit solum ultima superficie aquæ fugientis.

Secunda Proprietas.

Si crura siphonis inversi æqualia sint quoad longitudinem, licet inæqualia capacitate (cum limitatione tamen posita) & totus repleatur aquâ, invertaturque; nihil effluit. Decuritur in præcedente scheme crus AB in D, & repleatur totus siphon aquâ, ita ut extremæ aquæ superficies C & D æqualiter distent à centro mundi; dico, nihil effluere, licet cruris CB maior aqua & ponderosior sit, quam aqua cruris AB. Idem fiet, si absque cruris AB decurratione, extrema aquæ superficies in illo æquè distet à centro Mundi, atque in crure CB, vt si utrobique esset in linea horizontali CD, aut in linea GHE. Ratio est, quia cum in utroque crure æquale sit perpendiculum seu altitudo aquæ, premetur utrobique æqualiter; vel ergo utriusque cruris aqua simul descendere deberet, quod fieri non potest absque vacuo; vel neutrius. Ex hac, & præcedente Proprietate, formari potest aliud.

Axioma hydraulicum III.

In hydraulicis æqualia perpendicula æqualiter premunt, inæqualia Axioma hydraulicum,
inæqualiter, scilicet longius plus, brevius minus.

Tertia

Tertia Proprietas.

Aqua per longius crus siphonis inversi eò currit celerius, quò longius fuerit crus. Ratio est, quia quò longius est crus, eò longius est aquæ descendens perpendiculum, ac proinde eò maiorit, quàm ius pondus incumbit aquæ prope os, eòque magis premitur aper brevius, qua in egressu, celeriusque propterea effluit, & consequenter celerius descendit. Hinc formo sequens

Axioma Hydraulicum IV.

Axioma hydraulicum,

In hydraulicis per siphones & tubos longiores celerius fluit aqua, quàm per breviores, posito eodem, aut aequali orificio per quod effluit.

Quarta Proprietas.

Aqua per siphonē fluit disformi celeritate.

Aqua per longius crus siphonis inversi non effluit celeritate uniformi, sed disformi; augetur enim continuò celeritas descensus, donec exhaustum sit crus oppositum: nunquam tamen descendit tam celeriter aqua, quàm si liberè, hoc est, non per siphonem, sed per tubum, aut extra tubum vel canalem descendet. Ratio est, quia aqua effluens per crus longius A B, in ante positio, & in quoque alio siphone, debet secum trahere contraritatem aquam cruris brevioris C B, nè detur vacuum intra siphonem; quæ aqua cruris brevioris quoniā continuò minuitur effluente aqua per os A, ideo facilius semper ac facilis attrahitur ab aqua cruris longioris A B, cuius proinde descendens celeritas continuò intenditur, donec exhaustum sit totum crus C B. Non æquat tamen celeritatem eam, quâ liberè descenderet, non trahendo secum aquam alterius cruris; quia quàm diu restat aliquid aquæ in crure breviori C B, attrahere illud debet, ut possit effluere, ac proinde semper aliquid retinet impedimenti; quo caret, dum liberè cadit. Adde quòd quò diutiùs aqua effluit per A, eò aquæ cruris C B superficies extrema C magis ascendit versus B, adeoque & perpendiculum aquæ cruris C B continuò minuitur, aquæ interim, quæ ex crure A B fluit, perpendiculo manente eodem. Augetur ergo assiduè propria perpendiculi BA ad perpendiculum BC, adeoque & pro-

Protheoria I V.

81

proportio pressionis aquæ BA ad pressionem aquæ BC augetur; ergo, &c. Duxi, donec exhaustum sit totum crus CB oppositum: nam illo exhausto, minuitur semper magis ac magis celeritas effluxus per os A, quoniam minuitur perpendiculum aquæ, ac proinde semper minus ac minus premitur aqua apud A.

Annotatio.

In siphone inverso pluribus tubis quam duobus composito eadem, & ob eandem causam contingunt, ut patebit consideranti.

Propositio IV.

Siphonis mixti inæqualium crurium proprietates assignare.

Siphonum mixtorum crura vel sunt omnia æqualia, vel omnia inæqualia, vel aliqua æqualia, aliqua inæqualia. De proprietatis inæqualibus siphonis, cuius omnia crura sunt æqualia, agemus Siphonis mixti varia species. Proposit. sequenti, de reliquorum proprietatibus h̄ic agemus. Sit igitur siphon AKDI. Hic si integer maneat, habebit omnia crura inæqualia: si truncetur in E, aut in B, habebit aliqua crura æqualia, alia inæqualia: si truncetur in F, aut N, habebit iterum omnia crura inæqualia.

Prima Proprietas.

Si siphon AKDI maneat integer, & repleatur totus aquâ, effluet et a toto per os I. Ratio est, quia perpendiculum DI longius est quam perpendiculum DK, ut supponitur; ergo plus premitur aqua apud I, quam apud K, per dicta Proposit. III. præcedente, Propriet. I. & Capite I. Propriet. III. ac proinde aqua DI trahit aquam DK: quâ tractâ, sequitur etiam aqua KA, tum proprio pondere, tum ad vacuum impediendum.


Secunda Proprietas.

Si crus DI truncetur in B, ita ut os B sit eiusdem altitudinis supra horizontem cum ore A, & totus siphon AKDB repleatur aquâ, est qui putat non effluere ex B, sed effluere ex A, durareque fluxum donec superficies aquæ B pervenerit ad C, hoc est, donec effluxerit tantum aquæ, quantum est intra BD C,

L

tunc

Pars I.



tunc enim, ait, cessabit fluxus ex A, stabitque aqua in æquilibrio intra AKC. Quòd non effluat aqua ex B, clarum est, quia perpendiculum BD brevius est quàm perpendiculum DK, ergò aqua DB non potest trahere aquam DK, & multò minus aquā DKA. Quòd autem effluat ex A, rationē assignat, quia perpendiculum DK longius est quàm perpendiculum AK; ergo aqua DK fortius premit deorsum versus K, quàm aqua AK, ac proinde aqua AK debet cedere, & effluere ex A, ac sequi tota reliqua aqua, nè vacuum detur. Quòd denique cesseret fluxus aquæ ex A, quando superficies B pervenerit ad c, rationem dat, quia tunc perpendicula CK, AK, sunt æqualia.

Experienciâ tamen constat, in dicto casu nullâ effluere aquam ex Siphone AKDB, neque per os B, neque per os A. Rationem adsigno, quia aqua quæ est in AKC, ita est librata, ut à potentia quantumvis parva moveri, & ex una parte attolli possit; quare humido CD supræse posito non resistit. Iam verò quoniam perpendicula crurium DC, DB æqualia sunt, aqua in c æquè premitur ac in B; quare cum nec intra B, nec infra c ullum sit impedimentum extrinsecum, præter aërem (iam enim ostensum est, aquam CKA non resistere humido CD descendenti) pariter ex A & B aqua deberet effluere; quod fieri non potest absque vacuo. Patet ergo cur aqua consistat. Dices, in hoc discursu committitur manifestus paralogismus; dividitur enim mente crus DK in puncto c, & discurrat ac si realiter ibidem esset facta divisio; Natura non dividit aquam cruris DK in puncto c, nec propter nostras intellectuales divisiones mutat operandi

randivim, cùm non obstante illa divisione revera crus DK longius sit, quàm crus AK. Respondeo, quamvis DK longius sit quàm crus AK, eiustamen activitatiseu pressioni deorsum non solùm resistit crus AK, sed etiam crus DB; illud, nè aqua KA pellatur sursum; hoc, nè aqua AD trahatur sursum: vnde perpendiculum DK habet duplicem resistentiam, scilicet DB, & AK; quæ duæ resistentiæ æquant eius activitatem, & consequenter impediunt motum aquæ DK, eiusque fluxum, sive per os A, si veperos B. Divisio autem intellectualis cruris DK in puncto c fit solùm ad ostendendum quomodo duplex prædicta resistentia æquivaleat activitati totius cruris DK.

Tertia proprietas.

Si crus DI truncetur in F, vt os F sit inferius quàm os A; idem qui suprà putat non effluere aquam ex F, sed ex A, durareque ut antea fluxum, donec superficies F pervenerit usque ad c. Rationem eandem dat cum illa, quam adsignavit paulò antè.

Eâdem tamen experientiâ constat, aquam in hoc casu effluere ex F, donec aqua cruris AK descenderit in H ad partem cum F altitudinem. Ratio est, quia humidum in F magis premitur, quàm in c, id est, quàm in A, ob longius perpendiculum DF, quàm DC; quare humidum in F descendet, trahetque humidum reliquum, nè detur vacuum. Nec refert, quòd dividatur intellectu crus DK in puncto c, & comparetur crus DF cum parte DC solùm, ac si & Natura ibidem divisisset crus DK; hoc enim solùm fit ob rationem paulò antè allatam.

Quarta Proprietas.

Si crus DI truncetur in E, vt os E habeat eandem altitudinem cum punto K; ille idem qui suprà existimat nihil effluere, neq; ex E, neque ex A. Ratio eius est, quia perpendicula DE, DK sunt æqualia; ergo aqua apud E non plùs premitur quàm apud K, nec apud K plùs quàm apud E; ergo neque ex E, neque ex A effluere potest aqua, nè æqualis potentia dicatur superasse æqualem.

Dicendum tamen, eâdem experientiâ duce, effluxuram aquam ex E, duraturumque fluxum, donec superficies A perveniat ad K, & non vlrâ. Rationem adsigno, quia perpendiculum DE longius est, quàm DC, dum plenus est tubus. Dum autem aqua descenderit ad K, perpendicula DK, DE sunt æqualia.

Quinta Proprietas.

Sicrus DI truncetur in N, effluet aqua ex A, donec superficies N perveniat in C, vbi consistet. Ratio est, quia altitudo aquæ DK, vel potius DC, maior est, quàm altitudo DN.

Sexta Proprietas.

Effluxus aquæ in prædictis casibus, sive ex ore A, sive ex ore F, E, I, non est vuniformis, sed difformis, eo prorsus modo, quo diximus in Proposit. III. præced. Proprietate IV.

Propositio V.

Siphonis mixti æqualium crurium proprietates assignare.



Ex siphone mixto æqualium crurium, qualis est ABCD, in apposito schemate, si aquâ totus repleatur; effluit aqua ex D. Ratio est, quia licet tam perpendicula AB, CB, quàm perpendicula CD, CB, sint æqualia; quia tamen aqua CB æquibrata est ab aqua AB, poterit à qualibet potentia facillimè moveri, ideoque ab aqua CD deorsum nitente poterit trahi, & effluere ex D; & ita de facto contingit, vt experientia docet.

Propositio VI.

Inversi Siphonis, vasi uno crure imposito, proprietates assignare.

Crus internum, & crus externum siphoni. Obvia sunt quæ dicam, ideo breviter expediam. Esto igitur vas aquâ plenum ABCD, cui inversi siphonis crus vnum FE immergatur, alterum FN foris maneat. Vocetur autem crus FE in-



F E internum, crus verò FN extēnum. Huius siphonis variae sunt proprietates, prout variè disponi poterit crus eius extēnum.

Prima Proprietas.

Sienim crus extēnum FN maneat integrum, & ex ore N exflugatur aēr; sequetur aqua vasis, ob vacui metum, & tota effluet, aut pœnè tota (donec nimirum aquæ superficies superior CD descendat usque ad osculum E) si internum crus fundum pœnè tangat. Ratio est, quia perpendiculum extēni cruris est longius quam interni. Si totus siphon aquâ impleatur, &

vtrumque orificium claudatur, ac deinde minus crus EF aquæ imponatur, maiori foras prominente, & simul vtrumque orificium aperiatur; idem fiet.

Effluet tamen inæqualiter, cum perpetuo nimirū celeritatis decremento, quia perpendiculum aquæ cruris interni, altitudo nempe aquæ à puncto P usque ad superficiem superiorem aquæ vasis (hæc enim sola premit actu, reliquæ verò inferiores actu non premunt, per dicta cap. i. Proprietate v.) semper magis ac magis crescit, ac proinde semper magis magisque resistit perpendiculo aquæ cruris extēni.

Quò verò crus extēnum longius fuerit infra superficiem aqua inæqualiter effluet aqua celerius, & æqualibus temporibus copiosius: quia tunc eò magis perpendiculum extēnum superabit perpendiculum interni cruris in longitudine, & vi premendi deorsum. Non tamen sufficit, ut crus extēnum sit qualiter effluere ex crura externe, quia siphonius.

cunque ratione longius crure interno, sed necessarium omnino est ut perpendiculum externi cruris longius sit perpendiculo interni, juxta dicta supra Protheoria I. §. VI.

Secunda Proprietas.

Si crus externum FN decursetetur in K, & internum tangat ferè fundum in E, & ex ore K extrahatur aer; sequetur aqua usque ad os K, propter vacui metum, & tota ferè effluet, donec nimirū perveniat suprema aquæ superficies usq; ad osculum E. Ratio est, quia perpendiculum cruris externi longius est quam interni. At postquam aqua pervenerit usque ad osculum E, nihil amplius effluet, quia perpendicula FE, FK sunt æqualia. Hærebit ergo aqua in æquilibrio in utroque crure.

Tertia Proprietas.

Si crus externum FN decursetetur in H, & internum sit infra lineam LM, aut pertingat solummodo usque ad dictam lineam; vas tamen sit plenum usque ad lineam CD, aut saltem aqua sit supra lineam LM; effluet aqua per os H, donec suprema aquæ vasis superficies perveniat usque ad lineam LM, & non amplius. Ratio est, quia antequam dicta aquæ superficies perveniat ad lineam LM, perpendiculum cruris externi est semper longius perpendiculo cruris interni; quando verò descendit jam ad dictam lineam, ambo perpendicula sunt æqualia. Fluxus porrò difformitas quoad celeritatem aut tarditatem eadem est, quæ antea.

Quarta Proprietas.

Si crus externum decursetetur in G, ut sit ejusdem altitudinis supra Horizontem cum superficie humidi CD, & aqua atrahatur in G; nihil effluet, quia perpendicula sunt æqualia: quare aqua hærebit in æquilibrio in utroque crure.

Corollarium I.

Perpendiculis excessum ad lineam LM, & siphonis crus externum decursetetur in H, vel tueretur N-G, vel O, internum verò pertingat usque ad fundum; nihil tura in aqua posse effluere ex crure externo.

Cor-

Corollarium II.

Colligitur secundò, quām pertinax sit Natura, vel constans potius, in retinendo atque tuendo perpendiculi excessu, nè minor aut æqualis potentia dicatur vicisse majorem.

Corollarium III.

Colligitur tertìo, quomodo Natura in Hydraulicis pugnet, ac superet, non aquarum copiâ, sed altitudine perpendiculari.

Corollarium IV.

Colligitur quartò, siphonis operationes hydraulicas ad libræ operationes commodè revocari posse, uti mox dicemus Proposit: VIII. seq.

Porisma.



ascendet aqua per crus AB, & in ventre exiliat radiosâ virgulâ vix aspectabili, indeque se demittet in crus alterum longius DE, cogeturque sua propendente demissione ad ejectionem eò altiorum, quò profundiùs descendet.

*Perpendicu-
lo, non copia
aqua Natura-
ra pugnat,
accinct, in
hydrauli-
cu.*

*Fonticulus
duplex ope
siphonis in-
versi.*

Hinc etiam patet, qua ratione siphonis inversi præsidio fonticulus duplex exhiberi possit, si nimirum crus brevius AB indatur vitro protuberanti ventri BC, habeatque intra ventrem strictissimum osculum B aperatum; deinde ex eodem ventre derivetur crus longius DE incurvatum inferiùs, & apud E desinēs in osculum angustum. Si enim hujusmodi siphon impunatur vase pleno, & ex osculo E sugatur aëris;

Pro-

Pars I.

Propositio VII.

Causam adsignare, cur quando osculum externi cruris siphonis inversi, est altius, aut æquè altum ac aquæ superficies suprema in vase, aqua non fluat; quando verò est demissius, fluat.

VIdimus, experientiam docere, quando perpendiculum cruris externi siphonis inversi, est minus, aut æquale perpendiculo cruris interni, usque ad supremam aquæ superficiem, aquam non effluere posse per os externi cruris, cessante suetu, seu attractione; quando verò perpendiculum externi est majus quam interni cruris in sensu exposito, fluere donec æqualia fiant perpendicula, aut donec tota effluxerit aqua ex vase. Quæritur nunc hujus phænomeni causa.

*Siphonis
crus longius
superat bre-
vius, non
capacius mi-
nus capax.*

Hero Alexandrinus in libello de Spiritalibus cap. 1. ait, quodam putare, causam esse, quod aqua cruris externi debeat trahere aquam cruris interni, ac proinde illa debeat esse major ac copiosior, quam hæc. Sed hoc minimè verum esse, patet ex eo (quod etiam Hero advertit) quod licet crus externum sit longè amplius atque capacius interno, multoqué plus aquæ contineat; si ramen longius non est, nequaquam effluit ex ipso aqua, sed ubi cessat violenta suetio, seu tractio, tota refluit per crus internum longius intra vas. Non ergo externum crus superat internum, quod aquæ plus contineat. Itaque videamus naturalem causam & genuinam, ex Heronis primò, deinde ex nostra sententia.

Diximus cap. 1. Propriet. II. aquæ continuæ & quiescentis superficiem superiorem esse sphæricam (etiam in parvis vasis, & receptaculis, licet insensibiliter) centrum habentem idem quod Terra, seu globus Terraqueus; non quiescentem verò aquam tam diu fluere, donec partes continuæ in una superficie sphærica constituantur, hoc est, donec omnes extimæ superficieï partes continuæ æqualiter distent à centro Terræ. Hoc posito putat Hero, causam ob quam, quando externi cruris orificium est

æquæ

æquè altum ac superficies superior aquæ vasis, hoc est, quando Heronis ap-
externum crus est æquale interno quoad longitudinem, usque nio circa a-
ad aquæ superficiem supremam vasis, aqua non effluat ex crure qua fluxum
externo, etiamsi siphon sit plenus aquâ, esse, quia tunc aqua si- e crure ex-
phonis continuatur cum aqua vasis, & utriusque superficies ex- terno sipho-
tremæ æqualiter distat à centro Mundi: Causam verò cur, quan- nis.
do externi cruris orificium est demissius superficie extrema aquæ
vasis, effluat, esse, quia tunc superficies aquæ vasis est altior, quam
superficies aquæ cruris externi, cum cujus aqua continuatur, ac
proinde tam diu fluere debet aqua vasis, postquam semel fluere
cœpit, donec superficies fiant æqualiter distantes à centro Ter-
ræ. Ob contrariam ergo causam, secundùm Heronem non
effluit aqua ex crure externo breviore, sed refluit intra vas quia
nimirum suprema superficies aquæ vasis est declivior, quam su-
perficies aquæ cruris externi.


Cœterū cur aqua in secundo casu, ex vase ascendet ad siphonis summitatem, contra ejus naturam, indeque descendat ad orificium usque externi cruris, non est ob causam jam adsignata-
tam, sed ut impleat, aut impedit vacuum, seu quia trahitur vio-
lenter ad impediendum, aut implendum vacuum. Quoniam
enim ex crure externo extrahitur aér, trahit is secum, nè vacuus
maneat siphon, & discontinuentur corpora, nempe aér & aqua,
trahit inquam secum aquam usque ad orificium cruris externi;
quò ubi pervenerit, nullam amplius violentiam patitur ab aëre,
nec ab alio extrinseco agente, sed naturæ suæ relinquitur, ut pars
illa incipiat, aut prosequatur fluxum, cuius superficies extre-
ma minus distat à centro Mundi, duretque fluxus, donec am-
bæ superficies æquales fiant.

Experimentum.

Esse porrò hanc, quam adsignavit Hero, genuinam dicti phænomeni causam, confirmat ipse tali Experimento. Si ^{Experimentum} sumentes, inquit, duo vase (cujusmodi sunt A & B in appo- tum circa sitis figuris) injiciemus humidum in utrumque ipsum, & impletentes aquæ fluxus ex siphone.

siphonem, digitisque ipsius oscula comprehendentes, demitteremus alterum crus in unum dictorum vasorum adeo, ut aqua demergatur; alterum vero in alterum vas, (ut aqua etiam demergatur, prout in appositis figuris apparat;) fiet tota aqua continua; utrumque enim humidorum, quae sunt in vasibus, (ita interpres) conjungitur cum eo, quod est in siphone, ita ut totum continuum fiat.

Si igitur superficies humidorum, quae prius erant in vasibus, in una superficie consistant, ut in prima figura; quiescat & sic utraque ipsarum demerso siphoner sin minus, ut in secunda figura; quoniam aqua continua facta est, necessario ob continuatatem in humiliorem locum fluet, quo usq; vel omnis aqua, que in vasibus, in una superficie sit, vel alterum vasorum exinatatur, illud videlicet, quod altiori fuerit loco. Fiant igitur in una superficie humida, quae sunt in vasibus; quiescent utique, ita ut etiam humidum, quod est in siphone, simul quiescat. Quod si quis mente concipiatur siphonem dis-



Siphon inversus &

qualium crurium longitudi- sectum juxta superficies humidorum, quae sunt in vasibus; & ita qui- nescet humidum, quod est in siphone: ergo & siphone ipso suspenso, & ne, inæqua in neutrā partem inclinato, rursus quiescat humidum, sive aequalē lium capa- omnino habens latitudinem, sive alterum crus altero mulio majus sit; citate, reti- non enim in hoc causa est, cur humidum quiescat, sed in eo, quod ipsius oscula aequaliter jaceant. Hæc Hero. lege etiam quæ sequuntur apud ipsum in eodem cap. i.

Sed hæc causa ex Herone adsignata non videtur esse vera, aut saltem non est adæquata. Primò enim, si ideo fluit aqua ex crure longiore, A D, seu potius C D, secundæ figuræ, quia superficies extrema aquæ ipsius non est aequalis superficie extre-

Heronis opiniatio examina- natur.

extremæ aquæ alterius cruris, B F, seu potius E F, sed demissior; ergo quando siphon sive æqualium, sive inæqualium crurium, aquâ plenus, & utrimque compressis digitis obturatus, impontitur duobus prædictis vasis aquâ plenis, quorum unius superficies suprema aquæ altior est, quam alterius, effluitque aqua intra vas demissius, eò quod alterius superficies suprema altior est, & ad decliviorum locum tendit, nititurque superficiem suam adæquare superficie alterius vasis humilioris; ergo inquam, quando hoc contingit, aqua ex vase altiore ascendit naturaliter & innato appetitu ad siphonis superiorem partem, indeque descendit intra vas humilius; naturaliter enim aquæ partes altiores fluunt ad loca decliviora. Deinde si illa est causa adæquata, cur quando siphon inæqualium crurium repletur aquâ, & secundum longius crus immergitur aquæ, secundum brevius vero extra in aëre relinquitur, cur inquam, non effluit aqua per externum, ubi nullum est impedimentum præter aërem? potest enim aqua per externum fluere ad loca decliviora, & fundare unam continuam superficiem distinctam à superficie, quæ in vase est; & præterea inclinationem habet ad descendendum, non vero ad ascendendum. Præterea, cur quando siphon inæqualium crurium repletur aqua, & tenetur inversus in aëre, non effluit aqua ex crure breviori, cum ejus aqua plus distet à centro Terræ, quam aqua cruris longioris? Alia ergo causa adsignari debet, cur aqua cruris longioris, seu externi, seu interni, vincat aquam cruris brevioris; quam paulò post dabimus.

Qui tamen Heronis sententiam tueri volet, ad has rationes in contrarium allatas respondere poterit, ut sequitur. Nempe ad primam, aquam cruris brevioris non ascendere naturaliter, sed tractam ab aqua cruris longioris A D, seu C D, ad vacuum in siphone impediendum, & ad tuendam continuitatem partium aquæ: aqua enim cruris longioris A D, seu C D, descendit naturaliter (utpote tendens ad locum decliviorum) secumque trahit reliquam aquam, quia suprema superficies vasis A, cum qua continuatur aqua siphonis, & vasis B, est declivior,

suprema verò superficies vasis & est altior, & debet fieri æqualitas inter ipsas: quæ non fieret, si aqua siphonis B F, seu E F, descendeteret.

Ad secundam, non effluere aquam per brevius, sed per longius crus, quia aqua amat continuatatem suarum partium, & appetit habere superficiem supremam omnium partium æqualiter distantem à centro Terræ; quorum utrumque obtinet, si effluit aqua per longius crus; neutrum, si per brevius.

Ad Tertiam, ideo non effluere aquam è crure breviore, sed è longiore, quia aqua cruris brevioris est altior, & aqua cruris longioris declivior: currunt autem aquæ continuae partes altiores ad decliviores naturaliter, & non haec ad illas.

*Authoris or
pinio circa
aque fluxu
è crure ex-
terno longio
ne siphonis.*

Sed quidquid sit de hac Heronis sententia, mihi magis placet sequens ratio allati phænomeni, quæ universalis est & in omnibus similibus casibus locum habet, ut vidimus in præcedentibus, & iterum videbimus infrà hoc eodem capite Propositiones 13. & 14. Pro qua recolendum est, quod diximus suprà Capite i. Proprietate iv. ex Archimede, aquæ & humidi cuiuscunque partem unamquamque premi humidus supra ipsam existente ad perpendicularum, si humidum sit descendens in aliquo, aut certè nullum habeat impedimentum, ut descendat.

Dico itaque, causam hujus rei esse eandem cum ea, quæ ad signata fuit in præcedentibus, quia nimis aqua cruris longioris potentior est ad descendendum, secumque trahendum aquam cruris brevioris, quam aqua cruris alterius; & hoc ideo, quia aqua premit ac premitur, dum premit ac premitur, ad perpendicularum, hoc est, secundum lineam quæ transit per centrum Mundi. Cujus ergo aquæ perpendicularum longius est, illa magis premit ac vincit, hoc est, descendit, si nihil obstat descendum impediens, ut in nostro casu contingit. Hic ergo verum etiam est, quod in *Hydraulics* pugnatur & vincitur non pondere, aut copia aquarum, sed perpendicularis, juxta Axioma hydraulicum, 2. quod suprà Propositione 2, formatum fuit,

Protheoria IV.

Proprietas VIII.

93

Siphonem ad Libram seu vectem revocare,
filtrum ad siphonem.


E Sto recta linea A B, divisa bifariam in puncto c. Si huic
puncto c supponatur hypomochlion G, aut alligetur fi-

lum FG; stabit, hærebitque li-
nea A B in æquilibrio horizon-
ti parallela, & neutra pars præ-
valebit. Si prolongetur pars
C B usque ad D, prævalebit pars
C D parti C A, & descendet. Si
prolongetur eadem pars C B, us-
que ad E, adhuc magis prævale-
bit pars C parti C A, cele-
riusque descendet; & quò ma-
gis prolongabitur pars longior,
eò magis prævalebit breviori,
magisque celeriter descendet.
Linea porrò A B, aut A D, aut
A E, si hypomochlio G impo-
natur, repræsentat vectem; si è
filo F C suspendatur, repræsentat
libram, aut stateram.


Esto jam siphon A C B, sive siphon tam
erectus, sive inversus, divisus erectus. quæ
A C, B C, & repleatur totus aquâ; inversus, re
vocatur ad libram.

mente induas æquales partes ex neutro crure effluet, ut vidimus atque probavimus, sed aqua
stabit, hærebitve in duobus cruribus A C, B C, in æquilibrio.
Si prolongetur crus C B, usque ad D, & repleatur totus si-
phon aquâs prævalebit crus C D, & aqua ejus in inverso siphone
effluens secum trahet reliquam; in erecto vero siphone de-
scendet & expellet reliquam per os A. Si prolongetur idem
crus C B usque ad E, adhuc magis prævalebit crus C E, ma-
gisque celeriter descendet ejus aqua, & vel secum trahet reli-
quam, vel illam subsidendo expellet.

Pac



Pars I.




Patet ergo, quomodo siphon tam erectus, quam inversus, revocetur ad libram, aut rectem.

Filtrum appellamus panni laciniam A-C-B, pendentem ex vase A, ita ut pars A-C sit intra vas, & aquæ immersa, saltem ex parte; pars vero altera C-B extra vas pendeat. Hæc panni lacinia si prius madefiat tota, deinde modo dicto ex vase aquâ pleno suspendatur; trahit aquam non secus ac siphon, si pars exterior fuerit longior quam interior; si æqualis, aut brevior, non trahit. Constat ergo, filtrum ad siphonem reduci.

Propositio I X.

Diabetem spiritalem describere, ejusque proprietates adsignare.

Eodem ferè effectus, quos præstat siphon inflexus, cuius unum crux vasi imponitur, præstat etiam tubus certo modo vasi implantatus, quem Hero Alexandrinus vocat medium spiritalem diabetem, quasi dicas, perascensorem; alij vero vocant tubum suffocabilem. Sic autem construitur.



Sit vas ABCD. Per ejus fundum CD trajiciatur tubus EF utrimq; apertus, ipsi fundo coarctatus, & in partem inferiorem excedens apud F; at osculum ejus superius E non adaequat altitudinem vasis, sed sit paulo inferius. Huic tubo EF circumponatur alius tubus GHI, superius clausus, qui tamen osculum E non attingat, sed tantum ab ipso distet, quantum sufficit ad aquæ ingressum per osculum E: inferius vero vel non attingat unde quaque fundum vasis; vel si attingit, relinquatur à latere foramen I, per quod aqua intrare possit.

Si jam vas impleas aliquò usque aquâ, v. g. usque ad KL, insinuabit se illa per foramen I, & ascendet usque ad H, intra tubum IHG. Si igitur per osculum F attrahas aërem, qui est in tubo FE; sequetur simul aér, qui est in tubi superpositi parte GH; & post aërem sequetur aqua, quæ est in ejusdem tubi parte IH; nec cessabit fluxus ex F, donec tota aqua vasis effluxerit, alioquin daretur vacuum intra tubos, ut patet. Quod si totum vas impleas aquâ, ascendet illa per foramen I, intra tubum IHG, usque dum supergrediatur osculum E; quo supergresso, insinuabit se, naturali pondere, aqua per dictum osculum, & effluet per F, nec cessabit, donec tota effluxerit aqua. Hac arte docebimus infrà Classe I. cap. I. Machina IV. construere vas, quod effundat aquam per fundum, dum plenum est; dum vero plenum non est, nihil effundat.

Annotatio I.

Luxus aquæ etiam hic inæqualis est, cum continuo celeritatis decremen-

*Diabetes
spiritalis
quomodo
construa-
tur.*

apud F; at osculum ejus superius E non adaequat altitudinem vasis, sed sit paulo inferius. Huic tubo EF circumponatur alius tubus GHI, superius clausus, qui tamen osculum E non attingat, sed tantum ab ipso distet, quantum sufficit ad aquæ ingressum per osculum E: inferius vero vel non attingat unde quaque fundum vasis; vel si attingit, relinquatur à latere foramen I, per quod aqua intrare possit.

Si jam vas impleas aliquò usque aquâ, v. g. usque ad KL, in-

*Diabetis
spiritalis
proprietas
tes.*

sinuabit se illa per foramen I, & ascendet usque ad H, intra tubum IHG. Si igitur per osculum F attrahas aërem,

qui est in tubo FE; sequetur simul aér, qui est in tubi superpo-

siti parte GH; & post aërem sequetur aqua, quæ est in ejusdem

tubi parte IH; nec cessabit fluxus ex F, donec tota aqua va-

sis effluxerit, alioquin daretur vacuum intra tubos, ut patet.

Quod si totum vas impleas aquâ, ascendet illa per foramen I,

intra tubum IHG, usque dum supergrediatur osculum E; quo

supergresso, insinuabit se, naturali pondere, aqua per dictum

osculum, & effluet per F, nec cessabit, donec tota effluxerit


aqua. Hac arte docebimus infrà Classe I. cap. I. Machina IV.

construere vas, quod effundat aquam per fundum, dum ple-

nūm est; dum vero plenum non est, nihil effundat.

Pars I.

Aqua flu-
xus per dia-
betem spiri-
talem ina-
qualis est.



Diabetes
spiritualis a-
lia ratione
constructus.

cremento: & quod tubus EF longius excederit extra fundum, eo celerius, adeoque & copiosius humidum effluet. Harum autem proprietatum ratio est eadem cum illa qua supra Proposit. 7. pro siphone vasi imposito est allata; tubis enim IG equivalet cruri interno, & FE, cruri externo.


Dem effectus habebitur, si intra vas fiat siphon inversus ABC, cuius dorsum B sit paulo infra summa labra vasis. Si enim aqua infundatur vasi, ascendet ea per crus AB; & cum supergressa fuerit dorsum B, effluet per crus BC; nec cessabit, donec dota effluxerit. Vide qua dicemus infra Parte 2. loc. cit. Machina IV. Si vero non totum vas impletatur aqua, & aer sugatur ex osculo C; sequetur similiter aqua vasis, nec cessabit fluxus, donec tota fuerit elapsa, quoniam perpendicularum aquae cadentis (sicut & in Diabete) majus est quam perpendicularum aquae ascendentis.

Propositio X.

Siphonis inversi fluxum aequalem reddere.

Suprà Proposit. vi. Propriet. i. ostendimus, aquam per exterrnum siphonis inversi crus fluere inæqualiter, cum perpetuo nimirum celeritatis decremento. Oporteat igitur efficere ut fluxus semper æqualis sit. Docet id Hero Alexandrinus cap. 3. de spiritualibus in hunc sensum.

Sit



Sit vas ABCD, aqua plenum usque ad EF, gratia exempli (potest enim plus & minus esse repletum) habens suas annulas LL perforatas. Fiat lebetarium G, sive apertum, sive clausum, quod possit innatare superficie aquae EF; & per eius operculum ac fundum trajice siphonis HK crus internum ac brevius HI, & stanno, aliavè materia ad foramina bene coarcta, nè aqua subintrare in lebetarium possit. Alterum crus externum ac longius IK trajice per foramina annularum LL, sic ut facile per eas moveri ascendendo ac descendendo possit. His factis, si per osculum K attrahas aerem, qui


est in siphone, sequetur, ob vacui fugam, aqua vasis, eaque subfidente subsidebit simul & lebetarium, & siphon infixus lebetario, fluetque aqua per K, donec osculum H tangat fundum CD. Erit autem ille fluxus semper aequalis, eò quod excessus perpendiculari cruris externi & longioris supra perpendicularium cruris interni & brevioris, sit semper aequalis, hoc est, idem, nempe in schemate posito excessus KM usque ad supremam aquae vasis superficiem EF, propterea quod effluente aqua ex K, & descendente superficie EF versus fundum vasis, descendat & lebes cum siphone sibi coarctato, ut dixi; quo fit, ut crus IK eandem semper aquae quantitatem ex vase per crus HI attrahat, nempe illam quae est in G, à G supra aquae

N super.

Pars I.

98

Aqua effluit
ex crure ex-
terno siphon-
nis cō cele-
rius, quo
maior est i-
psī excessus
supra inter-
num crez.



posit. VII. praecedente: aliud enim est, causam dare, cur fluat aqua ex
crure longiore, aliud cur celerius fluat.

Annotatio III.

Quomodo fieri possit fluxus aquæ ex siphone partim equalis, par-
tim inaequalis, hoc est, uno tempore aequalis, altero inaequalis, prout no-
bus placuerit, docet Hero supra citatus cap. 4.

Propositio XI.

Siphone inverso aquam ex uno montis latere in
alterum, per verticem, deducere.

Sit mons A, in cuius latere uno sit fons, aliae aqua, seu flu-
ens, seu stagnans B, aut C, in pede nimirum, aut in latere
mon-

superficie, usque ad 13 ac
proinde eadem semper fa-
cilitate difficultatevè efflu-
it aqua ex K, ergo & eā-
dem celeritate.

Annotatio I.

Potest loco lebetarij G
accipi suberis, alteriusvè levissimi
ligni frustum, & per id
trajici siphonis crus internū.

Annotatio II.

Quantò maior erit ex-
cessus KM cruris externi,
tanto celerius effluet aqua ex
K, semper tamen equaliter.
Ratio est, quia tunc magis pre-
mitur aqua apud osculum K,
& aqua cruris externi maio-
rem excessum habet supra aquā
cruris interni, ac proinde mi-
norem difficultatem ad illam
trabendam. Neque hoc est
contra id, quod diximus Pro-



montis; sitque in latere altero locus **E** paulò humilior, quām aqua **B**, aut **C**; & sit in hunc locum **E** deducenda prædicta aqua per montis verticem. Fiat siphon inversus inæqualium crurium **B C D E**, ex plumbo, aut metallo, cuius orificium **B**, aut **C** cruris brevioris sit immersum fonti **B**, aut **C**, alterum verò orificium **E** cruris longioris desinat intra cisternam, aliudvè receptorium **E** in loco destinato. Hoc facto, obturatur vtrumque siphonis os, & per foramen **D** in vertice montis factum in siphone, repleatur totus siphon aqua, & foramen diligentissimè obturetur, nè aërem recipere possit. Si iam aperiatur eodem tempore simul vtrumque siphonis orificium, effluet aqua per **E** cruris longioris intra receptaculum, secumq; trahet, nè vacuum intra siphonē fiat, aquam fontis **B**, aut **C**; nec cessabit fluxus, quām diu orificium **B**, aut **C**, fuerit aqua immersum. Ratio patet ex dictis Propositione 6. & alijs passim ex præcedentibus.



Annotatio I.

Omnia non necessarium est, ut locus E sit humilior, saltem aliquantulum, quam locus fontis aut aquae B, seu C, ut siphonus erus de longius fieri possit quam BD, aut DC. Quod si fieri non possit, spes nulla est ad effectum desideratum consequendum. Quare diligenter prius libellandum est spatium inter B & E, aut C & E. Quod autem humilior fuerit locus E quam aqua B aut C, eodem meliore res successum habebit, & cõ velocius aqua effluet ex orificio E, uti ex diatis patet.

Annotatio II.

Posse etiam alia ratione trahi aqua ex fonte B aut C per siphonem, usque ad locum E, absque eo quod in vertice fiat foramen D, & siphon repleatur aqua, nonnulli putant; si nimis rem ex orificio E tuba extra-

extrahatur aër follibus, aut Æolopila, quam describimus infrà parte z.
classe I. cap. 3. Mach. VI. Quam tamen rationē nullo modo subsistere posse.
hinc ostendo, quòd fieri non possit, ut follis per canalem vacuum tantum
aquarum pondus, quantum canalem ex attractu replere debet, attrahere
possit: montis enim instar follē esse oporteret, qui id præstaret, cùm omnis
attractio proportionem suam habeat ad pondus attrahendum; quasi im-
parsit, rumpentur folles potius quàm pondus attrahatur. Ut vel hinc appa-
reat, quàm multa in speculatione vera appareat, quatamen nullum effe-
ctum in praxi exhibeant. Marinus Mersennus in Phænomenis Hydrau-
licis Proposit. 34. addit alium modum, si nimurum in loco destinato fiat
piscina E vndique clausa, eaque repleatur aquâ, & orificio E siphonis
ad ferrum in et operculo perforato piscina, ita ut aquam non attingat:
scenim reseratur epistomium piscinae, effluet aqua, inquit, & in aqua lo-
cum succedit aër siphonis, in aëris locum aqua B. aut C, nè vacuum
admittatur in siphone: dummodo, inquit, piscina vacua totum siphonis
aërem recipere possit. Sed mirum, quantum hallucinatur Mersennus,
cùm, ut diximus suprà Protheoria I. & videbimus infrà suo loco, &
ipsem Mersennus insinuat, aqua fontis B, aut C trahi, atque
ascendere per siphonis crus BD, aut CD, nullatenus possit, nisi infra
piscinam E descendat tubus, per quem aqua fluat, paulo maioris per-
pendiculi quàm sit perpendiculum BD, aut CD. quod in hac & simili-
bus Machinis est summè necessarium, ut diximus, cùm de vi Attracti-
va eginus, & in secunda Parte sepius repetemus, præsertim classe I. cap. I.
Machina 2. Potest tamen longitudo tubi, qui infra piscinam E de-
scendere deberet, compensari multis brevioribus tubis, ut diximus eo-
dem loco de vi Attractiva, & loco citato Machina 7. iterum dicemus.
Accedit & illud, quòd aqua in cisterna non sufficiat ad effectum inten-
sum præstandum, nisi cisterna tantum aqua contineat, quanta ipse ca-
nalis capax est; at quis tantam fabricari volet cisternam?

Annotatio III.

Multa alia circa fluxum aquæ ex siphone dici possent, præsertim
quòd descensus aquæ fluentis per crus imitetur leges gravium de-
scendentium motu naturali; sed haec, & similia alia, intelligi facile
possunt ex dicendis Capite sequenti, de fluxu aquæ per tubos Proposit. 9.

Pars I.
Propositio XII.

Siphone inverso aquam ex montis radice ad ejus verticem elevare.

Vide pre- cedentē Mirabilis est sequens modus, & antiquis minimè cognitus, imò ab omnibus pro impossibili habitus, inquit Porta: omnes enim putarunt, si in siphonis inversi collo seu curvatu- pag. 99. ra suprema foramen fieret, & vel minimum aëris ingredere- vel 100. tur, fore ut siphonis aqua discontinuaretur, & aqua divisa per utrumque siphonis crus hinc atque inde delaberetur, totusque siphon evacuaretur. Contrarium monstrat sequens modus, quem præscribit Joannes Baptista Porta lib. 2. Spirital. cap. 13. & 14. in hunc sensum.

Aquam è montis ra- dice ad ver- ticem ele- vare. Sit ut antea mons A, in ejusque radice fons B, cuius aqua sit elevanda usque ad verticem D. Fiat siphon inversus inæqualium, ut antea, crurum BDE, cuius orificium B sit immersum fonti, orificium vero E vel liberum omnino sit, vel desinat in piscinam subjectam. Habebit autem res tantò meliorem successum, quantò longius fuerit crus DE, quam alterum DB. Fiat deinde infra collum siphonis, ubi D, receptaculum aquarum H, undique clausum quam diligentissimè, suoque epistomio I instructum, ex quo depromi aqua possit. In hoc receptaculum derivetur ex collo seu curvatura siphonis tubulus G, habens claviculam volubilem, sitque tubulus arctissimè adferruminatus & siphonis collo, & receptaculi operculo priùs perforatis. His factis, repleatur per infundibulum D siphon BDE, obstructis priùs orificijs B & E; eoque replete obturetur foramen D, & aperiatur simul utrumque orificium B & E; dumque per tubum fluit aqua, & ex E erumpit; aperiatur modicissimè, & momentaneâ quasi morula claviculari tubuli G; statimque per dictum tubulum descendet modica aqua intra receptaculum H, ascendetque modicus aës intra siphonem, ibique aquæ mixtus delabetur una cum ipsa per crus DE, & per os E erumpet. Hoc si læpius feceris,

ris, tandem replebitur receptaculum H, ut aqua per ejus epistomium i depromi possit magna copia. Hæc Porta.

Annotatio.

Vlt igitur Porta, tubulum G aperiendum esse modicissimè, ut nimurum ingrediatur modicus aër intra siphonem, & ita misceatur aquæ, ut ea non discontinuetur. Si enim ingredetur aër copiosus, posset ita interrumpi aqua siphonis aëre interposito, ut perpendicularum BD esset majus, quam perpendicularum reliqua aqua intra crus DE; quod ubi contingere, statim discontinuaretur aquæ fluxus, & aqua utriusque cruris descenderet, unaqueque ad suum orificium, & efflueret. Hoc igitur incommodum ut evitetur, intromittendus est, inquit Porta, repetitis vicibus modicissimus aër, ut sine interruptione periculo possit misceri aquæ. Nam quantumvis modicus intromittatur aër, si tamen is aquam cruris DE discontinuat, infallibiliter interrumpetur aquæ fluxus, nisi pars FE sit paulò longior quam crus BD. Ponamus enim aërem interceptum esse K F. Hic aërdum Aër in tube erit in L, aut in M, non interrumpet quidem aquæ cursum, quia discontinu perpendicularum LE, aut EM, adhuc longius est, ut suppono, quam ans aquam, perpendicularum DB. At quamprimum aër K F fuerit infra M, pit fluxā n. jam interrumpetur aquæ fluxus, eò quod perpendicularum aquæ ab aëre qua. usque ad E brevius est, quam perpendicularum à vertice D usque ad B. Ne igitur aquæ interruptio, si forte contingere, ejus influxum per siphonem impedit, crus DE adeo prolongandum esset, ut facta interruptione etiam notabili aquæ siphonis per interpositionem aëris, perpendicularum tamen aquæ ab aëre usque ad E maneret semper longius perpendicularo cruris DB. Meliorem igitur successum res habebit, si fons sit in latere montis, v. g. in C, & non in radice apud B. Praxim hanc ut dixi, docet Ioannes Baptista Porta lib. 2. Porta error spiritualium cap. 13. & 14. pendetque ex praxi, quam ex eodem resultimus supra Protheoria I. §. X. Refert eandem praxim Mersennus in hydraulicis Phænomenis Proposit. 34. ubi tamen nonnulla de suo citudinem adjungit non usquequa veritati congrua. Veruntamen falsum omnino est, quod habetur apud Portam loco cit. cap. 15. editionis Italica, de modo elevandi aquam ex flumine praterfluente per siphonem usque

in elevan-
da aqua ad

turris al-

citudinem.

usque ad turris vicina altitudinem; quem quidem modum suspicor non esse ipsius Portæ, sed esse interpretis seu traductoris ex Latino in Italicum idioma Ioannis Escrivani Hispani, qui in Dedicatoria fatetur se adjunxisse nonnulla, quæ oretenus ab ipso Porta didicerat, ut supra in Præloquio dicebam.

Propositio XIII.

Causam assignare, cur in siphone inverso interrupto perpendiculum aquæ descendantis debeat superare perpendiculum aquæ ascendentis.

I. Figura.

Siphon in
terruptus.
Et causa ef-
fectum ipsius



Infrà Parte 2. Clas-
se 1. cap. 1. Ma-
china 2. damus Ma-
chinam h̄c positā,
eamque appellam⁹
Siphonem inversum
interruptum. Ean-
dem Machinam ex-
hibuimus etiam su-
prà Protheoria 1.
§. v. ubi diximus, tu-
bum E F, per quem
aqua descendit, de-
bere esse paulò lon-
giorem tubo BK,
per quem aqua a-
scendit. Quod ta-
met si verissimum
sit, & multis experi-
mentis à Porta pri-
mū, deinde à Mer-
seño, Kirchero, at-
que à me etiam cō-
probatum; semper
tamen visum mihi
fuit mirabile, præ-
sertim,

serit, si de primo aquæ ascensu per tubum BK sit sermo: nec
nullum vidi, aut audivi unquam, qui hujus rei causam adsignet,
cui acquiescere possim.

II. Fig.



Aliam etiam Machinam h̄ic pos-
sitam, & priori non multū
absimilem, adduxi cādem Pro-
theoria i. §. vi. quam etiam habet
Salomon à Caus in Iuis hydraulicis
lib. i. in qua ut aqua ascendat per
crus AB, debet tubus rectus D &
esse paulo longior quam dictum
crus AB, ut quilibet facilē experi-
ri potest. Quæritur igitur, quæ-
nam sit hujus rei causa in utraque
Machina, & in alijs hisce simili-
bus? Neque enim h̄ic valet ratio,
quam adsignavimus suprà Propo-
sit. viii. hujus capitī: nam h̄ic non
agimus de siphone continuato, seu
nōinterrupto, in quo partes omnes
aquæ sunt continuatæ, tum inter se,
tum etiam cum aqua vasis, ex quo
extrahitur aqua per crus externū
ac longius descendens; sed agimus
de siphone interrupto, in quo sci-
licet aēr intercedit inter aquam &
aquam. Adde quod h̄ic, licet tu-
bi EF, & DE breviores essent, quam tubus BK & crus AB;
tamen extrema superficies aquæ illorum tuborum semper est
vicinior centro Mundi, ac proinde per ipsos effluere deberet
aqua, secumque trahere & aērem & aquam oppositam vasorum.

Dices, aqua quæ trahit alteram, gravior debet esse aquā
quæ trahitur, ac proinde longiores debent esse prædicti tubi
EF, & DE, ut plūs aquæ contineant. Sed contra est mani-
festa experientia allata Proposit. iii. hujus capitī Propriet. i. & ^{iii.}
alii etiam allata Protheoria i. §. viii.

O.

Dices

Dubitatio,
& rationes
dubitandi
circa siphonem
intervenientem.

Solutiones
insufficien-
tes proprie-
tes dubitatio-
nes.

Dices iterum, in hydraulicis pugnari ac vinci non aquarum copiâ, sed aquarum perpendicularis, ut dictum Proposit. 2. hujus capituli in Axiomate 2. & alibi saepe; ideoque longiores debent esse prædicti tubi E F, & D E, ut perpendiculara aquarum descendantium sint longiora, quam perpendiculara aquarum ascendentium. Respondeo, verissimum esse citatum Axioma; & causam hujus rei, loquendo de siphone inverso non interrupto, adsignavimus Proposit. 7. quæ tamen causa in casu præsenti de siphone interrupto non militat; ideoque ultius queritur, quænam sit hujus rei causa in siphone interrupto, atque adeo in nostro casu. Difficultatem agnovit Merfennus in Phænom. Hydraul. Proposit. 38. sed non solvit.

Solutio Auctoris rationum dubitandi circa siphonem in terruptum. Dico igitur, causam esse, quod aquæ pars unaquæque premitur aquâ supra ipsam existente ad perpendicularum, si aqua illa sit descendens in aliquo, (hoc est, si nullum impedimentum extrasecum habeat, quod minus descendere possit) pro ut asservimus suprà cap. 1. hujus Protheofiax 4. Propriet. 4. ex Archimede. Illa igitur aqua, cuius perpendicularum est majus, seu longius, magis premitur, majoremque habet vim ad descendendum, si patet aditus ad descendendum. Quoniam igitur aperto epistomio E tubi E F, in I. Fig. & aperto ore tubi recti D E, in II. Fig. patet aditus aquæ ad descendendum; descendet illa necessario, innato pondere, & intra tubum, propter partes continuatas, fundabit suum perpendicularum; & ne vacuum detur, trahet secum aërem, & coget aquam oppositorum valorum ascendere, suumque similiter perpendicularum fundare. Nunquam tamen ascendere potest aqua ad majus spatiū in tubo B K, & crure A B, quam descendenter pertubum E F, & D E; quia si ascenderet ad majus spatiū, jam perpendicularum aquæ ascendentis majus esset, quam perpendicularum aquæ descendantis, ac proinde illa vinceret hanc, & retraheret. Itaque si vas c haberet in fundo foramen angustum sine tubo adnexo, nihil aquæ efflueret, quia nullum fundare posset perpendicularum; ideoque nihil ascenderet per tubum

bum BK. Si idem vas c haberet foramen laxum, efflueret quidem aqua, sed simul subintraret aer, sicque cessante metu vacui, aut discontinuitatis corporum, nihil ascenderet per tubum KB. Si tubus EF esset breviortubo BK, descenderet aqua usque ad orificium F, & ad aequale spatium ascenderet per tubum BK; sed facta hac aequalitate, sisteretur utrimque aqua, propter perpendicularorum aequalitatem. Si tubus EF esset praeceps aequalis tubo BK; descenderet similiter aqua usque ad osculum F, & ex parte altera ascenderet usque ad K, sed neutra ulterius pergeret, propter causam jam dictam de perpendicularorum aequalitate. Si denique tubus EF, est vel paullulum longior tubo BK, descendit aqua usque ad F, & cum nullum inveniat impedimentum quo minus egrediatur, ne detineatur ab altera parte a perpendiculari aequali; effluit innato pondere ex F, & ut vitetur vacuum, corporumque discontinuitas, secum rapit & aarem vasis KA, & aquam tubi BK, vasisque B.


Notandum tamen est, quod jam saepius inculcavi, altitudinem perpendiculari aquae tubi BK sumendam esse a supra aquae vasis B, superficie, usque ad supremam superficiem aquae ejusdem tubi.

Quod diximus de perpendicularibus tuborum BK & EF, intelligi etiam debet de perpendicularibus AB, & DE alterius Machinæ.

Propositio XIV.

Causam adsignare cur in Fonte Heronis perpendiculari aquæ descendentiis debeat esse longius perpendiculari aquæ ascendiens.

Infrà Parte 2. Clasfe 1. cap. 2. Machina 1. Fontem damus, *Fons Heronis in vasis immediatis* appellamus; *nis in vasis immediatis*
etumque Fontem Heronis in vasis immediatis appellamus; *immediatis*
O 2 & ita



in vas vacuum 10 P M, premit ibidem aërem, atque expellit per tubum FG in vas plenum NIMQ; aër verò ibidem premens aquam, expellit ipsam per tubum CBA &c. prout fusius dicitur loco citato. Similes alias Machinas damus ibidem Machina 2. 3. & 4. Advertimus autem in Notis ad dictam Machinam i. tubum DEL, per quem aqua descendit, longiorum esse debere tubo CBA, per quem ascendit aqua. Prædicto Heronis fonti omnino similis est Lucerna, quam attulimus suprà Protheoria 2. §. 5. in qua tamen errorem aliquem Heronis notavimus circa claviculam R., diximusque prædictam claviculam debere desinere in tubulum paulò longiorem, quam est tubulus o. x. Quærimus nunc hujus rei causam.

Dicam quod sentio. Ut autem melius mentem meam intelligas, Lector, recole quæ diximus suprà Proposit. 2. hujus capititis.

pitis de Proprietatibus siphonis erecti; ubi assertuimus, aquam cruris longioris descendantem elevare, atque expellere aquam cruris brevioris, cogereque in altum exilire, si oculum sit angustum. Causam ejus rei diximus esse exessum perpendiculi aquæ descendenteris atque pellantis, supra perpendiculum aquæ ascenderis & pulsæ. His suppositis, ita discurro. Fons Heronis, & Lucerna ad ipsius similitudinem constructa, omnesque Machinæ simili artificio adornatae, nihil aliud sunt, quam siphon erectus interruptus. Nam tubus DEL habet rationem cruris erecti, per quod aqua descendit; tubus verò CBA habet rationem alterius cruris erecti, per quod aqua ascendit; Aqua descendens per DEL, cogit ascendere aquam per CBA, mediante aëre aquam premente. Sicut igitur in siphone erecto non interrupto, ut aqua descendens per unum crus, expellat aquam ascendentem per alterum, perpendiculum aquæ descendenteris majus debet esse perpendiculo ascenderis, ideoque crus, per quod aqua descendit, longius debet esse, quam crus per quod ascendit, alioquin non effluet aqua ascendens; ita in casu nostro tubus DEL debet esse longior tubo ABC, ut perpendiculum aquæ descendenteris majus sit, quam perpendiculum aquæ ascenderis. Tantò autem, cæteris paribus, altius ascendet aqua per tubum ABC. quanto is magis superabitur à tubo DEL. Itaq; hinc etiam, uti alibi ubiq; in hydraulicis, non aquarum copiâ, sed perpendiculo pugnatur ac vincitur.

Hæc mea est opinio: cui melius quid occurrerit, profertur in medium; nullus enim adhuc rei huius causam attigit, quod sciam. Non nego tamen, & aëris prementis copiam ab aquæ descendenteris copia maiore vehementius pressam ac pulsam; & osculi A, vel potius totius tubuli CBA angustiam, multum conferre ad aquam altius ex osculo A eiaculandam, tum ob urgentis impetus incrementum, tum ob decrementum gravitatis aquæ deorsum in tubo, post egressum è tubo, nitentis. Ne go tamen, erupturam aquam è tubo CBA, si longior is fuerit tubo DEL; idque ob rationem assignatam.

C A P V T III.

De

Proprietatibus Aquæ fluentis per tubos.

P R O O E M I V M .

Tubus
quid sit.Tubi for-
amen, os,
lumen, idē
sunt.Tuborum
variae for-
mæ.Tub⁹ sem-
per plenus.Tubus nō
semper ple-
nus.

SUbos hic appello Columnas concavas, sive cylindri-
cae illæ sint, sive prismatice. Hos in Machinis Par-
ate 2. passim voco in differenter tubos, siphones, ca-
nales, fistulas, & alijs etiam nominibus. Foramen per quod
effluit aqua tubo contenta, appellat Hero Alexandrinus in
suis Pneumaticis, os, osculum, & orificium; Marinus vero
Mersennus in hydraulicis suis Phænomenis vocat lumen.
Hoc foramen fieri potest vel in base tubi, vel in latere. Fieri
etiam possunt tubi conici ad instar conorum truncatorum, quo-
rum os seu lumen sit vel in vertice, vel in basi coni, prout ap-
paret in figuris Propositionis primæ sequentis.

Tubi per quos fluit aqua, aut sunt semper pleni, aut non
sunt semper pleni. Tubum semper plenum vocamus, quem
fons aut vas aliquod superimpositum ita implet per orificium
superius, ut dum aqua effluit per inferius, semper tamen plenus
maneat usque ad superius orificium; quod fit, dum tantum,

aut plus influit, quam effluit. Tubum non semper plenum
appellamus, qui, dum effluit aqua per foramen, paulatim exin-
anit, nullâ interim aliâ inflente aquâ.

Tubi quicunque, per quos aqua decurrit, aut sunt erecti
perpendiculariter, aut inclinati, aut prostrati horizontaliter.
Præores vocabimus verticales; medios, inclinatos; ultimos
horizontales.

His

His ita expositis, nunc afferemus varia Phænomena, id est, apparentias seu observationes circa fluxum aquæ per tubos verticales, cuiuscunque formæ & conditionis; ex quibus deinde deducemus varia Problemata atque Theorematum; quorum multa applicari etiam poterunt fluxui aquæ per siphones, de quibus cap. præcedente. Agimus autem hoc Capite solum de fluxu aquæ per tubos ex foramine in basi facto; de fluxu enim ex foramine facto in latere, loquemur capite sequenti.

PROPOSITIO I.


PHÆNOMENON I.

Aqua decurrit per tubi verticalis foramen basis instar Columnæ aqueæ, cuius basis æqualis foramini, altitudo perpendicularis à basi erectæ; sive tubi sint semper pleni, sive non.

Sunt tubi verticales, AB, cuiuscunque figuræ, habentes foramen B in basi. Dico aquam decurrere per sis tuborum foramen B instar columnæ aqueæ AB, cuius basis est foramen B, altitudo verò perpendicularis BA, columnæ à basi erectæ, sive tubi sint semper pleni, sive non. Patet experientiâ, & sequitur ex dictis Cap. i. Propriet. IV. & ex doctrina Archimedis lib. i. de Insidentibus humido, Suppositione I.

Ac primò quidem, si tubus est columnaris, & tota basis est aperta, prout est tubus primæ, ex appositis, Figuræ ad sinistram; manifesta est experientia: videmus enim totam aquam simul paulatim descendere, si tubus non est semper plenus. Idem autem fit, si tubus est semper plenus; descendit enim semper nova & nova columnæ aquæ, & effluit ex basi B.

Si autem tubus est quidem columnaris, sed aqua non effluit per totam basim apertam, sed per foramen in basi factum, prout



prout apparet in secunda Figura; item si est conoidalis instar co-
ni truncati inversi, prout in tertia Figura apparet, idem contin-
git: Nam videmus, effluente aquâ per B, subsidere paulatim
aquam A, incumbente ipsi B ad perpendiculari fieriq; fossam in
superiori superficie ubi A, reliquas verò partes collaterales e A,
f A, confluere intra fossam; ad eum modum, quo in arenarijs
horologij, dum è superiori phiala defluit arena per foramen
diaphragmatis in inferiorem phialam, efficitur fossa in superiori
arenæ superficie, in eamque incident circumiacentes arenæ par-
tes. Quod signum est, aquam descendere & effluere per B in
modum columnæ AB. Et hoc quidem contingit apertè in tu-
bis non semper plenis, ut experientia docet. Idem autem con-
tingere necesse est in tubis semper plenis; nisi quòd in his descen-
dat semper nova ac nova columna aquæ.

Quod diximus de tubis columnaris & conoidalis figuræ;
intelligendum etiam est de columnis aliarum figurarum, pro-
pter paritatem rationis, dummodo sint verticaliter erecti.

Siforamen est quidem in basi tubi (cuiuscunque figuræ
&

& conditionis sit tubus,) at superior aquæ superficies non supereminet foramini ad perpendicularum, ut in apposita Figura apparet; adhuc effluit aqua columnaliter, seu instar columnæ AB, cuius basis est foramen B. altitudo perpendicularares à basi usque ad summitatem istius aquæ; quæ basi perpendiculariter imminet. Ratio defumitur ex dictis cap i. Proprietate V.

Corollarium.

EX his colligitur, solam columnam aqueam AB premere Columna
aqua sola
premit su-
pra forame
per quod ef-
fluit. supra foramen B, quoniam illa sola ad perpendicularum imminet basis foramini.

Propositio II. Phænomenon II.

Per tubos tam semper, quam non semper plenos æqualis altitudinis, & æqualium foraminum, effluit æqualis aquæ copia, eodem vel æquali tempore, cuiuscunque capacitatibus & formæ sint tubi.

Altitudo tuborum, tum hac, tum sequentibus Propositionibus, sumitur à lumine seu foramine, usque ad superius orificium, includendo etiam ipsius foraminis altitudinem seu crassitatem, ab interiori ad exteriorem superficiem basis, si in basi seu fundo sit foramen.

Sint igitur, ut antea, tubi, AB, æquè alti, & æqualium foraminum B, sive semper pleni, sive non semper pleni, cuiuscunque capacitatis, & figuræ. Dico, per foramina illa effluere eodem, vel æquali tempore, æqualem aquæ copiam. Quoniam enim, per præcedentem Propositionem, supra foramem B in omnibus æqualis aquæ copia æquali vi premit, nempe columna aquæ AB, cuius basis est foramen B in omnibus æquale, ut supponitur; & altitudo est perpendicularis AB, in omnibus itidem æqualis; necesse est, æqualem aquæ copiam eodem tempore decurrere ex omnibus: ubi enim omnia sunt æqualia, effectus sunt æquales.

Corollarium I.

Aqua flux è foramine vasis non est celerior propter vasis capacitate. C Olligitur hinc, ad aquæ effluxum maiorem, aut celeriorem è foramine eodem, aut æquali, nihil facere capacitatem vasis aut tubi; adeo ut si totus Oceanus esset inclusus in uno tubo, aut vase, & in altero modica aqua, vterque tamen tubus esset æquè altus, & haberet æqualia foramina; æqualis aquæ copia ex utroque efflueret eodem, vel æquali tempore.

Corollarium II.

C Olligitur præterea, per foramina æqualia in eadem basi eiusdem tubi, æqualem aquam effluere eodem tempore. Sed de hoc agemus infra cap. 5. Propos. 1.

Propositio III. Phænomenon III.

Per tubos tam semper, quām non semper plenos æqualium lumen, sed inæqualium altitudinum, effluit eodem, vel æquali tempore, inæqualis aquæ copia.

N Empe per tubum magis altum maior, & per tubum minus altum, minor. Ratio est, quia supra lumen altioris tubi maior aquæ copia, & majori vi ac celeritate; & supra lumen minoris minor, & minori vi ac celeritate premit, nempe aquæ columna magis aut minus alta.

Propositio IV. Phænomenon IV.

Per tubos semper, & non semper plenos inæqualium lumen, sed æqualium altitudinum, effluit eodem, vel æquali tempore, inæqualis aquæ copia.

N Empe per maius lumen maior, & per minus minor. Ratio est eadem, quia scilicet supra maius lumen premit maior aquæ copia, & majori vi; & supra minus minor, & minori vi, scilicet columna aquæ æquè alta, sed non æquè crassa.

Porisma.

P Er tubos utrosque, hoc est, tam semper plenos, quām non semper plenos, inæqualium lumen, & inæqualium altitudinum,

Protheoria IV.

115

dinum, effluere potest eodem, vel æquali tempore, æqualis, & inæqualis aquæ copia, hoc est, æqualis per aliquos, inæqualis per alios. Ratio est, quia defectus luminis in uno potest superpleri per altitudinem; & defectus altitudinis in altero potest superpleri per lumen, ut experientia etiam docet.

Propositio V. Phænomenon. V.

Per tubos æquè altos, & æqualium lumen, non semper plenos, fluit eodem tempore æqualis aquæ copia; sed tantò fluit unus diutiùs altero, quantò plus aquæ continet

vnus quām alter.

Patet ex hactenus dictis, & experientiâ, nec indiget alia probatio. Ille autem plus aquæ continet, qui amplior est: loquimur enim hîc de ijs tubis, quorum orificia sunt æqualia, etiamsi ipsi tubi sunt inæqualis amplitudinis.

Corollarium.

Ergo & per æqualia foramina basis eiusdem tubi, æqualis eodem tempore effluit aqua. Vide cap. 5. Propos. I.

Propositio VI. Phænomenon VI.

Per tubos non semper plenos, & non æquè altos, æqualium tamen lumen, eodem vel æquali tempore

non fluit æqualis aquæ copia.

Adem est ratio de quibuscumque vasis. Patet experientiâ, *Vas magis plenum plus aquæ effundit perforatum, quām in minūs alto, habente lumen æquale.* Et ratio est, quia in altiori *men, quām magis premitura aqua supra lumen, quām in minūs alto.* Vide *minūs plenum, quām* Propos. III.

Porisma I.

Sequitur hinc, ex eodem tubo, aut vase, non semper pleno, æqualibus temporibus, non æqualem effluere aquam ex eodem foramine, sed in secundo tempore minorem, quām in primo, & in tertio minorem, quām in secundo, & sic deinceps. Vide Propos. 24.

P 2

Po.

Pars I.

Porisma II.

Sequitur præterea, spatia quæ æqualibus temporibus evacuantur in dicto casu, non esse æqualia, sed secundum spatum correspondens secundo tempori, esse minus primo; & tertium spatum correspondens tertio tempori, minus secundo; & sic de cæteris. Vide ibidem.

Propositio VII. Phænomenon VI.

Tubus altitudine quadrupedalis, cui pro basis diametro pedis Parisiensis uncia, aquâ semper plenus, effundit per lumen lineare in basi situm aquæ libram spatio tredecim minorum secundorum temporis.

Observavit hoc Marinus Mersennus, ut afferit ipse in Hydraulicis suis Phænomenis Proposit. I.

Annotatio I.

Vtitur autem Mersennus tam pede, quam libra (heminam vocat ipse) Parisiensi. Et pedem quidem, uti in aliarum Nationum pedibus situr in uncis solet, dividit in duodecim æquales partes, quas uncias appellat; & di-
gitos 12. & di-
gitos 16. quamlibet unciam subdividit in alias duodecim partes æquales, quas
Linea est ipse lineas, alijs scrupulos vocant. Uncia, seu duodecima pedis pars ap-
duodecima pellatur etiam pollex; ab aliquibus vero cum Merseno digitus: rectius.
pars. uncia. tamen digitus est decima sexta pars pedis, ut constat ex Vitruvio, Iulio-
Frontino, Columella, & alijs apud Villalpandum tom. 3. Apparatus
Part. 2. lib. 3. cap. 16.

Minutum secundum est sexagesima pars unius minuti primi, seu
aundi dura 3600 pars unius horæ, & proxime respondet lento arterie seu cordis
tio. quanta pulsui, ut Mersennus afferit.

Annotatio II.

Non est necesse, ut basis tubi quadrupedalis, quo fit observatio, sit
pedalis, aut uncialis, aut alterius determinatae amplitudinis atque
ampli- ne non effu- capacitas, sed sufficit quantalibet latitudo tubi, dummodo foramen sit
dit plus a- lineare. Ratio est, quia, ut vidimus Propositione 2. huius capituli, ea-
qua per fora dem aqua quantitas eodem, vel æquali tempore, fluit ex tubo semper
men, quam pleno quantum vis arcto, vel lato, dummodo foramen sit lineare, & al-
tinus am-

titudo sit quadrupedalis; adeo ut si totus Oceanus, ut suprà innuimus in plur. si al-
Corollario 1. Proposit. 2. esset inclusus vasis quatuor pedum altitudinis & titudo & fo-
luminis linearis, non effunderet nisi unicam heminam seu libram Parisi-
ensem spazio tredecim minutorum secundorum; Sit tamen addas, inquit
Mersennus, pro horis singulis unam quadragesimam quintam libr.e
partem, quâ solet aqua marina superare aquam fontium ac fluviorum in-
pondere, & consequenter vi premendi, & vehementius e foramine e-
rumpendi.

Annotatio III.

Quod dicit Mersennus de tubo quadrupedali, & de libra aquæ, in-
telligi debet solum loquendo de pede & libra Parisiensi, non ve-
rò aliarum Nationum, sed unusquisque in sua natione experientiam
facere debet, ut sciat quantum aquæ, quanto tempore, ex quanta al-
titudinis, quantique foraminis tubo, ejiciatur. Ceterum cùm diffe-
rentia pedum, atque librarum apud diversas Nationes tanta sit, quan-
ta ipsarum Nationum; cumq; difficulter exacta mensura unius certi versas na-
tions determinati pedis, v. g. Romani, aut Parisiensis, ad alias Nationes
transmitti libris impressis possit, quod chartæ prius madefactæ, ac dein-
de siccatae, non reddant fideliter longitudinem linearum impressarum;
nolo diutius huic rei inhærere, comparando pedem Parisiensem cum
pedibus aliarum Nationum. Faciat, qui volet, aut cuius interest,
experientiam, ut videat quanto tempore tubus quatuor pedum regio-
nis sua ejiciat per lumen lineare aqua libram itidem regionis sua. De
exacta pedis Romani mensura, & de modo transmittendi illum ad
alias nationes, differam in Pantometro Kircheriano Lib. I. Technico
Parte 2. Cap. 4.

Propositio VIII. Phænomenon VIII.


Aquaæ fluentes ex tubis tam semper, quam non sem-
per plenis æqualium foraminum, sed inæqualium altitudinum,
habent rationem subduplicatam altitudinum tuborum;
habentque dicti tubi duplicatam rationem
aquarum, quas fundunt.

Ratio seu proportio duplicata quæcunque, est ratio quæ-
cunque simplex semel repetita, seu bis continuè sumpta: Duplicata
proportio
qua,

quemadmodum ratio quæcunque triplicata, quadruplicata, &c. est ratio quæcunque simplex bis, ter &c. repetita, seu ter, quater continuè sumpta. Exemplum. Inter 2 & 1 reperitur ratio dupla; hæc ratio si semel repetatur, seu adhuc semel accipiatur, hoc est, si bis continuè sumatur hoc modo, 4, 2, 1; erit inter 4 & 1 ratio seu proportio triplicata illius proportionis, quæ est inter 2 & 1, quandoquidem inter 4 & 1 reperitur ratio dupla semel repetita, seu bis continuè sumpta, hoc est, quadruplicata, scilicet semel inter 4 & 2, & iterum inter 2 & 1. Similiter inter 8 & 1 est ratio triplicata illius, quæ est inter 2 & 1, quia inter 8 & 1, intercedit ter ratio dupla, nempe 8 ad 4, 4 ad 2, 2 ad 1. Sic 16 ad 1 habet rationem quadruplicatam, & 32 ad 1 rationem quintuplicatam rationis illius, quam habet 2 ad 1. Aliud exemplum. Inter 6 ad 4 reperitur ratio sesquialtera simplex; hæc ratio duplicatur, si adhuc semel repetatur, seu si bis continuè sumatur, ut appareat in his numeris 9, 6, 4: nam quia ut 6 ad 4, ita 9 ad 6; ideo inter 9 & 4 bis reperitur ratio sesquialtera. Si verò eadem ratio sesquialtera bis repetatur, seu ter continuè ponatur; erit inter extremos terminos ratio sesquialtera triplicata, ut appareat in his numeris, 13¹, 9, 6, 4: quam proportionem absque fractione habebis, si duplicaveris hosce numeros sic, 27, 18, 12, 8: nam ut 12 continet 8 semel cum dimidio, ita 18 continet 12 semel cum dimidio, & 27 etiam continet 18 semel cum dimidio.

*Subduplicata
et proportionis
qua.* Ex ratione duplicata, triplicata, quadruplicata, &c. facile intelligitur ratio subduplicata, subtriplicata, subquadruplicata, &c. Nam per rationem subduplicatam intelligimus dimidiū rationis duplicatæ. Verbi gratia, 4 ad 1 habet rationem duplicatam rationis duplæ; 2 ad 1, aut 4 ad 2, constituunt dimidium rationis 4 ad 1; ideo 2 ad 1, & 4 ad 2, habent rationem subduplicatam. Similiter 9 ad 4 habet rationem duplicatam rationis sesquialteræ; dimidium talis rationis est 9 ad 6, vel 6 ad 4; ideo 9 ad 6, & 6 ad 4 habent rationem subduplicatam prædictæ rationis sesquialteræ.

His



His explicatis, esto tubus A B unius pedis, & tubus C D quatuor pedum, æqualium foraminum, & uterque seu semper, seu non semper plenus; qui quidem eodem, vel æquali tempore inæqualem effundunt aquæ copiam, nempe major majorem, & minor minorem, ut constat ex Propositione III. præcedenti. Dico, aquam tubi C D, ad aquam tubi A B eodem aut æquali tempore effusam, habere rationem subduplicatam tuborum, hoc est, aquam effluentem è tubo C D esse duplam aquæ effluentis è tubo B A. Et idem dicendum est de qua-cunque alia ratione seu proportione; ut si unus tubus sit 9 pedum, alter unius pedis, erit aqua ma-joris ad aquam minoris, ut 3 ad 1. Constat ex observatione, ut asserit Mersennus in suis Hydraulicis, Propos. 2 post medium. Ratio phænomeni dependet ex velocita-te aquæ descendenter & effluentis ex tubo C D, supra velocitatem æquæ descendenter & effluentis ex tubo A B; de qua vide Proposit. ix. & x. seq. ubi dicemus, illam ad hanc esse duplam, hoc est, subduplicatam altitudinum tuborum haben-tium æqualia foramina; quo demonstrato, demonstrabimus deinde Propositione xi. hanc præsentem Propositionem.

Porisma I.

Colligitur ex his, tuborum æqualium foraminum altitudi-nes debere esse in duplicata ratione aquarum inæqualium quas debent eodem tempore fundere. Verbi gratia, tubus pe-dalis determinato tempore dat unam aquæ libram ex suo fo-ramine; ut aliis tubus ex æquali foramine æquali tempore det duas libras, debet habere duplicatam rationem ad illum, nem-pe debet esse altus quatuor pedibus. Sic etiam quia tubus qua-tuor pedum per lineare lumen spatio 13 minutorum secundo-rum fundit unam libram aquæ, ut diximus Proposit. vii. ut aliis tubus eodem tempore per lumen lineare fundat centum libras

libras, debet habere altitudinem duplicatam i ad 100; nempe 40000. pedum. Atque hæc est conversa præcedentis Propositionis.

Porisma II.

Colligitur præterea, datis tubis æqualium foraminum, at inæqualium altitudinum, in numeris aut lineis, medium proportionale dare aquas; & datis aquis in numeris aut mensuris, tertiam proportionalem dare tuborum altitudinem æqualem foraminum.

Annotatio.

*Media, ac
Tertia pro-
portionalis
quantitatis
invenio.* **D**e inventione mediae ac tertie proportionalis magnitudinis in numeris ac lineis, agemus infra in Parergo hujus capituli, & in Arithmetica ac Geometria practica, & in Pantometro Kircheriano lib. 8. cap. I. Proposit. I. & 3.

Propositio IX. Theorema I.

Aqua naturali motu descendens & effluens per tubos,
imitatur leges aliorum gravium naturali
motu descendantium.

Non uni mirabile visum, inquit Mersennus in Phænomenis Hydraulicis Proposit. 111. quod non sit eadem ratio quantitatis aquæ fluentis ex tubo pedalı, ad aquæ quantitatem ex quadrupedali tubo salientis, posito æquali foramine in utroque, quæ est i ad 4; cum aqua quadrupedalis tubi quadruplo magis, quam pedalis premere videatur fundum, & aquam ex lumine salientem. Verum mirari desines, ubi noveris, aquam eo solùm modo premere, vel ea duntaxat velocitate tubum egredi, quâ moveretur, si ex eadem tubi altitudine cecidisset; adeo ut sit eadem istius phænomeni ratio, quæ descensus aquæ per tubum; & eadem hujus descensus, quæ descensus aliorum gravium; de quo proinde hîc agendum paulò accuratiùs, quandoquidem aquæ motus per tubum, & ex tubo eruptio, sequitur leges gravium motu naturali descendantium.

Leges

Leges gravium naturali motu descendantium.

Leges porrò, quas gravia in descensu naturali motu facta servant, incredibili cura ac diligentia indagavit & obser- vavit Bononiæ P. Joannes Baptista Ricciolus, unà cum alijs è nostra Societate Patribus, ealque clarissimè ac distinctissimè proponit in Tomo I. Almagesti sui novi; fusè quidem lib. 9. fœt. 4. cap. 16. num. 24. breviter verò lib. 2. cap. 21. Quibus Riccioli observationibus tantam ego fidem adhibeo, ut licet hîc Rœmæ easdem repetere opportunissimum mihi foret, de- missis gravibus per cochleatas Divi Petri in Vaticano scalas altissimas, & ab omni aëris commotione liberas, fenestris insuper plurimis ab ima basi ad summitatē usque refertas; no- luerim tamen me frustra fatigare, cùm nec accuratiōres ad- hibere me posse putem, nec si adhibeam, alias præter ipsius leges reperturum me certò sciam. Ex multis igitur descen- sus gravium legibus à Ricciolo locis citatis adductis, duas se- quentes affero, quoniam ea proposito nostro satisfacent.

I. Gravia naturali motu per lineam perpendicularē in aëre de- scendentia, moventur difformi velocitate, eaque majore & majore vium de- versus finem motus. Lex hæc nota fuit jam inde à viginti & am- plius sæculis in Academijs Physicorum, præsertim Peripateti- corum cum Aristotele lib. I. de cœlo cap. 88. inquit Ricciolus, patetque oculis, auribus, & tactui; videmus enim gravia de- scendentia accelerare magis ac magis motum; audimus vehe- mentiorem sonum, percipimus validiorem percussionem, ex lapsu gravis ac duri è loco altiori, quam minùs alto.

II. Motus gravium naturaliter descendantium per aërem, cre- sciit eo incremento velocitatis, quod est inter numeros impares ab uni- tate numeratos; seu ita ut spatia aequalibus temporibus transmissa sint inter se, ut quadrata temporum; seu ita, ut spatia transmissa certis temporibus habeant inter se duplicatam proportionem illius, quam ha- bent tempora quibus spatia illa mensurata fuerint. ita Ricciolus lo- cis citatis, & ante ipsum Galilæus Dialogo 2. de Systemate

Pars I.

Mundi, & Balianus lib. de Motu naturali gravium, Proposit. 6. (licet deinde lib. 4. à pag. 110. ad 113. aliter statuat) & post ipsos Gassendus in Epistolis de motu impresso à motore, & Kircherus in Musurgia lib. 6. parte 1. Lemmate 3. & constat experien-

*Numeri pa-
riter impa-
res ab unita-
te numero-
ti.*

Numeri pariter impares ab unitate numerati, sunt hi: 1, 3, 5, 7, 9, 11, 13, 15 &c. Itaque si grave aliquod descendens conficit in primo minuto temporis unum stadium spatij; in secundo minuto conficiet tria stadia, in tertio quinque, in quarto septem, &c. Sic enim spatia æqualibus temporibus confecta, erunt inter se, ut quadrata temporum: nam quadratum minutus primi est 1; & quadratum minutus secundi, 4; & quadratum minutus tertij, 9; & quadratum minutus quarti, 16 &c. ut

apparet in apposita tabella.
Cùm igitur grave descendens in primo minuto conficiat unum spatium, & in secundo minuto tria spatia, quæ cum uno conficiunt quatuor; & in tertio minuto quinque spatia, quæ cum

Tempora	Quadrata	Spatia
1	1	1
2	4	3
3	9	5
4	16	7
5	25	9
6	36	11

quatuor efficiunt novem; & in quarto minuto septem spatia, quæ cum novem efficiunt sexdecim; & in quinto minuto novem spatia, quæ cum sexdecim efficiunt viginti quinque, &c. appareat manifestè, spatia transmissa à gravi descendente, habere se, ut quadrata temporum æqualium, quibus perecurrunt illa spatia. In idem autem recidit, si dicas, spatia transmissa certis temporibus habere inter se duplatam rationem seu proportionem illius proportionis, quam habent tempora, quibus spatia illa mensurata fuerint: nam tempus seu minutum secundum ad primum, ut appareat ex tabella praecedente, habet rationem seu proportionem duplam, spatia vero secundo minuto confecta, nempe 1 ad 3 (quæ simul juncta efficiunt 4) ad primum minutum habent rationem duplatam rationis duplæ. Eadem est ratio de cæteris. Lege etiam Mundum sub-

terra-

terraneum P. Athanasij Kircheri, ubi in Libro Centrosophico fusissimè pertractat hanc materiam. Lege præterea Joannem Caramuelem in Cruce Sublimum ingeniorum.

Leges aquæ naturali motu descendantis
& effluentis per tubos.

SIt jam tubus ABCD, sive semper, sive non semper plenus, *Leges aquæ*
cujus foramen B; tempusque in quo aqua ab A descendit ^{naturali} *motu de-*
usque ad B, dividatur in quinque æquales partes, in quarum ^{scendentis} *per tubos.*
prima confecerit spatium A 1; Dico, eandem aquam in se-
cunda parte temporis conficere spatium A 4, in tertia parte.

A 1 9, in quarta spatium A 16, in quinta spatium A 25;
I 2 atque adeo spacia æqualibus quinque temporibus
4 3 2 confecta, habere se ut quadrata quinque illorum
9 5 3 temporum, ut ex appositis utrimque numeris ap-
paret; seu velocitatem descensus aquæ crescere se-
cundùm progressionem numerorum imparium,
16 7 4 prout indicant numeri intra tubum notati; seu
spatia confecta habere duplicatam rationem illius,
7 8 quam habent tempora, ut appareat si conferas nu-
meros externos lateris AB, cum numeris lateris
C D. Ratio est, quia aqua gravis est, & intra tu-
bum naturali motu descendit, nullumque adest
impedimentum motus; ergo imitari debet leges aliorum gra-
vium naturali motu descendantium.

Corollarium I.

Colligitur hinc primò, Aquam è foramine B, tubi semper pleni, effluere tantâ velocitate, quantâ descendit ab A ad B. Ratio est, quia ut supponitur, tantum effluit per B, quantum influit per A, & è contrario tantum per A influit, quantum per B effluit, & in descensu ab A ad B nulla fit interrupcio; ergo tam velociter effluit per B, quam velociter descendit ab A ad B.

Corollarium II.

Colligitur secundò, Aquam apud B, in utroque tubo, hoc est, semper & non semper pleno, tantà solùm vi premi prope foramen B, quanta est vis seu pondus aquæ à B usque ad supremam aquæ superficiem, id est, columnæ aqueæ habentis pro basi latitudinem foraminis B, pro altitudine perpendicularē à B ad dictam superficiem. Ratio est, quia solùm illa columna premit supra B, per dicta Proposit. i. Intellige, nisi illa aliunde impetum recipiat, ut si ipsi affunderetur aqua ex tubo inclinato, sive conjuncto, sive disiuncto.


Corollarium III.

Lex descensus aqua è tubo expl.
caenit.

Colligitur tertio, Leges prædictas descensus gravium servari ab aqua in tubo semper pleno, descendendo ab A ad B, solùm in primo descensu, non verò in descensu continuato; item solùm à prima parte aquæ descendantis, nō à partibus ipsi contiguis & subsequentibus. Explico. Descendat aqua ab A ad B, efficiatque descensus columnam aqueam AB, quæ dividatur in viginti quinq; æquales partes secundùm longitudinem seu altitudinem ab A ad B. Dico, solùm vigesimam quintam partem, quæ est apud B, servare prædictam legem descensus gravium crescentis in velocitate secundùm numeros impares ab unitate numeratos; & quidem illam solam vigesimam quintam partem, quæ est in prima columna aquæ à descensu aquæ formata, non verò quæ est in reliquis columnis subsequentibus. Ratio est, quia cùm nulla pars ex viginti quinque egrediatur è foramine B, quin ingrediatur alia per orificium A priori æqualis; & nulla transeat vigesimum quintum & ultimum spatiolum lateris AB, quin eodem tempore transeat alia æqualis primum spatiolum, & alia secundum, & alia tertium, ac reliqua omnia; necessè est ut omnes reliquæ partes eadem velocitate confiant singula spatiola, qua velocitate ultima conficit ultimum; & eadem velocitate unaquæque pertranseat spatiolum sibi correspondens, qua velocitate ultima pars pertransit ultimum spatiolum. Patet ergo propositum.

Corol.

Corollarium IV.



Colligitur quartò, Aquam è foramine B effluere eò majori velocitate, quò altior fuerit tubus. Ratio est, quia quò altior est tubus, eò maiorem velocitatem adquirit prima pars aquæ de scendentis in suo descensu, & consequenter reliquæ subsequentes; item quò altior est tubus, eò altior est columna aquæ premens apud B. ideoque eò vehementius premit apud idem B. Vide quæ diximus Proposit. VI.

Aqua è tubo eò velocius effluit, quò altior est tubus.


Corollarium V.

Colligitur quintò, Aquam ex æqualibus tubis, quoad foramina & altitudines, effluere æquali velocitate.

Aqua ex æqualibus tubis quoad foramina, aquæli velocitate effluit,

Propositio X. Theorema II.


Velocitates motus aquæ descendentis & effluentis per tubos æqualium foraminum, sed inæqualium altitudinum, habent subduplicatam rationem altitudinum.



Esto tubus AB altus uno pede, & alias CD altus quatuor pedibus, sed uterque æqualium foraminum, sive semper, sive non semper pleni, è quibus effluat aqua inæquali velocitate, juxta dicta Propositione præcedente, Corollario iv. Dico, velocitates motus & effluxus aquarum esse in subduplicata ratione tuborum, hoc est, aquam per tubum CD descendere, & effluere duplo velocius, quam per tubum AB. Quoniam enim aquæ motus per tubos æmulatur leges gravium descendientium motu naturali, per dicta Proposit. IX. præcedente, hoc est, crescit in velocitate secundum inæqualitatem foraminum.

Q 3

*Propositio
velocitatis
motus aquæ
descenden-
tis per tubos
inæqualium
foraminum*



dùm progressionem numerorum imparium ab unitate numerorum; si aqua in primo tempore determinato, v. g. in primo minuto descendit à c in E, hoc est, ab A in B; in secundo minuto descendet ab E ad D, ac proinde in fine quarti palmi mota erit duplo velocius, quam in fine primi palmi; Ergo velocitas motus aquæ per tubum CD, ad velocitatem aquæ per tubum AB, habet subduplicatam rationem altitudinum. Eadem est ratio in alijs inæqualibus altitudinibus, quamcunque habeant inter se proportionem.

Porisma.

TUbi ergo duplicatam habent rationem illius, quam habent velocitates motus descendantis, & effluentis per ipsos aquæ.

Propositio XI. Theorema III.

Causam assignare, cur aquæ fluentes per tubos æquium luminum, sed inæqualium altitudinum, habeant rationem subduplicatam altitudinum tuborum.

Propositio.
nis prædictæ
causa. **Q**Uod asseruimus Proposit. VIII. huius capituli, demonstrandum hîc est, ut fidem ibi obligatam solvamus.

Ratio igitur adsignati hîc & ibi Phænomenicst, quòd fluxus aquæ per foramen, seu quantitas aquæ effluentis, pendet à velocitate aquæ eiusdem descendantis per tubum, per dicta Proposit. ix. Corollario. i. Velocitas autem illa est subduplicata altitudinum, per dicta Proposit. x; ergo & quantitas aquæ effluentis ex tubis inæqualium altitudinum subduplicata erit tuborū.

Propositio XII. Theorema IV.

Tempora quibus æqualis aquæ quantitas è tubis æquium luminum, sed inæqualium altitudinum effluit, habent subduplicatam rationem tuborum.

Propositio
temporum
quibus a-
qua effluit è
tubis. **S**It ut antea tubus AB vnius, & tubus CD quatuor pedum in altitudine, sed æquium luminum, sive semper, sive non semper

per pleni; fluatque ex tubo AB vna libra aquæ spatio duorum minutorum. Dico, eandem aquam effluere ex tubo CD spatio vnius minuti, esseque propterea tempus fluxus aquæ ex tubo CD , ad tempus fluxus aquæ ex tubo AB , ut 1 ad 2, quæ est ratio subduplicata tuborum. Ratio ex dictis patet. Quoniam enim velocitates effluxus aquæ ex æquali lumine habent subduplicatam rationem tuborum, ut demonstravimus Proposit. x, fluet in dimidio temporis tantum ex tubo CD , quantum in toto tempore ex tubo AB , posita æqualitate luminum; ac proinde in toto tempore duplum effluet ex tubo CD . Eadem est ratio in alijs tuborum æqualium luminum proportionibus.

Porisma.

Tubiergo quilibet æqualium luminum, sed inæqualium altitudinum, habent rationem duplicatam temporum, quibus effluit æqualis aquæ quantitas.

Propositio XIII. Theorema V.

Sit tubi, sive semper pleni, sive non semper pleni, sint eiusdem altitudinis, sed inæqualium foraminum, est eadem ratio aquæ ad aquam, quæ foraminis ad foramen, physicè seu ad sensum.

Est Mersenni in hydraulicis Phænomenis Proposit. IV. quem sequitur P. Andreas Tacquet in suis hydraulicis Manuscriptis cap. 4. Phænomen. 7. Ratio est, quod licet ex maiori lumine seu foramine fluat eodem tempore maior aquæ columna quam ex minori, tantòque maior ex illo quam ex hoc, quanto fuerit maius lumen seu forame illud quam hoc, quoad aream, per dicta Proposit. 4. huius capituli; tamen utraque columnæ fluit ex æquali altitudine tuborum æquâ velocitate physicè & ad sensum.

Dixi physicè & ad sensum, quia licet gravia eiusdem speciei, sed inæqualis molis ac ponderis, ab eodem ad eundem ter-

terminū non descendant æquè velociter, revera & mathematicè, quemadmodum sentiunt Galilæus Dialogo 2. de System. Mundi, Ioannes Baptista Balianus lib. 1. de motu naturali gravium solidorum in Praefat. Nicolaus Cabæus lib. 1. Meteoror. textu 17. q. 5. & 6. Arriaga disput. 4. de Generat. sect. 5. subsect. 3. Mastrius, Bellutus, & alij (quod ego falsum existimo , mathematicè loquendo , cum Patre Ioanne Baptista Ricciolo , qui tom. 1. Almagesti Novi lib. 2. cap. 21. Proposit. 2. & lib. 9. sect. 4. num. 24. assentit , duorum gravium eiusdem speciei & figuræ , sea inæqualis molis ac ponderis , ex eadem altitudine momento eodem diffusorum , illud naturali motu citius descendere ad eundem terminum , quod est gravius ; ubi etiam Experimenta multa diversis annis coram multis viris doctis incredibili diligentia peracta Bononiae refert num. 13.) tamen in parvis altitudinibus , quales sunt tuborum in omni ferè casu , tam exigua est differentia velocitatum , ut pro eadem seu æquali censeri meritò possit.

Porisma I.

Sequitur hinc , tubos non semper plenos , æquales quo ad altitudes , & bases , inæquales tamen quo ad foramina , evacuari inæqualibus temporibus , hoc est , citius illum , qui maius habet lumen ; esseque tempora , quibus evanescuntur , inter se ut lumina , hac tamen conditione , ut per foramen maius citius effluat tota aqua , quam per foramen minus , tantoq; citius per majus , quam per minus , quanto foramen maius superat minus . Atque hoc est quod dicemus Proposit. xvi. sequente , tempora scilicet in dicto casu esse reciprocè ut lumina .

Porisma II.


Sequitur præterea , ex tubis non semper plenis , quorum æquales sunt altitudes , at inæquales bases , sed totæ apertæ , effluere totam aquam æquali tempore ; quandoquidem utrobiusque columnæ aquæ , licet inæqualis ponderis ac molis , æquè velociter descendit quo ad sensum , per idem spatiū .

Pro-

Propositio XIV. Theorema VI.

Tubi non semper pleni æquè alti , & æqualium foraminum , sed inæqualium basium , evacuantur inæqualibus temporibus ; estque eadem ratio temporum , quæ basium .

PRimum patet per se , quia cæteris omnibus paribus major a-
quæ quantitas maius requirit tempus ad effluendum , quam
minor . Alterum demonstratur , vel potius explicatur sic .

 Esto tubus AB minoris basis , & alias ACBD majoris , uterque cylindricus , uterque æquè altus , & æqualis foraminis B; sitque diameter basis BD tripla diametri basis B: erit igitur area basis BD noncupla areæ basis B, quoniam circuli inter se sunt , ut quadrata diametrorum , per Proposit. 2. lib. 12. Element. Euclidis; quadratum autem diametri BD triplo maioris diametro B, est nonies maius , quam quadratum diametri B, ut ex Geometria practica patet . Cùm igitur cylindri æquè alti sint inter se , ut illorū bases , ut patet ex eadē Geometr. practica ; sequitur , aquam tubi ACBD esse noncuplam aquæ tubi AB; ac proinde tempus quo exhaustur per foramen B tubus ACDB, noncuplum erit temporis , quo exhaustur per idem foramen B, tubus AB, quandoquidem cylindrus aqueus ACBD, non magis premit supra foramen B quam cylindrulus aqueus AB, per dicta Proposit. II. in Corollario , & Proposit. VII. Annot. 2.

Annotatio I.

Mersennus in *Hydraulicis Phænomenis* Proposit. 8. ait , constare ex Mersenni observatione , tubum quadrupedalem , cuius basis digitalis , uno mi-
nuto temporis totum per lineare lumen exhaustiri ; tubum vero quadrupedalem cuius basis pedalis , spatio 144. minutorum , seu duabus horis , & 24. minutis . Servatur ergo inter temporaratio basium , ut demonstra-
vimus : Nam cum pedis longitudo contineat , ex Mersenni mente , ut vidimus Proposit. VII. huins Capitis Annot. I. digiti latitudinem
R duode-

duodecies; continebit quadratum pedis quadratae digiti 144. ac proinde basis pedalis basim digitalem centies quadragies quater continebit, ut diximus in Propositione.

Annotatio II.

P. Pauli Casatus. **A**Cutissimè notavit hic P. Paulus Casatus in censura huius Operis, posse dubitari de veritate huius Propositionis 14. & posse aliquem suspicere Mersenni certum, an experimentum allatum à Mersenne sit in gratiam Propositionis observatio confictum. Ratio dubitandi est, inquit, quia quo tempore parvulus tubus AB exhaustur, ex maioritubo ABCD effluit maior aquæ quantitas eodem tempore, quia scilicet effluit in progressu maiori velocitate ex maiori, quam ex minori: nam in majore tubo est maius aquæ perpendiculum in progressu. Fac enim in minori descendisse semissem; aquæ altitudo est solùm dimidia totius altitudinis: fac ex majori eodem tempore descendisse æqualem aquam, hoc est (quia maior ad minorem est ut 9. ad 1.) $\frac{1}{2}$ totius aquæ; ergo remanet altitudo aquæ in majori $\frac{1}{2}$ totius altitudinis; ergo plus aquæ effluet ubi maior est velocitas ratione maioris perpendiculi. Debet igitur hæc ratio conciliari cum experimento; & opus esset ostendere, quomodo, licet id verificetur in prioribus cylindrulis aquæ effluentibus, tamen maior illa velocitas priorum compensentur maiori tarditate posteriorum qui habent minus perpendiculum.

Hocidem dicitur de Propositione 16, in qua consideratur columna ut duodecupla minoris, nulla habita ratione quod in progressu descensus fiunt altitudines valde inæquales: neque videtur valere illa argumentatio, facta præcisione per intellectum; nam sermo est de re prout à parte rei. *Hæc P. Casatus. Noluiego in dubium revocare experimentum Mersenni, quoniam id nefas existimavi; nec experimenti causam indagare, ac multò minus demonstracionem afferre, quoniam id ad propositum meum nihil conducit.*

Ratio tamen huius rei sine dubio refundenda est in illam, quam ipsem Casatus insinuavit.

Propositio XV. Phænomenon. IX.

Tempora quibus deplentur tubi non semper pleni æquè lati, sed non æquè alti, per æqualia foramina, sunt in alitudinum ratione subduplicata.

Constat enim ex observatione, inquit Merlennus in Hydro-
licis Phænomenis Proposit. IX. tubum pedalem 30 secundis, Proprietate
temporum
quadrupedalem verò latitudinis eiusdem 60 secundis, per foramen lineare, totum exhauriri.

Corollarium I.

Hinc colligitur primò, tuborum altitudines esse in ratione duplicita temporum, quibus deplentur æqualia lumina, ut diximus etiam in Porismate Propositionis XII. præcedentis.

Corollarium II

Colligitur secundò, tam tubos non semper plenos, quam tu-
bos semper plenos, juxta eandem rationem tribuere aquas ex æqualibus foraminibus, juxta dicta hac, & octava Propo-
sitione.

Propositio XVI. Theorema VII.


Tempora quibus evanescunt tubi non semper pleni si-
miles, & æquales quoad altitudines & bases, per lumina similia
inæqualia, sunt reciprocè ut lumina.

Propositio intelligenda est in eo sensu, quem explicavimus
in Porismate 1. Proposit. 13. præcedentis.

Sint itaque tubi cylindrici ABFQ, similes, & æquales in altitudinibus, humido pleni, quorum lumina sint EC, KN, circularia, at inæqualia (eadem est ratio de tubis prismaticis, & foraminibus quadratis, alteriusvè Figuræ;) sitque lumen seu Proprietate
temporum
effluxus a-
qua fluxus
ex tubis, ad
eorum alti-
tudinem. foramen KN duodecies maius quoad aream, quam lumen EC. Dico, tempus quo exhaerit tubus AB, per lumen EC, esse ad tempus, quo exhaerit tubus FQ, per lumen KN, ut est reciprocè lumen KN ad lumen EC; id est, tantò plus tempori requiri ut exhaeriat tubus AB, per foramen EC, quam tubus

Pars I.

tubus FQ , per foramen KN , quantò maius est lumen KN , quām lumen EC , nempe duodecies plūs.




Ad hoc ostendendum, intelligantur super luminibus EC, KN , tanquā super basibus, cylindri DC, LN , ejusdē altitudinis cum cylindricis tubis AB, FQ . Patet ex dictis Proposit. XIIII. præcedente, Porismate 2, hos duos tubos DC, LN , per lumina EC, KN , eodem seu æquali tempore exhaustiri. Iam sic. Per Propositionem XIII, huius capitatis, aqua quæ effluit ex tubo FQ , per lumen KN , est ad aquam, quæ eodem seu æquali tempore effluit ex tubo AB , per foramen EC , ut foramen KN ad foramen EC ; hoc est, eodem seu æquali tempore, quo ex lumine EC effluit una columnæ aquæ DC , effluunt ex lumine KN duodecim columnæ aquæ DC : Ergo dum ex lumine KN effluxit tota aqua tubi FQ , effluxit ex lumine EC solum duodecima pars aquæ tubi AB ; ac proinde tantò plū temporis requiritur, ut evacuetur tubus AB per lumen EC , quām ut evacuetur tubus FQ per lumen KN , quantò maius est lumen KN quām lumen EC . Ergo tempora sunt reciprocè ut lumina.

Porisma.

Sequitur hinc, etiam conversam esse veram, nempe lamina, per quæ evacuantur tubi prædicti, esse inter se ut reciprocè tempora, quibus evacuantur: Vnde data ratione temporū, dabitur ratio luminū; sicut è contrario, data ratione luminū, datur ratio temporum seu durationū, quibus evacuantur prædicti tubi.

Propositio XVII. Problema I.

Datis altitudine & foramine tubi semper pleni, invenire quantitatem aquæ quam dato tempore effundat; vel, datis ijsdē, invenire magnitudinem cisternæ quæ dato tempore repleatur.



64 4.16.64

Suppono h̄ic id, quod notavi suprà Proposit. xiiii. tam exiguum esse differenciam inter velocitates aquarum extubis eiusdem altitudinis, & diversorum foraminum, effuentiū, ut censeri meritò posse, aquam ad aquam esse, ut foramen ad foramen. Quo posito.

Sit, exempli gratia, altitudo tubi ^{Data altitudine & foraminetu} ADB pedum 64, luminis seu foraminis diameter DB digitalis, tempus hora una. Oporteat igitur reperire, quantum aquae ^{aqua & quantitatem dato tempore effuentem.} tribuat, seu quantam cisternam impleat, prædictus tubus, intra unam horam. Solutio pendet ex dictis Proposit. vii. xiiii. & viii. & præterea ex Proposit. 2. lib. 12. Euclidis. Igitur tubum 4 pedes altum, & luminis linearis, repræsentet CPK. Ex tubo ADB, sume EDB portionem etiā 4 pedes altam. Et quoniam diameter DB digitalis, est ad linearem PK, ut 12 ad 1; erit per Proposit. secundam lib. 12. Euclidis, lumen DB ad lumen KP, ut quadratum diametri DB, ad quadratum diametri PK, hoc est, ut 144 ad 1. Quare cum per Proposit. xiiii. præcedentem, in tubis æquè altis & semper plenis, sed inæqualium lumen, aqua ab uno effusa, sit aquam ab altero effusam, tempore eodem, ut lumen ad lumen; dabit EDB centies quadragies quater plus aquæ, quam det eodem tempore tubus CPK: Sed tubus CPK, per Proposit. vii. præcedentem, spatio tredecim secundorum temporis dat unam libram aquæ; Ergo tubus EDB

R 3

spa-



64 4.16.64

Pars I.

spatio tredecim secundorum temporis dabit 144 libras. Quoniam autem in una hora, seu in 60. minutis primis, hoc est, in 3600 minutis secundis, tredecim secunda continentur ducenties septuagies sexies, remanentque $\frac{12}{77}$, sive (facilioris calculi gratia) ducenties septuagies septies; si 144 libras, quas tredecim secundis dat tubus E D B, multiplices per 277, fient ferè 39888. libræ, quas horæ spatio fundit tubus E D B. Inveniatur iam inter 64, altitudinem nempe tubi A D B, & inter 4, altitudinem nimirum portionis E D B, media proportionalis 16. Quoniam igitur per Proposit. VIII. præcedentem, aquæ quæstubi A D B, & E D B semper pleni, eodem tempore fundunt, sunt in subduplicata ratione eius quam habent altitudines A D B, & E D B; erit aqua quam horæ spatio dat tubus E D B, ad aquam quam eodem tempore dabit tubus A D B, ut 4 ad 16, seu ut 1 ad 4. Itaque si fiat, ut 1 ad 4, ita 39888 (tot enim aquæ libras iam ostendimus horæ spatio dare tubum E D P) ad alium numerum, nempe ad 159552, quot hic continet unitates, tot aquæ libras horæ spatio dabit tubus A D semper plenus, lumen habens digitale, altitudinem pedum 64; atque adeo tubus prædictus implebit horæ spatio cisternam capacem librarum aquæ 159552.

An-

Annotatio.

Mersennus ait, heminas seu libras Parisienses 72. efficiere pedem Parisienses cubicum aquæ. Itaque si placet prædictas libras ad pedes cubicos reducere, divide numerum 159552 per 72, & quotiens 2216 dabit aquæ pedes cubicos quos horæ spatio fundet tubus ADB. libra 72 efficiunt pedem cubicum aquæ.

Propositio XVIII. Problema II.


Datis altitudine & lumine tubi semper pleni, invenire tempus quo datam aquæ quantitatem effundat, si-
ve quo datam cisternam impleat.

Sit tubus semper plenus ADB, v. g. 16 pedes altus, lumen habens digitale DB; sit verò quantitas aquæ à tubo ADB effundendæ, aut cisterna ab eodem replenda, 3000 pedum cubicorum. Oporteat invenire tempus quo dictam aquam ef- fundat, aut dictam cisternam impleat.


Revoœentur primò 3000 pedes cubici aquæ ad heminas

seu libras (quod fiet, si 3000 multiplicabis per 72, fiatq; numerus librarum 216000, quandoquidem unus pes cubicus conficit 72 libras, ut diximus Proposit: præcedente in Annotat:) Deinde sumatur ex ADB, tubus quadrupedalis EDB: Demum inter ADB altitudinem, id est, 16, & EDB altitudinem, id est, 4, inveniatur medius numerus proportionalis 8. Igitur, per Propos. VIII. præcedentem, aqua fluens per tubum EDB, est ad aquam per tubum ADB eodem tempore fluentem, ut 4 ad 8, in ratione videlicet subduplicata altitudinum EDB 4 pedum, & ADB 16 pedum.

Quo ergo tempore dat tubus ADB 3000 pedes cubicos aquæ, id est, 216000 hemi-
nas seu libras; eodem tempore EDB dabit duplò minus, seu hemi-



Pars I.



heminas solum 108000. Assumatur jam, ut antea, tubus quadrupedalis CPK luminis linearis. Tubi EDB, CPK, sunt æquæ alti; & lumina DB, PK, dantur, per 2. Proposit. lib. 12. Euclid. nempe 1, & 144 lineæ quadratæ; aqua etiam quam CPK fundit spatio 13 secundorum, datur, per VII. præcedentem, una nimirum libra: Quare cum quantitates aquæ à tubis æquæ altis eodem tempore effusæ sint ut lumina, per Proposit. XIII. præcedentem, si fiat ut lumen PK, ad lumen DB, id est, ut 1 ad 144, ita aqua unius ad aquam alterius; producetur numerus heminarum seu librarum quas effundit tubus EDB spatio tredecim secundorum, nempe 144. Quoniam igitur tubus EDB 144 libras dat spatio tredecim secundorum; libras 108000 quanto tempore dabit? Fiat, ut 144 libræ ad $\frac{1}{2}$ hoc est, ad tredecim secunda, ita 108000 ad 9750; dabit hic numerus secunda, quibus tubus EDB dat libras 108000. Sed ostensum est suprà, quo tempore tubus EDB dat 108000 libras, tubum ADB dare libras 216000, id est, 3000 pedes cubicos aquæ; Inventum est igitur tempus, quo tubus ADB semper plenus fundit datam aquam 3000 pedum cubicorum, nempe 9750 secunda, seu 162 prima; quæ faciunt horas 2, & 42 minuta prima.

Propositio XIX. Problema III.

Datis tempore, quantitate aquæ, seu Cisternâ, & lumine tubi, invenire altitudinem tubi, qui semper plenus cisternam dato tempore repleat.

Dato tempore, & quantitate aquæ, invenire tubum ex quo effundat,

Sit datum tempus unius horæ & 21 minutorum primorum, aqua data 3000 pedum cubicorum, seu 216000 librarum capax cisterna, & lumen seu foramen tubi digitale, seu duodecim

decim linearum. Oporteat invenire altitudinem tubi qui unâ horâ & 21 minutis primis ex foramine digitali ejiciat 216000 libras aquæ, seu repleat cisternam 3000 pedum cubicorum.

Quoniam tubus quadrupedalis, cuius lumen digitale, ejicit tredecim secundorum spatio libras 144, ut vidimus Proposit. xxi. præcedente, & idem tubus spatio duarum horarum, ac 42 minutorum primorum ejicit libras 108000, ut vidimus Proposit. xviii. præcedente; ergo duplum hujus aquæ, hoc est, libræ 216000, ejicientur à tubo ejusdem luminis alto pedes 16. eò quod tuborum æqualium foraminum altitudines debeant esse in duplicata ratione aquarum, ut duplo plus aquæ eodem tempore fundant, prout diximus Proposit. viii. Porismate i. Ut verò eadem aqua effluat ex tubo ejusdem foraminis duplo velocius, hoc est, intra horam unam, minuta 21; debet tubus esse altus pedes 64, ut patet ex Porismate Proposit. x. & xii.


Porisma.

Simili ratione datis tempore, cisterna, & altitudine tubi, invenitur foramen tubi, qui cisternam datam repleat in illo tempore.

Propositio XX. Problema IV.

Dato Vase, & foramine per quod effluit aqua,
invenire tempus quo evacuatur.

Sit datum vas prismaticum ABCD, cuius tam longitudo, Dato vase, quam latitudo sit decem pedum, altitudo vero 16 pedum, & forami-
ne, inveni-
ac proinde capaeitas totius vasis sit 1600 pedum cubicorum, re tempus,
basis verò sit 100 pedum quadratorum; lumen denique seu quo evanescit
foramen E in fundo vasis sit digitale. Oporteat invenire tem- tempus
pus quo dictum vas, si aquâ fuerit plenum, per lumen E eva-
cuerit.



Constat ex dictis Proposit. xiv. in Annotat. tubum quadrupedalem, cuius basis pedalis, & lumen lineare, spatio 144. minutorum, seu duabus horis & 24 minutis, totum exhauriri, si non sit semper plenus. Constat præterea ex eadem Propositione, tubos non semper plenos, æquè altos, & æqualium foraminum, sed inæqualium basium, evacuari inæqualibus temporibus;

& tempora quibus evacuantur, esse inter se, ut bases. Assumatur igitur tubus prismaticus quadrupedalis KL, basim habens pedalem, & lumen lineare. Assumatur præterea ex vase dato ABCD, pars CFDH alta pedes quatuor, bassim habens eandem cum toto vase centum pedum, lumen vero 1. lineare. Quoniam igitur, per Propositionem xiv. dictam, tempora quibus vas CFDH, & tubus KL exhauriuntur per lumen lineare, sunt inter se ut bases ipsorum; bases autem ex hypothesi habent proportionem ut 100. ad 1; necesse est, tempus quo evacuatur vas CFDH per lineare lumen 1, ad tempus quo evacuatur tubus KL per lumen etiam lineare, esse ut 100 ad 1. Quare cum tubis KL per lineare lumen evacuetur spatio 144 minutorum, ut vidimus; evacuabitur vas CFDH, per lineare lumen 1, spacio 14400 minutorum, (tot enim producuntur, si 144 multiplicentur per 100) seu horarum 240, vel dierum decem. Nam vero quoniam per Proposit. XVI. tempus quo effluit aqua ex vase CFDH per lumen digitale E, ad tempus quo effluit eadem aqua ex eodem vase per lumen lineare 1, est reciprocè, sicut est foramen 1 ad foramen E, nempe ut 1 ad 144; si dividatur tempus

Protheoria IV.

139

tempus quo effluit aqua per foramen 1, nempe 14400 minuta, per 144; hoc est, si accipiatur centesima quadragesima quarta pars minutorum 14400, nempe minuta 100; habebitur tempus quo exhaerit vas CFDH, per digitale lumen E. Tandem quoniam per Proposit. xv. præcedentem, tempora quibus deplentur vas ABCD, CFDH, æqualium basium, sed non æqualium altitudinum, per idem foramen E, sunt in subduplicata ratione altitudinum, nempe pedum 4, & pedum 16; si inter 4 & 16 inveniatur medius numerus proportionalis, nempe 8; erit tempus quo evacuatur vas CFDH, per lumen digitale E, nimirum 100 minutorum, ad tempus quo evacuatur vas ABCD per idem lumen digitale E, ut 4 ad 8, seu ut 1 ad 2, nempe ut minuta 100, ad minuta 200, quæ efficiunt horas 3. min. 20.

Annotatio.

Quod diximus de vase prismatico, debet etiam intelligi de cylindrico, & cuiuscunque alterius figuræ; sed tunc assumi debet tubus quadrupedalis vase similis.

Propositio XXI. Problema V.

Dato vase, & tempore, invenire foramen per quod evacuetur tempore dato.

Sit data cisterna A, 1600. pedum cubicorum; & tempus B, quo evanquandum est totum, sit horarum 40 & minutorum 16; sitque inveniendum foramen, per quod evanquet cisterna A data, in tempore B dato. Assumatur quodvis lumen seu foramen notæ magnitudinis, v. g. lineare; & per Propositionem xx. præcedentem inveniatur tempus c, quo cisterna A humilioplena, evanquet tota per lumen lineare. Quoniam igitur, per Proposit. xvi. præcedentem, tempora quibus evanquuntur vas non semper plena, similia, & æqualia quoq; altitudinem & bases

& bases, per lumina similia inæqualia, sunt reciprocè ut lumina;
 & è contratio, lumina prædictorum vasorum sunt reciprocè ut
 tempora, quibus evacuantur, ut diximus in Porismate dictæ
 Propositionis XVI; si fiat ut tempus B , ad tempus C , quo per
 lineare lumen effluit cisterna A , ita lumen lineare ad aliud;
 hoc ipsum erit lumen quod quærebatur.

Propositio XXII. Problema VI.

Altitudinem scaturiginis dati fontis per tubos
 fluentis invenire.

*Altitudinē
Scaturigi-
nis fontis in
venire per
tubos fluen-
tiū.*

$A \frac{4}{7} \text{ p.}$ $B \text{ 60.}$
 $4.$ $Moo.$ $Noo.$

Flat notum lumen, per quod fontis a-
 qua fluat; aut fonti lumen notæ ma-
 gnitudinis applica, v.g. lineare. Ob-
 servadeinde quot aquæ libras fons per
 lineare lumen effundat spatio unius minutiprimi, seu 60 minuto-
 rum secundorum; sitque numerus ille librarum B . Quoniam
 igitur per Proposit. VII. huius capitatis, tubus quadrupedalis semper
 plenus per lumen lineare effundit spatio tredecim secundorum
 vnam libram, & consequenter spatio 60 secundorum, seu unius
 minutiprimi, libras $\frac{4}{7}$; & præterea, quoniam per Porisma I.
 Proposit. VIII. huius capitatis, altitudes tuborum, habentium
 idem seu æquale lumen, sunt in duplicata ratione eius quam ha-
 bent aquæ quantitates per tubos eodem tempore effusæ: si fiat, ut
 $4\frac{4}{7}$ lib. ad numerum librarum B , ita altitudo 4 pedum, ad aliud,
 nempe ad altitudinem numeri M ; & iterum, ut 4 ad M , ita M
 ad N ; dabit numerus N altitudinem scaturiginis in pedibus,
 eo quod ratio 4 ad N sit duplicata rationis 4 ad M , seu ratio-
 nis $4\frac{4}{7}$ ad B , nimirum aquæ ad aquam.

Propositio XXIII. Problema VII.

Data alicuius tubi, aut vasis erogatorij altitudine, ac
 tempore, quo determinatam aquæ quantitatem è suo lumine
 effundit, invenire altitudinem eiusdem aut alterius tubi, qui
 æquali tempore, per æquale lumen, aliam determi-
 natam aquæ quantitatem effundat.

Sit

Sit tubi vel alterius vasis erogatori⁹ aquā semper plenī altitudo 9. pedum, ex cuius lumine spatio unius minut⁹ saliat una aquæ libra; sit autem producenda altitudo eō usque, ut æquali spatio minut⁹, per idem aut æquale lumen effundat 16. libras aquæ. Duplicetur ratio 16 ad 1, & proveniet ratio 256 ad 1; nam 16 ducta in 16 efficiunt 256: cumque 9 referat unitatem, multiplica 256 per 9, & provenient 2304, pro tubi aut alterius vasis quæsiti altitudine. Ratio est, quia tubi habent duplicatam rationem aquarum, per Proposit. VIII. huius capit⁹. Si itaque fiat, ut 1 ad 256, ita 9 ad aliud; provenient 2304.

Propositio XXIV. Problema VIII.

In tubo seu vase non semper pleno determinare spatia, quæ temporibus æqualibus sibi succedentibus evanescantur; ut & mensuram seu pondus aquæ quæ effluit.

Parte 2. Classe 1. cap. 4. inter alias Machinas afferemus varia hydrologia, seu horologia aquatica, quibus per fluxum aquæ è foramine alicui⁹ tubi, aut vasis, metimur horas æquales seu cæquales temporis partes, signando in vas⁹ latere lineas determinantes fluxum æqualibus temporibus correspondentem. At quoniam ex dictis suprà Propositione VI. constat, spatia quæ æqualibus temporibus evanescantur, non esse æqualia, sed semper minora atque minora evadere, eō quod æqualibus temporibus non effluat æqualis aquæ copia, sed semper minor ac minor; ideo determinandum hic est, quomodo geometricè inveniendum sit in quolibet vase dictum spatiorum decrementum, seu quomodo dividendum sit latus vasis, ut spatia adsignata æqualibus temporibus evanescantur. Iterum quoniam per dicta eadem Propositione VI, aqua quæ æqualibus temporibus effluit è dictis vas⁹, non est æqualis, sed inæqualis; determinandum est, quantum quovis æquali tempore effluat.

Dico itaque, aquam æqualibus temporibus effluere è tubis non semper plenis earatione, ut singulis temporibus decre-


seat & aquæ effusæ quantitas, & vasis seu tubi evacuati spatium, & aquæ descendantis ac effluentis velocitas eo decremento, quod est inter numeros impares, versus unitatem. Explico. Sit vas quocunque aquâ plenum, eius fluxus dividere debeat diem, aut quamcunque diei partem, in quatuor æquales partes; sintque in vase 16 v. g. mensuræ seu libræ aquæ, quæ dato tempore effluant. Dico, primo tempore effluere septem mensuras, secundo quinque, tertio tres, quarto & ultimo unam.

Dico iterum, si tota vasis altitudo ab infima ad supremam aquæ superficiem dividatur in 16 æquales partes, aquam in primo tempore descendere ad 7 spatia, in secundo ad quinq; in tertio ad tria, in quarto ad unum. Dico tandem, aquam in prima hora descendere atq; effluere ut septem, in secunda ut quinque, in tertia ut tria, in quarta ut unum. Sequitur ex dictis supra Propositione 8, 9, & 10, quas vide. Eadem ratio in omnibus alijs est.

Corollarium.

*Vas parare,
cuius fluxus
dividat da-
tum tempus
in partes
æquales.*

Ex his patet, quomodo parandum sit vas, cuius fluxus dato tempore durans dividat illud tempus in partes æquales. Sit enim vas, cuius fluxus duret per spatium duodecim horarum, & hoc spatium temporis sit dividendum, beneficio fluxus aquæ, in 12 æquales partes seu horas. Duci. in seipso, & produces 144. Deinde divide vasis altitudinem à suprema ad infimam aquæ superficiem, in 144 partes seu spatia æqualia, & inferius prope fundum vasis incipiendo, deputa ultimæ horæ ex duodecim vnū spatiolum, penultimæ tria, ante penultimæ quinque, & sic ulterius progredere secundum seriem seu progressionem numerorum impariū, prout apparet in numeris lateri dextro c d sequentis figuræ appositis. His prestitis, divisum erit vas in spatia inæqualia, que singulis æqualibus temporibus, nempe horis, evacuantur; videbiturque aquam in prima hora descendere à spatio ultimo seu 144, usque ad spatium 121; in secunda hora usque ad spatium 100; in tertia usque ad 81; & sic porrò usque ad finem; prout appa-



apparet in numeris lateri sinistro A B eiusdem figuræ appositis. Lege Torricellum lib. 2. de motu projectorum.

Eadem ratione reperies, quot partes, aut mensuræ certæ, seu pondera aquæ effluant ex vase in singulis horis. Item qua velocitate effluat atque descendat in ijsdem, singulis horis.

Annotatio I.

Numeri dextri lateris C D indicant etiam partes seu spatiola vasis, quæ percurrit aqua singulis horis suo motu descensu; similiter & partes aquæ, quæ singulis horis effluunt, & velocitatem, quæ effluunt. Nam in prima hora percurrit spatia 23, in secunda 21, in tertia 19, in quarta, 17, &c.

Numeri sinistri lateris A B sunt duodecim quadrata temporis in duodecim horas divisi. Nam 1 est quadratum horæ primæ, incipiendo ab ultima; 4 est quadratum horæ secundæ, 9 est quadratum horæ tertiiæ, &c. ut patet, si singuli numeri medio figura inscripti multiplicentur per seipsos. Et hoc est, quod diximus supra Proposit. IX. in motu gravium naturaliter descendentium spatia equalibus temporibus transmissa esse inter se, ut quadrata temporum.

Annotatio II.


Si vas aliquod dividere velles in partes 24, multiplica 24 per 24, producentur 576. Divide ergo altitudinem vasis in 576 partes æquales, & procede ut dictum in Corollario, juxta seriem numerorum imparum. Eadem ratione quotlibet vas in quotlibet partes partieris.

Annotatio III.

Quoniam quando in vase exigua est aqua, ut vix fundum operiat, fluxus ipsius guttatum & non

con-

Pars I.



continuè fit, ideoq; aqua fluens guttulis suis errorem in-
ducere potest; melius est, si due ultimæ divisiones seu
spatiola vasis divisi, notata numeris 1 & 3, non ve-
niant in numerum spatiolorum, & potius versus prin-
cipium adjiciantur alia duo spatia; sicque vas, de quo
in Corollario, non dividatur in 12, sed in 14 partes,
modo ibi dicto, dividendo totam ipsius altitudinem
in partes æquales 196 (qui numerus resultat ex ductu
numeri 14 in seipsum) & addendo spatium 13, &
14, quæ demptis duobus insimis efficiant duodecim
spatia.

PARERGVM CAPITIS TERTII.
De inventione mediæ, ac tertiaræ propor-
tionalis quantitatis, in numeris, &
lineis.

EXdictis hoc Capite patet, quām sæpe necessa-
ria sit inventio mediæ, ac tertiaræ, quartærque
proportionalis quantitatis, ut ex nota aquæ men-
sura, aut pondere, venire possimus in cognitio-
nem desideratæ altitudinis tubi, aut vasis; autè
contrario, ut ex nota tubi altitudine veniamus in
cognitionem mensuræ aut ponderis aquæ, &
quamcunque tuborum altitudinem, aquarumvè
copiam reperiamus facile per quamcunque ra-
tionem subduplicatam, aut duplicatam, sive nu-
meris exprimi possit, sive non possit exprimi abs-
que surdis. Operæ ergo pretium duxi, Regu-
las brevissimas assignare, vel saltem insinuare,
prædictas quantitates inveniendi, medianam dico,
ac tertiam, quartamque proportionalem, tam
arithmeticè, quām geometricè, libantes brevi-
simè nonnulla ex ijs quæ fusiùs dicemus in Arith-
metica, & in Geometria practica, seu in
Pantometro Kircheriano.

Pro-

Propositio I.

Inter duos numeros medium proportionalem invenire.

Duos numeros propositos multiplicata inter se, & ex produc^{to} erue radicem quadratam; erit hæc radix medio loco proportionalis inter duos numeros datos. Exemplum. Sit inter 4 & 16 inveniendus medius proportionalis numerus: multiplicata 16 per 4, fiunt 64; cuius radix quadrata est 8, estque medio loco proportionalis inter 4 & 16; quia ut est 4 ad 8, ita 8 ad 16.


Propositio II.

Datis duobus numeris, tertium continuè proportionale invenire.

Tres numeri continuè proportionales dicuntur, quando est, ut primus ad secundum, ita secundus ad tertium. Huiusmodi sunt 1, 3, 9, & 1, 2, 4: item 2, 4, 8: item 4, 8, 16. Propositis igitur quibuscumque duobus numeris, invenietur tertius, qui ad secundum sit ut ipse secundus ad primum, seu ad quem secundus sit ut primus ad secundum; si secundum ducas in seipsum; productus enim erit tertius proportionalis.

Propositio III.

Inter duas rectas lineas datas invenire medium proportionale.



Sint datae duæ rectæ A B, B C, inter quas invenienda sit media proportionalis. Coniungantur rectæ A B, C B, in unam rectam continuam in puncto B, ut fiat recta A B C; eaque divisâ bifariam in D, describatur semicirculus aut circulus A E C, ad intervallum D A, vel D C; tandemque ex B punto erigatur perpendicularis B E ad circumferentiam usque; eritque B E

T

me.

media proportionalis quæsita. Demonstrationem vide apud Euclidem lib. 6. Proposit. 13.

Propositio IV.

Datis duabus rectis, invenire tertiam proportionalem.

*Lineam ter
tiam propor
tionalem
post duas in
ma ad secundam.* **S**int datæ duæ rectæ $A B$, & $B E$, præcedentis figuræ, sitque invenienda tertia, ad quam ita se habeat secunda, sicut pri-
ma ad secundam. Coniungantur rectæ $A B$, $B E$, in puncto B venire. ad angulum rectum, ducaturque recta $E A$; eaque bifariam di-
visâ in E , ducatur recta $F D$ perpendicularis ad $A E$; & facto centro D , intervallo $D A$ describatur circulus, qui necessariò transibit per punctum E , per quintam Quarti Euclid. Si iam producatur recta $A B$ usq; ad circumferentiam circuli, hoc est, usque ad punctum C ; erit $B C$ tertia proportionalis quæsita.

Sint iterum datæ duæ rectæ $B C$, & $B E$, sitque invenien-
da tertia proportionalis. Coniungantur, ut antea, rectæ illæ in B , ut efficiant angulum rectum, & ducatur recta $E C$; at-
que ex punto medio G demittatur perpendicularis $G D$, &
productarecta $C B$ in continuum, describatur centro D , in-
tervallo $D C$, circulus, qui iterum transibit per punctum E ,
& secabit rectam $C B$ productam in A ; eritque hæc recta $B A$
tertia proportionalis quæsita.

Annotatio


*Tubum me
dium & ter
tium propor
tionalem in
venire.* **Q**uod dictum est de lineis hic positis, dicendum est de quibusunque lineis propositis. Itaque si propositis duobus tubis inveniendis sit
vel medius, vel tertius proportionalis; coniunge lineas rectas tubis da-
tionalem in-
tus aquales; & operare ut dictum, & invenies quod queris. Quod si
tubi propositi, ac lineæ ipsis aquales nimis essent longæ, ac proinde minus
commodè circulo includi possent; accipe ipsarum submultiplices, v. g.
dimidiam, tertiam, quartam, &c. partem, & cum ipsis procede
ut dictum; eritque inventa linea aquæ submultiplex
lineæ aut tubi quæsiti.

Pre-

Propositio V.

Aliter invenire tertiam proportionalem.

Quod fecimus in precedenti Propositione mediante circulo, Lineam ter
fieri potest facilius absque circulo sic.



Dux rectæ datæ, AB, & BE, con-
stituantur ad angulum rectum ABE, ut dictum, & ducatur recta EA. Pro-
ductâ deinde AB, antecedente seu
primâ duarum datarum, ducatur ex E
ad AE perpendicularis EC, occur-
rens ipsi AB productæ in C; eritque
BC tertia proportionalis.

Si essent propositæ duæ rectæ CB,
BE, deberent ipsæ coniungi ad angu-
lum rectum CBE, & ductâ rectâ CB,
productaque CB, deberet duci per-
pendicularis AE, ad rectam CE, essetque AB tertia quæ sita.


Annotatio.

Inventâ alterutro modorum tertiat continuè proportionali, si primam
omiseris, & alijs duabus tertiam inveneris; habebis quatuor lineas
continuè proportionales. Eodem modo invenies quintam, sextam,
septimam, & quamcunque aliam.


Propositio VI.

Adhuc aliter invenire tertiam proportionalem.

Si difficile tibi videtur ducere tot perpendicularares ad inveni-
endam tertiam proportionalem, uti poteris modo præscripto Adhuc ali-
ab Euclide lib. 6. Proposit. II. sic:



Sint duæ rectæ AB, AE.
Disponâtur eæ ita, ut efficiant
angulum A quemcunque,
producaturque AB quamvis
esse antecedentem seu primâ,
& capiatur BC æqualis ipsi
AE, quæ consequens esse de-
bet,



Annotatio.

Si due datæ sint nimis longæ, servetur id, quod diximus in Annotatione Propositionis quartæ præcedentis.

Propositio VII.

Datis tribus numeris, invenire quartum proportionalem.


Numeris
tribus datis
quartum
proportio-
nalem inveni-
re.

Utere Regulâ proportionum apud Arithmeticos notissima, quam Auream vocant; & habebis intentum.

Propositio VIII.

Datis tribus rectis lineis, quartam proportionalem invenire.

Lineis tri-
bus datis,
quartâ pro-
portiona-
lem inveni-
re.



Sint tres lineæ rectæ, AB, BC, AD, quibus invenienda sit quarta proportionalis, ad quam sit tertia AD, ut est prima AB, ad secundam BC. Disponatur primæ duæ, AB, BC, secundum lineam rectâ quæ sit AC; tertia verò AD, cum prima AB, faciat angulum A quemcunque: deinde ex B ad D ducatur recta BD, cui per C ducatur parallela CE, occurrens rectâ AD productâ, in E puncto. Dico, DE, esse quartam proportionalem. Demonstrationem vide apud Euclidem lib. 6. Proposit. 12.


CA-

bet, sive secunda, aut media. Deinde ductâ rectâ EB, agatur illi ex C parallela CD, occurrenti ipsi AE productæ, in D; eritque ED tertia proportionalis quæsita.


C A P V T I V .

De proprietatibus aquæ salientis ex tubis.

PROOEMIVM.



C Apite præcedentes aquæ salientis ex tubis verticatis egimus de proprietatibus aquæ fluentis per tubos verticales, hoc est, effluentis ex foramine facto in basibus tuborum: hoc capite agemus de proprietatibus ejusdem aquæ salientis ex tubis verticalibus, hoc est, effluentis ex foraminibus lateralibus tuborum, seu per tubos inferius inflexos. Possunt autem tubi verticales inferius inflecti triplici modo, horizontaliter, verticaliter, & medio modo. Horum inflexus dici possunt in fieri, si pars inferior inflexa sit horizonti parallela respectu partis reliquæ verticales.



epistomia, E, D, C, quorum E sit erectum perpendiculariter, C prostratum horizontaliter, D inclinatum inter utrumque, ad dictum angulum. Quod fit per tria epistomia dicta, fieri potest per unum, si ita inseratur parti inferiori tubi inflexi, ut verti atque dirigi possit in quemcunque situm.

ticaliter erectæ; seu si pars inferior inflexa faciat cum reliqua angulum rectum. Talis est in apposito scheme tubus ABC. Verticaliter inflexus dicitur, si pars inferior inflexa sit horizonti perpendicularis respectu reliquæ partis etiam perpendiculariter erectæ. Talis est in scheme presenti tubus ABE. Medio modo inflexus dicitur, si pars inferior neque parallela est horizonti, neque perpendicularis, sed inter utrumque situm facit angulum semirectum seu 45 graduum. Talis est tubus ABD.

Easdem appellations subibit tubus inflexus, si pars inferior habeat tria

Ra-

Radij aquæ, qui ex inflexo tubo, aut ex epistomiis prædictis exiliunt, quales sunt in præcedenti diagrammate radij EF, DI, DK, CG, CH, appellari possunt aquæ virgulæ, aquæ ecdromi, hoc est, excursus seu saltus aquæ, & similibus nominibus. Radij aquæ
ex inflexo
tubo exili-
entes.
Marinus tamen Mersennus in Hydraulicis suis Phænomenis appellat eos salientes, aitque eo nomine appellari à Julio Frontino, aliusque veteribus; quare & nos eo vocabulo utemur.
Radius igitur EF dicatur saliens verticalis, Radius CG, & CH, saliens Horizontalis; radius denique DI, & DK, saliens Medius. Et licet salientes CG, CH, non procedant horizontaliter, sed ob aquæ gravitatem statim deprimantur, atque curventur; vocantur tamen salientes horizontales, propter epistomium aut tubulum c horizontaliter dispositum. Salientes
aquæ ex tu-
bis quid
sint.

*His præmissis, afferemus nunc nonnullas ex multis obser-
vationes, seu Phænomena aquæ salientis ex tubis, præsertim
ex Marino Mersenno, qui eâ in re diligentiam multorum
vincit. His deinde addemus unum aut alterum Problema.
Atque ex his patebunt proprietates aquæ salientis ex tubis.* Phæno-
na aquæ sa-
lientis.

Propositio I. Phænomenum. I.
 Salientium sive ecdromorum horizontalium, & medi-
orum, super eodem horizonte, longitudines sunt in ratione sub-
uplicata tuborum, ex quibus exiliunt.

Dixi, super eodem horizonte; nam super diversi horizon-
tibus diversa est eiusdem salientis longitudo, etiam
respectu eiusdem tubi, ut dicemus Propositione se-
quenti. Voco autem longitudinem horizontalium
salientium, distantiam in præcedentischemate à punto z v.g.
ad punctum H, aut G, &c.

Sint

Pars I.

*Salientium
proportio ad
duos tubos.* Sint igitur in præcedentischemate duo tubi, BL pedalis, & BA quadrupedalis; si horizon OHG; sitque tubi pedalis BL saliens horizontalis CH, tubi verò quadrupedalis BA saliens horizontalis sit CG. Dico, longitudinem salientis tubi BL pedalis, scilicet CH, esse subduplicem salientis tubi BA, scilicet CG. Observavit id Mersennus, ut afferit ipse in suis Phænomenis hydraulicis Proposit. xvi. Quare, si longitudo salientis tubi pedalis est unius pedis, longitudo salientis tubi quadrupedalis erit duorum pedum; & longitudo salientis tubi sexdecipedalis erit quatuor pedum; & longitudo salientis tubi 64 pedum erit octo pedum; & ita de reliquis. Ratio huius Phænomeni videtur desumenda esse à velocitate aquæ descendenter per tubos, quæ etiam est in ratione tuborum subduplicata, ut constat ex Proposit. x. Capitis præcedentis.

Porisma.

SEQUITUR hinc, altitudines tuborum habere duplicatam rationem eius, quam habent longitudines salientium horizontium.

Annotatio I.

Quod dixi in Propositione de salientibus horizontalibus CG, CH, debet etiam intelligi de salientibus medijs DK, DI.

Annotatio II.

*Salientium
longitudines
observare.* Longitudines salientium super horizontem quemcunq; potest quilibet observare facilimè, & ubivis locorum, si conficiat sibi tubulum præcedentis figuræ ABC portatile, determinata altitudinis & latitudinis, v.g. altum pede uno, & latum digito. Si enim apud epistomium inserat, aut etiam solum digitum apponat foramini c, & inde replete tubo epistomium aperiat, aut digitum amoveat, ut paucula solum guttula exiliat, iterumque obturet foramen; notare poterit in horizonte signum à saliente impressum; cuiusmodi signa sunt in superiori schemate K, I, H, G, &c.

Propositio II. Phænomenon II.

Salientes horizontales, & mediæ, ejusdem tubi, eò sunt longiores, quò lumen tubi fuerit altius supra horizontem.

Sint in præcedenti diagrammate diversi horizontes, o G, p s, Salientes eò QT, R V &c. supra quos elevatus sit tubus A B C; Dico salientem CHST v (& idem intelligendum est de reliquis salientibus horizontalibus, ac medijs) supra horizontem R V, esse longiorem quam supra horizontem QT, & supra hunc longiorem quam supra p s, & longiorem supra hunc, quam supra o G. Crescit itaque eò magis salientium horizontalium ac medianarum longitudo, quo magis crescit luminis tubi super horizontem elevatio. Si verò in excessiva altitudine orificium poneretur; certum est aquæ ecdromen usque ad terminum constitutum fluxum non continuatur, sed cum tempore in guttas, & tandem in aërem resolutum iri, ut experientia docuit in Cuppula S. Petri interiori, ex quo scyphus plenus vino vel aqua effusus ita evanuit in intermedio aëre, ut nullum prorsus vestigium nec quidem guttarum in inferiori pavimento ijs, qui studio id attendebant, apparuerit, ut P. Kircherus mihi afferuit. Ex nubibus tamen decidit guttatim in terram aqua, quia in magna copia & continua-tæ decidunt guttæ.

Annotatio I.

Qvanta verò sit salientium in quavis tubi supra horizontem elevazione longitudo, investigandum est observatione, quam quislibet facile poterit facere modo dicto Propositione præcedente. Mersennus in suis Phænomenis Proposit. XVI. proponit paucas ex multis in sequentia tabella, in quâ Prima Columna continet varias tubi pedalis, vel positiones luminis tubi, supra horizontem elevationes in pedibus, ita ut prima elevatio sit unius pedis, secunda duorum pedum, &c: Secunda verò columnæ exhibet salientium longitudines in pedibus & digitis. Addidi

Salientium ego ex eodem Mersenno Proposit. 29. salientem tubi pedalis elevati pede tabella ex uno cum dimidio supra horizontem.


Altitudines tubi supra Horizontem.		Longitudines salientium.	
Pedes		Pedes	Digitii
1		1	10
1½		2	0
2		2	6
3		3	0
4		3	5
5		4	0
6		4	4
12		5	6
18		6	6
26		8	0
50		10	0

Annotatio II.

*I*dem Mersennus loco citato Proposit. XVII. ait tubum quadrupedalem habentem altitudinem unius pedis supra horizontem, ejicere salientem horizontalem ad pedes 3*½* proximè.

Propositio III. Phænomenon. III.
Salientes horizontales & mediæ, eandem longitudinis rationem servant, quām altitudines tuborum supra eundem horizontem.

Diversas tubi eiusdem altitudines supra horizontem referant in sequenti diagrammate lineæ OG, PS, QT, RV. Dico, ut alti-



altitudo **B** o ad altitudinem **B** R, ita esse longitatem salientis **C** H ad longitudinem salientis **C** V. Salientes e-
andem lon-
gitudinis
proportionē
servant,
Intelligendum autem hoc quam tubo-
rum altitu-
dines.
est de illis salientium longitudinibus, quas ex datis altitudinibus, observare commodè possumus: nam cùm nesciamus, utrum, & ubi salientium incrementum sit desitum, si elevatio tubi supra horizontem æquaretur terræ semidiometro, non potest Propositio præsens esse universalis, nisi in sensu explicato.

Propositio IV. Phænomenon IV.

Salientium verticalium in quacunq; elevatio netubi supra horizontem semper eadem est altitudo.

E Sto tubus **A** **B** **C** præcedentis diagramma-tis, & saliens **E** **F**, sitque

Salientium verticalium altitu-
doque.

horizon **R** **V**, & tubus sit modò in **Q**, modò in **P**, modò in **O**, modò in **B**. Dico, salientis **E** **F** altitudinē esse semper eandem in quacunque tubi elevatione supra horizontem **R** **V**. In horizontalibus salientibus contrarium contingit, ut vidimus Propositione II. Ratio Phænomeni est, quod altitudo salientis

EF dependeat solum à tubi longitudine, & lumine ε, posito æquali semper medio seu aëre; at in horizontalibus longitudo dependet etiam à figura salientis, de qua Mersennus, & Torricellus.

Propositio V. Phænomenon V.

Saliens verticalis nunquam adæquat altitudinem originis.

Saliens verticalis nunquam adæquat altitudinem originis. **N**Unquam enim saliens EF æquare potest altitudinem tubi BA. Et eadem est ratio de alijs omnibus salientibus, quærum altitudo nunquam æquare potest altitudinem originis, sive origo statim tubo includatur, sive non. Et ratio est, quia gravitas humidi, & resistentia aëris impediunt prædictam adæquationem.

Propositio VI. Phænomenon VI.

Saliens verticalis tubi quadrupedalis proximè æquat $\frac{2}{3}$ tubi sui.

Saliens verticalis tubi quadrupedalis. **O**bservavit id Mersennus, asseritque in suis Phænomenis Propositi. xvii. ubi ait, hanc salientem posse esse reliquarum modulum, seu mensuram. Vide quæ diximus Propositione II. Annot. 2. ubi idem quod hic asseruimus.

Propositio VII. Phænomenon VII.

Salientes verticales èò sunt longiores, quò tubi sunt longiores; sed non eâdem proportione illæ ac hi crescunt.

Salientium verticalium longitudo quæ proportione crescat. **V**nde licet tuborum non adeo longorum salientes verticales sint proximè $\frac{2}{3}$, aut $\frac{3}{4}$ suorum tuborum; tamen in tubis longis salientes verticales vix excedunt $\frac{4}{5}$ tubi. Et hoc provenit tum ob aëris resistentiam, tum ob aquæ gravitatem. Ita Mersennus in Phænomenis Propositi. xvii.

Propositio VIII. Problema I.

Data tubi altitudinē, & supra horizontem elevatione,
invenire longitudinem salientis horizontalis,
& mediæ.

Sit altitudo tubi alta pedes 9, cuius os sit elevatū supra horizon-
tem pedes quinque, & sit invenienda longitudine salientis hori-
zontalis, aut mediæ, huius tubi. Fieri hoc potest dupli ci viā.
Primò per observationem sic. Applica orificio tubi epistomi-
um, aut tubulum horizontaliter, aut medio modo, prout opus
fuērit, & nota salientis punctum pavimento impressum, iuxta
dicta Proposit. I. huius Capitis Annotat. II. Secundò per
calculum sic. Quoniam, per Propositionem I. hujus Capitis,
salientium horizontalium & medianarum, super eodem horizonte
longitudines, sunt in ratione subduplicata tuborum; & per di-
cta Proposit. II. huius eiusdem Capitis, tubus pedalis pedes quin-
que supra horizontem elevatus habet salientem longam pedes
quatuor; si inveniatur media proportionalis inter 1 & 9, nempe
3, erit haec longitudine quæsita.

Propositio IX. Problema II.

Data longitudine salientis horizontalis, aut mediæ,
invenire altitudinem tubi, cognitâ eius elevatione su-
pra horizontem.

Sit data longitudine salientis horizontalis, aut mediæ, pedum
octo, sitque tubus ipsius elevatus supra horizontem pedes
quinque, & invenienda sit altitudo talis tubi. Quoniam, per
Postrema Proposit. I. huius Capitis, altitudines tuborum habent
duplicatam rationem eius, quam habent longitudines salienti-
um horizontalium, & medianarum; & quoniam saliens horizon-
talib[us] tubi unius pedis, elevati supra horizontem quinque pedi-
bus, est pedum quatuor; si rationem prædictarum salientium,
nempe 8 ad 4, duplices, seu bis sumas sic: 16, 8. 4; erit tertius:
numerus 16, altitudo tubi quæsita, hic enim numerus 16.
ad 4, habet duplicatam rationem eius quam
habet 8 ad 4.

Propositio X. Problema III.

Ex nota scaturiginis altitudine fontis unius ex tubo exiliensis horizontaliter, altitudinem scaturiginis cuiuscunque alterius æqualiter supra horizontem elevati invenire.

Fontis altitudine scaturiginis data, invenire alias.

A	10.	B -
8.	12.	
10.	15.	22 $\frac{1}{2}$.

Si scaturigo fontis unius A alta pedes 10; ostenteat invenire altitudinem scaturiginis fontis B. Idem lumen, seu eundem tubulum applica horizontaliter ad utriusque fontis osculum, & observa salientium horizontalium longitudinem; sitque fontis A longitudo pedum 8, fontis vero B longitudo sit pedum 12. Fiat igitur, ut 8 ad 12, ita 10 ad aliud, nempe ad 15; & iterum, ut 10 ad 15, ita 15 ad aliud, nempe ad 22 $\frac{1}{2}$, sive $\frac{5}{2}$; eritque altitudo scaturiginis fontis B pedum 22 $\frac{1}{2}$.

Demonstratio. Per Porisma Proposit. i. hujus Capitis, altitudines tuborum habent duplicatam rationem ejus, quam habent longitudines salientium horizontalium. Quoniam ergo 10, nempe altitudo scaturiginis A, est ad 22 $\frac{1}{2}$ in duplicata ratione eius, quam habet 10 ad 15, hoc est, quam habet 8 ad 12, saliens nempe fontis A, ad saliente fontis B; erit necessario 22 $\frac{1}{2}$ altitudo scaturiginis fontis B quæ sita.

Atque hæc sufficient de tuborum seu fontium salientibus; qui plura desiderat, legat Mersennum in Hydraulicis Phænomenis, & Torricellum lib. 2. de Motu projectorum à fol. 191. ubi incipit agere de Motu aquarum.

C A P V T V.

De fluxu Aquæ per diversa eiusdem vasis aut tubi foramina.

Proprietates fluxus aquæ per diversa eiusdem tubi aut vasis foramina.



Actenus locuti sumus de aquæ fluxu per foramina tuborum verticaliū tum horizontalia, tum latéralia, & tubos cum tubis, aquas cum aquis, foramina cum foraminibus diversorum tuborum comparavimus; nunc eiusdem tubi & vasis cuiuscunq; foramina diversa inter se

conferemus breviter & methodicè, insistentes vestigijs Ioannis Baptistæ Baliani lib. 6. de Motu naturali gravium & liquidorum. Quibus tamen multa addi possunt ex dictis Capite præcedenti. Sermo autem est hîc etiam, uti in præcedentibus, de tubis ac vasis verticaliter erectis, sive cylindrica illa sint, sive prismatica; & sive foramina sint rectangula, sive circularia. Præmittamus ergo sequentes.

Petitiones.

1. Vbi omnia sunt æqualia, effectus sunt æquales.
2. Quantitates eiusdem generis sunt omnes commensurabiles, saltem physicè, ut dicemus *Proposit. 2. in Annotat.*
3. Aqua transiens pertibi seu vasis foramen, decurrit à summo vasis ad foramen, tanquam per canalem columnarem, cuius basis foramen.


Petitiones
pro fluxu a-
qua ex for-
minibus tri-
borum.

Annotatio I.

Tertia hæc Petatio eadem est cum *Proposit. I. Capitis tertij præcedentis.* Et licet ibi locuti tantum fuerimus de foraminibus existentibus in basi tuborum verticaliter erectorum, hîc tamen idem concedimus petimus etiam de foraminibus in tuborum vasorumque lateribus existentibus, propter paritatem rationis. Petimus itaque nobis concedi, quod si in latere tubi, aut vasis A B fiat foramen B, decurrat aqua à vasis sumitate ad foramen usque instar columnæ, cuius basis est equalis foramini, altitudo perpendicularis super foraminis diametro erectæ, prout in apposita figura est columnæ A B C D. Ratio potest esse,


Aqua in-
star colum-
na efflu-
ex forami-
ne basis in-
vase.

quia ex dictis Capite i patet, aquam non premere nisi partes sibi perpendiculariter subiectas, dum aqua est descendens in aliquo, seu ex aliquo effluens, prout hîc fit.



Propositio I. Theorema I.

Per foramina æqualia, æquè à summo tubi distantia,
sive in basi, sive in latere, æquali tempore æquales fluunt
aquarum quantitates.



IN vase, seu tubo A B, sint foramina c & d æqualia, & horizontalia (& eadem est ratio, si lateralia essent, æquè à summitate distantia) per quæ aqua æquali, vel potius eodem tempore decurrat. Dico, aquas decursas (liceat ita loqui) esse æquales inter se. Vbi enim omnia sunt æqualia, effectus sunt æquales, per Petitionem primam hujus

Capitis: at hīc omnia sunt æqualia, scilicet foramina, columnæ aquæ, vis premendi, & similia; ergo effectus, qui sunt aquæ decursæ, æquales sunt. Per foramina ergo æqualia, &c. Quod erat ostendendum.

Annotatio.

Et hoc verum est, sive vas sit semper plenum, sive non. Eadem est ratio, si vasa sint cylindrica, & foramina rotunda, ut diximus etiam paulo ante, & semper in sequentibus dictum volumus.

Porisma.

Sequitur hinc, si ex duobus eiusdem vasis foraminibus æqualiter à summo vasis distantibus aquæ decurrentes eodem tempore æquales sunt, foramina esse æqualia.


Propositio II. Theorema II.

Aqua è foraminibus æqualiter à summo tubi distantibus decurrentes, sunt inter se ut foramina.

IN tubo seu vase A B, sint duo foramina rectangula inæqualia, c minus, & d maius, sed ambo horizontalia, atq; adeo æquæalta, seu æqualiter à vasis summitate remota; & aqua decursa per c sit e, aqua verò decursa per d sit f. Dico, aquam e decursum per c, habere se ad aquam f decursum per

Protheoria IV.

161




per D , ut se habet foramen c ad foramen D . Quoniam enim, per Petitionem $Ie-$
cundam hujus, quantitates eiusdem gene-
ris sunt commensurabiles, erunt longitudi-
nes c & D commensurabiles. Siter-
go communis eārum mensura G , & secen-
tur dictæ longitudines c & D in partes,
quæ sint æquales ipsi G ; quibus divisis à
transversalib⁹ lineis perp⁹icularib⁹, fiant
tot foramina, quot sunt dictæ partes. Tum
sic. Huiusmodi foramina erunt omnia inter se æqualia. ex con-
structione, & per 36. Primi Euclid. Ergo ex eis effluent eodem
tempore quantitates aquæ æquales, per Proposit. I. huius.
Quot igitur sunt foramina in c & D , tot erunt quantitates a-
quarum æquales in E & F . Cūm igitur sint qua-
tuor magnitudines, c , D , E , F , quarum prima
 c est ad secundam E , ut est tertia D , ad quar-
tam F ; erit etiam vicissim seu permutando ut c
ad D , ita E ad F , per decimam sextam Quinti Euclidis.

Annotatio

Quamvis contingere possit, ut longitudines C , D non sint commen-
surabiles, ac proinde G non sit earum communis mensura; nihil
refert, quia hic non sumus in Mathematicis, sed in Physicis, ubi non ha-
betur ratio insensibilium.

Propositio III. Theorema III.


**Aqua per foramina vasis eo impetu seu velocitate de-
currit, quo per tubos æqualium foraminum & alti-
tudinum.**



Sit vas C , D , in quo foramen D , al-
titudo vas C ; & sit tubus A , B
perpendicularis, in quo foramen
 B sit æquale foramini D , & altitudo
 A , B æqualis altitudini C , D . Dico,
in B & D impetus seu velocitates
X aquæ

Pars I.

Aqua fluens ex foraminibus &c. lociter quae-




les, per Corollarium quintum Propositio. 9. Capitis III.

Propositio IV. Theorema IV.

Velocitates aquæ decurrentis per foramina æqualia eiudem vasis, inæqualiter distantia à summo vasis, sunt in subduplicata ratione distantiarum.

Propor-
tio-
nibus velo-
citatibus ad
foraminum
distantiam.



Sunt in vase A-C foramina æqualia B & C, distantia à summo vasis A-B, A-C; sitque media inter illas A-D. Dico, impetum seu velocitatem in C, ad impetum seu velocitatem in B, esse ut A-D ad A-B. Quoniam enim, per Proposit. tertiam hujus, aqua per foramina B & C decurrit eodem impetu, quo per tubos æqualia foraminum & altitudinum, erunt per Proposit. 10. Capitis tertij, velocitates aquæ in C & B, ut A-D ad A-B, hoc est, velocitas apud C erit media proportionalis inter altitudines A-C, A-B, atque adeo subduplicata rationem habebit predictarum altitudinum.

Propositio V. Theorema V.


Aqua per æqualia foramina inæqualiter à summitate vasis distantia fluentes, sunt in subduplicata ratione distantiarum.

In vase A-C, præcedentis Propositionis, altitudines à foraminibus æqualibus B & C, ad summum vasis A, sint A-B, A-C, quarum media sit A-D. Dico, aquam fluentem per C, ad aquam fluentem per B, esse ut A-D, ad A-B; hoc est, esse medium proportionalem, ideoque habere subduplicatam ratios.

rationem altitudinum prædictarum. Quoniam enim aqua fluat per B & C veluti per tubos, per Petitionem tertiam; aquæ autem per tubos æqualium altitudinum, sunt in subduplicata ratione altitudinum tuborum, per proposit. 8. Capitis tertij; constat propositum.

Propositio VI. Problema I.

Secto foramine laterali vasis in partes æquales, à rectis horizontalibus, invenire rationes aquarum ex eis fluentium.




In vase s t secetur foramen laterale AB in partes æquales AC, CD, DB, à rectis lineis horizontalibus, ut fiant totidem foramina, quorum altitudines sint notæ; & per AC fluat aqua E, per CD aqua F, per DB aqua G, tempore æquali seu eodem: oporteatque venari proportionem aquarum E, F, G. Fiant HI, KL, MN, altitudines foraminum AC, CD, DB, à summo vase; & inter ipsas mediæ proportionales OP, QR, per decimam tertiam Sexti Euclidis, aut per proposit. 3. Parergi Capitis tertij præcedentis. Quoniam igitur aqua E ad aquam F, est ut HI ad OP, per Proposit. 5. huius Capitis, nota est ratio aquæ E ad aquam F. Item quoniam aqua F ad aquam G, est ut KL ad QR, per eandem Proposit. 5. huius Capitis, nota est pariter ratio aquæ F ad aquam G: At ratio aquæ E ad aquam G composita rationum inter EF & FG notarum, est pariter nota; Reperta est igitur ratio aquarum

E, F, G.

Propositio VII. Problema II.


Secto foramine lateralī vasīs in partes inæquales, à rectis horizontalibus, reperire rationes aquarum effluentium ex ipsis.



Foramen CD vasīs AB secetur à recta E in partes inæquales CE, ED ; & effluat ex parte superiore E aqua F , ex inferiori verò ED aqua G , eodem tempore. Quæratur proportio F ad G . Si ED foramen minus non mensurat CE , reperiatur eorum maxima communis mensura, per tertiam Decimi Euclidis, quæ sit H ; & juxta eam secetur CE in partes CQ, QK, KE ; item ED in partes EI, ID . Quoniam igitur foramen CD sectum est in partes CQ, QK, KE, EI, ID , æquales per constructionem; reperietur per Proposit. 6. hujus Capitis, ratio aquarum per eas fluentium, ac proinde aquarum fluentium per CE , & ED .

Propositio VIII. Problema III.

Datis foraminibus inæqualibus super eadem horizontali, venari rationes aquarum.




Sint foramina AB , & CD , super horizontali BD , utrumque laterale; Quærendaque sit proportio aquarum ex eis eodem tempore fluentium. Producatur recta CEG , parallela rectæ DB , dividaturque foramen AB in duo foramina AG, GB . Quoniam igitur nota est ratio aquarum fluentium ex CD , & GB , per Proposit. 2. hujus Capitis; item ratio aquarum BG , & GA , per Proposit. 7. præcedentem; nota pariter est ratio ex eis composita inter aquas fluentes per CD , & AG . Cùm igitur

igitur nota sit ratio aquæ fluentis per CD, ad aquam fluentem per BG, & per GA partes; nota erit ratio eiusdem ad totam fluentem per AB.

Propositio IX. Problema IV.


Datis foraminibus eiusdem vasis, quorum vnum superius, alterum inferius, inter easdem parallelas perpendicularares, reperire rationes aquarum.



Dentur foramina AB, CD, interparallelas easdem perpendicularares AC, & BD, sitq; venanda ratio aquarum ex eis, æquali tempore, fluentium. Concipiatur BC, tanquam foramen inter easdem parallelas. Quoniam igitur nota est ratio aquarum fluentium ex CD, & ex CB, per Propot. 7. hujus Capitis; item ex CB, & BA, pereandem Propositionem septimam, nota erit pariter ratio aquarum fluentium per CD, & AB.

Propositio X. Problema V.

Datis foraminibus eiusdem vasis, quorum vnum superius, alterum inferius, non inter easdem parallelas, reperire rationes aquarum.




Data sint foramina AD, EH; oportet atque reperire rationes aquarum per illa æquo tempore fluentium. Duc horizontales HI, EK, & producta DB in L, concipiatur IL tanquam foramen inter easdem parallelas cum AD; & queratur ratio aquarum per AD, IL fluentium, per Proposit. 9. hujus Capitis, & sit ut M ad N. Item queratur ratio IL ad EH, per Proposit. 2. hujus Capitis, & sit ut N ad O. Dico, M ad O esse rationem aquarum per AD, & HE fluentium. Quoniam enim ut M ad N, ita est AD ad IL; & ut N ad O, ita IL ad EH, per constructionem: Erit

ex æquo, per vigesimam secundam Quinti Euclid. ut M ad O , ita aqua per AD ad aquam per EH fluentem.

Propositio XI. Problema VI.

Dato foramine, & linea horizontali, in aliquo vase, constituere super illa foramen, è quo æqualis aqua fluat eodem tempore.



Sit datum foramen AM , & horizontalis CD ; sitque describendum foramen super CD , è quo effluat eodem seu æquali tempore, aqua ut per AM . Erigantur perpendiculares AE, MC , & producatur DC in E , & super EC fiat foramen æquale foraminis AM , & sit FC ; & ducta FG parallela ipsi CD ,

fiat H media inter KB , & KE ; & tandem fiat, ut H ad KE , ita DL ad SC . Dico, foramen LG esse foramen quæsitum, per quod æquali tempore fluat aqua ut per AM . Quoniam enim, per Proposit. 2. hujus Capitis, aqua foraminis LG ad aquam foraminis FC , est ut DL ad SC , hoc est, H ad KE ; & per Proposit. 5. hujus Capitis, aqua foraminis AM ad aquam foraminis CF , est ut eadem H ad KE ; erit ut aqua LG ad CF , ita aqua AM ad CF , per undecimam Quinti Euclidis, ac proinde aqua foraminis AM erit æqualis aquæ foraminis LG , per nonam Quinti Euclid. & per i. Axio. lib. i. Euclid.


Annotatio.

Potest tamen horizontalis data esse tam vicina summitati vase, ut quæsitum foramen fieri non possit, nec hoc, nec alio modo: & tunc Problema est insolubile.

Propositio XII. Problema VII.

Dato foramine, & latere alterius in eodem vase, reperi-
re foramen, è quo æqualis aqua effluat.


Datum




Datum sit foramen AB , & latus DC , in eodem vase; oporteatq; describere foramen, cuius latus sit DC , & è quo effluat eodem tempore aqua ut ab AB . Ductis c n, & D F horizontalibus, & producta BE, reperiatur ratio aquarū fluentiū ex AB , & FE , per Proposit. 9. hujus Capitis, quæ sit ut G ad H ; & fiat, ut H ad G , ita F ad FK , per decimam tertiam Sexti Euclid. & Proposit. 3. Parergi Capitis 3; & à K erigatur perpendicularis KL , & tandem fiat foramen, cuius latus DC , æquale & simile ipsi FL foramini, & sit DM . Dico, è foramine DM fluere aquam, ut ex AB foramine. Quoniam enim aqua fluens ex AB , ad aquam fluentem ex FE , est ut G ad H , per constructionem; item aqua fluens per FL , seu ei æquale DM , ad fluentem per idem FE , est itidem ut G ad H , per Proposit. 2. hujus Capitis; erunt aquæ fluentes per AB , & per DM , inter se æquales, per nonam Quinti Euclidis. Igitur DM erit foramen quæsitorum.

Propositio XIII. Problema VIII.

Dato foramine, reperire aliud æquale in eodem vase, è quo fluat aqua in ratione data.



Etur in vase AB foramen c , & data sit ratio aquarum D , E , quarum D fluat in dato tempore per foramen c ; reperiendum verò sit, ubi fiat æquale foramen, è quo fluat in æquali tempore aqua E . Fiat ad D , E , AC , quarta proportionalis AF , per duodecimam Sexti Euclid. aut Proposit. 8. Parergi Capitis tertij præcedentis; & ad AC , AF , tercia proportionalis AG , per undecimam sexti




Pars I.

sexti Euclid. aut per Proposit. 6. Parergi citati; & in G fiat foramen, (quod si fieri nequit, Problema est insolubile.) Dico, G esse locum foraminis quæsiti. Quoniam enim aquæ fluentes per dicta foramina sunt in subduplicata ratione altitudinum AC, AG, per Proposit. 5. hujus capitii; & aquæ D, & E sunt pariter in subduplicata ratione datae altitudinis AC, & inveniendæ altitudinis, per

eandem Propositionem 5. hujus capitii; sequitur aquas fluentes per dicta foramina c & G, esse ut aquas D & E.

Propositio XIV. Problema IX.

Dato foramine , aptare in eodem vase aliud datum simile, magnitudinis diversæ, à quo aqua fluens cum fluente à primo, habeat rationem datam.




In vase AB, datum sit foramen c, & aliud adsignatum D simile, sed diversæ magnitudinis, sive majoris, sive minoris; ratio verò aquarum data sit E, F. Aptandum sit foramen D adsignatum eâ lege, ut aqua per illud fluens, cum aqua fluente ex c, sit ut E ad F. Super horizontali ducta c G, fiat foramen G, æquale foramenti D; & perquiratur ratio aquarum fluentium per c & G, per Proposit. 8. hujus capitii, & sit ut I ad H. Quæ si est eadem quæ est inter E & F, habemus intentum: Sin minùs, fiat aliud foramen infra aut supra G, ei simile & æquale, à quo fluat aqua, quæ cum fluente ab ipso G habeat rationem ut H ad F, & sit I. Quod si fieri nequit, Problema est insolubile)

solubile.) Dico, i esse foramen quæsitum. Quoniam enim aqua c ad aquam g, est ut e ad h; & aqua g ad aquam i, est ut h ad f, ex constructione & operatione facta; erit ex æquo etiam aqua c ad aquam i, ut e ad f, per vigesimam secundam Quinti Euclidis.

CAPUT VI.

De Aëris gravitate, rarefactione, & condensatione.

 Uoniam in Pneumaticis ac Hydropneumaticis Machinis magni refert, aëris naturalis pondus seu gravitatem, rarefactique ac condensati quantitatem ac vires cognoscere; de ijs nonnihil parergi loco addendum hīc censui. Sit itaque

Propositio I.

Aëris gravitatem invenire.

TAmet si aér levis sit inter reliqua elementa, suaque levitate sursum tendat, ut sit supra terram & aquam; admixtum tamen habet aliquid gravitatis. Patet ex eo, quod folles luforij aere addensato bene inflati, ut & vesicæ inflatae, plūs ponderent, quam flaccidi, ut exquisita trutina aut libra deprehendi potest. P. Joannes Baptista Ricciolus Tomo 1. Almgesti Novi lib.2. cap.5.num.4. ait expendisse se vesicam bovinam quæ flaccida erat scrupulorum 4, & granorum 4, & deprehendisse inflatam fuisse scrupulorum 4, & granorum 6. Quare aér additus per inflationem, appendebat grana 2. Marinus Mersennus in Phænomenis suis Proposit. xxix. afferit, se Geometris præsentibus & adjuvantibus, ponderasse bilance Ælopilam æneam (qualem describimus infrà Parte 2. Clasie 1. cap. 3. Machina 6.) satis calefactam, & propemodum carentem,

Y

omni-

omnique humore destitutam, & quām minimum aëris continentem; deprehendis que pondus fuisse unciarum 4, drachmarū 6, & granorum 15: postquam verò naturaliter refrixisset æolopila, & aër antea vehementer rarefactus rediisset ad pristinum ac naturalem suum statum; iterum ponderasse ipsam, & invenisse pondus præcedente pondere majus fuisse 4 granis. (Apud Mersennum habetur, minus; utique typographicō errore.) Erat autem bilanx, inquit Mersenus, quæ dimidio grani perdebat æquilibrium.

Atque ex his patet, qua ratione aëris gravitas inveniatur. Alij aliter explorant pondus aëris, præsertim Illustrissimus Dominus Carolus Vintimillia Eques Panormitanus in Sicilia, & Amicus Uranicus sincerissimus, qui legendam mihi dedit demonstrationem subtilissimam, præmixta hydrostaticam, qua olim Adolescens coram Serenissimo Philiberto Siciliæ Prorege, Nobilitateque Panormitana universa aërem ponderaverat. Vide etiam quæ habet Daniel Lipstorpius part. 3. Speciminum Philosophiæ Carthesianæ cap. 2. in fine, ubi adducit modum Galilæi & Joann. Chrysost. Magneni. Vide præterea Appendicem in fine Operis.

Propositio II.

Quantum condensari aër possit, invenire.

Vide infra Iconisimi Parte 2. Classe 1. cap. 2. Machina 8. ejusque capacitas exacte VIII. Figura exploretur in mensura cubica aquæ. Capiat autem dictus ram ix. a. fons, gratiâ exempli, unum pedem cubicum, seu libras 72. In hunc fontem immitte syringe, per foramen c, aquam quantum fieri, sine ruptionis periculo, potest. Si jam notam feceris in mensura, quantitatem aquæ immisæ, eamque à fonte aëris condensari possit, indicabit residuum fontis locum invenire, aëris condensati, qui priùs totam fontis capacitatem impletat.

bat. Ut si immissæ sunt duæ tertiae pedis cubici, occupabit aër unam tertiam partem.

Atque hæc est expeditissima ratio mensurandi condensationem aëris. Fieri quoque idipsum potest sclopeto pneumatico, de quo infrà loco cit. cap. 2. Machina 13. & 14.

Credunt aliqui, inquit Mersennus in *Hydraulicis* Proposit. 31. aërem per condensationem non posse nisi ad tertiam spatiij, quod naturaliter occupat, partem redigi, quòd videant aquam in vas infusam tres heminas seu libras continens, non superare duas heminas, ob aërem intus manentem. Certum est tamen, subdit idem, magis condensari posse; ipseque experientiâ didicit, posse ad spatum quindecuplo minus in sclopeto pneumatico cogi, idque solâ vi manus syringe utentis; quæ vis cùm intendi multò magis possit, dubium non est, aërem adhuc multò magis condensari posse. Vide Mersennum in *Hydraulicis* loco citato.

Propositio III.

Quantum rarefieri aër possit, invenire.

Marinus Mersennus loco citato Proposit. 31. ait, constare, aërem ita rarefieri in ignitis æolopilis (quas describimus Parte 2. Classe 1. cap. 2. Machina 6.) ut septuagesima pars aëris priùs inclusi, & nondum rarefacti, æolopilas impleat. Hæc autem rarefactionis quantitas inveniri potest præsidio *Æolopilæ* hunc in modum.

Æolopila notæ capacitatis calefiat eò usque, donec maiorem vim caloris sustinere amplius non posse judicetur citra liquefactionis periculum: sic enim fiet, ut quàm minimum aëris rarefacti totam ipsius capacitatem expleat. Quo facto, igni extracta statim aquæ frigidæ immergatur. Continget enim ut aër, qui rarefactus totam Æolopilam occupabat, ad naturalem redeat constitutionem; ac proinde Æolopila, nè detur vacuum, aquam suget. Hujus aquæ quantitas si fiat

nota, & ab Æolopilæ capacitate detrahatur; notam relinquet aëris quantitatem & nunc addensati, & antea rarefacti.

Hæc ex Mersenni sententia; quæ tamen valde incerta mihi videntur, tum quia non scitur quando Æolopila est summè calefacta, tum quia aqua absumitur à calore Æolopilæ ante & post attractionem, tum denique quia constare non potest, utrum aëris residuus post aquæ attractionem sit ad naturalem statum redactus, an verò præter naturam addensatus, aut rarefactus. Vide quæ dicimus infrà in Appendice.

Conclusio

Protheoriae Quartæ.

Dici hîc nonnulla possent de salientium ex fontibus pneumaticis, quos describimus Parte 2. Classe 1. cap. 2. Machina 8. longitudine, altitudineque, & cum tuborum salientibus comparari, ut facit Mersennus in suis Hydraulicis Proposit. 28. sed quoniam valde incerta sunt & quæ Mersennus affert, & quæ à me, & à quocunque alio, varijs experiencijs inventa, afferti possunt; latius judicavi, omnino abstinere. Dependet enim salientium hujusmodi longitudo atque altitudo, non à tuborum longitudine, sed potissimum ab aëris intra fontem compressi vehementia, quæ infinitis modis variari potest; & cùm omnia expertus fueris, dubius adhuc hærebis.

Dici præterea multa possent de fluxu aquæ per tubos inclinatos & horizontales; examinarique, quæ habet Joannes Baptista Balianus lib. 4. & 5. de Motu gravium, seu lib. 1. & 2. de motu liquidorum: at quoniam hæc non admodum conducunt fini nostro in hoc Opere intento, & longiore sermonem requirunt; omittenda potius omnino quam paucis perstringenda putavi, acturus de illis in Mechanica Universali. Ad

praxin igitur, missâ theoriâ,
procedamus.

• 8 ♫ 9 •
8

ME-



MECHANICÆ HYDRAVLICO
PNEVMATICÆ
PARS SECVND A,
PRACTICA,
De fabrica Machinarum Hydro-
pneumaticarum ex traditis principijs.

PROOEMIVM



Inocrates Architectus, inquit Vitruvius lib. 2.
cogitationibus & solertia fretus, cum Alexander rerum potiretur, profectus est à Macedonia ad exercitum, regiae cupidus commendationis. Is è patria à propinquis & amicis tulit ad primos ordines & purpuratos litteras, ut aditus haberet faciliores; ab eisque exceptus humanè, petijt uti quam primum ad Alexandrum perduceretur. Cum polliciti essent, tardiores fuerunt, idoneum tempus expectantes. Itaque Dinocrates ab ijs se existimans illudi, ab se petijt præsidium. Fuerat enim amplissima statura, facie grata, forma, dignitateque summa.

Dinocratis
Architecti
cogitatio
Alexandro
Regi expo-
sita.

*H*is igitur naturæ muneribus confisus , vestimenta posuit in hospitio , & oleo corpus perunxit , caputque coronavit populea fronde , lævum humerum pelle leonina texit , dextraque clavam tenens incessit contra tribunal Regis ius dicentis . Novitas populum cum avertisset , conspexit eum Alexander , & admirans , jussit ei locum dari , ut accederet , interrogavitque quis esset . At ille , Dinocrates , inquit , Architectus Macedo , qui ad te cogitationes & formas affero dignas tua claritate . Namque Athon montem formavi in statuæ virilis figuram , cuius manu læva designavi Civitatis amplissimæ mania , dextera pateram quæ exciperet omnium fluminum , quæ sunt in eo monte , aquam , ut inde in mare profunderetur .

*D*electatus Alexander ratione formæ , statim quæsivit , si essent agri circa , qui possent frumentaria ratione eam Civitatem tueri . Cumque invenisset , non posse nisi transmarinis subvectionibus : Dinocrates , inquit , attendo egregiam formæ compositionem , & ea delector ; sed animadvero , ut si quis deduxerit eò loci coloniam , fore ut judicium eius vituperetur . Ut enim natus infans sine nutricis lacte non potest ali , neque ad vita crescentis gradus perduci ; sic Civitas sine agris , & eorum fructibus in mœnibus affluentibus non potest crescere , nec sine abundantia cibi frequentiam habere , populumque sine copia tueri . Itaque quemadmodum formationem puto probandam , sic judico locum improbandum . Hæc Vitruvius . Sciebat nimirum Rex sapientissimus , quantum sæpe sit dissidium praxin inter & theoriam ; & quam frequenter quod ratio subtilissime excogitavit , difficulter in opus deducatur , non assequente ma-

nu intellectus præscriptum, nec materie eiusdem præceptis obtemperante. Hoc itaque nè mihi quoque occinatur, præstandum re ipsa putavi, quod præstari posse afferui; hoc est, earum solum Machinarum structuram ac fabricam edocendam ratus sum, quas opere ac re ipsa exhibuere alij, doctissimus præser-tim Kircherus in Museo suo, alijque viri præclari, quin & idiotæ (tanta est fabricandi facilitas, tam infallibilis fabricarum effectus) tum hic, tum alibi, prout suis locis ref ero: nihil enim, aut fere nihil in tota hac Parte 2. affero, quod non auctoribus oculis vidi, manibus contrectavi, ut legenti singula patet.

Ad tres porrè classes revoco omnes sequentes *Machinas*. In prima exhibeo varias, vel purè hydraulicas, vel purè pneumaticas, vel ex utrisque mixtas *Machinas*, nec non alias, ab hisce quidem differentes, at ab instituto non alienas, nec Lectori, ut reor, ingratas. In secunda profero in medium varia Machinamenta hydraulicia, quæ motum perpetuum si non vere ac re ipsa efficere, certè proximè emulari creduntur; simulque monstro, nullum, quod promittit, re ipsa præstare posse. In tertia denique Classe ago de Organis hydraulicis, rebusque ad illa pertinentibus. Singulis fere *Machinis* subjungo Notas breviusculas, quibus ut plurimum earum indice principia, seu fundamenta.

Sit igitur

Practicata,
aut practi-
cabilia, que
hoc Opere
traduntur.

Machinæ
huius Ope-
ris omnes
ad tres Clas-
ses revo-
cantur.

CLAS-

CLASSIS PRIMA

D E

Varijs Hydraulicis, atque Pneumaticis
Machinis.

Machinæ
Classis pri-
mæ.

AD sex Capita revocabo huius primæ Classis Machinas. Primum Caput complectetur Machinas, quarum principium est vis Attractiva: Secundum Caput eas, quarum principium est vis Expulsiva: Tertium eas, quæ Rarefactione; Quartum, quæ naturali aquæ lapsu; Quintum, quæ mixto sunt principio: Sextum denique Caput continebit Machinas varias.

CAPUT PRIMVM


De Machinis quæ sunt vi attractiva.

Machinæ
qua sunt vi
Attractiva

PRæter Machinas quas hoc Capite adducimus, revocari huc possunt omnes aliæ, quæ metu vacui suas exhibent operationes, & referuntur inter Machinas sequentium Capitum, præsertim sexti. Præterea huc pertinent Machinæ quas descripsimus super Parte I. Protheoria i. §. 7. & 8.

MA-

115
116
117
118
119
120



MACHINA I.

Fonticulus Phiale vitrea inclusus.

Nter cæteras Machinas Hydro-pneumaticas, quæ in P. Athanasij Kircheri Museo similibus Machinulis instructissimo visuntur, hæc non insimum sanè locum sibi vendicat: est enim non ingeniosa tantum, & spectatu jucundissima, sed & infinitarum inventionum materiæ præbet. Adducit eam P. Kircherus lib. 3. Artis Magneticæ par. 2. cap. 3. Experim. 2. & ex hoc Clatissimus Harstorfferus in Delicijs suis tom. 2. par. 8. quæst. 24. Sic autem construitur.

Fiant tria vasæ H I, K, & B, juxta fontem, aut aquæ receptaculum M. Vas H I recipiendis aquis destinatum ex quavis nispi I. materia, uti & alterum K, fieri potest; B verò vas vitreum Fig. I. sit, excepto fundo v x, qui fundus ex ære, aut cupro fiat necesse est. Ex hoc fundo canalem D O E, per fundum vasis K, usque in vas H I deduces; qui & epistomio E ad laxandum, cohibendumque aquam instructus sit. Sit autem canalis D O E in ^{Fonticulus} _{in Phiale} _{vitreæ,} fundo vasis B optimè ferruminatus, nè vas aerem recipiat. Hoc pacto alium Siphonem sive canalem F G ex fundo vasis K, videlicet ex loco F, (ita ut fundum non tangat) per fundum vas B deduces, dicto fundo ferruminatione ut ante insitum, qui & intra vas B in tres aut plures canaliculos divaricetur. Deinde vitrum B fundo v x pice, aut resina cum cera terebinthina, aliavè mistura ita adglutinabis, ut aer nulla ratione intrare possit; vas autem vitreum B in apice ciceris ad instar foramen juxta B, aquæ infundendæ destinatum, habeat; quod deinde post aquam infusam optimè claudi possit. Quod si aquam in vase B, per tres siphunculos seu canaliculos in fonticulum exsilire, desideres; per dictum foramen vas B eò usque aquâ replebis, ut ora canalicularum præcisè attingat. Hoc facto, foramen cerâ aut cochleolâ ita obturetur, ut nullus prorsus aer ingredi possit. Deinde aperto epistomio fontis M, vas K repleatur; quo repleto, aperiatur epistomium inferius E; &

aqua vasis B per canalem DOE dilapſa, in vas H I se exonerabit; sed aqua vasis B exonerare ſe non volet, niſi aliud ſibi corpus prius ſubſtituatur: Omni igitur aditu alijs coporibus extinſecis intercluſo, cum nullum aliud ſit, quod laboranti Natura, præter aquam in vase K contentam, ſuppetias ferre poſſit (nè vacuuſ in Natura locus, recedente liquore vasis B, relinqua-
tur;) per ſiphonem FG attracta aqua vasis K, ſummo impetu per tres canaliculos in fontem abibit, & tam diu hic fons dura-
bit, quam diu aqua in vase K ſuperfuerit. Si itaque per epifo-
mum M, vasi K aqua perpetuò ex aliquo fonte ſuppeditata fuerit, aut alia ratione, juxta dicenda poſtea; aqua in vitro B
perpetuò quoque ſaliet. Mirum autem eſt, quod in vase B
nunquam creſcat, aut decreſcat aqua, ſed ſemper in eodem ſta-
tu, & eiudem quantitatis permaneat. Cuius rei ratio illa eſt,
quod pars aquæ per canalem DOE effluentis, æqualis ſemper
ſit aquæ per canalem FG vasis K attractæ. Quantò autem
canalis DOE longior fuerit quam canalis FG, tantò aqua in
vase B altius, & maiori cum impetu exſurget. Quod ſi loco
vitri vasis B, aliud vas plumbum ponatur, poteris hac ratio-
ne aquam inferiorem in quamvis altitudinem derivate. Sed
hoc melius ex ſequentibus patebit.

ANNOTATIO.

HÆc Machina vi attractiva eſt instituta: aqua enim è vase B efflu-
ente per canalem DOE, attrahitur aqua vasis K per canalem
FG, nè detur vacuum in vase B, cui aëris, omnisq; alterius corporis adi-
tus eſt interclusus. Vides igitur, quid non moliatur Natura ad vacu-
um evitandum. Similia multa Natura ſtratagemata in ſequentibus
reperies; multa etiam allata ſunt ſuprà in Protheoria I. Vide Annota-
tionem 2. ſequentis Machinae. Hanc Machinam hic conſtrui curavi,
& multis ostendi.

M A C H I N A II.

*Siphon inversus interruptus, aquam in determinata-
tam altitudinem evehens.*

M Achinam hanc appello siphonem inversum interruptum, ob similitudinem quam habet cum siphone inverso, de quo suprà Parte i. Protheoria 4. capite 2. eamque describo in Appendix Hydraulicorum Machinamentorum quæ habetur in nova ac tertia editione Artis magnet. P. Athanasij Kircheri lib. 3. par. 2. cap. 3. Machinam. 3. his verbis:

Sit ex vase, aut cisterna B, elevanda aqua in vas KA, ex inferiori videlicet domus parte ad superiorem. Fiat vas C, nisi in I. cum Siphone E F, (qui immediatè supra vasis fundum incipiat) Fig. II. & epistomio E, ac foramine o in operculo. Fiat præterea Siphon o i, utrumque apertus paulò infra operculum utriusq; vasis c, & KA. Iterum altius Siphon BK, similiter utrumque apertus, sed in vase B, prope fundum, in vase verò KA prope operculum; ubi etiam nonnihil incurvetur, ut figura monstrat. Necesse est autem, ut vase c, & KA, sint diligentissimè ferruminata atque obturata, nè aërem alicubi recipere, aut ejicere valeant.

*Siphon in-
versus inter-
ruptus, fon-
tem exhibe-
bens:*

His ita præparatis, impletatur vas c aquâ per foramen o; quod, ubi repletum fuerit vas, accurratè obturandum est. Aperiatur deinde epistomium E; defluetque aqua ex vase c, & in locum ipsius, nè vacuum in vase admittatur, sequetur per siphonem i o aëris in vase KA contentus; in locum verò aëris extracti è vase KA sequetur, propter vacui metum, aqua vasis seu cisternæ B, per siphonem BK; quæ deinde per epistomium H depleri poterit. Si jam ex vase aut cisterna B, vel aliunde, derivetur nova aqua in vas c; eadem circulatio institui poterit, quoties vas c plenum, & vas KA fuerit vacuum. Ut depleri possit vas KA per epistomium H, debet aquæ effluentis succedere aëris: quare vel aperiendum est alicubi vas KA (si in B adhuc est aqua) vel vas c, vele epistomium E depleto vase c.

ANNOTATIO I.

HÆc etiam Machina vi attractiva trahit aquam in altum, ex B in KA; qua attractio sit propter metum vacui. Similem Machinam habet Joannes Baptista Porta in suis spiritualibus lib. 2. c. 1. Schuventerius in Delicijs Physico-mathem. part 13. quæst. 10 Marinus Mersennus in Phenomenis Hydraulicis Proposit. 38. Vide etiam quæ diximus Protheoria 1. §. 5. & seqq. Schuventerius loc. cit. aliquot errores immiscet.


ANNOTATIO II.

Experientia docet, siphonem EF debere esse paulo longiore tubo BK, alioquin aqua ex vase C non effluet, sed in ipso siphone E suspensa hæredit, nec attrahetur aqua vasis B usque in vas KA, sed hæredit in siphone BK. Hoc tamen mirum alicui videri poterit, cum tota præsens Machina videatur esse Siphon inversus, & crus ICE jam longius sit, quam crus KB; cur ergo apud E non effluet aqua, siibi decursetur siphon EF? Quia nimis, cum interrumptur siphon intermedio vase C, sit, ut solus siphon FE constituat alterum perpendiculum, & velut inversi siphonis crus, oppositum cruri BK; cui comparatum crus EF decursum in E, est nimis exile, ut diximus Parte 1. Protheoria 4. cap. 2. Proposit. 13. Notandum tamen, non esse necessarium ut vas C sit in eodem plano horizontali cum vase B, sed posse esse vel altius, vel demissius illo: consequenter non est necesse ut siphon C sit aequalis siphoni BK, ut notatum parte 1. loco proxime citato.


ANNOTATIO III

Nec sufficit ut quomodounque tubus EF longior sit quam tubus BK, sed necessarium est ut perpendiculum illius sit longius perpendiculo huius. Quare licet fieret tubus intra vas C in helicem contortus, qui explicatus longior esset quam FF; si ramen perpendiculum helicis non adæquat perpendiculum tubi EF, nihil efficitur, vide Portam loc. cit. & capite 2. & 3. ubi ex defectu similis penpendiculari sufficienter prolongati ostendit errare Heronem in constructione Machinae capit. 53. & etiam capit. 5. ut nos etiam notamus infra cap. 2. Machina II. Annot. II. & in Protheoria 1. §. 5. & seqq. item in Protheoria 4. Cap. 2. Propos. 13.

MA.



Iconismus II. pag: 181.



MACHINA III.

Fons Cæsareus.

AB Aquila bicipite, Cæsarum tessera, & ore gemino aquam profundente, Cæsareum fontem appello quam hic do Machinulam, Kircheriani Musei ornamentum elegans, & spectaculum non injucundum, ab ipso Kirchero Cæsaris Ferdinandi III. honori constructum hoc artificio.

A, basis est seu abacus polyedrus, tetrastylos, seu quatuor instructus columellis; quibus impositus est tholus hemisphæricus B C D E, gestans in vertice vitreum vasculum K L, sibi optimè ad ferruminatum, clausumque vndique, & cochleâ L munitum. Tholus in tria discriminatus est, diaphragmatis interpositis, receptacula, F B, G C D, & H E; quorum singula sum habent sub vitreo vasculo foramen F, G, H, per quæ aqua infunditur. Ex receptaculo H E per vasculi vitrei fundum deducitur tubulus E K; qui à fundi transitu in tres, si placet, divaricatur tubulos strictissimorum oscularum. Distat osculum E à receptaculi sui fundo tantum, quantum aquæ introtrahendæ sufficit. Ex vasculo K L, per ejusdem, & per receptaculi H E fundum, perque columnam Y N, & abaci A fundum superiorem, deducitur tubus I Y N Q, cujus extremum Q desinit intra tubum vitreum Q R, protuberantem in sphærulam R. Ex receptaculo F B, per ejus fundum, perque B M columnulam, & fundum superiorem A abaci, deducitur alius tubus B M O, cujus extremum O desinit intra alium vitreum tubum O P, protuberantem similiter in sphærulam P. Vitreis tubi P O, & R Q inferiùs apud O & Q, desinunt in alios tubulos O +, Q +, epistomijs suis instructos, & forinsecus aperibiles in lateribus abaci A. Idem in duodenas divisi sunt partes, numeris appositis, qui in uno inferiùs, in altero superiùs initium sumunt. Tandem è receptaculo G C D, per ejus fundum, per geminas columnulas reliquas, perque abaci fundum, deducuntur bini tubi C X S, D Z S, qui apud s, coëunt in unum.

Vide Ico-

nismi II.

Fig. III.

Fons Cæsareus.

tubum sv, transeuntem per aquilæ corpus, & apud v derivatum per bina Aquilæ capita ad ipsa usque rostra. Epistomia varia, quibus tubos instructos vides, transitum dant, admuntque aquis.

Hactenus Machinæ partes explicavimus. Uſus hic est. Tria tholi receptacula impleantur aquâ, per totidem foramina F, G, H, quæ semper manere debent aperta, vltimo excepto, quod claudi potest. Vasculum LK, apertâ cohleâ L, impletur aliquousque, donec nimirum aqua trifidi tubuli otificia modicè transgrediatur, clauditurque diligentissimè foramen, cochleolâ convolutâ. His præstitis aperitur epistomium N, & aqua vasculi vitrei LK delapsa per tubum IYNQ, ascendit paulatim intra vitreum tubum QR, monstrans in singulis divisionibus singulas horas. Quem in finem epistomium N ita temperari debet, ut horâ quælibet unam aquæ transgrediatur partem ex duodecim. Interim nè vacuum admittatur in vasculo LK, attrahitur per tubulum KE aqua receptaculi HE, & intra vasculum abit in trifidum fonticulum. Eodem tempore aperitur epistomium M, & aqua receptaculi FB descendens per tubum BMO, insinuat lese intra vitreum tubum OP, ea ratione, qua jam diximus. Tandem aperitur etiam epistomium T, & aqua receptaculi GCD descendens per geminum tubum CX, DZ, insinuat lese apud s intra tubum sv, & apud v diffundit se in ora Aquilæ, atque in aliud fontem formatur. Repletis tubis vitreis PO, RQ, laxantur epistomia tubulorum subjectorum O*, Q*, & descendens intra basim A aqua signat in tuborum divisionibus horas ut antea, si ritè temperarentur epistomia.

ANNOTATIO I.

Mixtum est hujus Machinulae principium. nempe vis attractiva, & Aquæ lapsus naturalis, ideoque ad cap. 5. spectat. volui tamen hic adducere, ob similitudinem cum Machina I. Si opus fuerit, vt aer tubis vitreis horodicticis inclusus elabatur, dum aqua irrumpit, fieri possunt in sphærularum P & R summis capitibus minutissima oscula.

ANNO-

ANNOTATIO II.

Divisiones tuborum vitreorum in partes duodecim non possunt esse ^{Tubi horo-}
 aequales, quoniam plus aquæ recipiunt in principio, quam in fine: ^{dictie in-}
 quare majores erunt partes inferiores quam superiores. Divisiones ^{foste cas-}
 etiam pro aqua descendente diverse debent esse à divisionibus pro
 ascendentibus; & quidem majores superius quam inferius. Expedit
 ergo, ut unus tubus deputetur pro divisionibus aquæ ascendentis, al-
 ter verò pro divisionibus aquæ descendens. Lege etiam quæ dicimus
infra in Aquila Horodictica cap. 4. Machina 8. & quæ diximus Parte I.
Protheoria 4. cap. 3. Proposit. 24.

MACHINA IV.

Scyphus plenus per fundum effundens liquo-
rem, non plenus retinens.

Similes Machinæ communes sunt, & passim reperiuntur apud
 Authores, Heronem, Schventerum, Harstorfferum, Ga-
 sparem Ens in suo Thavmaturgo Mathematico. Quia tamen
 artificium est ingeniosissimum, & in sequentibus sèpe adhibe- ^{Vide Fi-}
 bitur; hic apponendas hujusmodi Machinas duxi. Vide etiam ^{gur. IV.}
quæ diximus Parte I. Protheoria IV. Proposit. IX. ^{Iconis. II.}

Fiat Scyphus, aut Vasculum cujuscunque figuræ oblon-
 gæ, ex vitro, creta, stanno, &c. per cuius fundi medium ^{Scyphus per}
 transigatur fistula IK ut vtrinque aperta, ita tamen, ut extre- ^{tus.}
 mitas K abscondatur intra pedem scyphi, extremitas verò I
 non adæquet omnino altitudinem scyphi, sed sit paulò infra
 labiorum summitem. Huic fistulæ aliam ampliorem AB
 veluti thecam superimpone, superius in A clausam, inferius
 verò in B apertam, ita tamen, ut summitas A non attingat
 summitem I , nec extremitas B attingat fundum Scyphi:
 vel si attingit, relinquatur à latere prope fundum foramen B .
 In vas ita præparatum infunde quemcunque liquorem; qui se-
 se per foramen B insinuans, tantum ascendet intra fistulam
 seu thecam BA , quantum extra ipsam in ipso vase; nec effluet
^{extra}

extra vas, quamdiu non pertinget usque ad foramen I. Quam primum verò prædictum foramen attigerit, intra ipsum sese insinuans effluet ex K, nec cessabit donec totus liquor effluerit, attractus per foramen B; quod foramen necessariò subit, ut laboranti Naturæ ad vacuum vitandum succurrat; quod utique daretur intra fistulam BA, nisi per B aliis liquor substitueretur liquori effluenti per fistulam IK.

ANNOTATIO I.

Potest hac ratione parari Scyphus, qui dum manu tenetur, liquorem retinet, dum verò ori admovetur, ipsum effundit.

ANNOTATIO II.

Vide Iconismi II. **A** Liter & facilius idem effectus sequetur, si intra scyphum fiat siphon recurvus ABC, cuius pars AB fundum non attingat, pars Fig. v. vero BC sit longior quam AB. Quamdiu enim infusus liquor, & Scyphus per intras siphonem per A sese insinuans, non pertinget usque ad B, non effluet: At ubi ad B pertingit, ipsumque tandem transcendit; innato pondere descendet versus C, & effluet. Quod si canalis aliquis, aut fons novam semper aquam vasi, alterutro modorum dictorum constructo, suppeditet, sic tamen, ut equali tempore plus aquæ effluat ex siphone IK, aut ABC, quam suppeditet à fonte; vas semel evacuum iterum replebitur, plenumque iterum evacuabitur, idemque effectus alternis vicibus repetetur perpetuo statim horis, horarumque partibus; sicque maris fluxus atque refluxus representabitur. Fit hoc per bellè Antuerpiæ in viridario D. Aynscombe in quodam fonte.

ANNOTATIO III.

Si digito obtures foramen C, & repleas scyphum liquore, alterius porrigas; dum is ipsum arripit, effluet liquor per C, retracto digito.

ANNOTATIO IV.

Si liquor non pertingit ad B, & inter bibendum applices ori partem D, nihil effluet; si autem applices partem E, effluet: nam aqua per A ingrediens, & ad B perveniens, sponte sua delabetur versus C.

ANNO-

ANNOTATIO V.

Omnes prædictæ operationes sunt attractiva vi, propter metum vacui. Tubus in prima figura appellatur *diabetes*, in secunda tubus incurvatus, aut collum *anserinum*.

MACHINA V.

Cancer Vomitor.

Clarissimus Harstorfferus in Delicijs suis Philosophomath. tom. 2. part. 8 quæst. 17. refert sequentem experientiam.

Si scyphus aquâ aut vino impletatur, coctusque cancer ^{Vide Iconis nismi II. Fig. VI.} appendatur, prout in apposita appetet figura; effluet tantum aquæ è scypho, quantum cancer caudâ suâ attigerit intus conversâ.

Quærit Clariss. Pattitius, quâ id fiat ratione, cum aqua sit gravis, nec ascendere possit, nisi fistularum artificio in altum ducatur. Respondet ipse, & optimè, tametsi nulla hîc interveniat fistula seu canalis clausus, si tamen cancri cauda consideretur, inveniri infra squamas seu coticem, uti & in caudæ interiorebus cavitatibus, quasdam cavitates seu inflexuras adinstar spuens. *Cancer* ^{quam ex-} ^{spuens.} divisiæ secundum longitudinem fistulæ: & per has cavitates, ait, aquam ad labrum usque scyphi derivari, indeque defluere; ad eum protinus modum, quo contingit ascendere descendere aquam per siphonem inflexum, quem in præcedenti figura exhibuimus in Annotatione II. collumque anserinum appellavimus. Ita ille. Addo ego, interiores caudæ partes villosas esse & spongiosas, attrahereque ad se aquas eò modo, quo panni frustum, aut lanœus funiculus scypho prædicta ratione appensus attraheret. Dum igitur ad labrum usque Scyphi attracta fuerit aqua à villosis caudæ partibus aquam sibi mutuo communicantibus, descendet inde per reliquum cancri corpus innato pondere in subjectum vasculum; unde cancer ex ore vomitare aquam putatur. Inveni etiam infra ipsam

caudam secundum longitudinem extensam venam versus cancri ventrem; quae si detrahatur antequam cancer coquatur, effectus praedictus non sequitur. Per venam igitur praedictam attrahi aquam aut vinum, credibile est.

ANNOTATIO.

Cancer trahit aquam instar filtri seu panni lanei, ut dixi; filtrum reducitur ad siphonem inversum ut bene explicat Mersennus in Phænomenis hydraulicis. Proposit. 35. & innuit Harstorfferus, ut vidimus: ideo cancri pars extra prominens debet esse longior, quam interior pars, ut in filtris. Vide Protheoriam 4. cap. 2. Proposit. 8.

MACHINA VI.

Sphæra vitrea Aquisuga.


Via si metallino de cujuscunq[ue] figuræ & magnitudinis, cui desuper vitrea sphæra c[on]sit ad ferruminata, insere tubum AB, in collum y[et]q[ue] vitreæ sphæræ se[er]e insinuantem, & à vasimba basi forinsecus inchoatum, sic, ut oblatam externam aquam forbere possit. Quo facto, si vas ignis vi caleficeris, sphæra vitrea aërem calidum & rarefactum expuet per apertum canalem: Si verò statim prominens extra vas orificium tubi obturaveris, & conchæ aquâ frigidâ plenæ vas imposueris, donec refrigescat; aëris intus inclusus paulatim condensabitur, & secum per tubum suetu trahet aquam filii instar salientem, tanto aliis, quanto superius tubi osculum fuerit strictius. Machinæ principium est vis attractiva, propter vacui metum. Quis putasset à sanguisugis Medicorum cucurbitulis vim tantam in fontium suavitatem posse derivari? inquit P. Theodorus Muretus in Problemate de fontibus §. 7.

MACHINA VII.

Siphon inversus interruptus, elevans aquam
in quamvis altitudinem.


Suprà Machina z. præscripsimus modum elevandi aquam in

deter-




Iconismus III. pag: 187.

Fig. VIII.



IX.

Fig.



determinatam altitudinem vi attractiva, ob vacui metum, per siphonem inuersum interruptum: Nunc damus modum illi similem, elevandi aquam in quamlibet altitudinem quem oretenus didicī à P. Kirchero, qui affirmavit mihi, se ejus rei experimentum fecisse cum P. Christophoro Grünberger, in hoc Romano Collegio olim Mathematicæ professore; quem tamen modum deinde inveni etiam in Hydraulicis Phænomenis Martini Mersenni Proposit. 39. & antea legeram apud Joannem Baptistam Portam lib. 2. Spiritualium cap. 9. Potest esse usui, quando elevanda est aqua è loco inferiori in locum altum, & infra locum inferiorem non potest descendere ad efficiendum siphonem æqualem altitudini, ad quam educenda est aqua; quod tamen necessarium esset, si per unicum siphonem descendere deberet aqua, prout diximus loco citato. Præsenti autem artificio suppletur descensus siphonis. Sic ergo se habet artificium.

Fiant quotlibet vasa A, B, C, D, aquis recipiendis ac retinendis apta, disposita horizontaliter, suisque instructa siphonibus, & epistomijs ba, ca, da. Fiant deinde alia totidem vas a, uno minus, E, F, G, disposita verticaliter eo modo, quo figura apposita ostendit, & æqualis capacitatis cum vasis B, C, D. Nectantur superiora cum inferioribus vasis, siphonibus AE, HI, KF, LM, NG, OP. Siphonibus AE, KF, NG æquales debent esse siphones ba, ca, da inferiorum vasorum, (quamvis id in Figura non exprimatur) hoc est, siphon ba, siphoni AE, & siphon ca, siphoni KF, & siphon da, siphoni NG. Impletantur vas a inferiora aquis ex perenni fluvio aliavè aquâ præterfluente, per canales & epistomia x; quæ aqua, dum plena fuerint vas a, divertatur alio è vasis B, C, D, nè amplius in illa influere possit, néve semper maneant plena; vas autem A sit semper plenum; superiora verò vas a E, F, G sint vacua. His ita dispositis, aperiatur epistomium siphonis Ba, & effluente ex vase B aquâ, sequetur per siphonem HI, aër vase E; in quo nè detur vacuum, sequetur ex vase A, per siphonem

A E, aqua vasis A. Repleto igitur vase E, (cujus signum est, si effluxerit tota aqua vasis B æqualis capacitatis cum vase E) aperiatur siphon vasis C, & effluente ex ipso aquâ, sequetur per siphonem LM, ex vase F, aer ejusdem vasis F; Ex vase verò E sequetur aqua per siphonem KF. Repleto vase F, aperiatur siphon vasis D, & trahetur ex vase G aer per siphonem OP; ex vase verò F trahetur aqua per siphonem NG. Eodem modo procedes ulterius, si plura adsint vas. Tandem ex supremo vase derivari potest aqua, per epistomium R, in quos volueris vius.

MACHINA VIII.

Navis Horologa.

ORONTIUS FINÆUS, celebris olim apud Gallos mathematicus, excogitavit, construxit, & Christianissimo Galliarum Regi obtulit sequentem Machinam.


Vide Iconis III. longiorum, qualem appositum repræsentat schema, altitudinis circiter tricubitalis; intra quam collocavit vas plumbeum D, aquâ mundissimâ repletum, singula eiusdem turricellæ tangentis latera. Ad verticem autem seu infra tectum coaptavit axem AB, super polis A & B cylindrum seu tympanum E circumferentem, unâ cum horarum indice, per polum A, tangentem centrum Äquatoris seu circuli horarij, in duodecim partes æquales forinsecus distributi, quæ duodecima æqualium horarum intervalla repræsentabant, prominente. Construxit insuper navim cupream deauratam MN, ab aqua facile sustentatam: per cuius malum FG intus cavum disposuerat canalem incurvatum seu siphonem inflexum HFI, tali artificio, ut crux internum HB naviculum penetrans, & extra eius fundum prominens, aquam ipsam aliquantulum subingrederetur, externum verò & longius crux FI extra malum GF, & extra vas D à latere prominerebat. Sumpsit deinde funiculum, quem circum-

Fig. IX.
*Navis ho-
rologa.*

liga-

Fig.

xi.



ligavit cylindro E; & uni eius termino alligavit mali verticem F, alteri verò iusti perpendiculi pondus K. Tandem foraminis magnitudinem ita temperavit ac justificavit, ut horæ unius spatio tantum efflueret ex siphone aquæ in vas L subiectum, quantum sufficiebat ut nave subsidente, & cylindro perfunem convoluto, index horarius per unum horariorum intervallum promoveretur. His præparatis, vas D replebatur aquâ, & superimpositâ naviculum appenso perpendiculo, constitutoque indice super horæ datæ termino, exsugebatur per foramen I siphonis aer, statimque lequebatur per crus alterum H.F aqua vasis D, propter vacui metum; tamdiuque aquæ fluxus continuabatur, donec tota aqua vasis D effluxisset, subsidente interim navi M N, & trahente F E; quo tracto vertebar & cylinder E, & index horarius funè, horisque singulis unū transgrediebatur horariū in circulo notatum intervallum, propter aquæ fluxum ex crure F I æqualem, cùm altrum crus E H semper cùm navi descenderet, & æquè profundè semper aquis esset immersum, juxta dicta Protheoria 1 v. cap. 2. Proposit. 10.

ANNOTATIO.

Facilis est non minus quam ingeniosa hæc Machina, & si singula partes exactè elaborentur, infallibilem consequetur effectum. Ornatus gratiâ addere poteris quod volueris, modo nè substantia alteretur. *Alud Horologium Hydraulicum invenies apud Robertum à Fluctibus Tract. 2. Microcosmi parte 8. lib. 3.*

MACHINA IX.

Siphon inversus horologus.

SUprà Protheoria 4. cap. 2. Proposit. 10. docuimus Modum efficiendi, ut fluxus aquæ ex siphone inverso sit semper æqua- Vide Ico- lis. Repetatur igitur constructio ac diagramma prædictæ Pro- positionis; in quo si vas A B O D aquâ repleatur, & ex osculo K Fig. X. aëre extrahatur, observeturque quantum horæ spatio effluat a- *Siphon horologus.* quæ

quæ ex crure externo LK, quantumque deficiat aqua in vase, atque in eius latere AO æqualia spatia notentur; habebitur horologium hydraulicum.

MACHINA X.

Bina vasa, quorum uni si aqua infundatur, alterum reddit vinum.

Sequentem Machinam habet Ioannes Baptista Porta lib. 3. Spiritual. cap. 5. & Ioannes Branca Figurâ penultimâ totius Operis sui; potestque exhiberi in convivantium cænaculo. Sic autem construitur.

Vide Iconismi IV.
Fig. XI.
Vasa pro
aqua vinū
reddentia.

In duobus oppositis alicuius Cœnaculi aut conclavis parietibus collocentur duo vasa vacua AB, & KF. Ex vase AB ad vas FK deducatur canalis NMLK, qui intra parietes & supra clavis tectum ita abscondatur, ut à convivis videri non possit; sitque utriusque vasi optimè adferruminatus apud N & K, ubi dicta vasa penetret. Infra conclavis pavimentum collocetur dolium EF vino plenum; intra quod ex vasis deriventur canales BDE, & HGF; qui similiter ita abscondantur, ut videri non possint; & sint adferruminati tam vasi, quam dolio. Canalis BDE habeat epistomium C; & alterum epistomiū F habeat vas KF.

His constructis, repleatur vas AB aqua per os & collum A, & obturetur diligentissimè, nè aërem recipere aut efflare per dictum os possit. Obturetur similiter vas KF. Deinde aperiatur epistomium C; & aqua vasis AB descendet per canalem BDE ad dolium usque; in locum verò aquæ ex vase AB effluentis succedit aëris vasis KF, per canalem MNLK, nè vacuum detur in vase AB: in locum verò aëris ex vase KF elapsi, ascendet vinum ex dolio per canalem FGH; vino denique ex dolio extracto succedit aqua. Ascendet autem vinum partim tractum ad impedendum vacuum, partim impulsum ab aqua dolio superveniente. Si jam aperiatur epistomium F, effluet vinum ex vase KF antea vacuo, stupentibus Convivantibus.

ANNO-

ANNOTATIO I.

UT vinum ex vase K f per epistomium f effluere possit, necesse est, ut dictum vas aerem alicubi recipiat: quare aut os P eiusdem vasis, aut os A vasis alterius aperiendum est. Depleto vino per epistomium f, reiterari potest eadem operatio. Procurandum etiam est, ut perpendicular BD non sit brevius perpendiculari GH; ideoque aut vas K f demissori loco collocandum est, quam vas AB; aut canalis GH decurrandus est in f.

ANNOTATIO II.

POTEST tubus BDC descendere usque ad R, ibique aperiri, absque ad quod in dolium derivetur. Si enim ex R effluat aqua, sequetur idem effectus.

CAPVT SECUNDVM.

De Machinis quæ fiunt vi expulsiva.

PRINCIPIUM harum Machinarum appellamus Machinæ
quæ fiunt
vi Expul-
siva. nunc vim Expulsivam, nunc vim Compressivam: expulsio enim ob corporum impentrabilitatem, non fit sine compressione; nec compressio, in hisce Machinis, sine expulsione, saltem ut plurimum. Præter Machinas verò sequentes, pertinent huc etiam Machinæ 7. 8. & 11. Classis 2. & Machinæ §. 3. 5. 7. & 9. Protheoriæ 2.

MACHINA I.

Fons Heronis in vasis immediatis.


Huamvis notissima sit, & passim obvia, Machina illa quam fontem Heronis appellant, ab Authore Herone Alexandrino, qui eam excogitasse creditur, passimque in suo de Spiritalibus libello ipsius artificium adhibet, præsertim cap. 36. in Satyri aquam ex utre fundentis constructione, & cap. 72. in lucernæ præparatione, quam suprà Parte I. Protheoriaz. §. 5. exhibuimus; visum tamen fuit eam hîc apponere, quoniam multarum, quæ deinceps sequentur, Machinarum constructio ex illius constructione dependet. Meminit hujus fontis P. Athanasius Kircherus lib. 10. de Lumine & Umbra, part. 2. cap. 7. Experim. 5. quo fontem igneum exhibere docet; ubi tamen deest schema fontis, Typographi incuria. Binos etiam in Museo suo exhibitidem Kircherus, è vitro affabré elaboratos. Similem habet Cardanus de subtilit. Daniel Schwenterus in Delicijs Physico-Mathem. part. 13. quæst. 13. Salomon à Caus, Ioannes Baptista Porta, & alij pas. sim. Sic autem construitur.

Vide Iconisni V.
Fig. I.



Fons Heronis.

Fiat vas oblongum G C F L, cuiuscunq; figuræ, diaphragmate seu septo i F E in duo receptacula seu vasa, sibi mutuo immediata divisum, G C superius, & F L inferius. Vas superius habeat labrum D B instar pelvis cocavum, cum foramine K: inferius E L habeat epistomium seu claviculam volubilem H, ad deplendam aquam è superiore in inferius delapsam. Fiat deinde tubulus seu fistula A B C, quæ transeat per labrum, pertingatque ferè usque ad diaphragma ubi c, quod tamen non debet attingere; superius verò extra labrum, desinat in canaliculum & osculum strictissimum A. Fiat præterea fistula D E, cuius supremum os D situm sit in superficie exteriori labri B D, infimum verò desinat aut paulò infra septum seu diaphragma perforatum, ubi E, aut paulò supra fundum ubi L. Fiat de-

nique



Iconismus V. pag: 193.



nique fistula G F, quæ penetret septum, at ne labrum, nec fundum tangat; sed supremum os G desinat paulò infra labrum ubi G, infimum paulò infra septum ubi F.

His ita constructis, impleatur vas G C aquâ, aliovè liquore, per oramen K in labro factum, & diligenter obturetur, nè aér egredi, aut ingredi possit. Deinde impleatur etiam labrum; & aqua per osculum D canalis D E descendet in vas vacuum F L, ibiq; presulum aërem expellet per fistulam F G, in vas G C; ubi premet aquam, eamque magno impetu ejicit per fistulam C B A; quæ tamen relabetur in labrum B D, insinuabitque se se per fistulam D E, in vas inferius F L durabitque hic aquæ saltus, quam diu in labro B D, & in vase G C erit aqua, aut donec impleatur vas inferius F L. Quo repleto, si depleatur per epistomium H, & iterum repleatur vas G C; restaurabitur fons.

ANNOTATIO I.

N hoc fonte (quem Heronis fontem in vasis immediatis appellare placuit, ad differentiam alterius in vasis mediatis constructi, de quo paulò post) salit in altum aqua vi Expulsiva seu compressiva, quam aërem aqua, & hanc vicissim aér comprimit. & sibi mutuò locum cedunt, uti ex dictis patet. Quare machina non est purè hydraulica, sed hydro-pneumatica, id est, aquæ & aëris ope animata. Binas huiusmodi machinas, ut dixi, exhibemus in Museo nostro, è vitro elaboratas, ipsi setiam tubulis è vitro confectis. Aliam grandiusculam è vitro, & apprimè concinnam, spectare memini hic apud quendam rerum huiusmodi valde studiosum; sed cum concha aquæ ponderi sustinendo diutius impar esset, crepuit me inspectante, non sine Artificis indignatione; quod ad Mechanicorum cautelam dictum velim.

ANNOTATIO II.

Fistula D L, à D usque ad E, non debet esse brevior quam fistula C A, ut perpendicularum aquæ cadentis per D L, à D usque ad su- Fons Her- perficiem aquæ vasis F L, sit semper maius, aut saltem aquale perpen- tonis alti- diculo aquæ salientis per C A. Vnde consultum fuerit, ut dicta fistula cur aquam us eiacula- C A non multum emineat extra operculum B D. Tanto etiam altius in princi- B b saliet pio. quam postea.

saliet aqua ex A, quanto osculum A fuerit strictius. Et quoniam in principio semper longius est perpendiculum aquæ D L, à D, usque ad aqua subiecta supremam superficiem, quam post principium; ideo semper minus ac minus altè exsilit aqua ex A. Præstat etiam ut inferius receptaculum F L sit capacius quam superius G C. Defectu perpendiculi aquæ cadentis, defectuosa est lucerne Heronis c. 72. supra nominato constructio, saltem prout interpres Heronis ipsam explicant, ut dixi Protheoria 2. §. 5.

Quod dixi hic de perpendiculo aquæ cadentis, & ascendentis, diligenter notandum est in omnibus similibus Machinis: quod tamen à paucis fuit observatum. Vide Protheor. 2. §. 4. Quod attinet ad fistulam F G, nil refert, quam sit longa, aut larga, in hac, & similibus Machinis. Hic tamen infra operculum concavum apud G desinere debet, nè si brevior fiat, parum aquæ capiat vas G C, ejicienda per CA fistulam.

ANNOTATIO III.

Fonticulus similis fonti Heronis.

Vide Ico- **S**imile artificium simplicius exhiberi potest hac ratione. Fiat vas in-
nis. v. Fi- star campanæ ABCD, habens fundum CD, & in fundo parvum
gur. II. foramen. E. Huic vasi imponatur, & optimè adglutinetur aliud vas
Fonticulus cylindricum ABFG, superioris habens operculum, & in operculo foramen
similis He- cum infundibulo N. Intracylindricum hoc vas siant duo tubuli. Pri-
sonis fon- mus sit IK, qui penetret paululum campanæ dorsum AB apud I, &
dit: superius apud K distet paululum ab operculo vasis cylindrici. Alter sit
LM, qui transeat operculum, & modicè supra ipsum excedat, desinat-
que in osculum strictissimum apud M: inferius autem apud L distet
parum à dorso campanæ. His factis reple vasculum FGAB, aquâ, &
diligenter obtura: deinde impone campanam vasi alicuius quam pleno;
& ingrediens aqua per foramen E pellet aerem per tubulum IK; aëris
verò premet aquam vasculi FGAB, & per tubulum LM expellet in al-
tum vi expulsiva ob corporum inpenetrabilitatem, nullo etiam presente
perpendiculo aquæ cadentis, ut in priori Machina.

AN-

ANNOTATIO IV.

Potest vas superius GC, prioris figuræ repleti sine foramine K. & Fons H-
inferius FH, depleri sine epistemo H, tali pacto. Tubulus DE tonis quo-
producatur, ut dixi, usque ad L, ita tamen, ut fundum vasis non at- modo im-
tingat, sed tantum ab ipso distet, quantum aquæ effluxui sufficit. De- pleatur.
inde per os D, fistulae DL, impleatur vas FH. Replebitur autem,
quoniam quantum aquæ per fistulam DL ingredietur, tantum aëris
egreditur per fistulam FG in vas GC, indeque erumpet per fistulam
CA. Impleto vase FH, invertit totam Machinam, & aqua vasis
predicti insinuabit se per fistulam FG, in vas GC. Insinuabit au-
tem se in dictum vas, quoniam aëris per fistulam CA elabetur ut antea.
Vas etiam FH evacuabitur, quia effluente per fistulam FG aquâ, sub-
stituetur per fistulam DL aëris. Impleto jam vase GC, & evacuato
vase FH, restituatur Machina in suum pristinum, & labrum
BD repleatur aquâ; quæ per fistulam DL se in sinuans intra vas
FH, inde expellet aërem per fistulam FG, aëris vero premet aquam va-
sis GC, & violenter per fistulam CA expellet, atque in altum pro-
ciet, tanto maiori vi, quanto vehementior erit compressio.

MACHINA II.

Clepsydra Heroniana.

Clepsydram Heronianam appellamus sequentem Machinam,
quoniam ad clepsydræ formam, & fontis Heronis jam de-
scripti artificium, est effigiata: nihilque aliud est, quam dupli-
catus Heronis fons, ut ex fabrica patebit. Describit ipsam P.
Kircherus lib. 3. Artis Magnet. part. 2. cap. 3. Experim. 1. & ex ipso
clarissimus Vir Georgius Philippus Hartstorferus Patritius No-
rimbergensis in suis Delicijs Philosophicis & Mathematicis,
tom. 2. part. 8. quæst. 23. Est autem nihil aliud, ut dixi, quam
duo fontes Heronis hactenus descripti, fundis suis inter se co-
agmentati, ut patebit. Sic autem construitur.

Fiant duo vasa ex quavis materia aquæ resistente, v x,

Vide Ico- & ST, eā formā, quā fieri solent vitrea vascula arenarium horo-
nisi v. logiorum; quae diaphragmate seu intersepto YZ dirimantur,
Fig. III. non secus ac in dictis fit arenalibus. Habeat autem utrumque
vas fundum CA, PM paulò cavum forinsecus, ut prosilientem
Clepsydra
Heroniana. aquam velut in pelvi excipere possit; & in utroque relinquatur
foramen parvum A & M. Utrumque vas instrues suis siphoni-
bus seu canalibus hoc pacto. Canalem CF, in loco c su-
premat partis vasis vx ferruminatum, per diaphragma YZ
usque in fundum F diduces, ita tamen, ut fundum non attingat.
Deinde alium canaelem NG, per idem diaphragma YZ in G us-
que duces, qui similiter fundum CA non tangat, & clavicula-
b per diaphragma adacta claudi possit, atque aperiri. Terti-
um denique canalem ex D, per operculum seu fundum CA,
cui in loco transitus adferruminetur, diduces, qui intra in D dia-
phragmanon attingat, suprà vero in osculum minutissimum de-
finat; & habebis primam partem clepsydræ paratam. Porro
alteram partem Machinæ, vas videlicet ST, ijsdem omnino
siphonibus (quisunt PX, HT, GN) quibus vas vx instruxi-
sti, eodem ordine, numero, situ adornabis, ut in figura appa-
ret; quorum HT claviculam E habeat per diaphragma ada-
ctam.

Construetam hac ratione clepsydram replebis aquâ, alio-
vè liquore, tali pacto. Concavo fundo CA infunde aquam;
quae per canalem CF defluet in vas inferius ST, donec re-
plete sit totum, effluatque per canalem NM. Quo facto
verte clepsydram, ita ut vas ST aquâ plenum obtineat supe-
riorem locum; defluetque aqua in vas vx per canalem NG,
apertâ claviculâ B diaphragmati insertâ.

Vase itaque vx aquâ repleto, obtura diligenter foramen
P, & osculum M, canalium XP, & NM, & clauso tubo HT
claviculâ E, verte iterum clepsydram, ut vas vx obtineat
superiorem locum; & apertâ claviculâ B affunde aquam pel-
vi CA: insinabit illa sese per canalem CF in vas ST, aë-
temque ibi detentum fugabit per canalem NG apertum, in
vas

vas vx: Verum propulsus aer aquam in vase vx detentam tandem ex Naturae necessitate, ne corporum detur penetratio, per canalem D in altum propellet; quae in labrum sive pelvim C A recidens, in inferius vas st per canalem C F revertetur. Durabit autem saltus aquae, quamdiu vas vx aquam continuerit. Quare si tantum aquae a principio infuderis, quantum horarij spatij fluxui sufficere experientia deprehenderis; aquae evibratio horam quoque durabit. Cessante fluxu aquae vas is vx, atque liquore per canalem C F in vas st recepto, claudet os c, & oculum canalis D, claviculamque B canalis NG; verte clepsydram, ita ut vas st superiorem partem occupet, apertaque claviculari E, infunde pelvi seu labro PM aquam: & ea, ut prius, per canalem PX in vas vx vacuum recepta, aerem ibi detentum per canalem ZK in vas st fugabit; aer cum aqua in vase contenta incompossibilis, liquorem per siphonem NM expellet; qui recidens in labrum PM, per canalem PX denuo in pristinum vas vx relabetur. Fluxu itaque peracto, si clavis foraminibus, ut prius egeris, inversa clepsydra horam incipiet saliendo metiri; durabitque haec vicissitudine perpetuo, si perpetuo clepsydra post aquae effluxum vertatur.

ANNOTATIO.

SI dictas conditiones servaveris omnes, infallibiliter effectus sequitur: si vel unam omiseris, frustra eum sperabis. Principium porro hujus Machinae idem est ac praecedentis, vis scilicet compressiva aeris & aquae. Plura huc spectantia invenies in Protheorijs. Circa canarium longitudinem, & inter se proportionem, servanda sunt quae diximus Machina praeced. Annot. II. & in Protheoria 2. §. 4. & 5. Potest haec Machina mensarum delicijs adhiberi inter convivandum.

MACHINA III.

Fons Heronis in Vasis mediatis: item scyphus
diversos ejiciens liquores.

Heronis fons, quem suprad Machinâ primâ descripsimus, duobus constat vasibz sibi mutuò immediatis. Idem melioris

ri successu construi potest in vasis mediatis, & à se invicem per interiectas columnulas discriminatis, tali pacto.


Vide Icones nissimi v. I.
Fig. iv. Fiant ex cupro, stanno, argento, aliavè materia solida, duo vasa affabré elaborata FAH, & GLK, vnâ, duabus, pluribus vè columnulis innixa, & inter se distincta; sitque inferius paulò majus & altius quam superius. Operculum A o vasis FAH, sit aliquantulum concavum in parte exteriore instar conchulae, aut pelvis. Ex vase FAH, per operculum & fundum deducatur canalis AE utrumque apertus, qui operculum inferioris vasis penetrans pertingat ferè usque ad fundum ejusdem, tantumque ab eo distet, ut aqua commodè effluere possit. Ex vase GLK, per ejus operculum deducatur alias canalis DC, per fundum vasis FAH, qui desinat paulò infra ejus operculum apud c, nec ipsum attingat. Præstat autem ut hic canalis sit paulò laxior atque capacior quam prior AE, quoniam vasa posuimus inæqualia: quod si æqualia fuerint vasa, ut in I. Machina, uterque canalis poterit esse æqualis capacitatis. In medio vasis superioris fiat canaliculus BM, qui incipiat paulò supra fundum FH, & transeat per operculum A o, habeatque orificium minutissimum M.


His factis, per os A imple vas KG aquâ, non tamen penitus, sed quantæ circiter capax est vas superior FAH. Deinde inverte Machinam, ut aqua vasis GK per os D defluat in vas FAH. Tandem verte iterum Machinam, & operculo concavo A o infunde scyphum aquæ; quæ per A influens, & per E effluens in vas GK, premetaërem ibi detentum, eumque per canalem DC expellet in vas FAH, ibique pressam aquam ejicit per fistulam BM. Itaque principium motivum hujus Machinæ idem est cum præcedentibus in I. & II. Machina. Potest vas FAH impleri etiam per foramen o in pelu A o factum, quod deinde diligenter obturari debet.

ANNOTATIO I.

Meliorum successum habet hac Machina, quam superior, quia propter tubum AE longiore, & aquæ lapsum velociorem, velle mentius

Iconismus VI. pag: 199.





mentius premitur aër vasis inferioris, & consequenter aqua vasis superioris; unde altius saliet ex fistula BM: nam eò altius aqua ascendet vi aëris prementis, quò profundius descenderit illa, quæ premit; intellige supra aquæ planum. Hinc patet, altius ferri aquam initio, quam in medio, aut in fine temporis quo durat saltus aquæ per fistulam BM; quia aqua quæ premit initio, profundius descendit, nempe ab A in E; quæ autem premit circa finem, descendit solum usque in L, aut minus, uti notavimus etiam Machina I. Annot. II.

ANNOTATIO II.

Vide Ico-

Fons hactenus constructus, non nisi in loco humili delapsam ab al- nismi v. tiori & modico vase lympham exilire patitur in altum. Quod Fig. v. si arrideat tibi, ut in summo domus solaris, aut conclavi eam, quam ibi ample vase conclusam habes, aquam spectes salientem, efficies id hoc modo. Vas in fontis aut montis formam elaboratum, colloca in Fons Hera- loco aliquo superioris solarij, aut conclavis, ubi pavimentum aut per- alto. foratum est, aut facile perforari potest; sitque vas FAH, habens cra- terem AO recipiende aquæ accommodatum. Huic vasi insere tu- bum ejaculatorum BM, propè ad imum usque fundum pertingen- tem, habentemque ad M orificium angustum. Deinde alium cana- lem CD propè à supremo vasis operculo intrinsecus demitte per va- sis fundum, & per conclavis pavimentum, usque in inferiorem sub- jectum locum; ubi inseretur supremo operculo alterius cuiuspiam æquè capacis vasis GK. Tandem alium canalem AE deduc ex inferiore vase per pavimentum, fundumque superioris vasis, usque ad exti- mam Crateris superficiem. His ita ritè constructis, per foramen ali- quod in cratere factum imple superius vas FAH; & obturato bene foramine infunde aquam in craterem AO; quæ ut ante per canalem AE delapsa in vas inferius, expellet aërem per canalem DG; qui re- ceptus in vas superiorius, nec exitum inveniens, coget aquam profilire in altum per canalem BM; quæ cum recidat in craterem, defluet in imum vas, durabitque fontis ejaculatio, quam diu durabit aqua va- sis superioris. Fontem hic diversi ex nostra directione construi cu- raverunt.


ANNO-



ANNOTATIO III.

Scyphus diversos ejiciens liquores.

Vide Ico-
nismi VI. **E**x structura trium precedentium Machinarum colligitur, quaratio-
ne construi possit Machinula quedam portatilis, quæ primò aërem,
Fig. VI. deinde duos diversos liquores successivè ejaculetur. Fiant ergo tria
vascula seu receptacula, AB, CD, EF, ita disposita, ut scyphum re-
presentent, prout in apposita figura apparet. Vasculum AB sit supe-
Scyphus He-
ronianus. riùs apertum instar scyphi, reliqua duo sint undique clausa. A fundo
vasculi AB, usque ad fundum vasculi EF, derivetur tubulus IK,
utrimque apertus, qui vasculi EF fundum non attingat, & supra
fundum vasculi AB paululum emineat. Tubulus LM, utrimque
similiter apertus, incipiat paulo infra fundum vasculi AB, & desi-
nat paulo post ingressum intra vasculum EF. Tubulus denique GH,
utrimque etiam apertus, incipiat paululum supra fundum vasculi CD,
& superius ubi H, definat in osculum strictissimum. His ita di-
positis, impletatur vasculum AB quovis liquore; v. g. aquâ; que
per tubulum IK paulatim delabetur intra vasculum EF, indeque
expellet aërem per tubulum ML intra vasculum CD, indeque erum-
pet per tubulum GH cum sibilo. Postquam tota aqua vasculi AB
descenderit intra vasculum EF, inverte totam Machinulam; & aqua
vasculi EF defluet per tubulum ML, intra vasculum CD. Quo
facto, iterum inverte Machinulam, & reple vasculum AB alio li-
quore, v. g. vino; quod per tubulum IK delabetur intra vasculum
EF, indeque expellet aërem per tubulum ML intra vasculum CD,
ubi aér premet aquam inclusam, & per tubulum GH ejiciet. Hoc
etiam facto, iterum inverte Machinulam; & vinum vasculi EF de-
fluet intra vasculum CD. Quod ubi factum fuerit, restitue Machi-
nulam in situum suum naturalem, & imple vasculum AB alio liquore,
v. g. lacte; quod delapsum per tubulum IK expellet aërem è vasculo
EF, & vinum è vasculo CD, ut antea dictum fuit. Similia eve-
nient, quoties alio liquore repleveris vascula modo dicto. Hunc
scyphum nonnemo hic nuper construxit ex nostra instructione, cum
applausu.

MA-





MACHINA IV.

Fons Novus Polysiphonius.

Quos hactenus dedimus Fontes, non nisi ex quo tempore subministrare possunt aquas; ni forte amplissima adhibeantur vas: quem nunc proferimus, longissimo tempore ab initio acceptum vas non admodum amplis reddet liquorem, ob fistularum seu siphonum artificiosam multiplicationem; qua de causa & polysiphonum appellare placuit fontem, Proponam nondum ac rude artificium, ingeniosus Lector ornatum addet, & si quid deerit, supplebit.

Fiat itaque vas politum, in praesentem, aut similem me-
liorem figuram elaboratum, distinctum per diaphragmata in nismi VII.
quotquot volueris receptacula 1, 2, 3, 4, habens binos in sum- Fig. VII.
mitate crateres AA, BB. A concava superficie crateris BB dedu-
cantur per omnia vasis diaphragmata usque ad infimum recepta- Fons Poly-
colum, bini siphones BC, utrumque aperti. Reliqui siphones
DE, FG, HI, KL, disponantur prout figura monstrat; eritque
fons polysyrinx constructus.

Vtus hic est. Imple crateres aquâ; quæ descendet per fistulas BC in imum receptaculum, ibique detentum aërem ex-
pellet per fistulam DE in secundum receptaculum; mox ve-
rò ubi orificio D opertum fuerit aquâ, premetur residuus
aër à subsequente crateris aqua, pressisque vrgebit aquam per
eandem fistulam DE in secundum receptaculum; vbi primò
aër, deinde aqua pressa ascendet per fistulam FG in tertium
receptaculum; ex hoc tam aër, quam aqua per fistulam HI in
quartum; & ex hoc tandem aqua per fistulam KL ascendet
summo impetu, relabeturque in crateres, & ex crateribus per
fistulas BC in primum seu infimum receptaculum, indeque
ascendet in secundum, tertium, & quartum, cyclicâ, & ad
longum tempus continuatâ itatione. Haud absimilem huic
fontem vidi hîc apud Medicum quendam eximum Hydro-
technitem, qui jucundissimum præstebat effectum.

ANNOTATIO I.

Dico cyclicā, & ad longum tempus continuatā itatione: non enim perpetua erit, ut aliquis persuadere sibi posset; quia cùm plus aquæ descendere debeat per siphones BC, quam ascendere possit per siphonem DE in secundum receptaculum, implebitur vel penitus infimum receptaculum, vel constipatus aër prohibebit ulteriore descensum aquæ. Si dictum infimum receptaculum evacuetur per epistomium M, recurret eadem difficultas in secundo, ac deinde in tertio, & quarto receptaculo; quæ propterea per propria epistomia evacuari subinde debent.

ANNOTATIO II.

Vasis pars infima seu prima capacior & altior esse debet quam secunda, & haec capacior & altior quam tertia, reliquaque inferiores superioribus, quoniam citius atque diutius aquæ fluxum sustinere debent inferiores quam superiores partes seu receptacula. Item longiores debent esse canales BC, quam tubulus KL; qui tubulus KL, quo brevior erit, eo altius exsiliat aqua: quare omitti posset erater AA, non enim necessitatibus, sed ornatui servit. Potest præterea receptaculum 4. dirimi ac separari à receptaculo 3. columnis interpositis, prout factum vides in præcedenti Machina, ubi superius vas separatum est ab inferiori: sic enim fiet ut perpendiculum aquæ carentis per tubos BC, multò sit longius, quam perpendiculum aquæ ascendentis per tubulum KL. Notandum etiam hoc est, saltum aquæ ex tubulo KL, non durare diutius quam lapsum aquæ per tubulos BC in infimum vas; quare hoc vas oppidò capax esse debet; vel evacuari debet interim per diabetem, aut per siphonem recurvum mn. Posunt præterea singula receptacula habere sua foramina per quæ impletantur, & epistomia, per quæ depleteantur, ut sic citius fontis saltus exhibeat, & diutius perseveret. Fontis principium est vis compressiva, seu expulsiva, idem nimirum quod præcedentium proximè.

MACHINA V.

Fons perennis, alto in loco aquam è puteo profundu subministrans.

NOtissimum est artificium, quo è puteis aut cisternis aqua in altum educitur antliâ manibus agitatâ. Sed puteus tunc solum tamdiu subministrat aquam, quamdiu manu concitatur antlia. Hic damus Machinam, quâ antliarum ope educatur è puteo aqua in locum altum perenniter, ita ut fontem perpetuò fluentem efformet. Machinam describit aliâ occasione P. Kircherus lib. 2. Artis Magnet. part. 4. cap. 1. Prælusione 2. Probl. 5. & iterum lib. 3. part. 2. cap. 3. Experim. 2. Si quid obscurius fuerit, intelligetur melius ex Machina sequenti.

Fiat ventilabrum AB extra tectum eminens, ut flante vento circumagi possit; vel etiam intra tectum in conclavi quodam, modo in horologijs aut verubus visitato, vt rotarum artificio possit gyrari. Hasta autem ventilabri tympano dentato DC instructa, vertat rotam dentatam EHF; manubrium verò tortum GH alligatum sit ferreæ cuidam virgæ QF, mediante ferro I; huic verò ferreæ virgæ in P, anneclatur hasta PFH, cui embolus seu cylindrulus alligatus in K disponatur intra modiolum inversum, in fundo habentem platismatum; hoc est, antlia (de qua sequenti Machina) præparetur in ipso puteo, aquis per siphonem LNM in vas MO fundendis apta; eritque instrumentum præparatum. Flante igitur vento, aut rotis circumactis, ventilabrum AB circumgyratum, tympano suo dentato, rotam alteram EHF dentatam, cui inneditur, circumagat; hac circumactâ, manubrium tortum GH, ferream virgulam FQ, cui alligatum est per I, nunc deprimet, nunc attollet; ferrea verò virgula depressione & elevatione sua pistillum seu trusillum PFHK sibi alligatum similiter nunc deprimet, nunc attollet; fietque ut embolus K elevatus aquam in antliam attrahat, depressus verò attractam per assarium &

siphonem L N M denuò violenter in vas M O expellat, idque perpetuò, quàmdui nimirum ventus flat, aut rotarum artificium movetur. Si igitur è latere vasis M O promineat canalis in concham subjectam, subministrabit is perpetuò aquam fontis instar. Quòd si nolis effluere aquam è vase M O, sed velis eam asservare domesticis usibus; ordina siphonem IX, per quem superflua aqua exonerare se possit. Fit autem motus aquæ per hanc Machinam vi compressiva seu dispulsiva, ut melius patebit ex sequenti Machina; vbi etiam dicetur, quid sit assarium, seu platismatum, seu vt nostrates appellant, ventile.

ANNOTATIO I.


Potest aqua ex puteo, aut lacu elevari in vas M O etiam per folles, tali ratione. Supra puteum, aut lacum, aut fluvium etiam, fiat follis A B, è cuius fundo ducatur siphon seu canalis C in ipsam usque putealem, aut fluvialem aquam; supra os verò canalis C intra follem sit platismatum seu assarium, quod intus aperiri atque claudi possit. E latere follis educatur siphon D L N M, usque in ipsum vas M O; qui quidem siphon habeat suum platismatum in D, quod versus follem intra siphonem aperiri claudique possit. Tandem hasta A Q alligetur folli in A, & ferrea regula Q F in Q. His factis, aperietur & claudetur follis voluntatè rotâ cum manubrio suo curvo; & apertus quidem attrahet aquam per canalem C, clausus verò expellet ipsam in vas per canalem D L N M; prius quidem, ratione vacui; posterius, ratione compressionis.


ANNOTATIO II.

Rota E H F potest etiam verti à præterlabente fluvio, si apponantur aliae rotae, prout sit in molendinis, alijsque similibus Machinis.

ANNOTATIO III.

Si una antlia non sufficiat ad subministrandas vasi M O aquas è puteo, aut fluvio extractas, fieri possunt duas, quarum una dum eleva-





elevatur, altera deprimatur. Modum industrio Artifici excogitandum relinquo, poteritque esse similis illi, quem infra in organo hydraulico adducam Classe 3. Machina 1. Pragmat. 4. & 5.

M A C H I N A VI.

Antlia, seu Ctesibia Machina.

Quid sit antlia (quam Itali vocant Trombam, Germani & Galli Pompam,) & quomodo construatur, passim constat. Quia tamen non omnes fortè eius cognitionem habent, aut neſciunt modum construendi, illum paucis docendum duxi; præsertim cùm in sequentibus Machinis ſæpè uſus ipsius interveniat, & in præcedenti etiam requiratur, ut vidimus.

Intra aquam igitur, ubi præparanda est antlia, fiat ex ligno durissimo, aut ære, modiolus AB, benè intus lævigatus; nis. VIII. in cuius fundo fit foramen, & ſupra foramen fit affarium Fig. IX. ſeu platismatum F (Itali vocant Animellam, aut Cartellam, alij ventile) quod intra modiolum elevari ac deprimi, & conſequenter foramen occludere & recludere poſſit. E latere modioli, ubi L, fiat aliud foramen, ē quo educatur ſiphon ſeu canalis plumbeus (alteriusve materiæ) LM, uſque ad locum, vbi effundenda eſt aqua: intra canalem verò ubi L, ſeu ante ipsum foramen laterale modioli fiat aliud affarium, quod extra modiolum aperiri poſſit & claudi. Fiat deinde ſimiliter ex ligno, aut ære, embolus ſeu cylindrulus CD, qui fit optimè lævigatus, & exactiſſimè replete modiolum, ita tamen ut facile intra ipsum elevari ac deprimi poſſit. Embolo alligetur haſta GH, ut ſic haſta cum embolo referat piftillum ſeu truſillum. Haſtae accōmodetur manubrium HIK, mobile circa vertebram aut clavum I, & erit præparata antlia. Si enim apud K deprimatur, & apud H elevetur manubrium, & extrahatur ex modiolo embolus, elevabitur affarium F, & per foramen irrumpet aqua, nè vacuum detur intra modiolum. Si deprimatur apud H, & elevetur apud K manubrium, & embolus intrudatur intra modiolum, comprimetur aqua antea intus recepta,

& ex una parte claudetur assarium F, ex altera vero parte aperiatur assarium L, & magna violentia trudetur aqua intra canalem LM; recepta vero aqua, dum refluere nitetur, claudetur assarium L, donec repetita emboli agitatione aperiatur iterum, iterumque intrudatur aqua intra canalem, effluatque tandem ex M. Effluxus vero durabit tamdiu, quam diu agitabitur antlia. Vide Vitruvium lib. 10. cap. 12. & ibidem Danielem Barbarum, aliosque Commentatores, & Machinarum Scriptores, qui varijs alijs modis, facilioribus & simplicioribus, eandem Machinam describunt, & construunt; Nobis eâ ratione, quæ ad præced. Mach. requiritur, ante oculos illam posuisse, sufficiat. Vide præterea quæ scribimus infrà Classe 2. Machina VIII.

ANNOTATIO I.

Motus porro aquæ per hanc Machinam fit vi dispulsiva per aquæ compressionem; attractio vero aquæ intra modiolum fit vi attractiva ob vacui metum. Infra modiolum fieri potest cibrum ferreum, ne immundities aquarum ingrediatur per foramen, & Machinam reddat inutilem.

ANNOTATIO II.

Assarium seu Platismatum aliqui vocant corium, quia aptature eo ferè matum,
seu Animel ventum recipiendum & retinendum. Fieri potest varijs modis, prout Ar-
alia, seu ven-
tificibus placuerit. Universaliter tamen supra foramen, per quod aqua
transire debet, ut est in figura F, & L, affigi debet lamina quæ ele-
vari ac deprimi ex una parte possit, manente alterâ affixâ. Aliqui as-
sarium vocant ventile.

ANNOTATIO III.

Antlia in-
tra cannas arundineas aquam at-
tollens. **M**agna est vis huic Machinae ad educendas in altum aquas. Vidi ego hic Romæ antliam, cuius canalis erant cannae arundineæ sibi mutuo innexæ ad longitudinem 40. palmorum, & incredibili facilitate aquæ ex loco inferiori ad domus tectum educebantur. Potest porro antlia fieri alijs modis, ut dixi, prout de facto varij Artifices varie ipsam aptant; substantia tamen semper manet eadem. Solet

Solet etiam duplicari, triplicari, aut quadruplicari antlia, ut maiorem aquæ copiam suppeditare possit. Mersennus ait, hoc Organum vix 40. hexapedarum altitudinem superare posse, si solam impulsionem adhibeamus, licet aquæ cylindrus, cuius altitudo 40. hexapedarum, & basis pollex, non superet pondus librarum 7. cum dimidia. Potest etiam hoc instrumento attolli aqua solâ attractione; sed tunc ex Hydrogogorum observationibus, Galileo & Gassendo testibus, aqua non ascendet ultra 18. brachia, seu 32. pedes circiter. Cur vero in arundineis canalibus aqua multò altius assurgat, quam in plumbeis, huius Phænomeni hanc rationem damus, quod internodia arundinum, que angustioribus foraminibus constant, aquam, ne nimium premit, quodammodo sustineat, ac proinde facile à subsequenti inferius aqua moles leviuscula superposita in internodis aqua superari possit: quod in plumbeis, similibusque canalibus non contingit, in quibus moles à supremo usque ad infimum æqualiter semper premit.

Hactenus descripsimus antliam hydraulicam seu aquaticam pro aquis attrahendis; infra in Appendice Operis damus etiam antliam pneumaticam seu spiritalem ad extrahendum aërem. Alia antliarum genera dabimus in Magia Mechanica.

MACHINA VII.

Speculator Cornu inflans.

FAc speculam, eamque divide in duas partes, veluti duo vasæ, Vide Icon. vndique clausa, A B C D, & E F G H; atque à vasis inferioris operculo E H, usque ad alterius fundum B C, deriva siphonem H C, instructum epistomio versatili c. Fac præterea aliud siphonem K L, qui incipiat ab operculo vasis inferioris, & transeat per medium vasis superioris, perque corpus Speculatoris, pertingens usque ad os ipsius, ibidemque ad ferrum inetur cornu, aut tubæ ori speculatoris applicatae. Vas superiorius repleatur aquâ, & benè claudatur; vas vero inferior sit vacuum. Si jam aperias epistomium c, descendet aqua vasis superioris invas inferioris ibique premens aërem expellet ipsum per siphone K L, & cornu, tubam vè in sonum animabit.

ANNO.

ANNOTATIO.

Potest etiam loco speculatoris apponi Avicula, prout in simili machinula fecit P. Kircherus in suo Museo. Vis motiva Machina est compressio aëris. Ut porro artificium succedat in Machina majori, requiriatur major lapsus aquæ ad ventum excitandum, prout dicetur in Machina 7. Capitis sequentis, & infrà Classe 3. ubi agemus de Cameris Aeolijs.

MACHINA VIII.


*Fonticulus compressione aquam spargens in altum :
Baculus item viatorius Aquivomus, & Catellus
mingens.*

Vide Ico-
nis. VIII. Fig. XI.a. *Fons com-
pressione spargens aquam.* IN vase aliquo cupreo, aut stanneo, alteriusvè materiæ solidæ, fiat canalis A B, qui fundum non attingat, (aut si attingit, habeat ab utroque latere prope fundum duo foramina, per quæ aë & aqua ingredi atque egredi queant) & per operculum vasistransiens desinat in osculum A strictissimum, habeatque epistomium E. In eiusdem vasis operculo fiat foramen c, quod interius habeat platismatum ex corio, aut lamina aliqua, illi simile, quod intra folles sit. His factis impletatur ope Syringæ D F vas aquâ primùm usque ad medietatem circiter per foramen c; deinde ventoseu aëre, eâdem Syringâ violenter intermisso. Si jam aperiatur epistomium E, exsiliat vi maxima per canalem B A aqua. Animatur Machina vi compressivâ; aër enim compressus, & aquæ violenter incumbens, expellit ipsam, quod aliorum non potest, per fistulam B A.

ANNONTATIO I.

Aliter eundem fonticulum construere.

Vide Fig. XI.b. Ico-
nis. VIII. *E*vndem fonticulum aliter sic artificiose construes. Sphæram componere concavam ænam, stanneam, argenteamvè, C NBK, eamque trajice tubo ABC, cuius osculum A sit minutissimum, osculum vero



verò B parum distet à fundo, aut si fundum attingit, habeat prope B utrimque duo parva foramina. Sit autem tubi pars A E, quæ desinit in acumen, parti reliqua E B sic conjuncta (per helicem videlicet femininam & masculinam) ut afferri possit, atque reponi pro libitu. Pars quoque E B habeat claviculam versatilē G, quæ viam aquæ & aëri per tubum modo aperiatur, modo obstruat. Constructa hac ratione sphera, si eam onerare desideras aquâ & aëre, tolle tubulum A E, & aperto tubo E B per clavicula convolutionem immite syringæ D F ope aquam, donec ultrame- Syringæ dietatem impleatur sphera, v.g. usque ad guram vi- de in Ico- nismi VIII: Fig. XI, a.

KN. Quo facto, eadem syringa immitte violenter tantum aëris, quantum absque ruptionis periculo poteris, vertendo atque claudendo post singulas immisiones claviculam G. Si jam appositorum sum tubulo A E, versa claviculâ G, aperueris tubum E B, fiet ut aér K C N vehementer compressus atque condensatus summâ vi aquam per tubum B A ejaculetur in altum. Potest autem aquæ saltus sibi, clavicule convolutione, quoties libuerit. Potest hec Machinula adhiberi in convivijs, lavandis manibus, & oculis revereandis convivarum. Extat apud Schuventerum in Delicijs suis, & passim apud alios. Si manibus lavandis inservire debet; potest pars A E ita aptari, ut ad latus inclinari ad libitum queat: aut certè ad latera ipsius fieri deberent parva & crebra foramina. Epistomium quoque G rite muniatur, lino circumposito, si opus fuerit, ne aëri aut aquæ exitum per latera prebeat. Dum Syringâ intruditur aqua intra Machinam, magno impetu, & magna celeritate intrudatur; sic enim fortius comprimitur aér intra Machinam, & minus aquæ resilit per Syringam. Proderit etiam, si glans emboili syringa contegatur lino & corio vitulino, ut melius syringæ internam cavitatem implete, & aquam restire non permittat. Hunc fonsiculum apud me habeo.

ANNOTATIO II.

*Baculum viatorium Aquivomum fabricari.**Hie icon. typ. p. 230*

Vide Icon. typ. p. 230
*P*racedens Machina innumeris Machinis, seu ludicris, seu serijs fabricandis viam aperit, ut ifusè deducit Lipsiorius par. 3. Specim. Philos. Cartes: cap. 3. quas inter est ea quae sequitur: Fiat tubus æneus AB longitudine quatuor circiter pedum, cum claviculari seu epistomio C, & operculo DE, habente in capite osculum strictissimum. Hic tubus imponatur alteri tubo æneo FG laxiori, ita ut nec fundum, nec latera contingat; aut si contingit fundum, habeat tubus AB prope B utrumque duo aut plura foramina, prope F verò ita adglutinetur tubo FG, ut nec aquæ, nec aëri transitus inter utrumque pateat. Vterque tubus imponatur baculo viatorio HI intus cavo, qui operculo exempli HK claudi atque operiri pro libitu possit. His factis, habebis baculum viatorium Aquivomum præparatum; quem ita onerabis aqua. Exime è cavo baculo totum tuborum systema, & sublato operculo DE, apertaque claviculari C, immittit per osculum A magno impetu aquam oper syringe DF superius descriptæ, in Iconismo VIII inter Figuras XI. & post singulas immisiones claudit diligenter claviculari C. Aqua immissa comprimet aërem intratubum AB contentum, eumque fugabit per osculum aut foramina B intra tubum FG, ibidemque secuta rediget in intollerabiles angustias, cum nullum effugiendi locum habeat. Oneratis hac ratione tubis, claudit diligentissime epistomium C, & reponit operculum DE supra osculum A ita, ut nulla violentia avelli possit (quem in finem elaborari debet convexa tubi operculum ingreditur pars in helicem masculinam, concava vero operuli superficies in helicem fæmininam) totamque Machinam absconde intra cavum baculum, imposito operculo HK. Si jam Amicis spectaculum exhiberes, inter deambulandum refige occulte operculum HK, & directo versus vultum alicuius baculo aperi claviculari C; statimque summa vi erumpet aqua ex osculo operculi DE, quam sistere poteris pro libitu, iteumque emittere, apertâ & clausa claviculari predicta C, quodies & quādiu volueris; donec tota aqua eruperit. Nota hic, operculum HK posse esse planum, relicto solū foramine correspondente forami-

Classis I.

211

ramini operculi D E. Poterit præterea è latere baculi excavati relinqui foramen exiguum, respondens clavicula c, ut per ipsum immissum uncinulo aperiri possit & claudi dicta clavicula c.

ANNOTATIO III.

Ad eundem modum construi jubet Lipstorpius fictitium Casenum, ac Casens a-
Pyrum, aliaque similia, ut mensis imposita atque occulte reserata, quivomu-
convivis jocum faciant. Annulum item, qui digito impositus, & ab mingenti
Amicis inspectus, spargat in eorum faciem odoriferam. Atque hac
ratione constructum fuisse credo catellum quem alicubi vidi, qui è vere-
tillo aquam odoriferam spargebat in faciem contra se stantium. Poteſt
denique hac arte construi vas pro lavandis conviviarum manibus.

MACHINA IX.

*Phiala vitrea, compressione aquam pro-
jiciens in altum.*



Similem effectum videbis, si phialam Vide Fig.
vitream construas, qualem figura mon- xi. c. Ico-
strat, intra quam sit fistula itidem vitrea nismi viii.
quæ fundum non contingat, & pertin-
get usque ad os phialæ, quod strictissi- Phiala a-
mo collo sit instructum. Si enim collum quā in altū
ori inferas, & spiritu immisso aërem in- projiciens.
tra phialam comprimas; exiliet vi maxi-
ma aqua in phiala contenta. Habet hujus-
modi phialas P. Kircherus in Museo suo.

ANNOTATIO.

Imò etiam si nullus fiat tubulus intra phialam, idem effectus habebitur,
licet non ad longum tempus. Et hac arte Barbitonores spargunt a-
quas odoriferas in aliquibus locis. Vis motiva ex se patet.

MACHINA X.

*Infundibulum pneumatico - hydraulicum, aquam
in determinatam altitudinem attollens.*

Diximus capite præcedente Machina 7. qua ratione in quam-
vis altitudinem attolli possit aqua vi Attractivâ. Compre-
Dd 2 sione

sione simile quippiam effici potest sequenti artificio; quod etiam indicat Mersennus in Hydraulicis Proposit. 39. ubi tamen figura est mendosa, & si juxta ipsam fieret Machina, impossibile est, ut effectus sequeretur.

Sit infundibulum (seu concha) C, per quod ex fluvio, aut fonte aqua fluat in adjunctum vas D G, & per fistulam L I in subjectum receptorum A F: ex quo vase A F expulsus aer per tubulum F D, in vas D G, coget aquam vasis D G in vas H, per tubulum G H ascendere, inde per epistomium K de-promendam. Hac ratione aqua ex fluvio, aut fonte, aut vase, altius ascendere potest, quam sit ascendentis aquae origo; quandoquidem impleri nequit aqua vas A F, nisi inde expellatur aer per tubum F D, cum aliunde expelli non possit; cumque major sit aer quam ut canaliculo F D contineatur, expellit necessario aquam D G in H. Si jam evacuetur vas A F per epistomium B, & vas H per epistomium K; institui poterit eadem operatio toties, quoties libuerit. Cavendum tamen, ne vas H sit altius supra vas D G, quam vas A F infra idem vas D G. Cavendum præterea ne idem vas D G sit nimis elevatum supra vas A F, tunc enim tanta eslet longitudo tubi F D, ut aer vasis A F non sufficeret ad aquam elevandam ex D G in H: nam aqua in vas A F descendente, aer ex eodem pulsus condensaretur intra tubum illum F D tam longum, & vim elevandi aquam vasis D G perderet.

Vide Ico-nismi IX.
Fig. XIII.

Infundibu-lumpneu-matico-hy-draulicum.

ANNOTATIO.

Si intra vas A F fieret siphon inversus, cuius crus longius prominenter extra fundum, crus vero minus fundum intus non contineret; aut si fieret diabetes spiritualis, cuius interior tubus similiter prominenter extra fundum; & ex dicto siphone, aut diabete efflueret longè plus aquæ ex dicto vase, quam influeret per infundibulum C I; posset aquæ saltus intra vas H perennari. Si vas H abesset, & osculum H coarctaretur, aut in alias formas effingeretur; haberetur fons perpetuò duraturus. Vide que diximus Protheoria 4. cap. 2. Pro-






Fig. XIV.




Fig. XV.

Proposit. 9. & supra Machina 4. capit. 1. Interrumperetur tamen aquæ saltus in vitroque casu eo tempore, quo vas AF evacuaretur per diabetem.

MACHINA XI.

*Infundibulum alterum pneumatico - hydraulicum,
aquam in quamlibet altitudinem extollens.*

PRæcedenti artificio aqua ex fonte c non nisi in determinatam altitudinem elevari potest. Cæterum in quantam-
cunque altitudinem elevari posse videtur sequenti arte. Esto ^{Vide Iconis x.} ut antè aqua & infundibulum x, ejusque aqua elevanda us- Fig. xiv.
que ad vas o. Disponantur infra x vasa vacua quotlibet,
A, B, C; & alia in eodem plano Horizontali D, E, F, in quæ Infundibulum aliud
ex fonte x, per epistomium p derivari possit aqua: item aliud vas H, tantum distans supra vas D, quantum distat vas pneumaticum.
A infra idem vas D; præterea aliud M, distans supra vas E cum.
tantum, quantum distat vas B infra vas H: tandem aliud
vas o, distans tantum supra F, quantum distat e infra M:
& sic deinceps si ulterius & altius procedere luet. Hæc va-
sa connecte inter se tubis æqualis capacitatis eo modo, quo
figura docet, & imple vasa D, E, F. Quibus peractis, si ex
fonte x cadat aqua in vas A vacuum per tubum XY, expel-
let aërem per tubum AD, in vas D; qui aër ibidem premet
aquam, eamque expellet per tubum GH, in vas H: inde ve-
rò cadet aqua per tubum QR intra vas B, expelletque aë-
rem per tubum BE intra vas E, & premens aquam expellet
ipsam per tubum IK intra vas M: inde iterum cadet per tu-
bum ML intra vas C, & expellet aërem per tubum CF in
vas F, indeque aquam per tubum NO in vas o; ex quo tan-
dem deprometur in vnum concupitum.

ANNOTATIO.

Procurandum diligenter & necessariò hic est, ut tubus XY sit pau-
lo longior quam GH; & tubus QR paulò longior quam IK. Et
Dd 3 tubus.

tubis M L paulo longior quam NO, ut servetur requisita proportio perpendiculorum, juxta dicta Protheor. I. §. VI. & seqq.

MACHINA VII.

Fons eadem fistula discolores ejiciens
liquores.

Sequens Machina, ut omnium quae in Museo nostro exhibentur, pulcherrima jucundissimaque, ita explicatu difficultima est, ob variam vasorum, receptaculorum, canarium, foraminum, epistomiorum, obturamentorum suppellectilem, *Fons diversi coloris.* intricatamque non minùs, quam ingeniosam constructionem. Conabor tamen quā potero claritate Lectoris animo atque oculis illam proponere; quam is percipiet facilius, qui Hero-nis, & antecedentium fontium artificium melius intellexerit.

Vide Ico-nismi x.

Fig. xv.

*Nota Le-ttor. cylindri-
drum esse
intra vas-
M.M.*

Duo sunt vasa ampliora, MM superius, & NN inferius, quinis columellis interstincta. Inferius est vndique clausum, superius in capite apertum. Ex hujus fundo aſturgit cylindrus concavus LD, cui impositum est aliud vas minùs amplum vase MM, in quatuor discriminatum receptacula, diligentissime vndique clausa, ne aēr elabi vspiam possit; quorum tamen tria tantum in apposita figura sunt integrè expressa, scenographi-cā arte id exigente. Quodlibet horum receptaculorum ha-bet in capite suum foramen, & obturamentum A; intus ve-rò binos siphunculos certa ratione dispositos, ut mox dicetur. Inter receptaculorum quatuor latera, quibus inter se co-agmentantur, inditum est epistomium KR intus concavum, excepto fundo R, quod obturatum est, ejusque loco aper-tum est in latere foramen rotundum O, (quod tamen in Figura non est expressum chalcographi errore) ad aquam recipien-dam, perque epistomium, & per infixum ipsi siphunculum vi-treum KP in helicem figuratum transmittendam. Epistomium KR vertitur intra thecam seu tubulum, inter quatuor recepta-culorum contigua latera inſertum, veluti intra matricem. Per columellam GF deducitur e superiori vase ad inferius siphon, qui

qui superioris fundum & inferioris operculum penetrat, sed à neutro longius discedit. Epistomium H aquæ transitum è superiori in inferius vas tribuit, vetatque. Per medium columellam Q c deducitur alius siphon C Q I, habens claviculam Q; qui siphon intra vas N N, pauloque infra operculum c incipit, transitque per fundum superioris, perque cylindrum L D; indeque supremi quadripartiti vasis fundum penetrans, diuaticatur in quatuor siphunculos, veluti totidem ramos, i E, quorum singuli usque ad singulorum quatuor receptaculorum opercula pertingunt, nec ea tamen attingunt, sed tantum distant, quantum aëri efflando satis est. Alij quatuor siphunculi B O derivantur è fundo quatuor receptaculorum (quod tamen non contingunt) usque ad epistomij K R thecam seu matricem, quam & penetrant, ita ut foramen o epistomij, (dum vertitur intra suam thecam) possit obverti singulorum siphunculorum orificio. Clavicula Q aperta concedit transitum aëri è vase N N, intra quatuor superiora vascula, ut dicetur. Clavicula X aperta emittit aquam è vase N N, pleno.

Atque hæc est fabrica Machinæ; nunc ad usum ipsius transeamus. Vas N N manet vacuum, clauditurque epistomium x, & clavicula Q. Vas M M repletur aquâ communī, clausâ prius claviculâ H. Quatuor supremi vasis receptacula repletur per foramina A quatuor diversis liquoribus, puta aquâ, vino albo, vino rubro, alioque quocunque & cujuscunque coloris liquore; diligenterque obturantur, ne aër penetrare possit. Deinde laxatur clavicula H, & descendens aqua in vas subjectum N N, premit ibidem aërem; qui apertâ claviculâ Q penetrat per siphonem Q I, & siphunculos i E, in receptacula supremi vasis. Si itaque desideres, ut heliceus tubulus P ejiciat aquam, verte foramen laterale o epistomij K R, versus receptaculum aquæ; si vinum ejicere desideras, verte idem foramen ad receptaculum vini; si aliud liquor, verte ad aliud liquoris receptaculum.

Quia verò, dum epistomium K R ab uno receptaculo ad alte-

alterum divertitur, remanet in helice p liquor præcedens; vt is descendat antequam vertatur, & non misceatur cum subsequenti, inseri potest operculo unius receptaculi aliud epistomium. Si enim aperietur illud, statim receptaculorum aër egredietur, & helicis liquor in receptaculum suum descendet, utpote non amplius ab aëre impulsus.

Aqua quæ è superiori vase M M descendit intra vas N N, depletur per epistomium x, & est aqua communis, ut diximus.

M A C H I N A XIII.

Sclopetum Æolium seu Pneumaticum.

INventa est non ita pridem ratio, inquit Kircherus noster, lib. 3. Artis Magnet. part. 2. cap. 3. Experim. 3. eâ violentiâ comprimenti intra canalem aëris, vt in multis majorem effectum præstet, quam vel ipsi sclopi, quas Musquetas vulgo vocant. Quæ res cùm singularem suscitet in intuentibus admiracionem, nolui ejus hoc loco constructionem præterire. Ita autem canalis prædictus, quem Æolium sclopum seu sclopetum appellare lubet, conficitur.

Fiat ex cupro, ferro, aliavè materia solida canalis, in tres partes seu loculamenta divisus, nempe L A, A V; V D: quorum primum L A servit onerando sclopo aëre; alterum A V constituit cameram seu receptaculum compressi aëris; tertium V D fistulam ad globos, aliaque projectilia excutienda. Trusillum, sive vt Artistæ vocant, piulcus L K 1, quo aër intra cameram A V coarctatur, ita construetur. Manubrio sive ferreo stylo L K circumdetur cylindracea glans K 1, exferro aut ligno, corio tecta; quæ canali L A ita quadret, ut ei intrusa, omnem aëris elabendi aditum intercludat. Habeat autem hoc trusillum in fundo 1, platisnatione sive assarium, extrorsum versus A aperibile, cujus meatus ex 1, transeat in K: hoc enim facto continget, vt dum trusilli glans K 1 in arctum canalem L A violenter intruditur, assarium 1 claudatur,

tur, aëre ex A in i resiliente; dum verò extrahitur, idem assarium i aperiatur, & per meatum K I novum aërem extrinsecus advenientem admittat, nè intra spatum N I, vacuum concedatur.

Porrò secundum receptaculum sive camera aëris A V, in fundo N aliud habeat assarium: quod ita ei aptetur, ut dum trusillum L K I canali suo L A violenter intruditur, illud aperiatur; dum verò extrahitur, arctato intra cameram A V aëre, denuò claudatur. Iterum in Camera A V inseratur aliud assarium F O V, eâ formâ, quam tibi figura T X V demonstrat. Inseratur autem prædictæ Cameræ aëris A V, in loco F O V, eâ ratione, ut mox ac F trusillum (cui in figura V X T correspontet trusillum V X) forinsecus premitur versus interiorem partem, assarij partem o seu T aperiat, & viam inclusu intra Cameram A V aëri patefaciat per canalem V D. Ita igitur inferendum est prædictum assarium F O V, vt aër inclusus, arctatusque intra A V Cameram, elabi per canalem V D non possit, nisi aperto assario prædicto. His ita constructis, habebis instrumentum Æolium præparatum; quo ita vtēris.

Pila plumbea, immissa per canalem D V, contusâ chartâ coarctetur. Deinde piulci sive trusilli K L I operâ aërem intra cameram A V coges, eâ ferè ratione, quâ intra lusorias pilas, aut intra Machinam VIII. suprà descriptam hoc cap. & intra Machinam II. infrâ cap. 4. describendam, aër constipari solet. Quo facto, si F trusillum forinsecus premas, ecce assarium o apertum constipato aëri locum præbebit, qui & canali V D illapsus pilam tantâ vi expellet, quantâ vix sclopus ordinarius possit, prout multis constat experimentis.

MACHINA XIV.

Aliud sclopetum pneumaticum.


A Liud pneumaticum tubi genus affert doctissimus Marinus Mersennus in suis Phænomenis pneumaticis Proposit. 32. *Sclopetum
Æolium
alind.*
quod brevioribus verbis atque ordinatis ita describi potest.



E c

Fiant

Vide Iconismi XI. sit intus elaboratum in cochleam fœmininam, ad recipiendam Fig. XVII syringis, de qua mox, cochleam aliam masculinam. Orificium D habeat platismatum extrorsum versus E aperibile. Aliud platismatum habeat orificium E, fistulæ E F, quod itidem ex-trorsum versus D aperiri possit. Fiat deinde similiter ex ære tubus A B, intra quem fistulæ prædictæ ita compaginantur, tamque arctè apud A & B ferruminentur, ut integra machinula ex tubo & fistulis compacta unicum corpus continuum esse videatur. Fiat præterea theca I G, seu lignea, seu coracea, cui imponatur Machina eâ ratione, quâ figura monstrat; & apud H fiat elatorium (ut Mersennus appellat) quo videlicet per pressionem styli H E aperiatur platismatum E. Tandem fiat syringe K O, ad Machinam vento seu aëre onerandam, tali arte. Tubulus L K fiat ex ære, laminâ planâ æreâ in cylindrum concavum contortâ, & glutine argenteo compaginatâ, vel potius cylindro æneo solido terebrâ excavato. Orificium K oblongum habeat helices convexas, quæ concavis helicibus interioribus orificij C, fistulæ C D, congruant, & masculinam cochleam repræsentent. Huic tubulo inseratur embolus O M, cuius manubrium ferreum insertas habeat duas glandes, M & N, ex corio & linteis superpositis compositas, vt inter illas oleo vel aqua priùs madefactas aër exterior per osculum L ingressus, vehementius per K expellatur.

Machinæ sic constructæ hic est usus. Fistulæ E F immititur globulus plumbeus B, aut sagitta F B; deinde syringis osculum K inseritur cochleatim orificio C, fistulæ C D; & repetitis vicibus concitato embolo O M, intruditur violenter aër per fistulam C D, intra tubum A B; qui tunc benè inflatus erit, quando embolus O M concitari amplius, nisi ægrè admodum, nequiverit. Inflato tubo, A B dígito premitur elaterium H E; & aperto platismatio E, ingreditur maximo impetu aër intra fistulam E F, summâque violentiâ explodit globulum B, aut sagittam B F, non sine fragore aliquo. Mersennus





sennus air, se s^æpius tantam hujus sclopi violentiam expertum,
vt à 20 hexapedis plumbeus globus explosus, & lapidem of-
fendens, in laminam tenuem conversus sit.

ANNOTATIO I.

Notandum hic, quò velocius agitatur syringis manubrium o, eò
perfectius aërem à glandibus M & N intercipi, & introtrudi,
nullà relictâ elabendi morâ; quò verò tardius impellitur, eò facilius
aërem effugere, redeundo versus orificium L unde venerat.

ANNOTATIO II.

Pretium etiam operæ foret, vt tubus AB divideretur in duas par-
tes apud QR lineam, & que multis helicibus coagmentarentur in-
ter se, vt nulla particula inclusi & condensati aëris exire posset: sic
enim assaria D & E, si forte detrimentum aliquod passa essent, repa-
rari facile possent. Aliud sclopeti pneumatici genus vide apud Mer-
sennum loc. cit. Proposit. 33. Aliud præterea nuper vidi Norimberga
apud insignem quendam artificem, prorsus in modum aliorum sclope-
torum ordinariorum efformatum, artificio tamen à p^rædictis diverso,
nec multū absimile illi, quod in Baculo Viatorio Aquivomo dedi su-
prà Machina 8. Annot. 2. Aliud describit Lipstorpis part. 3. Specim.
Philos. Cartes. cap. 3. prope finem: & alia duo Ioannes Caramuel in
Mathesi audaci part. 2. pag. 81.

MACHINA XV.

Sedes Aquivoma.

D^Eambulabamus nuper P. Kircherus & ego per campos Ro-
manos ad captandam auram, incidebamusque in villam
suburbanam, cuius frontis ciathericum horolabium eleganter
elaboratum erat ad pictum. Quod dum inspicimus curiosius,
invitamur à Nobili Gallo ad ædes & hortum penitus intro-
spiciendum. Ingredimur, ac primò offendimus viridarium
amoenissimum, floribus ac fructibus refertum, statuisque omnis
generis exornatum. Subimus deinde ædes elegantissimas, pi-

eturis, emblematis, epigrammatis, atque epigraphis latine, græce, arabice exaratis ornatas; statuis insuper plurimis, machinisque artificiosis probè instructas, eâ elegantiâ, ut vel ipse Pontifex Maximus Innocentius X. cùm per eosdem campos animi gratiâ deportaretur, ædes ac hortum prædictum subire, *Sedes Aqui-
vomia.* suaque præsentia cohonestare non recusaverit. Villa est D. Joannis Laborne Galli Presbyteri, & dicti Pontificis Cruciferi. Inter cœtera autem, quibus ego delectabar maximè, erat sedes, quam ab effectu hydaticam seu aquivomam appellare lübvet.

Vide Ico- *nissimi. xi. positum repræsentat, quoque passim in Italia utuntur, dispo-*
Fig. xviii. sita inter alias ejusdem formæ in aula lusui destinata, nec quid-
quam ab alijs diversum monstrabat; cui tamen si quis insidebat,
ejaculabatur illa copiosissimam ex reclinatorij *A B* summitate
vbi A, aquam, quæ sedentis caput supervolans innoxie, ante
pedes effundebatur ejusdem sedentis, ignari originis, & frustra
diu inquirentis inter adstantium cachinnos. Occultatus erat
*intra reclinatorium tubulus cupreus *A B*, apud *A* nonnihil*
incurvatus ac prominens, sed leonino atque exemptili capite
*tectus; apud *B* verò desinebat intra folles sub sedili *D E* ab-*
*sconditos intra cavitatem *C B*. Sedile fibulis *D D* annexum*
erat reclinatorio. Sublato leonino capite infundebatur per
*osculum *A* aqua, & replebantur folles *C B*, ipsiusque tubulus*
**B A*, & reponebatur caput. Insidebat invitatus oblatæ sedi,*
*& deprimebat pondere suo sedile *D E*, comprimebatque fol-*
*les, & per *B A* tubulum ejaculabatur aquam, ut diximus.*

MACHINA XVI.

Heronis vas a qua vinum pro aqua infusa reddunt:
seu Hydriæ Cane Galilææ:

*C*apite præcedenti Machinæo. construximus binavasa, quo-
rum vni si aqua infundatur, alterum reddit vinum. Ejun-
dem

dem effectum præstant bina vasæ Heronis Alexandrini, quæ de-
scribit ipse in Libello suo de spiritual. cap. 23. in hunc sensum.

Fiat basis instar cistæ AB; supra quam collocentur duo vasæ CD, & EF, quæ oscula obstruēta habeant diaphragmatibus nismi XI. GH, & KL. Per utraque vasæ, perque basin, impellatur tubus Fig. XIX. MNXQ, cujus oscula M & Q à diaphragmatibus parum distent.

In vase EF fiat inflexus siphon PRS, curvitatem R habens infra diaphragma vasis, & alterum ipsius crus extra vas promineat apud s, instar canalis. Per diaphragma GH demittatur canalis TY, cujus pars superior coarctetur & adferruminetur diaphragmati, inferior verò parum distet à fundo vasis. His constructis, infundatur vinum in vas EF per foramen V in diaphragmate factum; quod post infusionem diligenter obturetur. Itaque si per collum & canalem TY in vas CD infundamus aquam, contingit aërem, qui est in ipso, expulsum procedere in vas EF per tubum MNXQ; & ob id extrudere vinum quod est in eo vase. Atque hoc fiet toties, quoties aquam infuderimus vasi CD.

ANNOTATIO.

Necessè est, ut perpendiculum TY, à T usque ad supremam superficiem aquæ vasis CD, semper sit longius quam perpendiculum PR à supraea superficie vini usque ad R: quare tubus TY debet esse longior, quam crus PR siphonis PRS, alioquin non expelletur totum vinum. Idem hoc artificium exhiberi potest unico vase, ut consideranti patebit, eaque ratione potest exhiberi miraculum Christi Salvatoris nostri patratum in Cana Galilæe. Potest etiam in eundem finem vas utrumque includi intra vas aliud capacius, fundum habens exemplilem. Vide Lipstorpium part. 3. Philosophia Cartesiana, cap. 3. Machina II. Merito ergo vasæ hujusmodi vocari poterunt Metreæ Canæ Galilæe.

MACHINA XVII.

Hydracontisterium antiquum.

Hydracontisterium antiquum.


Auctor Recreationum Mathematicarum idiomate Gallico
ante aliquot annos conscriptarum (est is P. Joannes Leure-
chon è Societate JESV) & ex ipso Daniel Schyventeris in Re-
creationibus suis itidem Mathematicis part. 13. quæst. 8. & Ga-
spar Es in Mathematico Thavmaturgo Probl. 93. num. 7. fa-
ciunt mentionem Machinæ cujusdam hydraulicæ, quæ, ut Kir-
cherus mihi testatur testis oculatus, qui Moguntiæ illam vidit,
aquas ejaculatur in altum, è subjecto vase, aut puteo attractam,
tantâ vehementiâ, ut meritò ab hoc effectu, quem præstat, ap-
pellari possit Hydracontisterium, hoc est, aquarum ejaculato-
rium vas, derivato vocabulo ab ὕδωριον quod aqua, & ἀκοντίζειν,
quod jaculari significat.




Vide Ico-
nif. XII. Fig. XX.

Machina duabus constat rotis dentatis A, B, è materia
durissima fabricatis, & ovali capsulæ GD, ex eadem materia
constructæ, inclusis tali industria, ut dentes vnius rotæ denti-
bus alterius adæquatè interserantur tam arctè, ut nec aëri, nec
aqua transitus pateat vel inter vtramque rotam & ipsam ova-
lem thecam, vel inter earundem rotarum ovalisque thecæ pla-
nities. Vnius rotarum axi extra thecam prominenti annexum
est manubrium BE, cuius officio rota, cui adhæret, circum-
acta, oppositam agitat rotam. Quo modo fit, ut aër tubo
GH, qui fundo thecæ ovalis insertus est, contentus, ac deinde
aqua subsequens è vase, aut puteo H, per vtrumque the-
cæ latus, GC, GD, elevata, cogatur ex tubo F erumpere, &
in altitudinem maximam proslire. Porro ut aqua versus quam
partem lubet, pellatur è tubo, alijs mobilibus tubulis, ipsi
impositis, & in quamvis partem flexilibus, vtendum est, ut
passim fieri vidi in hortis Romanis.

ANNOTATIO.

Nota Lector, capsulam seu thecam, cui rotæ sunt inclusæ, ovalem
habe-





habere figuram solum secundum superficiem rotarum dentes contingen-
tem, atque ambientem, nempe secundum superficiem CFDG: re-
lique enim superficies, que rotarum planities contingunt, planæ sunt,
& rotarum superficiebus omnino contiguae. Aquarum ejaculatio fit
vi compressiva. Figura exhibet thecam ovalem sectam per medium
secundum longitudinem, ut rota intus dispositæ appareant.

MACHINA XVIII.

Hydracontisterium novum.

PRæcedens Machina videtur Bonaventuræ Cavallerio, insi-
gni Mathematico, & in Bononiensi Vniversitate superiori-
bus annis publico Lectori, valde imperfecta, Exercitatione 6.
Geometrica, Proposit. 39. & vlt. eò quod confricati dentes faci-
lè atterantur, sicque detur transitus & aëri, & aquæ inter rotas
& thecam, ideoque inutilis reddatur Machina: præterquam
quod difficilis videatur ejus constructio. Ipse verò occasione
hujus machinæ aliam excogitavit, quam ait esse ad construen-
dum faciliorem, & confricatione potius perfici, quam vitiari;
& præterea majori violentia aquam projicere. Quæ an ita se
habeant, perito Lectori judicandum relinquo. Machinam
ab ipso Cavallerio constructam, formâ non admodum magnâ,
habet Reverendus Pater Urbanus Ordinis Jesuorum, insignis
Mathematicus, & dicti Patris Cavallerij olim Discipulus, nunc
Monasterij Sanctorum Joannis & Pauli prope Clivum Scauri
Romæ Religiosus; vbi illam mihi monstravit, & pro sua huma-
nitate etiam explanavit. Forma Machinæ exterior est, qualem
ostendit Iconismi XII. Figura XXII. puto superposita: inte-
riorem verò ichnographiam repræsentat Figura XXI. Machinæ
fabricam propono ipsiusmet Cavallerij verbis, ut sequitur, non-
nullis interpositis verbis proprijs.

Hoc ergo vas (scilicet Hydracontisterium, seu aquarum eja-
culatorium, ut ipse appellat) debet fieri ex materia durissima; &
est capsula rotunda intus, & foris, licet intus non perfectè, ut mox
pate-

Pars II.

224

patebit. Intra dictum vas duo sunt frusta, seu partes principales, quorum unum est tympanum, seu cylindrus, vase ita conclusus, ut sit fundo perpendicularis, eidemque excentricus, ac prominens extra operculum vasis; qui cylindrus habet fixuram per axem aequali ductu, & latitudine, in ipso incisam à superficie interiori fundi usque ad interiorum operculi. Iuxta latitudinem fixura debet fieri tabella, (& hæc est alterum frustum, seu pars intra capsam rotundam) ejusdemque altitudinis; quæ per ipsam fixuram, dum tympanum manubrio convertitur, susque deque continuò reciprocetur, abradens superficiem interiorem vasis, fundum, & operculum. Hinc enim eveniet, ut per quoddam foramen attracta aqua illa constricta in angustum locum egrediatur per aliud foramen, si modo vas sit undique clausum, nè aër intus penetrare possit. Sed hac clarius ex schemate ichnographicō fundi ejusdem vasis intelligentur.

Vide Ico-
nismi XII. in ea diameter CLA. Accepta autem circino parte LC, que re-
Fig. XXI. linquat LA, parvæ quantitatis, prout nobis placebit, inveniatur
BD, perpendicularis ipsi AC, & equalis LC; quibus concurrenti-
bus in N, centro N, intervallo NL, describatur circulus LHMK;
qui quo minus excentricus erit, & major, eò minor erit labor in ope-
rando. Similiter à punto B, vel ipsi utcunque proximo, ut G,
ducatur flexuosa linea, ut GL, quæ poterit esse peripheria circuli ca-
vitatis, quam artifex meliorem judicaverit. Ulterius ductis LQ, PM,
parakelis, ac centrum intercipientibus, ab eoque aequaliter distanti-
bus, fiat LPCSL, quæ repræsentabit formam tabellæ transuntis per
fixuram LQMP, tympani LHMK, quod volvatur in circulo LHMK,
secundum quam deviat à perfecta rotunditate. ALP est locus dia-
phragmate claudendus, nè aqua in parte CGO constituta, & com-
pressa, possit transire ad partes D, sed cogatur egredi per foramen,
ut E. Sic igitur constituto AC, ut stet perpendicularis horizonti,
scilicet fundo Machinæ, facto foramine trætorio in F, circa me-
dium semicirculi AFC; si manubrio volvatur tympanum LHMK
& C in B (ut semper supponimus fieri motum) tabella LC abradet pe-
riphe-

ripheriam & superficiem interiorem vasis, incedens secundum semitam CBGL, constringensque aerem, qui erit in parte CBGOQ, egredi per foramen E. Vnde oportebit succedere aerem, & deinde aquam, per foramen F, ipsamque simili ratione constringi a tabella LC, dum movebitur versus B, ita ut idcirco velocissime ac violentissime per foramen E egrediatur aqua. Et quia tabella, si conteratur in SC, semper magis adhaerescat superficie vasis interioris, quam abradit; ideo dixi, in usu hanc Machinam perfectiorem fieri. Licet nec ipsa careat suis difficultatibus. Non in longiorem sermonem hanc diffundimus doctrinam, quia peritus artifex, que deficiunt, sua industria supplere poterit, tam circa diaphragma ALP, quam superficiem GL, & cetera que spectant ad ipsam Machinam exquisitè laborandam. Hoc autem solum moneo, considerandum esse, tympanum egredi ex operculo, & ideo in egressu posse collum fieri in ipso operculo, & in parte exteriori, ut circa ipsum collum circumduci possit corium filo constringens & collum, & partem tympani extantem extra vas, ne detur aeri ingressus. Hactenus Cavalierius.

Porro ipsam Machinam actu operantem in secunda figura (sci-
licet XXII.) videre potes; quam ni satis explicavi, aequi bonique con-
sulas. Vide Ico-
nismi XII.
Fig. XXII.

ANNOTATIO.

Difficulter, fateor, ex hac descriptione, & ex alia quacunque, Ma-
chinae structura & usus intelligi potest, nisi ipsa Machina oculis
inspectiatur. Praecedens Machina est, meo iudicio, longè facilior ad
construendum; nec minorem præstat effectum quam hæc, Kirchero te-
ste, qui utramque vidit. Hæc etiam posterior valde exposita estru-
pturæ periculo, si tympani eccentricitas major fiat quam par est. Quan-
ta autem præcisè esse debeat dicta eccentricitas, non potest præscribi
regula certa & universalis; dependet enim à vasis majori vel meno-
ri diametro, à meliori partium compactione, à duritate materie, &
similibus. Experiencia autem reperire dictam eccentricitatem, sum-
mi est laboris. Quod etiam Machina usu & tricatione perficiatur,
induci non possum ut eredam. Erit quidem è minor labor in cir-

cumducendo tympano, quo magis attrita fuerit tabella pars CS; at minori etiam impetu ejicietur aqua per foramen E, quia plus aquæ inter dictam tabellam & vasis latera intercipietur. Ceterum ingeniosissima est Machina, & si peritum sortiatur artificem, mirabilem præstat effectum. Nec dubito quin similem, licet minorem, præstet effectum, si dictum tympanum LHQMK fiat concentricum rotundo fundo capsa; dummodo tabella PCSL tympano infixa, exactissime radat interiora latera capsa.

C A P U T III.

De Machinis quæ fiunt Rarefactione.

Machines
que fiunt
rarefactione


Rarefactione inquam, non condensatione: nam quæ condensatione fiunt, pertinent ad primum caput, utpote metu vacui institutæ; vnde Machinula V. sequens Mixtum habet principium, & ad Caput V. spectat. Præter allatas porrò hoc capite Machinas, rarefactione fiunt etiam Machinæ 3 4. & 6. Classis secundæ sequentis.

M A C H I N A I.

*Pyrobolus Fons, incandescentis per ignem æris
vi aquam expellens.*

Fons Pyro-
lobicetus. PYrobolum fontem appello hanc Machinam, quia ignis vi rarefactus æt in altum expellit aquam. Constructionem docet P. Kircherus lib. 3. Artis Magnet. part. 2. cap. 3. Experim. 1. & assert Clarissimus Harstorfferus in Delicijs t. 2. part. 8. quæst. 22.

Vide Ico-
nismixiii. Fiat itaque ex ære, ferro, aliavè materia resistente igni,
Fig. 1. vas quodpiam ABC instar candelabri, aliasvè in formam elab-
oratum; eique imponatur, optimeque adferruminetur aliud
vas






Fig. I.




Fig. II.




Fig. III.

vas c E clausum operculo suo D M, & aëri prorsus impervium. Toti huic vasorum systemati indatur siphon ABD, ita ei ferruminatus, ut vas aëri sint impervia. Qui quidem siphon porrigitur usque ad operculum M vasis ED, sed operculum non attingat. Deinde ex loco E vasis C E alias infrà apertus siphon EF per superiorem partem vasis in altum protendatur, desinens in angustum orificium, & fundum vasis non attingens. His peractis, vas ED per foramen M liquore repleatur, aquâ videlicet purâ, aut odorifera; & nè respirare possit, arctè claudatur. Vas etiam AB aquâ, aliochè liquore aliquousque tantum repleatur, nè scilicet osculum A liquori immergatur. His etiam præstitis, si Amicis spectaculum præbere desideras fontis, virtute ignis aquam ejaculantis, superimpone Machinam igni, aut fornaci calidæ hypocausti alicujus; aërque ac vapor vasis AB ex nimia raritate dilatatus, & majus quærens spaciun, cum nullum effugiendi locum, nisi per siphonem ABD reperiat, per eum violenter diffusus, in vas ED se exonerare tentabit. Verùm alio jam liquore stationem vasis ED occupante, in intolerabiles angustias redactus, alijsque identidem rarefactis partibus aecidentibus auctior subtiliorque factus, gravem inibit cum aqua vasis ED luctam. Aut igitur vas rumpatur, aut aqua cedat, necesse est. Sed quia hoc facilius, aqua tandem violento rarefacti aëris imperio cedens, per siphonem EF magno impetu in altum profusa, jucundum intuentibus exhibebit spectaculum.

ANNOTATIO.

Concitatur fons hic in saltum vi rarefactiva, & violentia aëris compressione. Vide Mersennum in Pneumat. proposit. 30. Posset fieri Machina in formam volucris, alteriusve animalis erecti in pedes, & aquam ex ore expulsentis. Eadem Machinâ exhiberi potest draco ignem ex ore vomens, si vas ED repleatur liquore daëtylorum marinorum, qui in guttas post ejectionem è tubulo emissorio resolutus exhibebit noctu, aut in tenebris, igneas scintillas.

M A C H I N A II.

Fons alius pyrobolus, projectum liquorem convertens in aërem, aut ignem.

*Fons pyro-
bolicus alius.*

UT ostenderet P. Kircherus miram elementarium rerum virtutem, fontem aliquando construxit, cuius liquor in altum profiliens, deorsum non revertebatur, sed in aërem subito conversus inanes evanesceret in auras. Cujus rei spectaculo cum multi attoniti hærerent, nec ejusdem causam scirent; instanter sollicitarunt prædictum P. Kircherum, ut Machinæ rationes aperiret. Quod ipse tandem præstítit in Arte Magnet. lib. 3. part. 2. cap. 3. Experimento 4. Ex quo illam affert Doctissimus Notimbergensis Patricius saepe nominatus in suis Delicijs, parte i. quæst. 5. Sic autem construitur.

Vide Ico-
nismi XIII. metalli, 1 & c, vndique clausa, discriminata columnâ con-
Fig. II. cavâ M; intra quam lateat siphon c1, ductus è vase c per fundum vasis 1, & paulò infra operculum s definens in utroque vase, vti in figura apparet. Vas verò 1 siphonem AF habeat, qui operculo s adglutinatus non attingat fundum vasis, & per operculum in F deducatur. Sit autem hujusmodi canalis AF canale 1c multò subtilior, atque in F foramen habeat quam fieri poterit subtile. Quo facto, repleta tertia parte vasis c aquâ, aut quovis alio liquore, id ita obturetur, ut aëri sit impervium; vas autem 1 spiritu vini ter rectificato replebis, obturabisque dicta ratione. Hanc itaque Machinam loco apto, scilicet fervido aëri expones, vel in sole, vel in calido hypocausto; vasique c suppones ignem aut lampadem. Aqua igitur vasis c cum aëre inclusa vehementer rarefacta, amplioremque locum quærens, aërem ejusdem vas vapidum attenuatumque per siphonem c1 in vas 1 propellet; hic pulsus spiritum vini in hoc vase inclusum offendens, cum simul loco consistere non possint, eum per siphonem AF in altum ad instar filii subtilissimi projicit; tenuis verò spiritus, vini substan-

stantia, aërem fervidum sentiens, ob proximam, quam habet ad aërem dispositionem, in eum subito se convertet, nec amplius descendet.

ANNOTATIO I.

Meteorologicae impressiones Igneæ.

Quod si igneam pluviam, ignitas trabes, stellas cadentes, aliasque meteorologicas impressiones representare desideres; per salientis ignea artificia spiritus vini asperginem traduces titionem, aut ferrum candens, & nitidus vapidusque ille aër subito flammarum concipiens, admirabile spectaculum intuentibus præbebit.

ANNOTATIO II.

Fons hic projicit in altum liquorem inclusum, ut precedens, nempe **Vas promætum** per vim rarefactivam, & compressi aëris violentiam. Potest hac **nibus lavandis.** arte efformari vas lavandis convivarum manibus aptum, hyeme, præsertim.

MACHINA III.

Thermoscopium prognosticum.

Thermoscopium, aut si mavis, Thermometrum appellamus instrumentum, quo rarefactionis & condensationis vi intensio ac remissio caloris & frigoris loci alicujus explorantur in dies & horas singulas. Describit illud P. Athanasius Kircher lib. 3. Artis Magnet. part. 2. cap. 2. Marius Bettinus loco infra citando Annot. 2. Marinus Mersennus in Phænomenis Hydrocaulicis Proposit. 29. & alij. Duobus autem modis construuntur hujusmodi Thermoscopia, seu Thermometra; quorum primus interfit hyemi, secundus aestati.

Thermoscopium Hybernum.

Primus modus hic est. Fiat vitreus siphon **A B**, duorum triumvc circiter palmorum longus, collo gracili, rectus, vel **Vide Icon. nismixiij. Fig. IIII. in mo-**

in modum helicis tortus, aut alio, quo placuerit, modo effigie
atus; qui superius in ventrem A protuberet aeris prorsus im-
pervium; qui venter quo fuerit capacior, eodem meliorem succe-
sum habebit experimentum. Hujusmodi siphon coloratis cir-
culis in partes octo aequales dividatur secundum longitudinem,
adscriptis etiam numeris divisionum; vel certe tabella, cui aeneis
Thermosco-
pium hyber-
nium. circellis siphon affixus erit, dicta ratione dividatur, prout figu-
ra monstrat. Hic siphon alteri ampullae B, aqua, seu alio sub-
tili quodam, &c., si placet, colorato humore prius aliquousque
repletæ in fundum usque indatur, ita tamen, ut aqua ampul-
lae ingredi in ipsum possit; habebisque instrumentum præpa-
ratum. Proderit tamen multum, si aqua ampullæ B sit ignis
vi sublimata, perfectissimeque defæcata atque attenuata, tum
ut levior sit, tum ne hyeme facile conglatiet. In hujus igitur
Instrumenti ventre A protuberante rarefactus aer, tempesta-
te calidâ, aquam elevatam versus inferiores siphonis partes pro-
pellet; idem verò aer frigida tempestate condensatus, ex imo
ampullæ aquam post se versus superiores siphonis partes tra-
het, tantoque magis descendet, ascendetque aqua, quanto
major fuerit caloris aut frigoris temperies, ita ut etiam mini-
mæ aeris mutationes notari, vel clauso cubiculo, possint atque
prædicti; ut etiam instantes pluiae, serenitates, frigora, calo-
res. Itaque caloris gradus in hujusmodi constructione deor-
sum, frigoris verò sursum in vitro tubo signati computari de-
bent.

ANNOTATIO.

Nota hic, ampullam B posse esse conjunctam tubo, sicuti conjuncta
ipsi est ampulla A; dummodo in ea relinquatur superius exiguum
foramen pro aeris spiraculo, ut scilicet aqua ascende, aer in am-
pullam B ingredi; eadem verò descendente, aer egredi possit. Pra-
stat etiam ut superior sphærula A sit grandiuscula, & major quam
sphærula B, ut dixi paulo ante. Hoc modo constructum Thermosco-
pium commodius est pro hyeme ac tempore frigido, quam pro estate
& tem-

Iconismus. IX pag. 210




Fig XII.






Fig XIII.





Iconismus XIV. pag: 231.

Fig: IV.





Fig: VI.



& tempore calido : nam hyemali tempore facile ascendit aqua, & ad notabile spacium, aestivo vero tempore aut nihil omnino, aut valde modice ascendit.

Thermoscopium Aestivum.

Secundus modus, priori prorsus contrarius, hic est. Fiat vi-
treus siphon dictæ magnitudinis, rectus, aut tortus, cujus nisimi xiv.
superior pars protuberans in globum A, aperta sit, & aëri Fig. iv.
pervia; ampulla vero B, cui aquâ ad tertiam ferè partem re-
plete inditur siphon, ita obturetur, ut nulla prorsus aëri via ^{Thermo-}
detur; habebisque instrumentum præparatum. In hoc aër, ^{scopium}
qui in ampulla B includitur, rarefactus aquam per siphonem
in superiores partes propellit; condensatus vero eandem aquam
post se in imum attrahit. Itaque gradus caloris in hoc sursum,
frigoris deorsum computantur. Hoc modo constructum Thermoscopium
aestivo tempori magis convenit, quam hyberno,
quia aestate aër ampullæ B rarefactus expellit sursum aquam,
hyeme non item.

ANNOTATIO I.

Quod si in utroque thermometro utraque sphærula, nempe A su-
perior, & B inferior, arcte, & si placet, hermeticè claudatur,
eundem effectum videbimus quem in primo modo: nempe dum frigo-
re condensatur aër sphærulae A, ascendet aqua; sed tunc necessario aër
sphærulae B debet rarefieri: dum vero colore rarefit aër sphærulae A, de-
scendet aqua; sed tunc aër sphærulae B debet condensari. Ratio pri-
mi est, nè detur vacuum; ratio secundi, nè detur penetratio corporum;
quorum, utrumque Natura abhorret.

ANNOTATIO II.

Divisio tubuli in octo partes, (quarum singulæ in alias minores sub-
dividi possunt) ab imo ad summum pro ascensu aquæ, & à sum-
mo ad imum pro descensu ejusdem, bipartita fieri potest, adscriptis in
utroque latere numeris, ut in figura appareat. Videtur tamen, quòd
spaciam

spacia divisionis non debeant esse aequalia, tum quia in primo modo facilius aqua ascendit per primum, quam per secundum spaciū, propter minorem condensati aeris resistentiam in primo, quam in secundo spacio: tum etiam quia quo majus sit perpendicularum aquae ascendentis, eo major est difficultas in attrahenda aqua. Vnde si ex ascensiū aquae per unum spaciū inferimus aerem esse infrigidatum ut unum, ex ascensiū ejusdem aquae usque ad secundum spaciū aequale, non debemus inferre aerem esse infrigidatum solum ut duo, sed magis. Eadem est ratio in secundo modo, ac eadem ferè causa.

ANNOTATIO III.

UT porro thermoscopium primo modo constructum statim effectum suum prestat, debet tubus cum phiala sua A, prius quam impunatur aqua phialæ B, calefieri, ut aer quam maximè rarefacat: sic enim fiet, ut dum aquæ immergitur tubus, & aer frigescit ac condensatur, aqua statim ascendat.

ANNOTATIO IV.

P. Marius Bettinus in suis Appiaris Mathematicis Apiar. 8. Progymnas. 3. in Scholio, traducit Thermoscopiorum usum ad rem Astronomicam, nimirum ad deprehendendas aereas refractiones. Lege ipsum, si placet. Kircherus loc. cit. multas corundem utilitates innuit. Addit, se hac arte construxisse olim machinas argento vivo ex parte repletas, usque omnes ventorum differentias prope verum cognosci potuisse; uti & vim ac qualitatem elementarem uniuscujusque rei juxta gradum suum certa applicatione. Quæ tamen omnia, ait idem Kircherus, perfectius, naturaliusque representari possunt in sphera, cui inclusi sint spirales vitrei siphones. Vide etiam quæ dicimus infra Classe 2. Machina 14. Annot. 1. versus finem, & quæ habet Robertus à Fluetibus in fine Operis de Meteorologicis impressionibus.

MACHINA IV.

Instrumentum novum gradus humidi &
sicci indicans.

PRæcedens instrumentum indicat gradus caloris & frigoris,
vt

ut vidimus; sequens humidi & siccii gradus ostendit. Ut verò res tota melius intelligatur, sciendum est, Naturam stupenda sape, penitusque abstrusa exhibere miracula in rebus etiam vilissimis, quæ tamen minimè cognoscuntur, nisi ab iis, qui sagaci ingenio, & ad scrutandum nato empirosophiam, seu experientiam rerum magistrum consulunt. Horum ex numero sunt res quædam etiam vilissimæ, quæ perpetui motus rationem ex propria naturæ suæ dispositione sortiuntur, ita ut ad vicissitudinem ambientis aëris, mutationemq; temporis, ab ortu in occasum, & hinc in ortum perfectè per dilatationē quandam vel constrictiōnem naturæ consentaneam sese accommodent. Talia sunt omnia illa, quæ ad helicis sive columnæ spiralis constitutionem à natura ordinata sunt, quibus proprium est, vt ad minimam extrinseci temporis mutationem se dilatantia per humiditatem in circulos agitantur, per siccitatem verò in locum unde digressa, restituantur. Hujus rei esto sequens experimentum novum.

Accipe stipulam illam, quæ in auena sylvestri granum ave-
næ jam maturæ circumstat, cujusmodi in præsenti figura repræ- Vide Ico-
sentant stipulæ A B à latere. Hujusmodi stipulam si ita stylo nis. XIV.
alicui rs accommodes, vt vnum extremum r stylo infigatur, Fig. V.
altero verò extremo s transversum ex charta confectum in-
star magneticæ acus indicem rs sustineat, stylusque sit ad Ho- Stipula in
rizontem normalis, index verò ad eundem parallelus, ut figura gyrum aëris,
altera à latere demonstrat: Videbis non sine admiratione, ap-
plicato, seu leviter affuso humido, indicem in gyros agitari, ad-
moto verò calore eosdem gyros, quos fecerat, relegere. Cujus
quidem rei ratio alia non est, nisi quod humor cùm dilatet sti-
pulam, illa verò ex naturali sua constitutione spiraliter torta sit,
necessariò indicem impositum ex illa dilatatione in gyros agitet.
Si verò ignem aut calorem quemlibet admoveris, statim con-
stricta sese contrahet, & in pristinum situm contorquebit: quam
contorsionem contraria priori circulatio sequetur. Cùm ve-
rò hæc stipula vel minimas etiam aëris mutationes sentiat, eas
index perpetuò ad ambientis aëris perpetuam vicissitudinem

infallibiliter quoque demonstrabit. Eandem hanc proprietatem habent omnes illæ herbæ & plantæ, quæ incremento suo in spiras fæse naturaliter contorquent, cujusmodi sunt omnia convolvulorum genera, ut bryonia, lupulus, lupinus, aliaque innumera, quæ vide apud Botanicos. His præmissis, ita instrumentum conficies.

Vide Ico-
nis. XIV.
Fig. V.

Fiat Cylindraceum vas longitudine unius palmi, latitudine dimidii; per cuius fundum axem ligneum A C trajicies, in cuius extremo c stipulam C B infiges; stipula verò fundum superiorem supergrediens, in extremo suo B annexum habeat indicem, in forma pisces, avis, lacertæ, aut alterius cuiusvis animalis. Sit præterea ambitus vasis superior in quotlibet gradus divisus; habebisque instrumentum præparatum.

Chronome-
trum humi-
di & sacci
gradus
ostendens.

Hoc instrumentum ita construendum colloca in cubiculum, & observa quem in margine gradum ostendat rostrum animalis; quem diligenter nota. Quoties igitur mutatio aëris instituit, toties mutabit index locum suum, aliumque gradum demonstrabit. Ita ab ortu usque ad occasum continuam quandam vicissitudinem notabis in gradibus juxta caloris intensionem, aut remissionem. Si verò uno & eodem tempore hoc vas $\chi\sigma\omega\nu\mu\tau\gamma\omega$ in diversa conclavia portaveris, videbis, ex mutatione stipulae, quot gradibus unum altero humidius sit, aut siccius. Quæ res civix potest, quantum & voluptatis insipientibus, & utilitatis adferat. Vidi ego sæpiissimè, cum in Museo Kircheriano spectatoribus experientiam prædictam monstrarem, eos attonitos hætere rei novitate, nec capere ullâ ratione, qui fieret, ut chartacea avicula stipulae affixa, affusâ modicissimâ aquâ, totgyros, actam celcres efficeret. Rem totam describit fusè Kircherus lib. 3. Art. Magnet. par. 2. cap. 3. Pragmat. i.

ANNOTATIO I.

Ventorum spirantium differentias cognoscere.

Ventorum. **E**odem instrumento novo ventorum differentias explorare poteris,
annotatione.

cum enim diversi venti, diversis humidi siccique gradibus imbuti sint, nem depre-
ejusmodi differentiam facile cognosces, si rosâ ventorum nauticâ fron-
tem Cylindracei vasis circumdederis: si enim rhombum venti actu
spirantis indici admoveris, videbis non sine admiratione, ad mutatio-
nem aëris ventiq; & stipulam stationem suam mutare, & se ei gradui hu-
midi vel siccii, quem ventus præ se fert, accommodare. Ita in proprio
cubiculo, etiam clausis fenestrâs, pixidem naturalem habebis anemodi-
etiam, sive ventorum demonstrativam. Ita Kircherus loco citato,
Pragmat. 2.

ANNOTATIO II.

*Sensibiles & contrarios motus eodem instrumen-
to novo exhibere.*

Si verò spectatoribus sensibiles contrarios motus stipulae exhibere velis, Stipula mo-
instrumentum leviter calefacit, & ecce index veluti calore animatus, tus contra-
tres vel quatuor, pro qualitate caloris, circuitus non sine admiratione
intuentium, peragat. Si verò stipulam in pristinum locum retorquere
desideras, vas humido superaffuso adornabis: & ecce viam sive circui-
tus, quos fecerat, contraria viamox resumet, donec in pristino statu con-
quiescat. Adeo vero mobilis vel ad minimam alterationem est index,
ut si vel manibus stringas cylindrum, stipulam in motum concites.
Kircherus loc. cit. Pragm. 3.

ANNOTATIO III.

Hac eadem verticaliter exhibere.

Quod si predicta omnia verticaliter exhibere desideras, nihil aliud
agendum est, nisi ut orbem graduum, aut rosam ventorum unâ cum
stipula, piano cuiquam verticali applies, & eundem videbis effectum.
Kircherus loc. cit. Pragm. 4.

ANNOTATIO. IV.

Aeoli statuam in varios motus eodem instrumento concitare.

*Aeoli sta-
tua animo-
mata.*

Si verò stipulae imposueris statuam Aeoli Delphino insidentis, concitabis ipsum in motus varios, si stipulae aliquid aquæ affuderis: nam mox ubi humidum senserit, vna secum impositam sibi Aeoli statuam tanquam proprio elemento gaudentis, non jucundo minus quam in usitato spectaculo, circumagat. Kircher. loc. tit. Pragm. 5.

MACHINA V.

Cabacus ejiciens, & retrahens eandem aquam.

Tamen si hæc Machinula non habeat multùm aut ingenii, aut delectationis; quia tamen illam suo fini conducedentem adducit P. Kircherus lib. 3. Artis Magnet. par. 2. cap. 2. non censui omissendam. Sic ergo procede in ipsa construenda.

Vide Ico-
nis. XIV.

Fig. VI.

*Cabacus
ejiciens &
retrahens
aquam.*

Fiant duo vala 1. A ex ære, 2. B ex vitro, quæ conjungantur inflexo siphone C, hac tamen lege, ut vas A siphonem sibi ferrum minatum ita recipiat, ut aër intrare nusquam possit, nec siphon vasis fundum tangat. Quo facto, per foramen in operculo factum, liquore vas A aliquousque repleatur, clausoque foramine supponatur ipsi ignis; & statim aër rarefactus, ampliorem que sibi locum quærens, aquam per siphonem C ejiciet, & ipsi aquæ immixtus, atque in vas B vna cum aqua receptus, in bullas abibit; remoto verò igne, aët vasis A paulatim crassescens, dum minorem locum petit, nec habet quo aliud sibi corpus substituat, ex laborantis Naturæ necessitate aquam vasis B violento motu per siphonem C attrahet. Vis motiva machinæ, ut ex dictis patet, oritur ex rarefactione & condensatione. Lege Robertum de Fluctibus in fine operis Meteorologici.





Fig: VII.



Fig: VIII.



MACHINA VI.

Pile Æolia.

EX ære, aut cupro, aliovè metallo forti, quod ignis violen- Vide Iconis XV.
tiam sustinere possit, conficiatur pila intus cava, quæ ha-
beat collum vel curvum, vel rectum, perinde est, quod in acu- Fig. VII.
tissimum foramen terminetur, prout apparet in figura c, & *Aeolopila*.
D. Potest etiam hujusmodi pila habere capitis humani figuram
cum ore strictissimo, ut hic etiam repræsentatum vides. Hu- Vide Iconis XVI.
jusmodi pilas imple aliquousque aquâ hac industria. Fervefac
illas nonnihil igni injectas, & fervefactas conijce in aquam fri- Fig. IX.
gidam; & aër igne rarefactus intus, in minorem locum reda-
ctus, cum aliud corpus non habeat, quod in locum desertum
substituere possit, aquam per foramen illud strictissimum ve-
luti suetu quodam ad se attrahet, pilaque hac ratione liquore
replebitur. Potest etiam cochleâ vas Æolium, ad id replen-
dum aquâ aperiri & claudi. Impletis ita aliquousque aquâ pi-
lis, eas supra carbones, aut ignem collocabis; & ubi aër vapi-
dus inclusus rarefieri incepit, ingenti impetu ac fragore per
angustias colli elapsus abibit in flatus ac ventos, tantumque Rotam cum
ventum suppeditabunt pîla, ut ad veru vertendum is sufficiat. veru verte-
re possunt.
Ut autem possit pati ignem pila Æolia, debent ejus partes (si
partibus constat) solidari argento.

ANNOTATIO I.

Rotam cum veru affixo, pilamque Aeoliam conservamus in Museo Kircheriano. Machinam describit P. Kircherus lib. 3. Magnetice Artis par. 2. cap. 4. Experim. 2. Clarissimus Patricius Norimbergensis in Delitiis. 10. 2. par. 8. quest. 16. & ante ipsos Daniel Schuventerus in Deliciis suis, par. 12. quest. 4. ex Wolfgango Hildebrando tom. 1. Magia Naturalis fol. 176.

ANNOTATIO II.

*Aeoliarum
pilarum
vusu var-
iis.*

Ope Æoliarum pilarum plurimæ Machinæ circumagi possunt. Chymico verò negotio, aut fabrili, hoc instrumentum in carbonibus sufflandis egregium omnino & pœnè necessarium usum habet. Multa alia ope harum pilarum perfici possunt; ut animalium quorumvis voices, tonitrua, fluxus maris, motiones invise. Si pile orificio horizontaliter erecto superponatur tubus aut cylindrus concavus, & tubo aut cylindro imponatur globus ligneus, aut metallicus intus cavus; subsultabis globus, & in aëre hærere videbitur. Si pile impleantur odoriferis aquis, gratissimum reddent odorem. Si collum efformetur in cornu, in tubam, & similia sonora instrumenta, reddent sonum talium instrumentorum. Plura ingeniosi excogitabunt. Machinam animat vis rafraictina. P. Theodorus Muretus vocat ipsam fontem aëream in Problemate suo de fontibus §. 9. alijs Æolopilam. Si post impletam aquâ, & calefactam Æolopilam, inclines illam ita, ut aqua orificio eius tangat, erumpet aqua filii instar in maximam altitudinem: si verò aqua non attingat orificium, efflatibit ea solum ventum. Meliorem porrò effectum habebit Æolopila in ejaculanda aqua instar fontis, si tubus ipsi indatur e modo, quo appareat in Machina 9. cap. 2. tunc enim aërrare factus expellet aquam per tubum.

MACHINA VII.

Cista Eolia.

Alio modo artificialiter excitari potest ventus per aquas & aëris fortē compressionem, eoque mediante multa exhiberi ludicra, seria, hac, quæ sequitur, ratione.

Vide Ico-

nismi. xv.

Fig. VIII.

Sit aqua viva loco A. Hanc fluere permittes in canalem A B, constructum ex quatuor asseribus longis, quotlibet pedum (quò tamen longior fuerit canalis, eo ventus excitabitur vehementius) figura pyramidali, ut monstrat figura A B C. Inferius habeat vas sive receptaculum E D, fabricatum ad normam Cistæ, cui inseratur canalis. Ex altera parte inferius item sit aut epistomium

mium, aut siphon inflexus F, ad deplendam continuò aquam, ita ut tantum ferè interea effluat, quantum influit. Superiùs in operculo disponatur Systema organicum V G, cum epistomio D. Ad latera canales V X, cum epistomio V; & T S, cum epistomio T; & hic transeat per corpus aviculæ, & inflatus imitetur aviculæ vocem. His factis habebis Cistam Aeoliam præparatam ad varios usus.

Si itaque ventos vehementes excitare velis intra cistam, aquam A in canalem A B influere permitte; hæc enim vehementi impetu in receptaculum E D præcipitata, aërem in ipso violentia summa per apertum epistomium V canalis V X protrudet; nam aqua E præcipitata multam secum aëris portionem devehit, & ipsa aqua ex vehementi commotione atque collisione attrita diminutaque in aërem mutatur, ac proinde nunquam in receptaculo D E deerit aëris ingens agitatio. Vento hac ratione intra cistam excitato, poteris per hanc Machinam, aperto epistomio V, sufflare ignem; vertere rotas; Angelorum, Sanctorum, volucrum figuræ ex levi materia effectas, globos chartaceos, ligneos, metallicos concavos, tubo, vitreæ vè sphæræ vento perviæ superpositos, aliaque corpora ad naturæ exemplar in medio aëre suspendere, nullo alio, nisi sola aëris commoti vehementi fulcita. Aperto vero epistomio T poteris avicularum, tubarum, cornuum sonos ac voces edere. Aperto denique epistomio D, poteris hydraulicum personare organum, admisso vento intra anemothecam seu ventorum cistam, in quam fistularum orificia desinunt. Innumera alia Physica, aut Mathematica òræ mirabilia seu miracula, hac arte exhiberi possunt; quæ omnia industrij Artificis dispositioni relinquimus.

MACHINA VIII.

Æolus ventum efflans.

Globum fac ferreum intus cavum, collum habentem in os Vide Iconem strictissimum desinens; quales suprà descripsimus Aeolias pinismi xvi. las Fig. ix..


Ias. Hunc globum injice in aquam frigidam, ut aër intus contentus benè infrigidetur & condensetur. Deinde absconde ipsum intra caput alicuius Æoliæ statuæ, ita ut collum globi statuæ ori correspondeat, & suppone globo lampadem, aut carbones accensos; & die quasi toto exflabit ventum, tanto vehementiorem, quanto colli orificio fuerit strictius, & calor subjectus vehementior. Machinæ principium patet ex se.



M A C H I N A IX.

Memnonia statua, Cithara, & humana vocis sonum ad orientem solem edens.

*Memnonia
statua au-
tiphona.*

Mira sunt quæ de Memnonis statua apud Thebas Ægyptias olim celebrata tradunt Scriptores, Plinius dico, Philostratus, Lucianus, Pausanias, Strabo, & alij. Adolescentis impuberis erat simulacrum, Colossi instar, ex nigrolapide (Basalte) constructum, & in Serapidis delubro collocatum, sedentis ac surgerentis, ac quasi loqui gestientis habitu; cuius os quamprimum matutino tempore solis radijs percutiebatur, sonum edebat, Plinio, Philostrato, Luciano, Strabone teste; quem quidem sonum similem diruptæ chordæ in lyra vel cithara dicit Pausanias; quanquam alij locutum prohibeant, ut refertur in vita Apollonij Thyanæi, & mobiles oculos ad solem convertisse. Pleisque Authores magicum opus fuisse existimant; quod & Kircherus putat in Mechanica Ægyptiorum, tum antiquitate operis, tum statuæ conditione perlausus. Si enim, inquit, artificiosi quid fuisse, & ingenij industriosa inventio, certè per milenos fere & centenos annos, quibus ab origine sua usque ad Apollonij Thyanæi tempora persistit, effectum suum continuare non potuisset. Talisma itaque fuisse, si vera sunt, quæ Authores paulò antè citati de ea commemorant, sive Dæmonem solitis conjurationibus intra dictam statuam compactum, qui dictum effectum ederet, verisimilius est. Nihilominus quomodo idem effectus, ut videlicet sonum edat Citharæ similem, industria Physico-Mathematica præstati possit, tradit idem Kircherus





rus Tomo 2. Oedipi Aegyptiaci par. 2. Classe 8. de Mechanica
Aegyptiorum cap. 3. §. 1. Pragmat. 1.

Fiat basis seu abacus statuæ Memnoniæ proportionatus Vide Ico-
A B C D, diaphragmate **E F** distinctus in duo receptacula; latus nisi **xvi.**
verò **B D** dicti abaci fiat extabula metallica subtilissima, quæ **S o-** Fig. **x.**
li orienti obversa facile calorem concipiat. In ipso diaphra-
gmate fiat foramen, per quod canalis **R** ducatur. Intra verò su- Eius con-
perius receptaculum **A B E F**, rota ordinetur subtilis, tenuis, ac structio.
facile mobilis, axe utriusque receptaculi lateri inserto. Rota hæc
habeat intra exteriorem circumferentiam tabellas ligneas levissimas
ceu spatulas quasdam, eidem in orbem insertas, & penneis
cupidibus instructas. Huius rotæ sic adornatae circumfe-
rentiæ, transversæ in circuitu supertendantur chordæ metalli-
cæ, quotquot volueris, ad majorem harmoniæ varietatem, ma-
gnæ & parvæ crassitie, quæ lateribus aut fundis receptaculi
A B E F, alligentur; habebisque Machinam ad citharæ sonum ex-
hibendum accommodatam.

Latus enim abaci **D F B**, ad orientem solem conversum, mox Eius usus.
atque ad præsentem solem incaluerit, aërem intus latenter, ac
noctu frigefactum condensatumque, calore superveniente ra-
refaciet; qui constringi nesciens, per canalem **R** fugam para-
bit intra receptaculum **A B E F**, non sine impetu; Canalis verò
admotus spatulis rotæ, in orbem eam vertet; rotâ versâ, spatu-
lae penneis suis cupidibus chordas sibi superextensas vehemen-
ter sollicitabunt, tandemque adstantibus sonum illum lyræ seu
citharæ similem exhibebunt, nemine reconditam machinatio-
nem percipiente. Ut tamen inclusus sonus à circumstantibus
percipi melius possit, foramina in superiori aut lateralí recepta-
culi **A B E F** parte, fieri poterunt; hoc enim pacto sonus elapsus
limpidius se auribus adstantium sistet.

Si verò statuam abaco superimpositam motu oculorum, Eius sonus.
& humanæ vocis sono animare velis, alias canalis ordinandus
erit ex fundo receptaculi **A B E F**, seu ex diaphragmate perme-
dium statuæ occultè ad os vsque traductus; ori verò statuæ inse-
renda

renda est vna ex fistulis quas anthropoglossas, hoc est, humanam vocem imitantes vocant; oculi denique mobiles fieri debent. Per hunc enim caualem aët summo impetu elapsus fistulam animabit in vocem humanam, oculosque in motum sollicitabit; unde statua & sono & motu vitam mentietur.

ANNOTATIO I.

ATque haec successum suum habere experientia docuit, (inquit Kircherus) in simili machina, quam construi curauit; qua soli exposita limpidisissimam quandam harmoniam edidit, omnesque quos descripsi motus.

Memnonis statua alia construacio. Alium modum sanè ingeniosum eundem præstandi effectum, simulque Memnona horrendè tonantem exhibendi, tradit vir doctus P. Lauretus Laurus è nostra Societate, olim in Romano nostro Collegio Mathefeos Professor, in chartis ea de re impressis. Alios ac multò ingeniosiores habet Author noster in sua Musurgia lib. 9. de quibus suo loco in Magia nostra universali Naturæ & Artis par. 2. lib. 3. Syntagm. 3.

ANNOTATIO II.

Beroaldus in Apuleium indicat, Memnonis statuam non fuisse integrum, sed bustum tantum exhibuisse Memnonis, qualis cernitur in Tabula Bembina ordine medio, Grammatismo ultimo dextimo supra columnam lotiferam. Beroaldi verba, & busti Memnonis hieroglyphicam significationem vide apud Kircherum in explicatione Tabulae Bembinae. Divisione III. Triade Serapæa.

MACHINA X.

Memnonie aves, voce & motu animata.

Memnonis aves. Quæ de Memnoniis avibus Memnonis sepulchro in supradicto Serapidis delubro assidentibus narrant Authores, non uno modo narrantur. Cremutius apud Rhodiginum refert, eas ex Aethiopia quæ tannis ad volasse, & ad Memnonis sepulchrum con-

conflixisse. Pausanias easdem in Memnonis chlamyde expressas comparuisse assertit. Ovidius ex Memnonis cineribus natas finit. Quidam humana voce locutas affirmant. Alij solo artificio. so motu eas cecinisse, cum quadam motus attestatione, ac veluti volatus simulatione, autumant; quod mihi verisimilius videtur.

Qua porrò id ratione factum fuerit, incompertum est; nisi quod primum sit credere contigisse artificio haud absimili illi, quo ligneam columbam Architam postmodum ad volandum excitasse narrat Aulus Gellius lib. 10. Noct. Attic. Quod Architas Pythagoricus fecisse traditur, inquit, & admirabile, & non vanum videri debet: nam & plerique Græcorum nobilium, & Phavorinus Philosophus memoriarum veterum exequentissimus affirmatissime scripsे. runt, simulacrum columbae è ligno ab Architaratione quadam & disciplina mechanica factum, volasse. Ita erat scilicet libramentis suspensum, & aurâ spiritus inclusâ, atque occlusâ concitum. Duo tam prodigiisi volatus principia indicat Gellius; inclusum aërem, & partium libramentum. Ut tamen utrumque conferre, ita neutrum sufficere, optimè observarunt Mechanici: neque enim sola aëris densatione, sed impulsu valido folles lusorij agitantur in sublime; nec ullum partium æquilibrium innatæ contranititur gravitati, nè quodpondere prævalet, deprimatur deorsum, nedum ut sursum elevetur. Aliiquid igitur ulterius requiritur, quod hactenus inexplicatum ab Authoribus fuisse plerique dolent & conque- runtur.

Athanasius Kircherus, velut alter Architas, & prodigiorum motionum Architectus felicissimus, hunc suggerit modum in Ægyptiorum Mechanica loco citato. Maneat abacus ut in priori Pragmatia. Fiant itaque ex quacunque materia avicule, intra quarum rostra fistulae, quæ sonum volucrum imitentur, abscondantur; quibus canalis aëreus AK per corpus animalium traductus connecta tur, canalisque fundo diaphragmatis inseratur: fierique ut sole oriente strucio, aer rarefactus latiora querens spatio, summo impetu per canalem lapsus, illidatur fistula orificio; unde sonus a viculae audietur. Motus autem rotstri, & caude, alarumque hoc artificio instituetur. Fiat intra diaphragmatis receptaculum alia rotæ xo, dentibus suis in circuitu instructa; cui

Pars II.


244

for in seclus manubrium M adaptetur, è cuius puncō M filum ferreum deducatur usque ad corpus aviculae, alteri vertebra YZ, intra aviculam abscondita, connexum: rotæ verò XO subiiciatur canalis aëreus BC. Rota itaque OX per canalem aëreum BC circumacta, dentibus manubrium M elevabit; hoc depresso pondere suo, filum ferreum pariter deprimet, & eodem tempore vertebra ZY; qua in Y rostrum avicula aperiet, in Z caudam vertebrae innitentem extolleat; unde avicula vivere videbitur, motu rostri, caudæ, & sono.] Hæc Kircherus. Simile quid habet Salomon Caus. Duo alia nonnemini venere in membrum prodigiosi volatus principia, alterum tenue & incertum, validum alterum ac certum quidem, at non securum. Ovorum gallinaceorum testæ seu cortices matutino rore repleti, & benè occlusi, si Solis radiis exponantur, arcanis modis ac nodis attolluntur in sublime. Quod si igitur hujusmodi cortices, aut majora olorum ova, vel etiam folles tenuissima pelle consuti replerentur rore prædicto (aut si mavis, nitro, purissimo sulphure, hydrargyro, aliisque huiusmodi, que vi caloris facile ac vehementer rarefiunt) & exteriori vestirentur in speciem aliquam avicularum tenuissimâ chartâ; volatum fortè aliquem simularent. Hoc primum. Si ligneas & ponderosas velimus aviculas impellere ad volandum, adhibemus ignem. Si timetur incendium, tenuissima vestiantur lamina metallina, cuprei inferantur tubi, ut innocenter ignis foveatur in sinu. Ad impediendum stridorem & expiramentum favillarum, pyrius pulvis auripigmento deliniatur, & butyro immixtus halinitrum, guttur formetur ita, ut pro stridore referat avicularum garritum, aut columbarum gemitum.

M A C H I N A XI.

*Ara aspide adornata, in qua igne posito Isis & Osiris vinum & lac sacrificant, Aspis vero sibi-
lando applaudit.*

Narrant Historici, Sæi in Ægypto in templo Minervæ altare fuisse, in quo accento igne Isis & Osiris, seu ut Græci eos appellant,



Iconismus. XVII. pag: 245.

Fig. XII.



pellant, Dionysius & Diana, lac & vinum fundebant; Draco ve- *Isis & Osiris*
rò accipitriiformis, quem *A'γαθοδάμονα* Ægyptii dicebant, sibulum *sacrifican-*
edebit, applaudentis specie. Hoc qua ratione factum fuerit,^{tes.} .
describit Hero Alexandrinus in suo de spiritualibus libello, Pro-
pos. II. & melius P. Kircherus loco cit. Oedipi. Pragm. 2. Sic
ergo fiebat.

Abaco AB conavo super imponebatur arula CD pariter Vide Iso-
concava, cui præminebat Aspis illa celeberrima, quem *A'γαθοδάμονα* nis. XVII.
μονα vocatum dixi. His positis, canalem seu siphonem DE per Fig. XX.
arulæ interiora traducebant in inferius receptaculum eâ formâ,
quam figura monstrat. Ex dicto receptaculo tres alii siphones
egrediebantur: quorum prior FY Draconi deputabatur, re-
liqui duo GM & NX persacrificantum corpora traduceban-
tur. His duobus siphonibus in M & X connectebantur duo
vasa, in quorum uno lae, in altero vinum infundebatur per oper-
culum; quod ita postea obstrui debebat, ut aëri abeundi locus da-
retur nullus: è fundo verò dictorum vasculorum in H & S duo
alii siphunculi educebantur, superiùs inflexi. HDO & S V, qui
in ipsius arulæ craterem desinebant. Tempore igitur sacrificii,
simul ac ignis accendebatur in arula CD, aër intra arulam ra-
refactus, majoremque locum quærens, fugâ sibi consulebat per
siphonem DE, & hinc primò per Draconis siphonem FY de- *Draco sibi-*
latus, ibidem per appropriatam fistulam, in quam desinebat, *lans,*
Draconem sibilare faciebat; per binos verò laterales siphones
GM & NX delatus intra vascula OH & SV, ibique premens
humores, hsc lacteum, illic vineum, per siphunculos trudebat in
craterem arulæ, unde Dionysius & Diana lac & vinum fundere
videbantur, Dracone veluti actionibus eorum sibilis appluden-
te. Quæ res cùm à plebe adstante non perciperetur, neque oc-
cultæ machinationis ratio cognoscetur; mirum non est, eam
Oeorum beneficio id contigisse existimasse. Cùm enim Osiris
ive Dionysius vitis & lactis inventor fuerit habitus, Isis verò Ni-
oticæ aquæ Genius, & Aspis *A'γαθοδάμονα*, solaris, causa omnium
dictorum, ut Kircherus explicat, sacrificia verò ad beneficia o-

mnibus communia impetranda, Deosque placados fierent; ea
jam accenso sacrificii igne impetrata, tum lactis, viniisque seu aquæ
fusione, tum sibilo Draconis, Dii ipso facto demonstrare vide-
bantur, sacrificiorum imposturâ.

MACHINA XII.


*Valvæ Sacelli succenso Sacrificii igne sponte aperibles,
et extincto clausæ.*


Proponit hoc Machinamentum Hero libro de spiritual. cap.
37. & 34. & ex ipso Harstorfferus to. i. Deliciarum Mathem.
par. 15. q. 6. & melius Kircherus loco citato Oedipi Pragmat. 3.
eratque adornatum ad Deorum adventum tempore sacrificii si-
gnificandum, sacerdotum astutiâ; & sic se habebat.


Vide Ico-
nis. xviii. cujus regione porta constituebatur valvis suis instructa. Inni-
Fig. xiii. tebantur autem valvæ binis scytalis seu cylindris $\alpha\beta\gamma\delta$, in-
ferius acuminato ferro intra matrices versatilibus, & intra con-
sacelli val-
cavum Abaci ABCF ita absconditis, ut nihil eorum, quibus val-
vae sponte
aperibles. vae aperiebantur, compareret. Intra hoc concavum ponebatur
aliud vas GK, quo ducebatur siphon GF in aram ED supra-
positam, & alias siphon KLM ex ejusdem vasis GK fundo de-
rivabatur, qui desinebat intra situlam XN. Situla vero ansa
suâ alligabatur fune duplice, quorum uterque scytalis complica-
batur; Scytala vero alio duplicito fune inferius complicaban-
tur, qui super rotulam V deducebatur, cui in fine pondus ad-
nectebatur. Tandem situlae NX aliis siphon inflexus V in-
vas subdebutur; & Machinam habebant paratam. Tempore
itaque sacrificii igne supra aram ED accenso, aer intra conca-
vum arce rarefactus, per canalem FG descendebat intra vas GK,
ultra dimidium prius aqua repletum, per foramen P; quod fo-
ramen postea cludebatur, ne aer ibidem pressus diffueret. Ac
itaque dilatatus, liquorem in vase GK pressum, per canalem



Iconismus XVIII. pag: 246.

Fig. XIII.









KLM protrudebat in situlam Nx; situla aquâ prægravata, dum paulatim subsidendo chordam trahebat, corda tracta scytalas vertebat; versis scytalis, valvæ quibus scytalarum extremi axes connecebantur, aperiebantur: situlâ verò humore repletâ, aqua per siphonem tortum $\theta\gamma$, situlæ coagmentatum, paulatim fœle intra vas subditum deonerabat; ac proinde levior reddita situla sursum in locum, unde venerat, pergebat; pondus verò funis, qui scytalas complicabat, deorsum contrâ vergens scytalas vertebat, quarum versatione portæ claudebantur, adeoque sacrificium, omnium adstantium stupore, mysteriosa quadam operatione peragi videbatur.

M A C H I N A XIII.

Ara Deorum imagines tripudiantes exhibens.

Quia ratione ara construatur, in qua succenso igne compareant Deorum imagines ducentes choreas, & quasi tripudiantes, docet Hero in Automatis seu spiritualibus cap. 71. Sed in Heronis exemplari Machina ita constructa proponitur, ut impossibile sit, eam prædictum effectum sortiri potuisse, ut optimè advertit Kircherus loc. cit. Oedipi Pragmat. 5. Quare paulò aliter eam ipse ita exhibet.

Ara erat c. d. in formam tympani extructa; in cuius tūpe- Vide Iconi-
riori loco alia quæpiam arula AB construebatur, intus cava, nismi xix.
sacrificiis & igni accendendo apta: infrà verò subiectum erat vas Fig. xiv.
seu receptaculum xy alterius tympani instar, quod diaphanum
erat, saltem ab anteriori parte, ut quæ intus gerebantur, à spe-
ctatoribus observari possent. Ex fundo arulæ AB ducebatur Ara Deo-
siphon IE, in fundum tympani c. d.; & deinde alias siphon rum tripu-
ex tympano c. d. ducebatur in vas inferius xy, signatus his
litteris Q R Y, coagmentatus in utroque fundo R & Y vasorum
c. d. & xy, qui & in Y incurvabatur. Facta erat præ-
sterea elevi materia rota MGH, dentibus seu tabellis in circuitu
instructa, & in centro suo supra acutissimum stylum posita, ut le-
vissimo

Pars II.

248

vissimo flatu versari posset: in qua exponebantur Deorum imagines in varias figuras transformatæ. Motus vero rotæ & imaginibus suprapositis tali ratione indebatur. Tempore sacrorum peragendorum constituto, & igne in arula ab accenso, aer intra arulam rarefactus, ac majorem locum quarens, descendebat per siphonem I E, & hinc per siphonem Q R Y foras erumpet: qui mox dentes, qui in M G H rotæ exteriori circumferentia dispositi erant, impellens, ipsam Deorum imaginibus adornatam unà versabat; quæ undulato motu Deorum, ob collata sacrificia veluti tripudiantium, choreas eminùs spectantibus exhibebat.

M A C H I N A XIV.

*Hydrologium horarum Astronomicarum
seu equalium.*

Vide Icones xix. Adducit hoc hydrologium Athanasius Kircherus in Oedipus Ægyptiacus to. 2. parte 2. Classe 8. §. 3. Pragmatia 2. Sic autem construitur.

Fig. xv. *Hydrologia horarum Astronomicarum.* Supra Abacum tetrastylon F G plumbea, ærea, vel vitrea sphæra ab subtili folio elaborata, & horologii magnitudini proportionata ponatur, & ultra medietatem aquâ repleatur. Habet autem intus siphonem reflexum E D, cuius extrellum ab intra sphæram apertum, alterum fundo sphæræ coagmentatum, intra tetrastylon desinat. Intra quod vitreus cylindrus ponatur duodecim circulis inæqualis latitudinis, uti in Annotatione dicimus, distinctus. Intra hunc cylindrum diabetes H I ordinatur ejusdem cum siphone reflexo, qui intra sphæram colloca-tus est, capacitatibus & longitudinis. Hic diabetes fundo vitrei cylindri exactè coagmatus desinat orificio suo R in vas M L, cui superponetur. Totum itaque hoc hydrologicum sistema opportuno loco expositum, sphærâ ultra medietatem, ut dixi, aquis repletâ, & per cochleam ab prius exactè, nè aer difflare possit, conclusâ, mox ac radiis solaribus percutietur, aerem in superiori sphæ-

ri sphæræ regione stabulantem rarefaciet ; hic rarefactus premet aquam ; aqua pressa cum locum evadendi non habeat nisi per siphonem reflexum , in eum per osculum D intrans se exonerabit in cylindrum vitreum , ibique horatim ascendendo tum extratum intra diabetē H I , ea proportione , quā ex siphone dilabitur reflexo , id est , duodecim horarū spatio crescat : ubi verò ad duodecimæ horæ circulum pervenerit , ibi eodem temporis punto intrabit canalem S R , seque eādem proportione per orificium R exonerabit in vas M L , id est , horas nocturnas , ordine alio , intra circulos descriptas , demonstrabit . Et sic singulis diebus oportebit sphærā denuō ad dictum terminum , apertā cochleā A replere , ad novam horarum demonstrationem . Sitamen ex vase O perennem aquam continente derives in phialam siphonem O P O , poterit evacuata phiala repleri per dictum siphonem , vacui metu .

ANNOTATIO.

IN hoc horologio spacia horaria tam diurna , quam nocturna , debent esse in equalia , hoc est , diurna spacia , quae sursum ascendunt , debent esse majora inferius quam superius ; nocturna vero , quae deorsum descendunt , majora superius quam inferius . Ratio patebit ex dicendis cap . sequenti Machina 4 & ex dictis Protheoria 4 cap . 3 . Meo tamen judicio hæc Machina nullum poterit habere usum , quoniam aeris in phiala alteratio , & consequenter aquæ ex siphone reflexo effluxio , diebus , imò horis singulis mutatur , ac proinde spacia horaria in cylindro notata , que uni diei serviebant , alteri servire non poterunt , nisi per accidens contingat dierum duorum aut plurium eandem esse aeris temperiem .


MACHINA XV.



Fonticulus horarius.

P Athanasius Kircherus lib . 10 . de Lumine & Vmbra part . 3 . fol . 886 . Machinam construit , quæ ad datam quamlibet horam ignem in ara excitet , & candelas accendat , simulque fontem efficiat , qui ignem succentum extinguat . Quæ Machina si ritè

construatur, prout ibi præcipitur, non dubium est, quin effe-
ctum sit habitura. Tametsi verò difficulter ignem & candelas
accensura sit, non tamen difficile erit, ut fonticulum exhibeat,
Fonticulus qui sub horarum singularum initia fluere incipiat, & post breve
horis singu- tempus iterum cesset; unde & horarius fonticulus appellari
lis denuo potest. Sic autem construitur.
fluens.

Vide Ico- Fiat primò basis quadrata A B C D, ex ære, cupro, ligno,
nis. X X. aut alia quavis materia solida, & lineis C D A B per medium di-
Fig. XVI. vidatur, ut figura monstrat; quarum C D repræsentet lineam
meridianam in plane horizontali, A B verò repræsentet com-
munem sectionem æquatoris & ejusdem plani horizontalis.
Fiat deinde ex ære, aliavè materia solida, limbus alicujus semi-
circuli, & ad angulos rectos erigatur supra lineam meridianam
C D, & firmetur ita, ut loco moveri non possit; cuiusmodi lim-
bum repræsentat in præsenti figura arcus C K D, si intelligatur
perpendiculariter erectus supra dictam lineam C D. Hic lim-
bus dividatur in duos quadrantes C K & D K, & quilibet
quadrans dividatur in 90. æquales gradus, initio divisionis ac
numerationis factò à C versus D. Fiat tandem ex eadem solida
materia alijs limbus semicirculi B M A, divisus in duodecim
æquales partes, velut in 12. horas æquinoctiales, ita ut hora duo-
decima sit in medio ubi M, hora verò 6. matutina incipiat à B,
quam deinde sequatur 7. 8. 9. & reliquæ consequenter. Debet
hic semicirculi limbus supra lineam A B, quadrati A B C D, ita
coaptari vertebris apud A & B, ut circa illas velut janua circa
cardines verti, & supra semicirculum C K D pro libitu nunc
elevari, nunc deprimi possit, & in quoque prædicti semicir-
culi gradu firmari: quem in finem cochleolis apud A & B in-
strui debet. Refert hic semicirculus B M A, æquatorem, &
caeteros Solis parallelos, ideoque versatilis esse debet in verte-
bris supra meridianum C K D, ut cuicunque regioni applicari
possit, & uniuscujusq; paralleli solaris altitudinem meridianam
fuscipere. Huic porrò semicirculo æquinoctiali inseres 12. sphæ-
rulas seu pilas crystallinas in punctis 12. horarum, ita ut puncta
hora-





horarum ipsi centro pilarum respondeant. Singulas vero pilas charta subtili ita obduces, ut nunc illas tegere, nunc detegere pro libitu possis. Fiant quoque praedicti duo semicirculi ea proportione ad vitreas pilas, ut locus unctionis centro dictorum semicirculorum perfectè respondeat.

Omnibus hisce præparatis, elevetur semicirculus æquinoctialis versatilis ad illum gradum declinationis Solis in quadrante DK meridiani CK D, quem eo die Sol occupat, quo spectaculum exhibere vis; & cochleis suis firmetur, ut moveri amplius circa meridianum non possit; totaque Machina ope magneticæ pixidis collocetur astronomicè, ita ut linea CD respondeat meridiano loci, & punctum C respiciat Boream, punctum D Austrum. Deinde posito fomite in centro dicti semicirculi æquinoctialis, applica fila sulphurata candelis circumpositis, & tege singulas sphærulas chartâ, præter illam, quæ horam, quâ spectaculum exhibere vis, refert: fietque, ut simul ac Soldatam horam attigerit, focus pilæ unctionis in centro materiem combustibilem accensam in flamمام excitet, sulphurata fila accendat, relinquaque omnia contingat, sicut praedictum fuerat.

Fontem autem horarum sic efficies. Accipe phialam vitream XGH, labro suo GH instructam, & per eus collum ad fundum usque inde canaliculum XF, qui tamen fundum non attingat, sed tantum ab illo distet, ut aqua intrare in canaliculum possit. Orificio autem phialæ hujus ita obturetur circa canaliculum, ut nihil aëris aut aquæ exire, aut intrare possit in phialam, nisi per canaliculum. Hanc Machinulam reple aquâ ad tertiam circiter partem, & colloca in centro semicirculi æquatoris, ita ut venter phialæ respondeat ipsi centro. His factis, dum Solis radii ad datam horam percutiunt sphærulam detectam, y refracti percutient phialæ X ventrem, & mox inclusus in ea aëris rarefactus expellet, & in altum projicit aquam per canaliculum XF, quæ decidens in labrum, & per labri foramina seu tubulos in subjectam flamمام, illam extinguet.

ANNOTATIO I.

Si solum fonticulum construere vis, facilius us suum sortietur effectum, ut initio dicebam. Si non velis rem tot pilis instruere, unicā uti poteris, si ita illam semicirculo æquatoris B M A aptaveris, ut in puncto cuiuslibet horæ centraliter eam constituere possis.

ANNOTATIO II.

Ne verò singulis horis phialam x F amovere, & nova aqua instruētam reponere cogaris, hac arte uti poteris. Infra phialæ x F fundum, infraque basim ipsam A B C D, abscondatur vas, aquâ plenum, & undique clausum, intra quod ex phialæ fundo per basim perforatam deriveatur tubus fundo phialæ coagmētatus, cuius osculum superius intra aquam phialæ terminetur, habeatq; platismatum aperibile intra phialam; osculum verò inferius desinat intra vasis absconditi aquam. Hac enim ratione siet, ut dum fonticuli fluxus cessat, & phiala reflexis radiis non amplius percussa refrigerescit; condensetur aër phialæ inclusus, & locum minorem occupans trahat in locum à se relictum aquam per apertum platismatum ē vase abscondito. Si tamen phiala Soli exposita refrigerari non poterit, omnino removeri debet, & impleri novâ aquâ, atque reponi.

MACHINA XVI.

Præco horarius, singulis horis cornu inflans.

Hanc etiam Machinam reperies apud Kircherum libro decimo Lum. & Vmb. fol. 889.

Vide Ico-nis. XX. Explumbo, stanno, cupro, aliavè materia fiat vas A B C D, instar cistæ, undique clausum quām optimè contra omnem aëris transpirationem. Hæc cista dirimatur diaphragmate E F, atque in duo distinguatur receptacula. Diaphragmati perforato apud N indatur siphon inflexus G H, cuius crus G N sit intra unum, & crus N H intra alterum receptaculum; foramen verò N dia-phragmatis obturetur, ne aër ex uno in alterum receptaculum com-

Præco sin-gulis horis cornu in-flans.

commeare possit. Supra receptaculum minus E B F D colloetur statua, ori insertum habens cornu; per medium verò corpus statuæ, simulque per receptaculi operculum perforatum transeat canalis P, qui intra ipsum cornu ori insertum desinat, operculo verò sit adferruminatus contra aëris transpirationem. Supra operculum majoris receptaculi A E C F fiat foramen rotundum L M, eique imponatur, diligentissimèque adferruminetur hemisphærium concavum L O M, ex vitro, aut subtilissimâ laminâ æneâ confectum. Per eisdem receptaculi majoris fundum transeat canalis I K, qui supra osculum I habeat assarium intra receptaculum aperibile, osculum verò inferius desinat intra aquam. Tandem minori receptaculo indatur epistomium Q.

Hicce præparatis, imple majus receptaculum aliquo usque, nempe ad tertiam circiter partem, aquâ, & expone Machinam Soli; qui ubi calefecerit vel latus, vel hemisphærium concavum Machinæ; rarefiet vehementer aër intra majus receptaculum A E C F, & majorem locum quærens, nec ullibi exitum inveniens, comprimet vehementer aquam inclusam, eamque propellet per siphonem G H intra minus receptaculum E B F D; ubi premet vicissim aërem incosum, eumque magno impetu expellet per canalem P desineat intra cornu; unde sequetur sonus inflati cornu. Si itaque hanc Machinam collocaveris supra basim præcedentis Machinæ, ita ut hemisphærium concavum L O M sit in locophialæ X F, fieri ut singulis horis hemisphæriū calefiat à radiis repercussis à sphætulis, & cornu infletur à statua velut à præcone horario. Refrigerata porro Machinâ, & aquâ minori receptaculi per epistomium Q exemptâ, trahetur per apertum assarium I, canalis K I alia aqua intra receptaculum majus è subjecto valere.

ANNOTATIO I.

S loculi statuae fiant mobiles, & alijs canalis ex minori receptaculo per statuae corpus ad oculos usque derivetur; movebuntur ipsi à vehemen-
ti flatu concitati.

ANNOTATIO II.

Idem effectus sine aqua haberi potest. Nam si calefiat vel latus, vel hemisphaerium concavum LOM majoris receptaculi AECF, rarefactus aer irrumperet per siphonem GNH intra minus receptaculum, indeque per canalem intra praconis cornu.

C A P U T IV.

De Machinis, quæ fiunt naturali aquæ lapsu.

Machina
qna fiunt
naturali
lapsu aquæ.




D hoc caput pertinent omnes fontes, Machinæque, quæ visuntur in Principum Viridariis Romanis, Tusculanis, Tiburtiniis, aliorumque locorum amoenissimis, de quibus aliquid dicemus infrà in conclusione primæ Classis. Præter Machinas porrò quas hoc capite referto, spectant huc etiam Machinæ 1, 2, 10, 12. & 13, Classis secundæ, & to poenè Classis tertia.

MACHINA I.

Clepsydra Kircheriana, quæ fontis instar ejaculatur aquam, & inversa iterum fluit.

SImplicissima est sequens Machinula, facillimèque parabilis; at multis viam aperit inventionibus. Habetur inter alias in celeberrimo Athanasij Kircheri Museo, eamque ego in nupera nova Magneticæ Artis editione lib. 3. par. 2. cap. 3. in Appendice Hydraulicorum Machinamentorum Machinamento 1. his descripsi verbis.

Vide Ico- Fiant ex cupro, stanno, aut quavis alia materia aquæ resistente,






I.



Fig. III.



stante, duo vasæ seu receptacula cujuscunque figuræ, AB, CD, nis. XXI. quatuor, aut pluribus paucioribus vè columellis sustentata, quo- Fig. I.
rum opercula PN & FE sint non nihil concava instar pelvis. Per columellas BD, & CA, diducantur bini siphones seu cana-
les HGF, KLN, qui intra prædicta vasæ recurventur, ubi G & L, &
emineant aliquantulum extra vasorum opercula in locis F & N,
habeantque oscula seu orificia F, N, quam strictissima. Per v. *Clepsydra ordinaria.*
trumque operculum jam memoratum insinuentur alij duo ca-
naliculi EI, PO, qui inferiùs seu prope fundum apud I & O, a-
pertisint, nec fundum contingent. His factis, impletatur aquâ
alterutrum vas, nempe AB, (*invertendo primum totam machinam*)
per foramen P canaliculi PO; quod vas AB, ubi impletum
fuerit, statuatur iterum machina in eum situm, quem refert figu-
ra; descendetque aqua per siphonem HG, & per angustum ori-
ficium F magno exsiliens impetu, relabetur supra operculum
concavum valis inferioris CD, insinuans se per foramen E in-
tra vas inferioris CD, tam diuque fluet, donec tota descenderit
aqua. Vbi effluxerit, vertatur clepsydra, & aqua intra vas CD
jam recepta descendet per canalem KL, & per orificium angus-
tum N exsiliens, insinuabit se per foramen P intra prius vas
AB. Si igitur à principio tantum aquæ infuderis, quantum intra
horæ spatium descendere potest per canales, habebis clepsydram
horariam. Potest etiam addi artificium, quo se ipsâ vertatur, ubi
semel effluxerit. Machinam hîc nuper construi curavimus.

ANNOTATIO.

In hac Machina aquæ vibratio, atque in altum ejaculatio fit propter aquæ lapsu-
quam lapsum naturalem è vase superiore in vas inferioris; estque hæc o- naturali su-
mnium artificialium simplicissima aquæ evanescere ratio, & vel ideo na- unt fontes
tura proxima, que alia non utitur ratione in fontibus producendis non naturales.
tantum in vallis, aut camporum æquoribus, verum etiam in summis & artifi-
montium cacuminibus, ut fuisse doctissimeque explicabit P. Atha- ciales.
nasius Kircherus in suo, quem jam molitur, *Mundo subterraneo*, Opere, si
quod aliud, eruditio, curioso, vario. Hac eadem arte passim ex summo a-
dysiorum

I X Y . I .

disciorum aut turrium fastigio diducunt. Artifices latenter canalem in subjectam plateam; aut forum, ut delabentem ex alto liquorem (seu aqua is sit, seu vinum) in imo ejaculetur egrediens e conchae medio angustior tubulus: qui tamen nec ita strictus esse debet, ut minorem faciat exitum, quam superincubentis canalis altitudo atque amplitudo requirit; nec ita laxus, ut pondere suo defluat a primo statim exitu liquor, nisi ad latera fulcris quibusdam stipetur. Hac denique arte tam varia in Principum hortis elaborata sunt Machinamenta hydraulicia, quorum plenae Romanae, Tusculanae, Tiburtinae in Italia deliciae.

MACHINA II.

Multimammia Deorum mater, lac ex uberibus promens.

*Muli-
mammia
Deorum
mater,*

Erat ita Ægyptiorum ingenio comparatum, inquit Kircherus to. 2. Oedipi Ægyptiaci. par. 2. Classe 8. cap. 3. Pragmatia i. ut non tantum aras, templa, statuas, mystica & exotica quadam metamorphosi transformatas adornarent, sed ut multum quoque tum ad reverentiam, tum ad admirationem sacrissimam conciliandam conferre rebantur, statuis motum ad pantamorphę Naturę similitudinem indere, ut homines mysteriorum ignari, saltem ex motu, gestis, & actionibus Deorum (*verius Dæmonum*) voluntatem cognoscerent. Mirum sanè ad cæca mortalium pectora pervertenda sacerdotum inventum. Machinarum autem variæ species erant. Quædam ad introitum templi, nonnullæ in aris repræsentabantur. Quæ quidem tanto ingenio concinnabantur, ut non plebs tantum divinum quiddam ijs inesse putaret, sed & quotquot de illis mentionem fecerunt Authores, arte quadam humano ingenio superiori confectas centuerint. Inter reliquas magna Deorum mater Multimammia spectabatur aræ imposita, quæ mox ac candelæ accendebantur, uberibus copiosum lac fundebat. Multi hoc præstigiatorum ac Dæmonum arte constructum opus fuisse putant: sed P. Kircherus aperte sacerdotum dolosam

dolosam machinationem fuisse ostendit citato loco Pragmatia 1, fabricatâ etiam in hunc finem machinula, quam in suo Museo ostendit. Sic ergo procedebant.

Fabrica ABCKL siebat, columnis suis BK, LC, &c. instructa, Vide Iconius & tholus ABC hemisphæricus, & basis KM cylindrica, in. misi xxi. tus erant cava. Basi imposita erat arula MN, concava; supra Fig. II. arulam crater GH; supra craterem idolum mammis protuberantibus effigiatum fundebatur. Columnæ BK, C L, brachia habebant mobilia s & t, quæ sursum deorsumque moveri poterant, candelabris, seu lampadibus ED instructa. Aperiebatur & claudebatur tholus ABC per cochleam loco A insertam. Ex tholo deducebatur siphon XBK1, per fundum vasis KL, usque in supremum locum i arulæ MN. Ex fundo vero arulæ alius siphon NM intra statuam porrectus erat, atque in loco F, ubi mammæ, in multos canaliculos pro multitudine mammorum divisus. Tempore itaque sacrificii arulam MN lacte replebant, & eandem seu lampadibus E & D accensis, tholi fundus calefiebat, latenterque intrâ aërem rarefaciebat; hic rarefactus dum locum evadendi non reperiebat, cochleâ obstructo tholo, per canalem XBK1, abitum parans, dum arulæ interiora jam lactis humore repleta reperiebat, illum impetu suo per canalem MN in ubera statuæ protrudebat; quæ statua largifluum humorem foras, non sine admiratione inspectantis populi, singulari Deorum beneficio concessum putantis, intra arulæ craterem GH dispergebat, durabatque solùm sacrificij tempore.

MACHINA III.


Rota versatilis, aquam lustrationi necessariam fundens.


Hero Alexandrinus libro de Pneumaticis cap. 31. & Clemens Alexandrinus lib. 6. Stromat. referunt, in sacris Ægyptiorum ad porticos rotas æreas versatiles fuisse, quæ dum ingrediebantur alijs, convertebantur, & aquam lustrationi necessariam fundebant,

bant. Artificium describit Hero loco citato, & Kircherus loco item citato ex Oedipo Pragmat. 4. Sic autem procedebant sacerdotes rotarum Architecti.

Vide Ico-
nissini XXI. vas AL, diaphragmate HB discriminatum, quod in c habe-
Fig. III. bat foramen, ex quo deducebatur canalis CD in partem infe-
Rota ver-
satilis.
Post porticum, sive intra parietem porticus fiebat amplum
vasis, qui in d æneæ matrici perforatæ G erat coa-
gmentatus; per matricem verò alius canalis EME traducebatur
in modum axis, qui in F & M tanquam polis insertus versatilis
erat intra matricem G, & intra polos F & M. Habebat autem
hic canalis FME foramen apud G, quod orificio canalis CD in-
tra matricem exactè respondebat. Idem canalis FME habebat
in E mysticam rotam NS insertam, in cuius centro orificium
canalis desinebat in caput Leoninum. His ita constitutis, si rota
ab ingredientibus vertebatur, axis EME eidem insertus, & intra
matricem G circumactus, vertebat foramen suum foramini ma-
tricis, & canaliculo DC, sicque aqua vasis AB per eundem cana-
liculum CD intra canalem EME se insinuans, magno impetu
per E, & os Leonis foras erumpet, ut lustrationibus inserviret;
versâ verò ulteriùs rotâ, aut eâ reversâ, fiebat ut foramen prædi-
ctum axis non congrueret amplius foramini matricis, & canali-
culo CD, sicque obstruebatur, & aquæ fluxus cessabat. Totum
itaque artificium simile erat epistomio, quo hodierna die utimur
quām familiarissimè in omnibus ferè doliis, canalibusque fon-
tium tum claudendis, tum aperiendis; differentia solùm in eo
consistebat, quod illud arcano & mystico, ut putabatur, modo
fiebat. Innuebant autem per rotam (inquit Kircherus rerum Æ-
gyptiarum expertissimus) supernas Intelligentias, quas Iyngas voca-
bant, supremi Numinis ministras, cuius influxu Momphta humida na-
tura Præses aquam suppeditabat sacram seu Niloticam, tum rebus omnibus
producendis, tum lustrationibus comprimis necessariam. Principium
motivum machinæ est naturalis motus ac lapsus aquæ.

MA-





M A C H I N A IV.

Cynocephalus Aegyptius ex veretillo aquam fundens,
quæ horas æquinoctiales in subiecto vase monstrat.

Horus Apollo in Selectis Hieroglyphicis lib. I. cap. 16. ait, *Ægyptios æquinoctia significare volentes pinxit Cynocephalus sedentem, eò quod duobus anni æquinoctiis duodecies in die & duodecies in nocte, per singulas nimirum horas, urinam reddat.* Vnde non immerito (subjungit) suis hydrologiis *Aegyptij Cynocephalum sedentem insculpunt*, è cuius membro aqua defluat. Quâ porrò ratione atque industria construxerint hujusmodi hydrologia, quæ æquinoctiales, hoc est, æquales horas indicarent, docet Kircherus in suo Oedipo Aegyptiaco Tom. 2. par. 2. Classe 8. cap. 3. §. 3 Pragmat. i. his verbis.

Ex ære faciebant Cynocephalum sedentem intus concavum, cuiusmodi hodie in Regio Museo montis Pinciani à Francisco Gualdo Equite Ariminensi (viro antiquatum studiosissimo, expertissimoque, & mihi etiam noto) ostenditur. Hunc ponebant supra Abacum AB tetrastylon, sive quatuor columnis innixum; infra quem ponebatur vitreus cylindrus CD, cuius basis cladebatur, in superiori parte apertus. Intra hunc vitreum cylindrum diabetes EF ordinabatur, cuius interior canalis IK basi cylindri perfectè coagmentatus, in vas suppositum GH desinebat. In cylindri vitrei, vel etiam in ipsius diabetis circumferentia horæ duodecim intra duodecim circulos describebantur, ut figura docet. Hoc peracto, per orificium M Cynocephalus aquâ Niloticâ, cuius symbolum erat, replebatur; quæ per veretillum Cynocephali in cylindrum vitreum deplebatur. Et quoniam veretilli canalis eâ industriâ erat constructus, ut per illud aqua spatio duodecim horarum exactè depleretur (quod ad sciatericum exactè factum explorabant) ideo diabetes quoque EF, unâ cum cylindro vitreo, eâ proportione dispositi erant, ut spatio duodecim horarum & Cylindrus impletur, & diabetes depleteatur, ut jam dicemus. Aqua enim ex veretillo Cynocephali in-

tra cylindrum vitreum c d lapsa, sese paulatim intra diabetem e f insinuans, spatio duodecim horarum crescet usque ad e, & illinc per orificium i diabetis lapsa in vas g h, per orificium k sese aliis duodecim horis deonerabat; siebatque ut in cylindri vitrei duodecim circulis aqua primū crescendo duodecim horas diurnas intra cylindri latera demonstraret; & intra eadem, aqua per diabetem sese exonerans, decrecendo horas nocturnas monstraret. Die verò naturali elatio, cynocephalo ad horologij continuationem nova aqua affundebatur, exempta prius aquâ vasis g h per canalem l.

ANNOTATIO I.

Quando Cynocephalus erat plenus, plus aquæ primâ horâ effluebat, quam secundâ, & plus secundâ, quam tertia, &c: quoniam è magis premebatur aqua supra orificium interius veretilli, quod major in Cynocephalo erat aquæ copia. Hinc circulî seu horaria spatio in cylindri superficie notata non poterant esse equalia, sed latius erat spatum prima hora (à cylindri basi incipiendo, & sursum ascendendo) quam spatum secundæ horæ, & similiter subsequentium horarum spatia, usque ad summitatem cylindri, hoc est, usque ad duodecimam, semper decrescebant. Hinc præterea cylindri diviso in duodecim horaria spatia diurna non poterat servire pro divisione duodecim horariorum spatiiorum nocturnorum, quæ designabat descensus aquæ delabentis per siphonem diabetis, quia plus aquæ trahebatur ab orificio diabetis, pleno existente cylindro, quam non pleno, nam quo plenior erat cylindrus, è majori violentiâ premebatur aqua, & intra diabetem sese insinuabat velocius, ac proinde majori cum facilitate trahebatur ab orificio l.

ANNOTATIO II.

Sciendum etiam, Cynocephalum continere debere aquam pro duodecim horis tantum, eamque post viginti quatuor horas esse refundendam.

MACHI-

M A C H I N A V.

*Hydrologium horarum antiquarum, seu
inæqualium.*

IN Gnomonicis passim docetur, totam ferè Antiquitatem u-
sam fuisse horis inæqualibus, dividendo videlicet quam libet <sup>Hydrologiæ
horarum
inæqua-
lium.</sup>
totius anni diem, sive longa ea esset, sive brevis, in duodecim ho-
ras; similiter & noctem: unde siebat, ut sicuti diversæ dies no-
ctesque anni erant inter se inæquales, ita etiam diversarum die-
rum ac noctium horæ essent inæquales, licet ejusdem diei aut
noctis horæ inter se inæquales fuerint. Atque hujusmodi ho-
ræ inæquales vocantur *Antiquæ*, eò quòd Antiqui iis fuerint usi.
Vidimus quæ ratione fieri possint horologia horarum æqualium,
nunc videndum quo modo inæqualium hydrologia fieri possint.
Quæ quidem res multò est difficilior & ingeniosior, non tamen
supra eximum Athanasii Kircheri ingenium, qui ita procedi ju-
bet in *Oedipo Ägyptiaco* to. 2. parte. 2. clasie 8. §. 3. Pragmat. 3.
(Mutavi tamen nonnihil ordinem, majoris claritatis gratia.)

Machina constituatur loco opportuno, ubi perpetuæ aquæ Vide *Ico-*
suppeditatio existat; sitque caput v.g. leoninum sive Momphta, nis. xxii.
quod intra receptaculum *B C* aquam effundat; & nè exuberet Fig. v.
dictum vas, per canalem *T V* exoneretur. Habeat autem vas
B C intus siphonem reflexum *D*, per quem aqua se exoneret in
vas vitreum, quod ponetur intra tetrastylon *G C H I*, cuius co-
lumnis insitit receptaculum *B C*. Tetrastylon hoc insitit alte-
ri receptaculo *H I K L*, intra quod per diabetem *E F* aqua intra
cylindrum vitreum ex siphone *D* vasis *B C* dilapsa se exoneret.
Atque hæc est fabrica Machinæ; sequitur horarum inæqualium
in cylindro vitro delineandarum modus.

Ut itaque totius anni decursu aqua intra vitreum cylin-
drum prædictum inæquales horas exactè demonstret, sic progre-
dieris. Imple caput leoninum aquâ currente, & dum defuit in-
tra receptaculum *B C*, effluitque per siphonem reflexum *D*, in-

tra cylindrum, ita tempera ipsius orificium claviculâ aliquâ versatili, ut spatio 24. horarum præcisè impleat totum cylindrum. Cùm autem caput leoninum propter aquam perpetuò currentem sit semper plenum, fit ut singulis horis æqualis aquæ quantitas influat in cylindrum. Deinde accipe chartam altitudini cylindri vitrei æqualem, latitudinis vero tantæ, quæ totum cylindrnm circumpleteatur, sitque parallelogramnum m. XXIII. chartaceum A B C D. Hujus parallelogrammi latera A B C D, Fig. VI. divide in sex æqualia spatia, ductis à fronte A B ad basim C D lineis rectis parallelis; & cuilibet spatio, tam in fronte quam in basi, adscribe sua signa, ut figura monstrat. Intra idem parallelogrammum lineas horarias sic depinges. Vide loci, in quo hydrologium constituendum est, maximam & minimam diei longitudinem; sitque v.g. quatuordecim, & decem horarum. Deinde duo parallelogrammila litera A C & B D, divide in 24. æquales partes; & in latere A C, inferius incipiendo, numera decem ex dictis 24. æqualibus spatiis usque ad E, in latere vero B D quatuordecim, usque ad F, & per terminos duc lineam rectam E F. Hoc facto, spatiū E C, uti & spatiū F D, divide in duodecim æquales partes, & per divisionum puncta correspondentia duc lineas rectas transversales, ut vides factum in figura. Eadem ratione spatiū E A, & F B partieris in duodecim æquales partes; quod fiet, si spatialia lineæ F D traducas in lineam E A, & spatialia lineæ E C in lineam F B, & ducas lineas transversas. Totum parallelogrammum sic divisum depinges supra vitreum cylindri superficiem, & habebis totum negotium confectum. Aquâ enim exonerante se per siphonem reflexum D in cylindrum vitreum, ea ratione, ut aqua spacio 24. horarum cylindrum præcisè impleat usque ad A B, ut supponimus ex antea constitutis; fiet necessariò, ut aqua in latere A C, dum percurrit ex C in E, quantitatem diei minimi decem horarum per duodecim horarum spacia, in quæ divisa est linea C E, metiatur: in vero duodecim horas æquinoctii, in F denique quantitatem diei maximi quatuordecim horarum per duodecim spatia, in quæ divi-

Fig: vi Iconismus

XXIII. pag: 263.

Fig.  **ix.**




Fig. VIII.





Fig: VII



divisa est pars D F, exactè demonstret; & sic in reliquis lineis signorum consequenter fieri judicabis. Post E F verò incipiet aqua paulatim crescens monstrare horas nocturnas. Ubi verò aqua ad ultimam lineam pervenerit, incipiet ingredi diabetem E F (& tunc sisti debet fluxus siphonis inflexi) atque per eum eadem proportione motūs, (inquit Kircherus) quo intra vitreum cylindrum creverat, scilicet evacuabit in vas suppositum H I K L; haec tamen cautione, ut aqua, quæ horas sole in capricorno existente demonstraverat in spatio C E A crescendo, easdem in spatio B F D decrescendo demonstret: pari pacto aqua quæ sole in cancro existente, horas demonstraverat in spatio D F B crescendo, easdem decrescendo demonstret in A E C spatio, ut numeri adscripti luculenter monstrant. Eadem est ratio de reliquis signorum lineis; ita ut semper aquâ decrescente, linea opposita illius lineæ, per quam creverat, accipienda sit, uti characteres signorum in basi monstrant.

Totum itaque artificium consistit in siphonis reflexi, & diabetis constructione, quorum uterque ita temperari debet, ut aqua receptaculi B C, per siphonem D, spatio 24. horarum cylindrum G I præcisè impleat, & eodem prorsus tempore eadem per diabetem E F in vas H I K L, se depleteat. Quod quidem haberi non potest, nisi per observationem ad diæti temporis spatium. Deinde vasorum proportionis summa cura tenenda est.

Verum cùm perpetuò fluente aquâ, semper quoque cylindrus plenus foret, hinc os leonis habeat epistomium, ut quando aquâ cylindrus vitreus fuerit plenus, claudatur, donec tota aqua spatio 24. horarum se depleverit, vt diximus; & deinde pro nova horarum demonstratione postero die referatur; atque adeo semper alternis diebus naturalibus claudatur atque referatur epistomium. Melius tamen fuerit, si ipse siphon reflexus per separatum epistomium claudatur ac referetur; quia non statim ac os leonis fluere cessat, cessat etiam siphon. Postulavimus autem perpetuò fluentem aquam hac de causa, quia quamdiu receptaculum B C plenum fuerit aqua, consequen-

ter aqua cum æquali prorsus impetu per siphonem lapsa, æquale intra vitreum cylindrum incrementum causabit; quod non fieret, si aqua in vase BC paulatim deficeret, uti demonstravimus in Protheoria 4. cap. 3.

Si itaque ex hoc horologio quovis tempore velis cognoscere horam, quære lineam signi, imo & gradus signi, & vide ubi dictam lineam aqua vasis intersecet: linea enim horaria, quam ibidem tangit, est hora inæqualis quæsita. Et aquâ quidem crescente intra vas vitreum, accipe signa in fronte AB notata; eadem verò decrescente, accipienda sunt signa in basi CD descripta, ut jam antea diximus.

ANNOTATIO.

Si eadem velocitate ac tarditate aqua delaberetur per diabetem, quâ illabitur per siphonem, eadem divisio parallelogrammi serviret pro aqua crescente ac decrescente. At quoniam hoc impossibile est, ut ex dictis supra Protheoria 4. cap. 3. patet, alia divisio instituenda est pro aqua decrescente; quæ quidem divisio notari posset in tubo vitro diabetis.

MACHINA VI.

Hydrologium Bettinianum.

*Hydrologiū
Bettini.*

Operioris operæ atque impensæ est fabrica & usus tot vasorum in præcedentibus hydrologiis necessariorum, nec carent fallaciis atque incommodis: quibus ut eamus obviam luet huc apponere constructionem alterius hydrologii fidissimi, ut putatur, & facillimè parabilis, ex P. Mario Bettino, Viro Societatis nostræ doctissimo, quod describit Apiario 8. Progymnas. 3. Propos. 3. hisce verbis.

Vide Ico- *Esto vas ligneum vel alterius materiæ, AB, cuius lateris pars nif. XXIII. producta in longum sit, AC tubulus unde aqua defluere possit, sit ubi Fig. VII. B est; virga ferrea, vel linea recta penpendiculariter erecta DE, atque infixa in supparoubi D; cancellus sive arcellus ADF contineat intra se eam*

se eam virgam ita, ut evagari nequeat extra latitudinem lateris, sive
asserculi A C. Infundatur ergo aqua in vas AB, & dum aperto tu-
bulo B, incipiunt tam aqua effluere, quam virga D E descendere, si-
ant divisiones horarum exactissimae in A C, v.g. horarum saltem ma-
ximi arcus semidiurni in ea regione, in qua hujuscē horologii usus futu-
rus est. Hactenus Bettinus.

ANNOTATIO I.

SAtius tamen foret, notare 24. horarum divisiones in asserculo A C,
si vas sit capax tantæ aquæ, aut tubulus B tam strictus, ut fluxui 24.
horarum sufficiat. Prima hora divisio sit ubi E, ultima ubi A F. Si utaris Astronomicis, quæ incipiunt à meridie, implendum est vas
quotidie nova aqua in meridie: Si Italicis, quæ in occasu Solis incipiunt,
utaris, implendum est vas ad Solis occasum: Si Babylonicas, quæ inci-
piunt ab ortu Solis, ad ortum ejusdem implendum est vas. Si utaris
horis quarum duodecim numerantur à meridie ad medium noctem, &
duodecim à media nocte ad meridiem, horarum spaciis adscribes bis duo-
denos numeros, à capite ad calcem tabula procedendo.

ANNOTATIO II.

Quoniam, ut ex dicta Protheoria 4. patet, plūs aquæ effluit è tubulo B
primâ horâ, quam secunda, & plus secunda quam tertia &c. divisio-
num spacia asserculi A C necessariò inæqualia erunt. Divisio porrò
optimè fit observatione, quamvis etiam fieri posset alia ratione, ut in
Protheoria 4. cap. 3. diximus proposit. 24.

ANNOTATIO III.

Neque hoc, neque ullum aliud hydrologium tam fidum esse potest, ut
Bettinus promittit, quoniam alia mensura, aliaevè velocitate ac tar-
ditate effluit aqua è tubulo B, dum frigida est aura, quam dum est te-
pida, aut calida.

MACHINA VII.

Hercules clavâ Draconem persecutiens.

Li

Ioannes

Johannes Baptista Aleottus Italus, Heronis Alexandrinis spiritalia à Federico Commandino latinè edita, Italico Idiomate dedit in lucem Bononiæ Anno 1647, cum appendice quatuor Problematum (Theorematâ ipse appellat) Hydropneumaticorum, modique elevandi aquam ad Turrium summitates; ex quo defusimus præsentem machinam, quæ hisce verbis (Italicè tamen) ab ipso Aleotto proponitur. Efficere ut cum Dracone aureorum pomorum custodiae deputato pugnet Hercules clavâ; quam dum elevat, Draco sibilet; & dum capiti impingit, Draco ejaculetur aquam in faciem percutientis. Artificium ex eodem, paucis mutatis, aut additis, consistit in hoc.

Hercules
draconem
clava per-
cutient.

Sit basis seu abacus ABCQ, instar cistæ fabricatus; cuius una pars CDEFGHK sit undique clausa diligentissimè, nè quid Vide Ico- aëris elabi possit. Huic parti seu receptaculo superemineat canis. xxiii. nalis s, aquam fundens intra infundibulum TV; quod infundi- Fig. VIII. bum sit inditum receptaculo prædicto ita, ut eius collum coniforme v fundum non attingat, sed ab ipso tantum distet, quantum sufficit effluxui aquæ. Eiusdem receptaculi fundo afferru- minentur duo siphones inflexi, X & Y, quorum crura longiora sint extra, breviora intra receptaculum, & fundum non attin- gant, sed ab eo distent, ut de infundibulo dictum. Debet autem siphon X esse longè subtilior atque gracilior, quàm X. Vbi P, collocetur statua Herculis intus cava, tenentis manu clavam Q; ubi L, Draco intus etiam cavus. His factis, receptaculi prædicti lateri EPGH indatur canalis MO, qui in o incurvetur, & pertingat usque ad os Draconis; ubi ita accommodetur, ut sibi- lum edat. Quod fiet, si aperto canali s descendet aqua per in- fundibulum TV, in receptaculum CDEFGHK, ibique de- tentum aërem premens expellat per siphonem MO. Idem sibi- lus edetur, quando repleto receptaculo aliquousque aquâ, ea effluat per siphonem Y, & per jam dictum canalem OM at- trahet novum aërem ex Draconis ore.

His etiam factis, regula oblonga CC, DD, affigatur clavo tereti OO, ut circa ipsum tanquam circa axem verti, elevari, ac de-

ac deprimi possit. Infra extreum c c regulæ plantetur conus excavatus R R, intus perfectè lœvigatus; intra quem accommodetur alius conus solidus B B, qui prioris cavitatem perfectissimè implere possit, habeatque in B B annulum, cui insertus funis alligetur extremitati c c Regulæ, ita tamen, ut & conus solidus B B quiescat intra conum vacuum R R, & Regula c c, D D, situm habeat Horizonti parallelum. Alteri Regulæ extremo D D appendatur vas coniforme z, quod vacuum sit multò levius quam conus solidus B B. Debet autem prædicta Regula cum suis vasis appensis ita disposita esse, ut vas z pendeat infra crus extrinsecum seu longius inflexi siphonis x. Manubrio vasis z alligetur funis, qui transeat per alterutrum crus Herculis, pertingatque usque ad brachiorum vertebras. Intra Herculis corpus cavum, ubi brachia humeris per vertebras connectuntur, accommodata sit clavis ferrea ejus formæ, quam repræsentat latinum T majusculum, seu figura 2.3 4. hinc apposita; quæ quidem clavis sit ita disposita inter utrumque brachium ac humerum, ut alteri respondeat 2. alteri 3 stylus verò 4. vertatur circa infixum axiculum, eique alligatus sit prædictus funis, ut monstrat figura.

Præterea infra crus externum siphonis inflexi y colloetur vas A A clausum, cuius operculo indatur & afferruminetur crus siphonis. E latere hujus vasis A A prope fundum éducatur canalis T T, qui ingrediatur perforatum conum concavum R R apud 1, intusque habeat astarium, intra ipsum conum appetibile. Ex opposito coni hujus latere, ubi a egrediatur alias canalis Q Q, pertingens usque ad os Draconis.

Machinâ sic ritè præparatâ, aperiatur canalis s, & aqua defluens in infundibulum T V, descendet intra receptaculum C D E F G H K, fugabitque aërem per canalem M O, & sibilum in Draconis ore excitabit; eadem verò aqua, ubi pervenerit, ad summitatem siphonum x & y, effluet è receptaculo per dictos siphones intra subjecta vasa z & A A, attrahensque extrinsecum aërem per os Draconis, & per canalem M O, excitat

bit majorem adhuc sibilum quam antea, ut supra etiam diximus. Dum autem per siphonem χ descendit aqua intra vas z , prægravatum vas paulatim subsidit, secumque trahens alligatum funem elevat brachia & clavem Herculis hinc, inde vero conum solidum BB . Interim aqua vasis AA per cahalem TT insinuat se intra conum concavum RR , & cum inde effluere non possit (clausus enim est, ut postea dicetur) insinuat se intra canalem QQ , æquilibrium affectans originis suæ, quæ est in infundibulo TV , eodemque tempore vas z replebitur penitus: & cum erectum stare non possit, ob fundum acuminatum, inclinatum effundet aquam; quam effusâ, cum sit longè levius quam conus solidus BB , descendet is magno impetu intra conum concavum RR aquâ plenum, elevabitque vas z : quod dum fit, decidit clava Q supra Draconis caput, eodemque tempore Draco ex hiante rictu expuet aquam contra Herculem. Nam cum infundibuli aqua, & Draconis os, sint ferè in eodem horizontali plano, erit aqua canalis QQ in eodem æquilibrio cum aqua ipsius infundibuli, ac prope os Draconis. Unde cadente cono solido BB intra concavum RR aquâ plenum, ibique repertam aquam premente, cum aqua non possit retrocedere per canalem TT , prohibente id assilio i , cogetur fugere per canalem QQ , ubi premetatque expellet detentam aquam per os Draconis.

ANNOTATIO I.

NE aqua intra concavum conum RR recepta, descendente cono solido BB , transcendens concavi labra effluat, sed pellatur intra canalem QQ , fiat conus coriaceus, qui adæquet superficiem concavam seu interiorem concavæ, & convexam seu exteriorem solidi coni, cuius vertex sit affixus vertici coni solidi, labrum vero labro coni concavæ: sic enim fiet, ut elevato solido elevetur & coriaceus, & locum præbeat aquæ ingredienti; descendente vero eodem solido, descendet & coriaceus, & aquæ prohibebit exitum per labra coni.

ANNO-

ANNOTATIO II.

Commodius tamen erit, si loco conorum fiat antlia, cuius embolus sit alligatus extremitati c c Regule. Ut etiam vas z facilius inclinetur, fundum debet esse ponderosum.

MACHINA VIII.

Aquila Horodictica.

Machinam præsentem, non tamen sub Aquilæ schemate, conservamus in Museo Kircheriano, constructam à P. Kirchero in hunc modum.

Tubus est cupreus A B, superiùs ad A desinens in vascu- Vide Iconum c, inferiùs ad B, primùm in duos ramos tubiformes, B D, nif. XXIII. BB; deinde in basim cavam i H. Epistomia aptata sunt illis locis, quæ figura monstrat. Bina brachia B D, B E binos sustentant tubos vitreos D F, E G, divisos in duodecim horaria spatia, & ita brachiis insertos, ut continuatos cum ipsis tubos constituant. Vasculum c tantæ ad minimum capacitatris aquæ esse debet, ut implere possit tubum A B, utrumque brachium, & utrumque vitreum tubum. Eiusdem capacitatris sit basis i H. Debent præterea vitrei tubi esse alicubi apud F & G paululum aperti, ad aërem exspirandum, inspirandumque. Hujus Machinæ usus hic est. Aperiatur epistomium B, itaque temperetur fluxus seu descensus aquæ per ipsum ex vasculo c, & tubo A B, ut ascendendo per tubos vitreos horatim transcendat divisiones dodecamoriarum jam antea ex observatione signatas in alterutro, v. g. in D F. Aperiatur deinde epistomium i (clauso priùs epistomio B) itaque temperetur aquæ refluxus per ipsum ex vitreis tubis, ut descendendo horatim transgrediatur divisiones easdem dedecamorias, at contrario ordine notatas in tubo G E. Cessante fluxu exemptam è basi H aquam refunde intra vasculum c, & redibit eadem operatio.

ANNOTATIO.


Divisiones dodecamorioæ in neutro tubo possunt esse aquales, sed inferiores tubi D F majores quam superiores, è contrario vero superiores tubi G E majores quam inferiores. Vide quæ diximus supra Machina I V. & in Protheoria 4. cap. 3. Basis cava ^IH debet in operculo habere spiraculum, ut aquâ delabente intra ipsam exspiret aëris.




MACHINA IX.

Chorea Serpentum Aquivomorum.

Choreæ serpentum. **I**VCUNDISSIMUM præbet spectaculum præsens Machina, quam quia tubi in serpentum formam sunt efficti, & in gyrum vertuntur continuò, dum aquam fundunt, serpentum choream appellare placuit. Asservatur in Museo Kircheriano, eamque Romæ apud alios etiam vidi, non sine voluptate. Construitur hac ratione.

Vide Ico-nis. xxi. cui apud B infigatur item perpendiculariter virga ferrea & infle-
Fig. x. xibilis B C D, superius apud D acuminata. Fiat deinde vas dode-
caëdrum, aut icosaëdrum C E K cupreum, alteriusve materiæ
quam fieri potest levissimum; è cujus quaternis hedris superiori-
bus B, K & c. egreditur quatuor tubi serpentiformes B L, K M & c
variè inflexi, capita habentes modicè incurvata, & intus cylin-
drum versus conversa. Ori vasis C E K adglutinetur margo F G,
coronam referens Cæsaream, superius apertam; è cuius internis
lateribus educantur terna quaternavè ferrea fila F D, G D, & c
conjuncta apud D, & complectentia vitri cavi fragmentum exi-
guum, conversam habens cavitatem deorsum. Per vasis dode-
caëdri fundum transigatur tubulus C E K, fundo vasis apud C o-
ptimè adferruminatus, nè aqua ex vase effluat. Vas ita constru-
ctum imponatur cylindro ac ferreæ virgæ A B C D, ita ut prædicta
virga B D transeat per tubulum C E K, perquæ coronam F G, &
attingat acumine suo cavitatem vitrei fragmenti D. Ideo autem
apud





apud D vitrum cavum constitui debet, acumini virgæ CD innixum, nèdum machina gyratur supra prædictam virgam, facile ab ejus acumine atteratur, ac perforetur.

His ita constitutis, si Machina statuatur infra aquam fontanam quæ influat intra coronam FG, replete vase C E K effluet aqua per tubos serpentiformes E L K M, &c. & in ipsorum curvitatis variè fracta circumaget vas dodecaëdrum cum tubis suis, serpentumque choreas agentium, & aquas exspuentium, spectaculum præbebit.

ANNOTATIO I.

SI Cylindro A B circumdetur rota versatilis cuprea H I, quæ piano suo aquam defluentem excipiat, & per epistomium H eijsiat, poterit aqua, conversâ rota, ad varias horti alicuius partes derivari. K est cochlea ad firmandam rotam in dato situ.

ANNOTATIO II.

Potest supra apicem D coronæ F G collocari aliud dodecaëdrum, suis tubulis serpentiformibus, aut aliter effigiatis instructum, atque intra ipsum derivari aqua tanta copia, ut redundans effluat superius, ac per latera exteriora decurrens influat in suppositum dodecaëdrum. Sic enim fieri ut utrumque in gyrum agatur, & quidem contrariis motibus, ad dexteram unum, ad sinistram alterum. Talis est Machina quam Romæ alicubi vidi.

MACHINA X.

Coluber volitans.

ELamina tenui & levissima confla tubum spiralem, in helicem Vide Icon convolutum, ita ut referat colubrum intortum hastæ circumcisum. xxv. plicatum, cuius orificium B sit caput colubri, orificium vero alterum cauda. Hæc cauda desinat in platum concavum A, cujus fundo exteriori insertum sit speculî seu vitri fragmentum, ut volitans. dictum

dictum in Machina præcedente. His factis, è vasis fundo erige ferream hastam, acuminatam in A, eiusque acumini A imponit vitri fragmentum cum concavo piano A, caudæ serpentis adnexo; & evolvet se coluber, accirca hastam pendebit, ut in figura apparet.

Si jam supra planum A hujus Machinæ derives aquam è canali C, descendet ea per tortuosum colubrum, & in spiris variè fracta convertet ipsum in gyrum; vnde volitare videbitur, formidabili in expertis specie. Semper etiam ascendere tentabit, immo ascendere reputabitur, nunquam locomotus.

ANNOTATIO I.

*Eiusdem
alia con-
struc-
tio.*

Si fundo vasis imponas lucernam, vapor & fumus eius ascens, & per explicati colubri spiras transiens, eundem præstabit effectum. Ad hunc tamen effectum consequendum non est necesse colubrum in tubum elaborare, sufficit simplex charta colore & spiris in colubrum efficta, & ex hasta, ut dictum, suspensa.

ANNOTATIO II.

Si machinam alterutro modo constructam exponas fenestræ, aut foramina cuicunque, per quod ventus, aut agitatus aer perrumpit; eundem experieris effectum.

MACHINA XI.

Nauta Hydro-Horologus.

Vide Ico-
nis. XXIV
Fig. XII.
*Nauta H-
ydro-Horo-
logus.*

Accipe vas aliquod seu cretaceum, seu ligneum, seu melius cu-
preum, longiusculum, ABCD, in eiusque vel fundo, vel la-
tere prope fundum, fac foramen exiguum, cum obturamento,
aut epistomio G. Imple deinde vas totum aqua limpidissima, &
audito horologij alicujus campanarij pulsu, aut arenariâ unius
horæ clepsydrâ, quam vocant, fluere incipiente, aperi foramen
aut epistomium G; & transactâ unâ horâ, signa in interiori vasis
laterè lineam secundùm designationem à suprema aquæ super-
ficie

ficie factam. Idem fac transactâ secundâ horâ, idem transactâ tertîâ, idem quartâ, & reliquis deinceps, usque dum duodecim, aut viginti quatuor hac ratione horaria spatia designaveris; habebisque hydraulicum horologium perfectum. Quoties enim vas aquâ repleveris, & fluere per foramen permiseris aquam, videbis subsidere aquâ quot ab impletione aut fluxu incepto transierint horæ. Usus te plura docebit. Solùm adverte, spatia horaria (quod locis etiam suprà citatis jam sèpiùs notavi) non esse æqualia, sed superiora esse latiora quàm inferiora, ob rationes dictas in Protheoria i v. cap. 3.

ANNOTATIO I.

Si vas is lateri affigas tabulam & perpendiculariter erectam, & intra naviculam & erigas statuam tenentem manu virgam erectam, tabulaque & planum radentem; poteris horaria spatia notare in tabula, ea que ostendet tibi statua virga suâ: nam effluente per epistomium & aqua subsidit paulatim navicula seu asserculus cum statua & virga extenta, ut figura monstrat. Potest præsens horologium accommodari pro horis astronomicis, Italicis, & Babylonicas; non tamen pro antiquis.

ANNOTATIO II.

HOrologio proposito haud multum absimile est, quod dat Ioannes Baptista Porta, & affert Mathematicus Thaumaturgus Probl. xc. n. 8. aliud. Hydrologiū. Posito enim vase aquâ pleno, utpote cacabo, aut altero simili, aliud deinde vitreum vas, qualibus melones cooperiri solent, eversum aquæ imponit, facto in eius fundo, & circa eius partem superiorem exiguo foramine, ut per illud aqua ingredi, per hoc aëre egredi possit. Dum enim vitrumque contingit, vitreum vas paulatim in aquam cacabi immergitur. Quoties igitur hora spatio immersum fuerit, circularis linea in vasis vitrei ambitu notatur, habeturque vas horologium paratum. Deberet tamen vas vitreum habere in summitate cochleolam, ut evacuari facile posset, & iterum ad novas horas monstrandas parari.

ANNOTATIO III.

GAspar Ens in Mathematico Thaumaturgo loco citato ait, facilius certiusque negotium absolutum iri, si aqua guttatum ex canali exiguo aliud. Hydrologiū.

in cylindrum vitreum dimittatur: siquidem distinctis in cylindri exteriori superficie horarum intervallis, incidens aqua numerum horarum longè melius, quam in communibus arena & quadrantes, & dimidiis horas ostenderet, cum aqua promptissimè (non sic arena) aequetur. Hoc an verum sit, ipse videris; mihi hæc praxis minus probatur.

MACHINA XII.

Libra hydraulicæ horodicticæ.

Libra hydraulicæ. M^Emini me, cùm Panormi in Sicilia Mathematicam docerem, Discipulis meis proposuisse fabricandam libram hydraulicam horodicticam, quam deinde apud Clariss. Harstorffum inveni tomo I. Deliciarum Mathem. par. 8. q. 13. Sic autem construitur.

Vide Ico- Scapus fit BC, suspensus è foramine A velut è gravitatis cen-
nis. xxiv. tro, è quo erigitur perpendiculariter Index AE. Appenditur sca-
Fig. XIII. po hinc cylindricum vas F aquâ plenum, inde lanx G cum pon-
dere imposito æquiponderante aquæ F. In vasis cylindrici fun-
do sit foramen exiguum; è quo dum effluit aqua, sensim descen-
dit lanx cum pondere, & indicis apex E progreditur ab E ver-
sus C. Si igitur elapsis horis singulis notaveris singulas in arcu
EC lineolas, & numeros apposueris; habebis libram hydraulicam horodicticam paratam. Quoties enim cylindrum F aquâ
impleveris, & fluxum per foramen fundi permiseris; toties pon-
dus G descendens promovebit indicem AE ad lineas horarias
in arcu notatas.

ANNOTATIO. I.

I^Ndex AE adeo levis esse debet, ut in quamcumque partem libra inclinetur, eius gravitas nullum addat sensibile momentum gravitatis ad illam partem; alioquin statim ac equilibrium tollitur, multum adderet momenti ad partes EC. Divisio præterea horarum non potest esse aqualis, quia momenta sunt valde inæqualia pro diversa scapi inclinatione; cùm maxime etiam aqua inæqualiter fluat ex vase F. Ideo dixi divisio nem faciendam observatione.

ANNO-

ANNOTATIO II.

Si horarum numerum ac notationem ab indice factam incipere velis
a puncto D versus C, efficies id, si minueris pondus G, donec cylindrus
aqua plenus deprimat indicem AE usque in D.

MACHINA XIII.

Hydraulicum horolabium facillimum.

Capite 1. Machina 8. dedimus hydraulicum horologium O-
rontianum. Geminum Orontiano est, quod sequitur horo-
labium hydraulicum, illo tamen longè facilius, & minimis sum-
ptibus à quolibet parabile. Differt solum ab Orontiano in hoc,
quod horaria intervalla in circulo notata non sunt æqualia ut in ^{Hydrologia} alius pro
illo, propter inæqualem aquæ fluxum. Spectabatur id olim in P. ^{horis Astro-}
Kircheri Museo, & cùm simplicissimum esset, rapiebat tamen in-^{nomicis.}
tuentes admirationem. Sic ergo construitur.

Fiat vas oblongum ABGK seu cylindraceum, seu angulare ^{Vide Ico-}
quotlibet angulorum, dividaturque diaphragmate CDFE in duo nif.. xxiv.
receptacula, ut superius sit ABCDFE, & inferius reliquum quod Fig. XIV.
superest. In fundo inferioris fiat epistomium G ad deplendam
aquam. In diaphragmate fiat tubulus F optimè eidem coar-
ctatus, qui clavi volubili E forinsecùs aperiri & claudi possit pro
libitu. In superioris receptaculi vertice fiat cylinder seu tympa-
num cum axe AB, cuius extremitas A extra prominens anne-
xum habeat indicem horarum, qui circumvolutus percurrat
spatia horaria in asse rotundo, & ab axis extremitate A pe-
netrato notata. Cylindro circumducatur funiculus, cuius ex-
tremitati alligetur orbis metallicus I intus concavus, ut fluitare
possit, & nè in hanc vel illam partem nutet, plumbo suffartus; ea
tamen industria, nè prægravatus subsidat. Paratis hisce, reple-
atur receptaculum superius aqua, cuius supremæ superficie im-
ponatur orbis I, & circumducto cylindro convolvatur funis,
donec ab orbe appensæ, & aquæ superficie extremæ innixæ ex-
tensus maneat; & index horarius collocetur super horæ duode-

cimæ signandæ punctum. Aperi deinde tubulum F, convoluta claviculâ E; & aquâ paulatim effluente, atque in inferius receptaculum delabente, sequetur orbis I, secumque trahet funem sibi alligatum; funis verò convolvet cylindrum, & hic axem AB cum indice horario. Post quamcunque igitur elapsam horam nota in assere circulari punctum aut lineolam indicis apici respondentem, & habebis horaria intervalla distributa, totumque horologium præparatum. Nam quoties impleveris aquâ receptaculum superius, iuspenderi è fune cylindro circumvoluto orbem I ita, ut superficie aquæ incumbat; promoveris indicem horariorum supra duodecimæ horæ punctum; aperto tubulo F permiseris defluere aquam in receptaculum inferius; toties signabit tibi index horarius horas duodecim sibi mutuò consequentes.

ANNOTATIO I.

*Item pro
horis Itali-
cius.*

Si accommodare desideras horologium pro horis Italicis, præparare modo dicto illud debes vespere ad Solis occasum: Si pro horis Babylonicas, mane ad Solis ortum: Si pro Astronomicis, meridie. Post elapsas autem duodecim horas instruere illud denuò debes. Si fluxus aquæ per tubulum F duraret horis 24. & intervalla horaria 24. essent notata in asserculo; commodiorem usum istiusmodi horologium haberet. Aqua delapsa semel in receptaculum inferius, eximenda est aperto epistomio G, iterumque infundenda in receptaculum superius.

ANNOTATIO II.

Receptaculum inferius debet habere alicubi sub diaphragmate spiraculum L, ut aër elabi possit dum aqua decidit, alioquin non descensura.

MACHINA XIV.

Incubus Hydro-horologus.

*Vide Ico-
nis. xxiv.
Fig. xv.*

IN Machinula hactenus descripta circulus horaria intervalla complectens affixus est plano verticali. Idem plano horizon-

tali

tali sic accommodari facillimè poterit. Fiat ut antea vas ob-
longum ex stanno, plumbo, cupro, aliavè materia aquis resisten-
te, undique diligenter clausum, & diaphragmate in duo re-
ptacula discriminatum, suoque tubulo, spiraculo, epistomio, &
orbe metallico concavo instructum. Potest etiam loco orbis
metallici fieri ex stanno aut plumbo capsula i, clausa undique
axactissimè, tantæque magnitudinis, ut vasis oblongi latera non
radat, sed aliquantulum spatii inter ipsa & capsula latera rema-
neat. Hanc capsulam P. Kircherus in Arte Magnetica lib. 2.
par. 3. cap. 3. probl. 1. appellat incubum aquaticum, eò quod aquæ
fluenti semper incumbat. Hucus enim incubi annulo in medio
apud i extanti si alligetur funis, isque circumducatur trochleo-
lis A B, & cylindro K perpendiculariter super abacum clepsy-
dram intra se abscondentem erecto, & in superiori tabula axi
cylindri affigatur index horarius, & circa eum describatur circu-
lus, dividaturque in horaria spatia ut antea; habebis intentum.
Ingeniosus artifex multa alia addere ornatûs causâ poterit.

M A C H I N A X V.

Hydrologium Magneticum.

A Quæ & Magnetis beneficio horologium construes tam ju-
cundum visu, quam ad præparandum facile, hoc pacto.

Fac in formam columnæ quadrangulæ receptaculum Vide Ico-
conavum C D ex ligno, stanno, orichalco, aut quavis alia mate-
ria, excepto ferro & chalybe, optimè munitū ac ferruminatum, Fig. xvi.
ut aquam continere valeat. In hujus columnæ facie anteriori *Hydrologiæ*
insere laminam luctuissimam A E, ex ebano aut ære seu orichal-
co confectam, & in duodecim partes divisam, adscriptis etiam
numeris, ut figura monstrat. In fundo columnæ fac foramen
exiguum cum epistomio suo, ut aqua columnæ infusa effluere, &
intra basim F G descendere possit spatio horarum duodecim,
aut viginti quatuor, ita ut aquæ suprema superficies transgredia-
tur horis singulis unum horarum intervallum, in anteriori co-

Lacerta chartacea per columnam repens.

luminæ facie notatum. His factis, reple totam columnam aquâ, & supra aquam colloca corticem aut asserculum *H*, qui columnæ latera interiora non tangat, sed tantum ab illis distet, ut aquâ descendente & ipse descendere sine impedimento possit. Supra hunc asserculum colloca magnetis validi frustum ea ratione, ut axis magneticus sit horizonti seu columnæ basi parallelus, & polus *A*, qui ferrum trahit, respiciat directè laminam subtilem insertam *A E*. Denique ex chatta levissima effinge lacertulam, aut animalculum quodvis aliud, aut manum cum extento indice, eique infige acum ferream aut chalybeam, priùs magnete illitam, quæ tamen forinsecus non appareat. Si jam epistomium in fundo columnæ laxaveris, defluet aqua inter basin, simulque cum aqua descendet paulatim asserculus cum magnete superposito, & secum trahet lacertulam aut manum; quæ cùm lamina non sit affixa, & abstrahi ab illa pro libitu, reponique possit, mirum est quād delect et intuentes, præsertim si artificium ita abscondatur, ut nulla possit esse suspicio defluentis aquæ, & magnetis absconditi.

A N N O T A T I O.


*S*imilem machinam, sed sine aqua, exhibet P. Kircherus in suo Museo, eamq; describit in lib. 10. de Lum. & Vmbra par. 1. c. 1. probl. 22 & in Arte Magnet. lib. 2. part. 4. Probl. 7. Divisio horarum in lamina necessario erit in partes inæquales, ideoque observatione fieri debet, nisi velis uti artificio geometrico, de quo par. 1. Protheor. 4. Propos. 24. cap. 3.

C A P U T V.

De Machinis quæ habent principium mixtum.


Machina que habent principium mixtum.




Non unicum principium, sed ex duobus tribus-vè mixtum habent sequentes Machinæ, quas propterea ab aliis separandas putavi, & ad peculiare



pag: 279.







culiare hoc caput revocandas; ad quod etiam pertinet Machina 3. capituli 1, & Machina 5. capituli 2, & Machina Protheoriæ 2. §. 6.

M A C H I N A I.

*Avis exspuitam à Serpente aquam sorbens
è cratero.*

Servatur hæc Machina in Museo P. Kircheri, eamque ego sic descripsi in sape citata Appendice Hydraulicorum Machinamentorum Editionis novæ Magneticæ Artis lib. 3. par. 2. cap. 3. Machinam. 2.

Fiant ex materia quacunque solida, duo vasæ, seu aquarum Vide Ico-receptacula, R s, & T E, columnis suis interstincta; quorum nis. xxv. superius R s habeat in medio diaphragma seu interstitium, quo Fig. 1. totum vas in duo distinguatur receptacula R & s; & horum unumquotque habeat superius in operculis foramen, & obturatum, ut impleri aquâ atque obturari possit. Fiat præ-^{Serpens a-}terea siphon G E, cum epistomio seu clave versatili F; cuius ^{quam ex-}orificio G incipiat immediatè supra fundum vasis s, infra ^{puens.} verò terminetur ferè usque ad fundum vasis T E. Fiat item aliis siphunculus H K, qui transeat per crura, corpus, & rostrum alicuius fictitiæ volucris, alteriusve animalis. Tandem fiat tertius siphon C D, cuius pars C pertingat ferè usque ad operculum, ubi B; & aliis siphunculus O B A, cuius pars B O pertingat ferè usque ad fundum, ubi O, habeatque in B epistomium. Vas inferius T E habeat similiter epistomium L, ad deplendam aquam. His ita præparatis, clude epistomia E, & L, & B, & imple penitus vasæ R, s, per foramina N & O, eaque diligenter obtura, apposito cratero M aquâ pleno, cui aliquousque immersum sit rostrum K; vas verò T E maneat vacuum. Si ^{Avis ex-}jam exhibere vis Amicis spectaculum avis craterem ebibentis, ^{spuitam à}laxa epistomium F, & aqua vasis s descendet per siphonem G F in vas vacuum T E; in ejus verò locum, ad vitandum vacu-^{quam re-}
^{sorbens.}
umin

um in vase s, subsequetur aqua crateris M per siphunculum K H. Nè yerò deficiat aqua crateris M, laxa epistomium B; & aqua descendens per siphonem G F in vacuum vas T E, pre mensque aërem ibidem contentum, expellet ipsum per siphonem D C in vas R; qui aët comprimens aquam ibidem contentam, urgebit ipsam per siphunculum O B A, in craterem M, sicque fiet ut quantum sorbet avisè craterem, tantundem serpens refundat, nec deficiat sorbitio atque refusio, donec tota aqua vasis s descendenterit. Machinam hīc nuper fieri curavit non nemo, & magno applausu s̄pē exhibuit.

ANNOTATIO I.

Elucet in hac Machina vis attractiva, & compressiva. Desfluente enim è vasculo s aquâ in subjectum vas T E, nullique aëri, alterius è corpori patente viâ; attrahitur per siphonem H K è craterem M aqua. Pulso deinde aère vasis T E per canalem D C intra vasculum R, ibi que comprimente aquam, cogitur hæc per fistulam O B A erumpere. Perpendiculum G F E debet esse longius quam perpendiculum ab aqua crateris M usque ad curvaturam K; & similiter quam perpendiculum O B A.

ANNOTATIO II.

Sisolam avem bibulam exhibere desideras, sufficit dimidia pars Machina, scilicet vasculum s, recipiens T E, siphon G F E, siphunculus H K. Si recipiens T E, cum siphone G F E abesset, solumque vasculum s cum suo siphunculo H K adesset; desideratus non sequeretur effectus, quia aqua è vasculo s per fundum perforatum aut minimè deflueret, ob defectum perpendiculi majoris saltē aliquantulum, perpendiculo H K; aut si deflueret, subingredieretur aér, & cessaret metus vacui. Nec dicas, sufficere, ut altitudo cylindri aquei à G usq; ad H incumbentis formam sit major altitudine ab aqua crateris M usque ad curvaturam K; nam à K ad H aqua sponte sua descendit. Nè hoc dicas, inquam, quia tantum abest ut hoc sufficiat, ut vel aqua non effluat ex G; vel si effluat, succedat aér, ut dixi. Et hoc patet experientia quotidiana.

ANNO.

A N N O T A T I O III.

Iucundius spectaculum dabis, si loco avis & serpentis effingas Io-
vem vinum rubrum haurientem, & Ganymedem aquam miscentem.
Efficies hoc, si craterem repleas vino rubro, subjectum serpenti seu Gany-
medi vas R aquâ.

M A C H I N A II.

Vas hydro-pneumaticum omnis generis
jocos exhibens.

FUsè describitur hæc Machina à P. Kirchero lib. 3. Artis Ma-
gnet. par. 2. cap. 3. Experim. 3. eamque refert in Deliciis suis
Clarissimus Harstorfferus to. 2. par. 8. quæst. 15. Pulcherrima est
Machina, at minimè simplex, sed multas alias in se complicatas
continet; ideo paulò enucleatiū eam censui depingendam.

Fiat igitur vas quodpiam o p excupro, stanno, aut simili Vide Ico-
materia, ita coagmentatum, ut aëris sit omnino impervium. Ex nif. xxv.
hujus valis fundo g ducatur siphon g i per superius valis la- Fig. 11.
brum seu operculum, qui & in i epistomium habeat, laxandæ
aut stringendæ Machinæ accommodatum. Fiant præterea di-
versi siphunculi, v.g. K R, & vt, per avicularum n & t cor- Hydro-
pora transeuntes, ita accommodati, ut diversarum avicularum pneumatî-
voces seu garitus edere possint aëre animati. Vas etiam o p cum vac,
habeat alicubi versus fundum, clavem versatilem seu epistomi- aviculae
um y: & similiter canaliculi K R, vt, habeant suas clavicu- bibentes &
las versatiles h & v: quarum hæc extra vas prominens habeat cantantes
manubriolum, ut aperiri & claudi facilè possit. Fiat deinde ant- exhibens.
lia tali artificio. Lateri valis xe, sive extra sive intra, adgluti-
netur canalis è forti materia ade, pistillo, seu trusillo, aut pi-
ulco suo eb, & inverso modiolo dc, ritè instructus: è late-
re verò canalis in vas dñducatur canaliculus ef. Glans trusilli
seu piulci, eb, sit perforata per medium ab imo ad summum,
prout figura monstrat; & inferius habeat platismatum, quod
Nn aperiri

aperiri & claudi possit versus inferiorem partem. Modiolus inversus habeat in medio canaliculum, prout apparet in figura; & supra os canaliculi platismatum, quod aperiri claudique possit versus superiorem partem. Canaliculus denique e f habeat platismatum seu assarium apud f aperibile & claudibile versus interiorem vasis partem, nempe in figura posita versus dexteram legentis.

*Antlia hy-
dropeu-
matica.*

His ita rite constructis, onerandum est vas o p vel solâ aquâ, vel solo aere, vel partim aquâ, partim aere, qui aquam fortiter comprimat. Aquâ sic onerabitur. Claude assarium seu inferius foramen glandis e b pistilli a e b, assarium verò seu foramen superius modioli inversi relinque apertum. Deinde immerge Machinam aliquousque in aquam/vel saltem canali a d c suppone vas aquâ plenum) & concita antliam, elevando ac deprimendo repetitis vicibus pistillum a e b: sic enim fieri, ut elevato pistillo aperiatur platismatum inversi modioli, & aqua per ipsius canaliculum recipiatur intra canalem a e b; depresso vero eodem pistillo claudatur idem platismatum modioli, & aqua intra canalem a e b violenter compressa insinuet sese per canaliculum e f intra vas o p, aperto violenter platismatio apud f; quod aquæ jam receptæ pondere iterum claudetur, & aquis extitum prohibebit.

Aërem sic intromittes, & constipabis. Claude diligenter, extractâ ex aquis Machinâ assarium modioli inversi, & aperi assarium piulci e b. Deinde concita ut ante antliam; fieri que ut elevato pistillo aperiatur glandis platismatum, & per apertum foramen ingrediatur aer intra canalem a e b depresso vero pistillo claudatur platismatum ejusdem glandis, comprimaturque fortiter aëris, & intra vas o p fugetur per canaliculum e f, aperto violenter platismatio apud f. Concitetur autem antlia, donec aërem intra vas o p bene constipatum judicaveris. Cavidum tamen à nimia concitatione, ne vas rumpatur.

Poterit tamen vas o p aliunde etiam repleri aquâ, v.g. per episto-

epistomium v. aut per foramen in operculo, aut in latere factum; dummodo deinde bene obturetur.

Atque hi modi in omnibus Machinis aëre & aquâ onerandis observandi sunt. Ubi nota, ideo in glande pistilli factum esse foramen seu canaliculum per medium, ut aër per ipsum recipi possit intra canalem $\wedge e b$ clauso modioliplatismatio, & ipsum pistillum extrahi: Si enim foramine careret, metu vacui intra canalem $\wedge eb$ occurrentis extrahinequaquam posset, nec aëri ingressus pateret, ut consideranti constat.

Advertendum porro est, inter onerandum Machinam aëre, diligenter omnia epistomia esse claudenda, ne aër intromissus per antlam aliunde erumpat.

Porrò vase dicta ratione onerato, si varios latus, seu ludendis aquæ spectacula exhibere desideres, relaxato epistomio i, aër in vase op pressus, majorem locum quæret; quem dum non invenit, aquam exitum intercludentem summa violentia per siphonem g i, in altum projicit: qui siphon si impositum habuerit canalem in circularem formam se diducentem, multis foraminibus parvis cibratum; referet tibi aquæ saltus perfectam pluviam, aut lilium, aut conum inversum: Si triremem siphunculis suis instructam super imposueris; aqua saltu suo tremorem exprimet: Si aqua in folia liliorum, in flores tuliparum, aliorumque florum figuræ dilatare velis; siphonis labiis in dictarum rerum formam reductis, aliquantulum hiantibus, totum negotium efficies. Hoc artificio quamcunque aliam rem, in cuius formam hydraulici tubi labra prius accommodaveris, salientium aquarum radiis in aëre effigiabis. Res est comprimis jucunda viu.

Iterum si voces avium audire velis; siphonis k n orificio fistulam volucris voci repræsentandæ idoneam applicabis: situbam; orificio fistulam istius toni accommodabis: Si organorum harmoniam; integrum sistema fistularum organi alicujus (si vas adeo magnum esset) juxta artis regulas constructarum impones. Quo facto, si in voces Machinam animare velis, instru-

mento prius, ut dictum est, aere onerato, laxatoque ^H, epistomio, aer inclusus magna violentia per siphonem ^{K R N} elabens, amoenissimum avium garritum causabit, aut alium quemcunque sonum, juxa instrumentum efflatile applicatum.

Animalia autem sic bibere facies. "Clausis omnibus aliis epistomiis, onerataque Machinâ aquis, relaxa epistomium ^V, & aqua vasi ^{O P} inclusa exiens, secum aërem ^{P O} trahet; verum cùm hic aer tractus non habeat, quod in descendens locum subrogare possit (nullus enim aer aut aqua vas ^{O P}, ut suppono, penetrare potest, nisi per siphonem ^{V T S}) aquam calici s impositam attrahet cum strepitu quodam, & sic animal aquam bibere & sorbere, non sine adstantium voluptate, videbitur. Nota hinc, tubulum epistomij ^y debere prolongari versus inferiorem partem, ut perpendicularum ipsius sit paulò longius quam perpendicularum tubuli ^{S T}; alioquin aqua ex epistomio non effluet, quoniam omnia sunt clausa, & rostrum aviculae ^T est immersum aquæ scyphi ^s. Ne que dicas, ut supra in simili, sufficere ut aqua in vase ^{O P} à foramine, cuius infertus est tubulus ^y, usque ad supremam aquæ superficiem, altior sit quam altitudo siphunculi quo aqua ex cratero attrahitur. Nam si hoc solùm habeatur, & absit tubus prolongatus; vel aqua non effluit, propter rationem dictam, velaer subingreditur, & cessat effectus desideratus.

ANNOTATIO. I.

ADverte hic, non esse omnino necessarium, ut glans piulei seu emboli ab sit perforata, & inferius habeat assarium, ut aërem per ipsam recipere possit canalis, & pistillum extrahi. Si enim Machina sit extra aquam, dum extrahitur pistillum nullo foramine & assario instructum, aperitur platismatum modioli inversi, & per ipsum ingreditur aër intra canalem; dum vero deprimitur pistillum, clauditur modioli platismatum, & aëris intruditur intra canaliculum ^{E F}. Solùm necessarium esset dictum foramen cum platismatio, si Machina esset aquis implantata, & deberet aere onerari: tunc enim oportaret claudere modioli platismatio.

ANNO-

ANNOTATIO II.

Innumera alia hâc Machinâ exhiberi poterunt, qua industria Artificis relinquimus. Motor Machinæ est partim vis attractiva, partim disputativa, seu compressi aëris violentia. Habebatur in Museo P. Kircheri hæc Machina, sed diffrastra fuit.

ANNOTATIO III.

Naves ac statuae automatae, super aquam incedentes.

Inter cetera, que huius Machinæ artificio possunt exhiberi, estratio Naves & construendi Naves ac statuas automatas super aquam incedentes, tali statua autopacto. Construe vas informam navis, aut statuae, & juxta dicta Machinâ hac præsente, constipa intus aërem trusilli operâ: laxato enim forinsecus epistomio, aër per canalem violenter elapsus in aquam impinget, & sic non secus ac remorum operâ navim aut statuam in contrariam viam impellet. Hac igitur arte statuas super aquam ambulantes exhibebis, aliosque motus extravagantes, quos tibi, curiose Lector, excoigitandos, & in executionem mittendos relinquo.

MACHINA III.

Triton buccinâ inflatâ cursum fluminum sistens.

Hanc Machinam in hunc sensum proponit Ioannes Baptista Aleottus (de quo capite præcedente Machina sermonem habuimus.) Efficere ut sex fluviorum statuae, pluresve aut pauciores, Triton buccinâ effundant ex utribus aquam in subjectum vas, & Triton intra aquam cinam inlatitans erumpat derepente, infletque buccinam seu concham, fluviorum flans & fluxum prohibitus; dumque sonat, sistantur fluvij velut imperio cohibiti; dum verò aquis se iterum immergit Triton, repetant fluxum fluvij stens. ex utribus, tanquam meru prohibentis liberi. Pulcherrima est hæc Machina, & summi ingenij plena, sed non nihil, ob partium multitudi-

titudinem ac dispositionem, intricata. Ego quā potero claritate, illam extricare conabor.

Vide Ico-
nis. xxv. Fiat itaque basis seu abacus undique diligenter clausus
Fig. IIII. A B C D E F: cui insistat vas seu receptaculum pro rei exigentia ma-
gis minusvè amplum F G; in cuius superiori margine per circui-
tum dispositæ sint quotlibet statuæ fluviorum I, K, L, M, ex ære
aut cupro conflatæ, habentes inflatos utres in humeris aut in ma-
nibus, aut inter crura, prout libuerit Artifici, quasi effuluræ aquā.
Sub dicto margine vas sit canalis plumbeus Q Q Q, qui transiens
per s, flectatur in R, innectaturque vasi P recipienti ex canali o
aquam. Ex canali Q Q Q deriventur per statuarum pedes & ca-
va corpora tubuli, usque ad utrum orificio. Circa eundem cana-
lem, inter Q & R, fiat quadrata capsula s, intus cava, per quam
transeat canalis Q Q R; per basim verò inferiorem ac superiorem
ejusdem capsulae, simulque per canalem Q Q R perforatum, trans-
eat cylindrus ligneus T V, insistens truncō seu lapidi 16, in quo in-
tra matricem converti facile possit. Debet autem hic cylinder
esse multò crassior quām tubi Q R concavum, ut transiens per tu-
bum possit aquæ fluxum impedire. Cylinder apud s, quā parte
tubum R Q pertransit, perforatus sit à latere ad latus, ita ut for-
amen exactè respondeat utrimque cavitati tubi R Q. Sitque ejus-
dem cum tubi cavitate amplitudinis, ut dum foramen cylindri
convertitur ad tubi cavitatem, transeat aqua è vase P descendens;
& dum avertitur, impediatur transitus.

His factis, fiat in labro vasis F G rima seu fissura N, in ea-
que aptetur tubus utrumque apertus, seu cylinder concavus N Z
(cui deinde inseratur Regula lignea Y Z) ita ut librari sursum ac
deorsum, seu attolli ac deprimi possit velut circa axem. Huic
tubo seu cylindro N Z subiiciatur canalis N X, qui per vas F G
descendat intra subjectam basim seu abacum, ut figura monstrat,
cui diligenter adferruminetur in X; superius verò orificium hu-
jus canalis correspondea, exactissimèq; congruat foramenti quod
habebit prædictus concavus cylinder N Z ex inferiori parte; cy-
lindro verò insigatur Regula Y Z ita, ut ipsum exactissimè im-
pletat,

pleat, nè aëri elabi possit. Hæc Regula intra tubum πz , ab π ad z sit perforata per medium, & apud z affigatur pisiformis Triton, per cuius caudam corpusque totum translatum fistula, orificio Regulæ apud z ad ferruminata, pertingens usque ad os Tritonis, & usque ad ipsam tubam seu conchulam; intra quam formetur in epiglottidem seu lingulam, prout fit in rusticorum ac pastorum tibiis, quas Itali appellant pive. Germani Schals meyen. Quæ diximus hoc paragrapho ex Aleotto, obscurissimæ sunt, meliusque explicabuntur in Annotationibus.

Post hæc in extremitate Regulæ apud γ è fune suspendatur vas 7 , habens intra se diabetem seu tubum spiritalem 13 ; qui fuoris inferatur duabus trochleis 4 & 2 , circumPLICeturque cylindro τv , cuius extremo annexatur pondus 6 , quod sit gravius quam vas 7 vacuum, ut ipsum possit facile attollere. Intra vas seu receptaculum FG fiat tubus spiritalis seu diabetes, 9 , qui (inquit Author, sed male, ut ostendam in Annotationibus) effundat aquam intra concham, o , è qua derivetur extra vas canalis 10 & 11 . Intra idem vas FG fiat alius diabetes 18 , desinens intra subjectam basim; aut siphon inflexus 14 , cuius longius crus intra subjectam basim desinat. Tandem intra basim seu abacum $A B C D E F$ fiat aut diabetes 17 , aut siphon inflexus 15 , aut uterque, si opus fuerit; eritque tota Machina constructa.

Vsus porrò Machinæ hic est. Aperiatur canalis o , & aqua ex vase P descendet intra canalem $R Q Q$; & quia vas P altius est, quam statuarum I, K, L, M , vtres; ascendet aqua per statuas usque ad ipsos vtres, effluetque intra vas FG , ibique transcendens diabetem 9 , & siphonem inflexum 14 , seu alterum diabetem 18 , eodem tempore hinc descendet in subjectam basim, ibique inclusum aërem condensabit; inde verò effluet per canalem 10 & 11 , intra vas 7 . Interim, quia major copia aquæ ex vtribus subministratur vasi FG , quam effluat per dictum diabetem 9 , & siphonem inflexum 14 replebitur vas FG , & vas 7 prægravatum descendens elevabit paulatim Tritonem antea absconditum; vertet cylindrum seu scytalam τv , & claudens intra capitulum s-

Pars II.

canalem R Q Q, comparente Tritone, sistet fluxum utriusque; aperiet orificium superius canalis X N, ut congruat foraminis tubi seu cylindri Y Z, cui infixa est regula Y Z; & aer intra basim fortiter compressus erumpet maxima cum violentia per fistulam X N, & inflabit buccinam seu conchulam Tritonis. Interim, silente jam Tritone, evacuabitur basis A B C D E F per suos diabetes aut siphones; & per Tritonis conchulam, perque canalem N X ingredietur novus aer in subjectam basim per foramen X. Similiter evacuabitur vas 7 per diabetem 13, & levius factum ascendet; & eodem tempore descendet hinc Triton, & abscondetur intra vas evanescere; inde vero vertetur scytala T V, aperietque canalem R Q Q; unde iterum fluere incipient tres, & redibit iterum Triton ut antea; durabitque hicclusus in perpetuum.

ANNOTATIO I.

Tubus N Z utrumque apertus, quem dixi inferendum esse intra fissuram N vasis FG, ita ut librari, seu attolli ac deprimi possit velut circa axem, construi potest ad eum modum, quem ostendit separatis posita figura Z, in qua, e, est foramen, quod debet correspondere orificio canalis NX; a & b sunt veluti axis, circa quem tubus ille verti, sursumque ac deorsum librari possit: c d est regula Y Z, quae tubo insigi debet. Huius regule pars e c debet esse perforata secundum longitudinem, scilicet ab e ad c, ut aer inflatus per os, e, tubi, erumpat per c. Hic tubus debet ita accommodari intrarimam seu fissuram N, ut foramen e sit inferius versus litteram N; & dum Regula Y Z elevatur ac deprimitur, predictum os, e, debet exactissime congruere orificio N canalis X N, ut aer per dictum canalem X N transiens possit ingredi per dictum foramen e, & egredi per c, hoc est, per z, intra corpus Tritonis.

ANNOTATIO II.

Quae dicit Author de diabete 9, concha o, & canali 10, 11, falsa sunt omnino. Fieri enim debet diabetes 9, cuius fistula interior 9, incurvetur, & definat in canalem 10, 11, nullâ additâ conchâ.

ANNO-

ANNOTATIO III.

Monuit opportunè Casatus, procurandum ut ita sibi respondeant dia-
betes 13, & 17, ut eodem tempore sua vasa evacuent, vel saltem dia-
betes 13. non præveniat diabeten 17: alioquin Triton descendet, & fluvij
aquam effundent, antequam basis vacua fuerit aquâ, & obstructo osculo
n non poterit attrahi aér; sed potius ex vase superiore attraheretur a-
qua per diabeten 18, vel sisteretur fluxus aquæ per diabeten 17; unde sie-
ret secunda vice minus aëris esse in basi quam primâ vice, & tertia minus
quam secunda, & sic deinceps, donec tota impleretur, nec perpetuò fieret
vicißitudo intenta.

MACHINA IV.

*Atlas Cœlum humeris impositum torquens
in gyrum.*

Spectatur & hæc Machina in Kircheriano Museo, ingeniosissi- Vide Ico-
mè elaborata hac ratione. nis, x xv.

Bina sunt vasa cuprea affabré elaborata, & columnis suis di- Fig. 1v.
scriminata, A B superius hemisphæricum, M D inferius cycli- *Atlas cœ-
cum. Superioris vertici adglutinatum est vasculum vitreum H I, clausum undique, & cochleâ K instructum; cuius fundo implan- lum humeris impos-
tatus est rubulus triceps H A, aliasque tubus I B, qui continu- tum tor-
atur per columnam L D, & apud D curvatur versus C, ubi de-
sinit supra rotam N C intra receptaculum M D latitatem. Est
hæc rota N C è ferreis constructa laminis, & haustris suis per
circitum instructa, ad aquam è tubo C D L B I superaffusam sibi
excipiendam, ut pondere ipsius prægravata in gyrum vertatur.
In hujus rotæ N C opposito & intus converso plano dispositi sunt
in gyrum extates dentes, prout apparet in rotâ G qui admorden-
tes vertebram striatam (rochettum appellant Itali) volubilem
separatim positâ intra annulum F velut intra suum polum,
eam vertunt in gyrum, simulque cum ipsa filum ferreum, E F ro-
tæ infixum, & per Atlantis corpus transiens, habensque in vertice
adnexam sphæram; quæ ad conversionem vertebræ & fili E F,
convertitur & ipsa.*

Oo

Ex

Ex his patet vsus Machinæ. Si enim aperias epistomium L, defluens per tubum aqua vasculi H, cadensque supra rotam Nc, ipsam vertit; hæc suis dentibus G vertit vertebram, simulque filum E F, & sphæram impositam: interim nè in vasculo H detur vacuum, attrahitur per tubulum A H trifidum aqua ex tholo hemisphærico A B, apparentque desideratus fons in vasculo vitreo.

MACHINA V.

Lucerna Grunbergeriana.

Sequens Lucerna tametsi vulgaris appareat, suos tamen habet admiratores, quia artificio non caret, & ab ingeniosissimo excoigitata constructaque fuit Mathematico. Is fuit P. Christophorus Grünbergerus, Germanus, Clavij in Mathematicis discipulus, & in Romano Collegio quondam illarum scientiarum Professor; qui suis eam manibus (erat enim simul Mechanicus eximius) construxit affabré è ferreis laminis colore obductis, & adhuc aſſervatur in Kircheriano Muſeo, & aquā infusā exhibet nunc illum effectum, quem oleo repleta exhibere deberet, non sine adventantium admiratione ac voluptate. Sic autem constructa est.

Vide Icon. xxi.
Fig. v.
*Lucerna
Grünber-
geriana.*

Vasculum est A B è ferreis, ut dixi, laminis turriculæ instar, non ab ſimile vulgaribus lucernis, quibus paſſim in tota Italia atque Sicilia utuntur, præſertim Religiosi. In latere prope fundum habet fistulam exiguum C, ex qua oleum aut aqua intra vasculum contenta effluat. Infra basim duos habet extantes pedunculos, ſolidum B, & cavum E. Hujus cavitati implantatus & optimè adglutinatus eſt tubulus K A, utrumque apertus, & apud A parumper diſtans à Lucernæ vertice, ut oleum & aqua effluere poſſit. Eſt præterea basis F G, cum adnexo limbo I H, ad oleum aut aquam continendam apto, in cuius medio eminet tubulus D tantæ capacitatris ac longitudinis, ut pedunculum B intra ſeſe recipere poſſit. Limbo I H implantatus eſt canaliculus disse-

dislectus i^r κ, uti in communibus lucernis jam memoratis, cui imponitur ellychnium. Hæc est structura. Sequitur usus. Turricula A B invertitur, & per cayum pedunculum E, tubulumque κ A, infunditur oleum, aut aqua, quæ ex A egressa replet totum vasculum. Quo replete, invertitur iterum vasculum, & pedunculus solidus B imponitur tubulo D; statimque ex fistula C effluit oleum aut aqua intra limbum I H, tam diuque fluit, donec plenus sit limbis, cooperiatque oleum aut aqua osculum E cavipedunculi. Tunc enim quia aër per tubulum κ A ingredi amplius non potest intra lucernam, sicut fluxus ex fistula C, vacui metu. Tunc accenditur ellychnium apud I, & consumitur paulatim oleum intra limbum I H (aut effunditur parum aquæ) discooperitque osculum E, ut aër intrare per tubulum κ A possit; statimque ex fistula C effluit intra limbum oleum, aut aqua, donec iterum operiatur osculum E. Et hoc tam diu durat, quam diu oleum aut aqua durat in vasculo A B.

ANNOTATIO.

Afferunt hanc lucernam etiam Schuventerus parte 2. quæst. 57. & Gaspar Ens in Mathematico Thaumaturgo, ut ergo ex Recreacionibus Mathematicis gallicè conscriptus. Sed nostra ante hos omnes Autores constructa fuit à Grünbergero, & ad similitudinem illius facta aliae pro viris illustribus.

MACHINA VI.

*Hydrotechnicus tubis, varia ludentis Naturæ
spectacula exhibens.*

PRODIJ anno hujus saeculi quadragesimo nono Florentia ex fœcunda Lynceorum schola Experimentum novum: quod tametsi levissimum primâ appareat fronte, nullaque dignum admiratione, tam reconditæ tamen speculationis, si penitus examinetur, est plenum, ut multorum excitârit ingenia ad latentes

Oo 2

effectus

Experimentum hydro-
technicum.

effectus exotici causas seriò indagandas. Experimentum misit eodem anno Romam Magnus Hetruriæ Dux ad celeberrimum sibique notissimum virum P. Athanasium Kircherum, simulque ad excellentissimum Mathematicum Raphaëlem Magiottum, ut vtriusque de eo judicium exquireret. Nodum solvit vterque fælicissimè. Et Magiottus quidem solutionem suam vnà cum dicto Experimento, ludicrisque aliis illius occasione repertis, typis evulgavit eodem anno, conscripto opusculo, quod appellat, *Renitenza certissima dell' acqua alla compressione*. Kircherus verò suam inseruit anno quinquagesimo quarto novæ editioni Artis Magneticæ lib. i. parte i. Progymnasmate 3, quod *Hydrotechniam novam* appellat. Vterque etiam Kircherus inquam & Magiottus, prædicto Experimento excitati aliud repererunt longè jucundius, ex eoque varia deduxerunt ludicra, & veluti ludentis Naturæ spectacula, adeo spectatu jucunda, ut cùm illa quotidie ferè exhibeantur in Museo Kircheriano Viris etiam doctissimis, nullus sit, qui rei novitate attonitus non hæreat. Vtrumque ego, & quod Florentiæ transmissum fuit, & quod Romæ excogitatum, hic apponam, ac deinde amborum causas aperiam.

Experimentum Florentinum.

Vide Ico- **F**lorentinum ita se habebat. Tubus erat vitreus A B, vtrumque nif. xxv. clausus, & aquâ ferè totus repletus. Aquæ per apertum oper- Fig. VIII. culum injiciebatur globulus itidem vitreus C D intus cavus, cu- Experimen- jus collum D apertum habebat exiguum oculum : per quod zum hydro- cùm aqua ingrediebatur, & globulum ex parte replebat; subside- technicum. Floren- bat ille in fundum B, ibique hærebat. Immittebatur deinde nti- tubi fundus B aquæ gelidæ, & continuò globulus ascendebat in A, ibique hærebat: Statim verò ac tubus manuum calore aut igni admotus calefiebat vel modicissimè, descendebat iterum globulus in B, ibique ut antea permanebat. Quòd si, antequam calefieret tubus, invertetur, ut B sursum, A esset deorsum, hærebat globulus in A, nec sursum versus B ascendebat.

Expe-

Experimentum Romanum.

ROmanum verò Experimentum hoc est. Cylindrus seu tubus Vide Iconis. xxv.
vitreus fit A B, habens collum A C angustius, & orificium
A tantæ amplitudinis, ut pollice contegi possit. Repletur cy-
lindrus aquâ, aliovè liquore, ad summum usque labium A, & in-
jicitur globulus C D, intus cavus, & osculum colli D habens
apertum angustissimâ rimulâ. Qui quidem globulus, cùm sit aë-
re plenus, & propter osculi angustiam difficulter recipiat aquam:
hæret circa tubi collum aquæ innatans. Applicato deinde la-
bio A pollice, premitur fortiter aqua cylindro contenta: & ec-
ce vitreus globulus mox descendit, tanto velocius aut tardiùs,
quanto vehementior aut remissior fuerit compressio aquæ. Sub-
lato verò pollice, ac cessante compressione, statim globulus re-
petit superiora; mox repetitâ compressione descendit iterum,
iterumque cessante illâ ascendit; subinde etiam in medio hæret
immobilis, aut nutabundus, & post diuturnam suspensionem
fundum aut collum cylindri petit, prout comprimenti libuerit.
Pulcherrimum sanè spectaculum, & multarum inventionum fe-
rax: quarum etiam nonnullas paulò post indicabo, ubi prius
utriusque Experimenti causas in indagavero.

Fig. VI.
*Experimē-
tum hydro-
technicum
Romanum.*

*SUPPOSITIONES**Ad Experimentorum predictorum causas
indagandas.*

Dicci vix potest, quam variæ sint Virorum doctorum sententiae
in dictorum Experimentorum causis ac rationibus adæqua-
tis adsignandis; tametsi nullus ferè sit, qui non statim judicet at-
que pronunciet, fieri effectus relatós rarefactione & condensa-
tione, ob compressionem aquæ tubo inclusæ. Nos ut men-
tem nostram, Kircheri atque Magiotti opinioni non contrariam,
aperiamus quam clarissimè, nonnulla præmittenda ac suppo-
nenda censuimus.

Grave intra aquam quando mergatur. Suppono itaque primò, Quando corpus aliquod solidum ponitur supra aquam, aut humidum quocunque, si corpus illud in specie, seu data paritate molis, sit gravius humido, hoc est, si corpus illud sit gravius quam humidum aequalis molis seu magnitudinis; descendit ad fundum usque: si sit levius in specie; supernat at ita, ut partim mergatur intra humidum, partim extet extra humidum: si sit aequè grave in specie; descendit usque dum suprema ipsius superficies coæquetur cum suprema superficie humidi, & si intus trudatur, servat eum locum, quem à principio acquisivit. Intellige semper, si humidum est manens, seu quietans. Patent hæc omnia experientiâ, & demonstrantur ab Archimede lib. i. de insidentibus humido, Proposit 7, 4, & 3.

Suppono secundò, Aërem, & aquam, & liquorem quemicunque rarefieri calore, & condensari frigore; & consequenter in primo casu requirere majorem, in secundo minorem locum. Patet experientiâ quotidiana, & ex multis Machinis suprà toto capite 3, & alibi allatis.

Aer rarefit & condensatur. Suppono tertio, Aërem sola pressione ita posse comprimi, ut minorem occupet locum; & cessante violenta pressione, redire ad naturalem constitutionem, locumq; sibi à Natura debitum occupare. Patet experientiâ quotidiana in follibus seu pilis luforiis aëre vehementer condensato inflatis, ac præterea ex sclopetis Æoliis, qualia descripsimus suprà cap. 2. Machina 13. & 14, ac etiam ex Machina 8. ejusdem capititis, & alibi passim.

Aqua non potest comprimi. Suppono quartò, probabilius esse, aquam tubo aut vase quocunque conclusam, nulla violenta pressione ita comprimi posse, ut in minorem redigatur molem, minoremque occupet locum: unde si vehementer incumbente aliquo corpore, aut aëre per siringem immisso prematur, & nullum inveniat effugiendi locum; rumpetur vas potius, quantumvis validum, quam aqua in minorem redigatur molem. Dixi, id esse probabilius: non enim est evidens, quidquid alii dicant: Videmus enim vas sphæricum plumbeum aut stanneum aquâ plenum comprimita, ut minus sit capax, quam cum spæricum erat; & tamen nec aqua effluit,

effluit, nec rumpitur vas. Nisi dicas, aërem tunc aquæ mixtum comprimi; quod probabile videtur.

Ratio Experimenti Florentini.

His præmissis: dico, dum intra globulum vitreum ^{c b} aqua ^{Experi-} sese insinuat, aërem ibidem contentum comprimi, atque ad ^{menti Flo-} minorem molem reduci, ideoque globulum aquâ plenum de- ^{rentini} scendere ad fundum ^{causa.} b, ibique quiescere, propter dicta supposita, prima, quia videlicet moles illa ex globulo vitro, aëre, & aquâ compacta gravior est, quam aqua æqualis molis. Unde si desit hæc conditio, nunquam descendet globulus. Dum verò tubi fundum b immergitur aquæ gelidæ, condensatur aqua prope fundum tubi, seque ad minorem molem reducit, & minorem locum occupare nititur; at quoniam id fieri nequit, nisi aliud corpus substituatur in locum ab aqua condensata relicturn, nè vacuum detur intra tubum; & tamen ob tubum undique clausum aër externus, aliudvè corpus ingredi non potest; evomitur aqua è globuli collo, aërq; reductus in statum suum naturalem dilatatur, totamque ferè globuli vacuitatem occupat; unde levior factus globulus cum aëre, quam tandem aquæ, ascendit versus a, ibique hæret, quamdiu aqua tubi in eodem permanet statu. Calefacto dein tubo, rarefit aqua, & majorem quærens locum, insinuat sese iterum intra globulum, & comprimit aërem; unde globulus iterum factus gravior descendit. Quod si ante calefactionem tubis invertatur, manet globulus apud a deorsum versus, ut dixi, quia confusis per inversionem tubi frigidis aquæ partibus cum non frigidis, cessat aquæ condensatio, reditque illa paulatim ad statum priorem; unde subintrans de nuo globulum, detinet ipsum in a deorsum verso. Ex his patet, causam efficientem motus in hoc Experimento esse rarefactionem & condensationem aquæ & aëris.

Ratio

Ratio Experimenti Romani.

*Experi-
menti Ro-
mani cap.
n.*

Quod ad Romanum attinet Experimentum, dico, dum pollice premitur aqua tubi, cedere cogitur deorsum: & cum nec comprimi possit, minorem vè reduci ad molem, nec tamen elabendi locum inveniat; insinuat illa sese per osculum D intra concavam sphærulam c D, ibidemque comprimens aërem reddit globuli molem, ex vitro, aqua, & compacto aëre conflatam, graviorem quam sit tantundem aquæ; unde subsidere cogitur globulus: tantoque subsidit celerius aut tardius, quanto vehementius aut lentiūs premitur aqua, hoc est, quanto plus aut minus aquæ ingreditur globulum, aëremque ibidem stabulantem comprimit. Cessante vero compressione aquæ repetit globulus superiora, eò quod aëris globuli liber à violenta pressione reducit sese ad statum suum naturalem, & ejecta aquâ fit levior quam aqua in specie, ideoque superiora repetit, ut supernatet. Si globulus hæret quandoque in medio aquæ quasi immobilis, aut veluti nutabundus, fit hoc ideo, quod compressio ita temperatur, ut aqua subintrans globulū constitutat ipsum unâ cum suo aëre æquè gravem ac est ipsa aqua æqualis molis. Ex his constat causam globuli motricem in hoc Experimento aliam non esse, præter compressionem aquæ aliter atque aliter modificatam.

Ludicra varia ex Romano experimento.

Vide Ico-
nis. x xv.

Fig. VII.

*Ludicra
variae ex
Romano
Experi-
mento.*

Innumera spectacula hoc Experimento exhiberi possunt. Primum enim loco globuli vitrei intus vacui fieri possunt ex vitro seu cristallo, aut encausto (Smaltum Itali vocant) variae icunculae hominum, piscium, volucrum, Angelorum, Dæmonum, ac similiūm aliarum rerum, intus concavæ, & diversos levitatis gravitatisq; gradus habentes, in quarum pedibus aut ventribus subtilissimum foramen relinquuntur. Si enim hujusmodi icunculae tubo prius aquâ repleto includantur, vel simul multæ, vel separatim singulæ; exhiberi possunt iudicem motus, quos globulo exhiberi

hiberi posse diximus: immo multo iucundiores. Si enim multis simul incluseris tubo, & pollice labrum compresseris: dixerente totus imaginum globus veluti fulmine dissipatus in diversa abiit, & quaedam celerius, quaedam tardius deorsum ac sursum movebuntur, pro ponderis videlicet, quod singulæ diversum habent, ad invicem proportione. Representabili hac ratione Angelos aut Dæmones intra aquam ascendentis ac descendentes, libique mutuo occursantes; videbis natantes pisces, volantes volucres, seque mutuo infectantes. Videbis nunc omnes fundo elisas imagines, nunc in medio aquæ hærentes immotas, nunc ad omnem comprimentis nutum ac imperium sursum deorsum tendentes. Pulcherrimum sanè, plenumque & admirationis & voluptatis spectaculum.

Procurandum tamen diligenter est, ut dictarum in cunctarum partes inferiores sint paulo graviores superioribus, ne dum aquis innatant, præponderante superiori parte invertantur, & capitibus inambulate videantur. Si tamen pisces, volucresque dorsis suis incumbentes videre desideras, confidere imagines ita poteris, ut partes superiores sint inferioribus graviores.

Causa porro, cur omnes imagines tubo inclusæ simul moveantur, etiam si summum locum aliquæ, aliæ infimum, medium aliae occupent, est, quod impulsus per pollicis compressionem communicatur simul toti substantiæ aquæ tubo inclusæ, non secus ac impulsus baculo impressus communicatur simul toti baculo. Licet igitur impulsus seu compressio eadem sit, & omnibus imaginibus simul communicetur; quia tamen imagines ipsæ diversos gravitatis ac levitatis gradus obtinent, diversus etiam in iis sequitur motus.

Atque ex hoc sequitur aliud ludicri genus si enim tubum longiusculum divisoris diaphragmatum E F, in modum cribri nis perforato, in duas partes, & inferiori inclusoris imagines, superiore rem vero absconderis tabula aut velo interposito, & pollice compressoris labrum clam alii; spectaculum reddetur multo mirabilius ac jucundius.

Quod si tubum superius claueris, lateri verò ipsius accommodaveris brachium concavum G H, aqua simul cum tubo repletum, compresserisque aquam in G, clamaliis, sequetur idem effectus.

Si tubo eidem includas duos globulos intus cavos, aut duas cunculas similiter concavas, quarum una exiguum habeat foramen, altera verò sit penitus clausa; hærebit utraque in suprema superficie aquæ: compressâ verò aquâ, descendet perforata, variisque exhibebit motus; clausa verò manebit eodem semper loco immobilis. Ratio ex dictis patet, quia videlicet perforata redditur nunc gravior, nunc levior, propter aquæ compressæ ingressum; at clausa manet semper in eodem levitatis statu. Si tubum superius claudas, &c. deinde invertas; clausa imago ascendet celerrimè, perforata varias exhibebit motiones.

Annotatio pro Experimento Romano.

Poteris loco tubi accipere phialam cum collo oblongo, & ore angusto: idem enim effectus sequetur, licet non eadem facilitate, quod aqua in phiala diffusa non cedat tam facile compressioni, quam eadem aqua in tubo constricta.

Poteris præterea tubi aut phialæ orificium obligare corio, aut chartâ pergamentâ, ne aër aut aqua effluere possit; & deinde pollice, aut dito comprimere leviter corium aut chartam orificio superexpansam: idem enim effectus sequitur, ut non semel vidi, atque exhibuit.

Ludicra ex Florentino Experimento.

*Ludicra
ex Floren-
tino Expe-
rimendo.*

SI eidem tubo aquâ tepidâ omnino pleno, & utrumque clauso, injeceris duos globulos intus cavos, quorum unus sit apertus, alter penitus clausus, ita tamen temperatos, ut apertus hæreat in superiori tubi parte, clausus verò fundo leviter adhæreat, & deinde tubo aquam frigidam infundas; descendet apertus globulus, ascendet clausus, sibique mutuo contrariis motibus occurrent. Ratio cur apertus descendat, patet ex dictis, quia nimirum aër

aer aperto globulo inclusus condensatur frigore, & in locum desertum ingreditur aqua, unde pondere prægravatus globulus descendit. Cur verò clausus globulus ascendat, ratio est, quia aqua frigida gravior est quam tepida, ac proinde globulus clausus, qui antea gravior erat, quam tantundem aquæ tepidæ, ideoque fundo adhærebat, nunc levior factus quam tantundem aquæ in mole, petit superiora. Quod diximus de globulis, fieri etiam potest in cunculis piscium, volucrum, hominum, &c.

Annotatio pro utroque Experimento.

Contingit subinde, ut dum predicti globuli aut imagines intus cave & perforatae diu manent intra aquam, ad fundum descendant, eiq; semper adhærent, nec ulla compressionis intensione aut remissione reascendant. Hoc autem ideo contingit, quod propter diuturnam in aquis moram aer vel fuit expulsus penitus, vel conversus in aquam: unde nimio gravatae pondere imagines subsidunt, sine ulla spe ascensus. Quo casu eximendæ sunt imagines, & suetū extrahenda aqua.

C A P U T VI.

De Machinis hydraulicis variis.

MDDUCIMUS hoc capite varias Machinas, quæ ^{Machine} hydraulicæ quidem dici possunt, quatenus ^{varie ac mixte.} aquarum ope (si primam excipias) perficiuntur; at quoniam nullo ex quatuor à nobis adsignatis principiis construuntur, ab omnibus separandas duxi. Pertinent etiam ad hoc Caput Machina 9, & 14, Classis secundæ sequentis.

MACHINA I.

Sphera in aëre suspensa, ac circa suum céntrum mota.

Sequentē Machinam reperi inter manuscripta P. Christophori Clavii, & P. Christophori Grünbergeri, Mathematicæ olim in hoc Romano nostro Collegio Professorum; Neutrius tamen manuscripta fuit, neque composita ab illis, cùm neutrius lucernam oleat. Suspicor ad Clavium missam à quodam discipulo Francisci Maurolyci Abbatis Messanensis, quoniam tractatulum quendam illius citat typis non excutum. Sed cujuscunque sit, dignam censui, quam huic loco infererem, quoniam ad multa ab industrio Artifice applicari potest. Referam autem non iisdem, quibus conscriptam inveni verbis, quandoquidem multis scatet mendis, & verborum ambagibus non necessariis est referta.

Vide Ico-
nis. xxvi. Fig. I. *Machina igitur fiat, qualem figura monstrat, in qua B est sphæra, ea perfectione rotunda, quæ attingi potest à Physico optimè operante: quò enim magis ad perfectam rotunditatem accedit sphæra, cò perfectior ac regularior fiet motus.* D, est tubus seu fistula, ex aurichalco, aliavè ductus: materia ita constru-
cta, ut per illam absque obstaculo possit aër inflatus transmitti; in cuius summitate apud E sit tali industria aptatum foramen, seu quasi ostiolum, ut commodè pro dato sphæræ pondere dilatari atque constringi possit, ad majorem minoremvè aëris in-
flati copiam emittendam. A A sunt folles, fistulæ D subjecti, quorum elevatione ac depressione in fistulam inspiratur aër. Ele-
vantur autem folles à radiis F F, axi G H infixis. Qui quidem axis convertitur ab appenso pondere C; motus vero conver-
sionis, hoc est, velocitas ac tarditas temperatur à rota dentata I, & tympano similiter dentato K.


Eius vñm. Atque hæc est Machina, ejusque partium explicatio; cuius beneficio Author putat, se posse suspendere in aëre sphærā cū juscunque ponderis, eamque circa suum gravitatis centrum re-
gulariter movere; formatque talem propositionem.

Sphaerico

Sphaerico juxta regulas artis conflato, cuiuscunque magnitudinis ac ponderis, ad datam magnitudinem ac pondus, talem proportionaliter aptari posse potentiam, ut illud quam facillime, medio aere, supra suum gravitatis centrum regulariter moveri possit.

Quod ut probet, supponit primo, sphaericum esse perfectè rotundum, ea arte, quâ suprà dixi. Secundo fistulam esse ita constructam, ut sine ullo obstaculo transmittere possit aërem. Tertiò in instrumento exaxe GH, rotâ i, & tympano K, appensoque pondere c conflato, posse ita multiplicari rotas ac tympana, taliq; inter se proportione aptari, ut ipsius motus seu conversio intendi atque remitti pro libitu possit. Quartò angustiam foraminis seu ostioli E fistulæ D maximopere conferread augendam aëris expulsi violentiam, atque ad spherae B elevationem. Addo ego, tantò vehementius impelli aërem per folles, quantò frequentior est folium agitatio. Quintò medium esse omnino immotum, & aërem instrumento mediante communicati fistulæ continuè & uniformiter. In discursu porrò spherae B appellat pondus seu mobile, appensum verò pondus c appellat potentiam motricem.

His suppositis ita discurrit. Sitsphera sive pondus B librarum verbi gratia, quinque. Sit deinde potentia motrix C librarum xxv; quæ quidem potentia unâ cum instrumento sit applicata fistulæ D palmorum decem in longitudine, & incipiat per folles impellere aërem intra fistulam D; aër autem impulsus, ob angustiam foraminis seu ostioli E, resistat ipsi potentiae C, verbi gratia ut quinque. Dico potentiam c mouere pondus B pro aliquo intervallo supra fistulam D, hoc est, suspendere in aere. Quod sic probo. Potentia c excedit pondus B in quintupla proportione, nempe est ad ipsum ut xxv ad v. Ergo si de vi potentiae C, quæ est xxv, dematur resistentia ponderis B, quæ est, quinque; vis potentiae C respectu ponderis B remanebit ut xx, ut patet; Ergo potentia c debet mouere pondus B motu violento ut xx, si nihil aliud obstat, aut resisteat. At quia angustia ostioli sive foraminis E



ANNOTATIO.

Columnæ imponi potest patina ampla, crebris foraminibus pertusa; canalis vero columnæ in egressu, ubi est foramen, diffundi in varios canaliculos, pertingentes ad dicta foramina: quibus si imponantur diversi globuli, exhiberi poterit globorum saltus seu chorea. Multa alia spectacula hoc artificio representanda excogitari possunt.

MACHINA II.

Cribrum vestalis Virginis.

Flat vas A B talis formæ, qualem figura monstrat, cuius fundus A sit crebris foraminibus minutis perforatus, ad instar nif. xxvi. cribri, colli vero orificium B sit paulo largius. Hoc vas si aquis Fig. II. imponatur, & os B apertum relinquatur, statim aquis repletur. Quo repleto, obtura diligenter pollice orificium B, & quo vo- lueris, transfer vas, nec ulla effluet gutta per fundum, propter me- tum nimirum vacui. In loco destinato amove pollicem, & effluet aqua per foramina fundi A, eoque vehementius, aut lentiūs, quo magis minusve orificium B aperueris, cessante nimirum metu vacui ob ingressum aëris per os B. Si inter aspergendum os B iterum obturaveris, iterum sistetur fluxus aquæ.

ANNOTATIO.

Tritum est huius rei artificium, & hortulanis etiam notum, passimque apud Authores alios reperitur: quia tamen sepe novani multos valde mirari indicatum vase effectum, dum in Museo Kircheriano illud inter cetera exhibuimus, hic apponendum duxi. Potest hoc vase transferrit vinum de vase in vas. Item aqua, aut vinum nivibus refrigeratum è vase nivibus circumdato hauriri potest, & per osculum unicum in fundo factum infundi scypho, ut non sit necesse inclinare vas cum periculo effundendi nivem. Hujusmodi praxim vidi in Sicilia. Lege Heronem Alexandrinum libro de Spiritu cap. 6.

MA-

MACHINA III.

*Tubus vitreus, aquam perpetuo incorruptam
conser-vans.*

Vide Ico-nis. xxv i.
Fig. III. *Aqua in-corrupta.* **C**onservat P. Athanasius Kircherus in suo Museo tubum vi-treum ex angusto & gracili collo paulatim in oblonga phia-lam protuberantem, qualem apposita exhibet figura. Continet is, ad fornacem vitriaram hermeticè clausus, aquam fontanam ac naturalem, jam à quinquaginta annis olim à P. Christophoro Clavio inclusam, & huc usque sine ulla diminutione durantem, & porro duraturam, adeo limpidam ac puram, ac si recenter è fonte hausta foret. Tu igitur, si simile experimentum tibi, tuis-que posteris exhibere desideras, accipe tubum eius formæ, quem descripsi, imple aliquousque aqua limpida, & ab omni immundi-tie defæcata; & ad vitriaram fornacem liquefacto vitro ita clau-di procura, ut aer intus inclusus transpirare, extra affulus pene-trare nequeat; & habebis machinam confectam. Experimenti-caulam adsignant Philosophi. Vide Kircherum lib. 3. Artis Ma-gnet. par. 5. cap. 4. circa finem, ubi de causis gemmarum quarun-dam selenotropiarum agens, hoc, & aliud simile Experimentum adducit.

M A C H I N A IV.

PHOENIX HYDRO-BOTANICA,

Sive

Tubus vitreus, herbam perpetuo nascentem ac dena-scentem exhibens.

Vide Ico-nis. xxvi.
Fig. III. **A**lium tubum priori formâ similem, & hermeticè pariter si-gillatum, exhibemus in eodem Museo, in quo ex aqua inclusa nascitur atque denascitur cyclicâ, eâque perpetuâ, generatione & cor-

& corruptione, herba è suis suscitata cineribus, & in eosdem se-
pulta. Ressic se habet. Ante annos duodecim & amplius, P.^{petuò na-}
Athanasius Kircherus, vt cyclicam herbarum ^{diversiorum} è propriis ^{scens ac de-}
cineribus, de qua inaudierat, experiretur; capillum Veneris par-
tim distillauit in aquam, partim in cineres ac salem redegit arte
Chymicis nota; vtrumque tubo, quem dixi, inclusit, & tubum
hermeticè, ut priorem, sigillavit. Ab eo tempore nunquam ena-
sci dicta herba, denascique cessavit. Idem in aliis herbis fieri po-
test. Aliud & occultius secretum seu procedendi modum pan-
dam infrà Machina viii. Kircherò à Cæsare transmissum, & in-
ter eius manuscripta repertum. Scribit ad me sæpe citatus cla-
rissimus Harstorfferus, degere Norimbergæ insignem Chymi-
cum, qui nuper arborem philosophicam, arte sua, perfecerit,
eumque nunc circa resuscitationem herbarum in cineres reda-
ctarum versari. Nostram in loco citato appellabimus ^{παλιγγε-}
^{σιαν} seu regenerationem, aut resuscitationem plantarum ex cu-
iuscunque plantæ semine. Modum producendi arborem philo-
sophicam docebo in Magia Naturali.

M A C H I N A V.

Phiala tabaci fumum refrigerans.

Quam immodica sit eorum gula, qui tabaci vtuntur seu fumo,
seu pulvere, seu foliis, testantur Nationes pænè universæ, cùm
vix illa reperiatur, in qua fordes huiuscmodi non perditè amen-
tur; & rari sint, qui cùm semel illas degustarint, non avidissimè eas
omni tempore & loco deglutiant. Hinc tam variæ excogitatæ
sunt industriaæ tabaci fumum refrigerandi, & nimiam ipsius acri-
moniam retundendi, quas legere poteris apud Ioannem Nean-
drum in sua Tabacologia, & apud Harstorfferum tom. 2. Deli-
ciarum part. 8. quæst. 12. quæ tamen cùm valde operosæ sint, pla-
cuit in gratiam Tabacophagorum apponere simplicissimam il-
lam, quam vidi Romæ, & descripsi in Nova Editione Artis Ma-
gneticæ P. Athanasij Kircheri lib. 3. par. 2. cap. 3. Experim. 6. his
verbis.

Accipe

Qq

*Tabaci re-
frigeratio.*

Vide Ico-
nis. xxvi.
Fig. vi. Accipe phialam, qualem præsens repræsentat figura, aqua
aliquoisque, alioyè liquore repletam, v. g. vsque ad BC ; collo
phialæ inde fistulam, quali tabaci potatores ut solent, ita ut per
aquam traducta fundum attingat phialæ: dein orificio phialæ
obtura diligenter, nè aut aër intra contentus elabi per ipsum, nec
extra circumfusus illabi possit. His factis, impone fistulæ hianti
orificio tabaci folia, eaque more solito accende; simulque appli-
cato ore phialæ siphunculo ybi ē, exsuge aërem intra phialam
stabulantem; videbisque, & tecum circumstantes omnes, fu-
mum aceensi tabaci ē fistulæ extremitate d erumpere maximâ
copiâ, & per medium liquorem tentare transitum, ac nequic-
quam freudentibus aquis fugentis se ori inferre; vtique fumi acri-
moniâ & siccitate humidum superante.

Dicunt hinc tabaci potatores, helluonesque insaturabiles,
quî foedis suis foetidisq; deliciis condimentum apparent. Si enim
phialam vino, alioyè liquore odorifero repleant, & per ipsum fu-
mida sua traducant edulia; gratiora illa accident palato, & fu-
mantia semper liberabunt ora Mephit.

M A C H I N A VI.

Torricelli & Berti tubus vacua vacans.

SI tantus eslet Philosophorum, aliorumque qui aliquid sibi cœte-
videtur, in negando vacuo consensus, quanta est totius Na-
turæ ad illud impediendum conspiratio, non fuisset tam pertinax
quorundā conatus, qui paucis ab hinc annis, nixi nescio quo ex-
perimento, illud omnino admitti debere non tantum assuererunt,
sed & alios vel invitatos in suam pertrahere sententiam satagerunt.
Experimentum appono ex P. Athanasio Kircher lib. i. Musur-
giæ cap. 6. P. Nicolao Zuccchio in Nova de Machinis Philosophia
parte 4. P. Paulo Casato in hoc Romano Collegio Mattheeos
Professore, in libello peculiari de ea re scripto; Marino Mersen-
no in Reflexionibus Physico-mathemat. cap. 4. & 25. ex quo eam
refert Harstorfferus in Deliciis Tom. I. parte 12. q. 2. & tom. 2. par.
8. quæst.

8. quæst. 13. Et licet hujus experimenti inventionem alias sibi vendicet, edito ea de re libello; Certò tamen mihi constat, inquit Kircherus, primùm à Torricello, nobili Magni Duci Hettrurie Mathematico, detectam; Quam & postmodum ante quadriennium Se-renissimus Cardinalis Ioannes Carolus Medices eidem Kirche-ro omnium primo Romæ, pro singulari sua in eum benevolentia, exhibere dignatus fuit, cùm ad ipsum honoris causâ vñà cum P. Leone Sanctio, studiorum in Collegio Romano tunc Præfeto, accessisset. Eundem Torricellum Experimenti Authorem agnoscit Mersennus.

Experimentum
tum pro-
bans non
dari va-
cuum.

Experimentum est quod sequitur. Tubus vitreus $H\ N$, sc. Vide Ico-
cundūm alteram extremitatem H impervius, & in sphæroidem nis. xxvi.
protuberans, per patens orificium N argento viuo repletur, ap- Fig. v.
positoque d' gito ad dictum orificium N , nè quid effluat Mer- Hydrargyri
rij, néve aëris quid ingrediatur, invertitur, ut in figura appetat, & Experi-
immergitur in patinam seu vas quodpiam $O\ P$, argento viuo a- mentum.
liquóusque, & aquâ superaffusâ, repletum. Immerso itaque intra
aquam & Mercurium in vase $O\ P$ contentum tubo ita clauso,
mox ubi digitum ab orificio N amoveris, ecce Mercurius in tu-
bo contentus illicò laxatis veluti habenis descendit primùm, de-
inde aliquantum ascendit, tum iterum aliquantum descendit
ascenditque, sed minùs semper, donec iteratishujusmodi veluti
librationibus quibusdam semper minoribus atque minoribus,
tandem in inferiori tubi parte quiescat, elevatus aliquantum su-
pra aliud argentum vivum in vase contentum, relicta superiori
RHR non ipso solùm Mercurio destitutâ, sed quovis etiam alio
corpo, quod notari possit.

Viso hoc, auditoque Experimento, nonnulli ex Neotericis
Philosophastris, quibus volupe est nova quotidie cudere dogma-
ta, & Antiquorum commenta convellere, clamitabant procaci-
ter, spatium RHR in superiori tubi parte Mercurio destitutum,
esse verè ac propriè vacuum, omniq[ue] prorsus corpore destitutum,
cùm fieri non possit, vt interim aliud corpus in descendantis
Mercurij locum substitui potuerit. Hinc veluti insolentes & im-

portuni jactatores triumphum ante victoriam canebant, multa effutientes non tantum in Philosophia absurdā, sed & in fide Orthodoxa periculosa, ut dum locatum sine loco, accidentia sine subiecto, naturaliter subsistere posse jactitant; nec defuit qui diceret, oculari demonstratione vacuum hoc Experimento comprobari.

VACUUM
non dari
experimen-
to aqua pro-
batur.

Alij tamen melioris notæ Philosophi negant in prædicto tubi spatio esse verè vacuum, idque variis probant rationibus atque Experimentis. Omnium pulcherrimum, ingeniosissimumque videtur esse illud, quod suadente P. Athanasio Kirchero exhibuit Romæ Gaspar Bertus Romanus, vir nobilis, & in Physicis Mathematicisque solide doctus, singularisque in experimentis capiendis solertiæ, vt cum Kirchero testatur P. Nicolaus Zucchius loco suprà citato, quorum utrique familiarissimus fuit Bertus. Is cùm audisset, nonnullos non ex prædicto solum Experimento, sed etiam ex eo probare dari vacuum, saltem ad breve tempus, inter corpora, quòd aqua intra tubos ultra certam mensuram elevata sisti non posset, quin ex apertis inferiùs deflueret, nullo interim ex superioribus illorum partibus corpore ad replendum locum aquâ destitutum succedente, inferioribus aquâ defluente occupatis; Tubum in majori multò, quam illi exposcerent, longitudine plumbeum erexit in ædibus suis. Centum is pedum erat in longitudine, & digitis crassitudine, ad supremum domus solarium pertingens, eâ formâ, quam altera supra posita figura DKL monstrat. In superiori huius tubi extremo, ubi E, phialam D E primò æream, deinde vitream insignis crassitudinis, & studio in hunc finem conflatam imposuit, tali industriâ tubi collo coagmentatam, talique ingenio munitam, vt omnis aëri esset ad eum interclusus aditus. Intra verò phialam, suggestente Kirchero, campanulam C, vnâ cum ferreco malleolo O, lateribus phialæ ea dexteritate inseruit, vt malleolus ferreus magnete, A, ab extra attractus, elevatusque, & mox à magnete retracto liber, proprio pondere campanulæ illideretur, ac sonum ederet. Inferiorem verò tubi partem epistomio seu ænea clavi volubili C mucivit.

Com-

Comparatis omnibus ad experimentum capiendum requisitis, tubi extreum orificium epistomio & munitum, dolio M I K L aquâ semipleno immersit, totumque tubum vnâ cum phiala repleuit aquis, facto in phiale vertice foramine, quod postmodum diligentissimè clausum singulari arte stanno solidavit. Tum unco ferreo epistomium & aperuit; viamque fecit aquæ tubi, ut liberè posset ex illo in subjectum vas defluere. Et verò, ut assurgens in vase subjecto aqua indicavit, defluxit quantum decem circiter pedes tubi antè replebat, reliquum intra tubum perststit, patente licet ad multum tempus eâdem viâ; quæ postea, revoluta clavi, iterum conclusa est. Tum verò admoto Magente A ad superiorem phialam vitream è regione malleoli ferrei, malleolus allactus, & remoto dimissus est; à quo pereussa campanula limpidissimum edidit sonum, ab omnibus experimenti spectatoribus auditum. Sic tubo vtrimeque probè clauso per noctem relitto, manè clavi æneâ iterum convolutâ, iterum aperta est aquæ via: verùm non solùm nihil amplius ex ea dimisit tubus, sed ex pridie dimissa resorbuit. Iteratum coram viris eruditis experimentum fuit saepius, eodem semper successu (quos intet fuit Raphael Maggiottus Mathematicus doctissimus, à quo totam rei seriem oretenus intellexi;) quod & P. Zucchius Florentiam ad amicum perscripsit, & suo de Philosophia nova Mechanica libro, loco suprà citato, inseruit, ubi solidissimè illud, sicut & præcedens de argento viuo, examinat; quod & P. Casatus suprà citatus facit libello singulari atque eruditissimo; apud quos multa alia, & hocce solidiora invenies argumenta contra vacui assertores ex prædicto Experimento. Interim certum est, in tubi parte ab argento & aqua destituta vacuum non fuisse, quandoquidem sonus per spatium illud propagatus fuit; quod in vacuo fieri non potuisse. Lege doctissimam de priori Experimento Diatribam P. Melchioris Cornæi in Herbipolensi Societatis nostræ Universitate Theologiæ Professoris in Curru philosophico præclo brevi subiectiendo.

M A C H I N A VII.

*Hydropota varij coloris ac saporis aquam
exspuens.*

Reperiuntur passim inter Agyrtas & circumforaneos illos Blaterones, qui nescio quibus vnguentis, ac male conditis salsa-
mentis credulorum hominum emungere solent crumenas, Hy-
dropotæ, qui ingentem aquæ copiam inspectante populo ebi-
bunt, & post eportam aquam exspuunt, spectatoribusque porri-
gunt vinum, cerevisiam, acetum, & omnis generis aquas odori-
feras. Vidi ego hic in Agonali foro hominem in ea arte dexter-
imum, qui magno populi concursu id genus experimenti quo-
tidie exhibebat. Locutus sum cum aliis duobus, qui eam artem
callent, quorum unus quæstum ea re variis in Regionibus fece-
rat. Clarissimus Vir Georgius Harstorfferus in Deliciis suis to. I.
par. 13. quæst. 17. ait, tres hoc tempore celebres in hydropotica il-
la arte reperiri, interque eos virum esse ex Melita (Sicilia volebat
dicere) Insula, Netoque vrbe (Noto Siculi vocant) oriundum,
nomine Blasium Manfredum; quem & non nemo è Collegis
meis novit, & artem suam in Germania exercentem vidit. Jube-
bat is afferrari sibi vas aquâ plenum, & quindenos aut vicenos scy-
phos vitreos; eluebat os aquâ, ut fidem faceret, nihil se in eo ab-
sconditum gestare; tum ebibebat aliquot scyphos aquæ, & paulò
post exspuebat vinum rubrum, album, adustum, acetum, aquas
odoriferas yrias, imò & lac; quæ omnia odore ac sapore, si vel-
lent, probanda circumstantibus porrigebat. Ebibebat subinde
etiam viginti scyphos aquâ repletos, eosque deinde ex ore in al-
tum tanquam è fistula projiciebat. Mirabantur multi, & magi-
ca id facultate, Dæmonisque ope fieri opinabantur, donec in
Gallia à Cardinale Richelieu captus, & reste intentato adactus
fuit, ut artem proderet, & à diabolicis præstigiis immunem, quod
afferebat, ostenderet; quod fide de secreto servando postulatâ,
obtentaque invitus tandem fecit, liberque dimissus impunè can-
dem exercuit, ut pote naturæ legibus minimè contrariam.

*Hydropota
varijs.*

Qua

Qua verò id ratione fiat, multis difficile visum fuit determinare. Harfforfferus varias variorum adducit conjecturas, sed à plebe confictas; ipse verò à veritate non multùm ab ludere videtur, si quidem aliquorum saltem spectemus artificium, quod me præsente ostensum fuit P. Athanasio Kirchero ab uno illorum duorum, quibuscum ea de re me locutum suprà afferui. Spongias habent nucis magnitudine, vino, aceto, odoriferis aquis, aut quintis essentiis, ut vocant, repletas; has spongias partim inter strophiola, partim inter scyphos in mensa aut abaco dispositos, partim inter digitos abscondunt, & dum os abluunt, aut scyphum arripiunt, summa dexteritate in os ingerunt, epotam aquam compressis lumbis depromunt, cum succo aut quinta essentia dentium compressione commiscent, in scyphos manibus arrestos exponunt, spectatoribusque ostendunt, aut porrigunt; qui solo odoratu judice, gustu eructatum potum abominante, vinum, acetum, aliudvè quid, cuius odorem percipiunt, id esse pronunciant. Artificium dexteritatem requirit.

Dum hæc scriberem, appulit huc Ioannes Royer Gallus Hydropotus Gallus. Lugdunensis, in ea, de qua loquimur, arte supra omnes eximus; qui è stomacho suo deprimit duodecim, quatuordecimvè diversorum colorum aquas odoriferas, liquores perfectissimos, vinum adustum quod incenditur, oleum laxi quod sine ellychnio comburitur, lactucas, & flores omnis generis, integris & recentissimis foliis. Fontem etiam exhibet projicendo aquam ex ore in altum per spatium duorum Miserere. Coram Cæsarea Majestate Ratisbonæ exhibuit fontem igneum. Vir est annorum 30. circiter, probus, & candidissimis moribus. Peragavit Italiam, Galliam, Germaniam utramque, Poloniam, Daniam, Sueciam, & coram Cæsarea Majestate Ratisbonæ, coram quinque Regibus, pluribus Principibus, Viris doctis, aliisque, artem suam exercuit, summo omnium stupore; multorumque Principum ac Vi- rorum eruditorum testimonia secum defert. Hic verò in tantam admirationem rapuit omnes, quotquotrem spectarunt, ut eam non naturaliter & verè, sed vel fraudulenter, vel malis arti- bus.

Pars II.

312

bus fieri crederent; & quibus id ex officio incumbit, eum accer-
suum adegissent ad prodendam illam, nisi P. Athanasius, qui bis
totam rem coram curiosissime intuitus fuerat, ab aliis in hunc fi-
nem vocatus, illos ab ea cogitatione dimouisset, assenserens omni
rem imposturâ carere, nec supra Naturæ vires esse; immo simile
quid se effecturum spondebat, tametsi nesciret quo id modo per-
ageret praedictus Royer. Qui cum multa de P. Kircherio inau-
divisset, cum hic, tum alibi, accessit eum ultrò, artis suæ testimoniu-
m ab illo petiturus; Respondit Kircherus, non posse se desidera-
tum perscribere testimonium, ni sciret artis modum & rationes
omnes; scire quidem se, quâ id ratione fieri possit, at nescire, quâ
ab ipso fieret. Cui Royer tam facilem rem esse respondit, ut
quilibet illam discere & exhibere possit, seque diversos Principes
eam, data de secreto non prodendo fide, docuisse non sine largis-
simis præmiis; paratum se proinde eâdem fide data Kirchero
mihiquo illam prodere; quod pro sua ingenuitate & singulari
humanitate præstigit in Museo nostro. Res est omnino, ut asseru-
erat ille, facilis, omnisque, ut suprà dixi, imposturæ expers, toto
quo cœlo differt à modo suprà insinuato. Trajicit verè aqua in
stomachum, & in stomacho tingit, è stomacho ejaculatur oleum,
& liquores odoriferos, lactucas, floresque recentes & integros.
Potest tamen aliqua ex dictis perficere, & subinde etiam, cum se
non observari curiosè notat, perficit modo suprà memorato.
Quare P. Kircherus sequentes ipsi litteras ad omnes rerum cu-
riolarum Amatores tradidit.

Omnibus rerum curiosarum Amatori-
bus salutem.

Kircherite-
stimonium
de hydropo-
tn.

C

omparuit non ita pridem in hoc Romano Orbis theatro Lator ha-
rum, Ioannes Royer Lugdunensis, Gallus, Vir probus & honestus; qui
tametsi omnis litteratura sit expers, Naturæ tamen arcanorum minimè
ignarus, ea mirificâ suâ arte exhibet, que vel summos Philosophos in ad-
mirationem rapiant: dum quidquid Natura in liquoribus, aquis, oleis,
vinis, aceto, & quintis, ut vocant, essentiis, floribus & herbis, colorum,
sapo-

saporum, odorumq; exhibuit, id omne is ex stomacho suo, veluti ex quodam Naturæ penuario, sine mora, summâ facilitate, & quo libuerit ordine, producit. Quæ res veluti Naturæ limites excedens, cùm multis necio quam sinistram de latente Dæmonis concursu suspicionem movisset; ut à se tam pernitosam sinistrioris famæ maculam amoveret, ad me tandem suæ testimonium professionis obtenturus confugit. Cui cùm respondisse, veridicum testimonium me huius rei exhibere minimè posse, nisi mihi omnes prius artis sue rationes & causas aperiret; lubenti id animo, pro ea qua est ingenuitate & candore, mox in Museo meo præstitit. Rite itaque & minutim omnibus & singulis exploratis, Notum hisce esse volui, memoratum Ioannem, non, uti multi sibi persuadent, per occulas illusionis diabolicae præstigias, neque per false imaginationis imposturam, sed hæc omnia medius pure naturalibus, singulari artis industria, & per subtile quasdam rationes, ab omni falsitate & dolo immunes (quas quidem nemo, nisi ab eodem edocitus, facile pandere potest) præstare. Ac proinde quò minus tam jucunda spectaculorum exhibitioni interesse possint omnes, non video quid prohibeat. Dignus proinde est Auctor, qui ob hoc tam rari animi talentum, ab omnibus & ametur, & honoretur. Datum Rome 22. Martij 1654.

Ita testor

Athanasis Kircherus Societatis IESV.

ANNOTATIO.

HYdropota, ὑδροπότης, est aquæ potator, sicut oīοπότης potator vini. Sic autem appellare placuit ante citatum hominem, ob aquæ ingenitam copiam ad artificium suum exhibendum epotam.

MACHINA VIII.

Παλιγγενεσία Cæsarea,

seu

Regeneratio plantarum in aquis phiala inclusis ex cuiuscunque plantæ semine.

Annis superioribus Augustissimus Imperator Ferdinandus III. pro suo in litteras, Litteratosque omnes affectu, transmisit

Rr sit

Pars II.

314

fit P. Athanasio Kirchero secreta nonnulla chymica, interque illa
 $\pi\alpha\lambda\gamma\gamma\epsilon\epsilon\sigma\alpha\alpha$ quandam, seu modum plantas intra phialam aquâ
Plantarum plenam exsuscitandi. Qui modus cum ab hydraulicis Machi-
regeneratio nis non sit alienus, quippe qui aquæ auxilio perficitur; eum hîc
ex suis cine- adducendum duxi, tametsi propriè ad Herbarum ac Plantarum
ribus. Magiam pertineat. Experientiam rei nec Kircherus fecit, nec
ego, aliis detenti; facient quibus plus otii suppetit, ille præsertim
apud Noricos, de quo scribit Clariss. Harstorfferus, ut dixi suprà
Machina 4. Modus hic est.

Primo, Accipe seminis plantæ cujusvis maturissimi tempore
& cœlo serenis lib. 4. quod in mortario contusum phialæ mundæ
quām optimè clausæ impones, & nè vel minimum exspiret, ca-
vebis, asservata quoque phiala in loco munito. Secundo, Hoc
per acto, observabis tempus vespertinum cœli serenissimi, ut se-
quenti nocte rorem decidentem colligas. Tertio, Phialam re-
servatam aperi, semen contusum comminutumque exime, &
super tabulam vitream extende; hanc verò tabulam cum semi-
ne in horto aliquo, aut prato, sub diolibero expositam relinque,
& nè aliquid roris abundantioris è tabula defluendo pereat, ta-
bulam unà cum semine in patina latiuscula collocabis; sic fie-
ut ros copiosè supra semen decidens, ipsi commodius naturam
suam nocturnis hilce macerationibus conferat. Quartò, Eo
dem tempore, ad rorem commodius excipiendum, quatuor pa-
lis affixum linteamen subtile & purissimum extendatur, quo
madore nocturno imbutum deinde in vitrum mundissimum a
octo circiter mensuras exprimatur. Quintò, Porrò semen im-
butum rore nocturno, iterum phialæ suæ inclusum, nè quid indi-
exspiret, aut calore Solis extrahatur, ante Solis ortum pristino lo-
co reponatur. Sexto, Ros ex linteamine expressus saepissim
percoletur, colatus aliquoties distilletur, donec omnibus fæc-
bus & terrestri immundicie immunis evadat. Fæces verò rel-
etas calcinabis, & salem dabunt pulchrum visu; qui mox in ro-
distillato dissolvatur. Septimò, Ros hoc sale imbutus feminis
phiala asservato altitudinis trium digitorum affundatur: deinceps
phi-

phialâ hermeticâ cum vitro contuso & borace sigillatâ, in loco calido & humido asservetur; aut etiam sub fimo equino, mensu spacio condatur: demum exemptam phialam considera, & videbis semen ad instar gelatinæ transmutatum, spiritumque cuticulæ instar variis coloribus variegatæ supernatantem, & intra cuticulam & terram limosam, rorem de natura semenis existentem instar segetis viridis. Octavò. Phialam hanc ita sigillatam per totam æstatem suspende in loco Solis interdiu, noctu Lunæ reliquorumque siderum radiis pervio: Cœlo verò turbido, aut pluvioso, in loco sicco & calido reserva, donec pulsis nubibus serenitas demum effulserit, cui denique eam expones.

Accidit nonnunquam, ut opus hoc mensibus ferè duobus, aut citius; aliquando post annum, juxta temporum constitutio- nem, absolvatur. Cæterùm signa perfectionis operis hæc sunt. Limosa materia in fundo in altum contumescit, spiritus & cuticula in dies decrescent, totaque materia demum inspissatur; in vitro verò à reflexione Solis subtile nascentur exhalationes & nebulæ, plantæ excrescentis veluti prima quædam rudimenta.

Nonò. Tandem ex tota illa in fundo subsistente materia, spirituque, cinis fit albo-cærulea, & tum successu temporis caulis herba, & flores producentur in forma & specie semenis; quæ spe- cies præsente calore comparet, eodem absente evanescens in chaos suum revertitur. Sed quoties ignem applicaveris, toties calore suscitata materia, plantæ formam exhibet; durabitq; hac ratione, si vas bene obturatum fuerit, perpetuò.

M A C H I N A IX.

*Vas eodem ore vinum & aquam, calidam & frigi-
dam, hauriens ac fundens.*

Artificium tradit Hero Alexandr. Libello de spiritualibus cap. Vide Ico-
7. estque simile illi, quod tradidimus suprà hoc cap. **Machina** nif. xxvii.
2. & cribrum Vestalium appellavimus. Fit autem tali pacto. Fig. vi.

Construitur ex stanno, orichalco, alioyè metallo vas **A B**

*Vas eodem
ore vinum
& aquam
successivè
reddens.*


cujuſcunque figuræ & magnitudinis, habens in medio secundūm longitudinem diaphragma CD, quo dividitur in duo veluti hemisphæria CAD, & CBD. Per collum vasis tranſeant duo tubuli DF, & GH, ex utraque parte Diaphragmatis collum dividentis, & vas ipsum modicè ſubintrantes apud F & H, ubi etiam vasi ſint coarctati. In fundo vasis ex utraque parte diaphragmatis fiant multa foramina minuta. Hisce ita constitutis, ſi vinum haurire viſ alterutro hemisphærio v.g. ACD; obtura oſculum G, & immerge vas intra vinum per foramina fundi hemisphærii ACD, aer verò egredietur per tubum FE. Repleto hemisphærio ACD, obtura oſculum E, & extrahe vas extra vinum: quod quidem non effluet per foramina fundi, eò quod aeri aditus non pateat intra hemisphærium. Aperi deinde oſculum G, & immerge vas intra aquam; quæ ingredietur per foramina hemisphærii BCD, aer verò egredietur per tubulum HG. Repleto hemisphærio BCD, obtura iterum oſculum G, & extrahe vas extra aquam, transferque quò libuerit. Si jam effundere volueris yinum, aperi oſculum E; ſi aquam, aperi oſculum G; ſi utrumque ſimul, aperi utrumque oſculum; ſi fluxum viſ ſistere, obtura oſculum quod volueris. Eodem modo hauries & fundes aquam calidam & frigidam.

ANNOTATIO.



*Vas eodem
ore plures
liquores
fundens.*

Si in vase fiant plura diaphragmata, & in collo plures tubuli, hauriri & effundi poterunt plures liquores. Loco tubulorum EF & GH fieri poſſunt ſolum oſcula E & G in lateribus colli, aut in operculo ipſius. Si viſ effluere liquores per foramina E & G, inverte vas antequam foramina aperias. Si per fundum vasis effluere viſ liquores, relinque vas in ſuo ſitu recto, & aperi oſcula E & G.

MA-



Icōnismus XXVII. pag: 317.



MACHINA X.

*Prochyta Heronis Alexandrini male
construēta.*

Hero loco citato cap.8. construit vas quoddam, quod Prochyta appellat; cui si vinum & aqua infundatur, interdum vinum purum, interdum verò mixtum emittit. Constructionem fallam esse contendit Porta lib.3.spirital.cap.4. licet aliis genui. nam Heronis constructionem, erroneam Portæ censuram, falso non omni ex parte sinceram, putet. Heronis verbado.

Sit Prochyta A B, diaphragma habens medium C D; & in dia- phragmate juxta ventrem vasis foramina in star cribri, in orbem dispo- sita, ubi punctum E: in loco autem secundum diametrum in ipso dia- phragmate sit foramen rotundum F, per quod tubus impellatur G H K diaphragmati coarctatus, & à fundo prochyta parum distans, ubi G: al- terum verò ipsius osculum H simul perforetur cum latere prochyta sub auricula, cui coagmentetur, existens cavum, habensq; foramen in parte exteriori auriculae K; quod quidem cum opus fuerit, digito comprehen- dimus, atque obturamus. Si igitur comprehendentes spiraculum K, ut dictum est, aliquod humidum in prochytam infundamus, manebit illud in loco supra diaphragma, cùm non possit per cribrum in locum infe- riorem deferri; Non potest autem propterea, quod non aliud habet egressum aër inferioris partis, praterquam eum, qui fit per spiraculum K. Cùm igitur remittimus spiraculum, tunc humidum in locum inferiorem descendet, & plus continebit prochyta. Itaq; si prius infundentes vi- num, ita ut repleatur locus C D, comprehendamus spiraculum, & aquam infundamus; non commiscebitur ea cum vino; sed cùm prochytam converterimus puram aquam emittet; cùm verò remiserimus spir- aculum aquâ adhuc fluente, simul fluet & vinum, propterea quod in locum exinanitum aër per spiraculum succedit; postea vinum purum emitte- tur. Licet autem & prius infusa aquâ spiraculoq; comprehensa, vinum infundere, ita ut aliis quidem vinum purum, aliis mixtum, aliis verò, cùm illudere velimus, puram aquam emittat.

*Heronius er-
ror in con-
struzione
prochytæ.*

Hæc Hero. Quæ tamen omnia falsa esse afferit meritò Portaloc. cit. Primò enim inquit Porta, quando infundimus vi-
num, descendit illud ad locum inferiorem per diaphragmatis fo-
ramina, eò quod pars vna foraminum illorum transitum dabit
aëri, vt ascendat ad partem superiorē, & elabatur per os pro-
chytæ, per quod infusum fuit vinum; altera verò pars transitum
dabit vino, vt descendat. Deinde postquam descendit jam vi-
num, & aqua infunditur parti superiori, ita vt fiant sibi mutuò
contigua; descendit aqua, quia gravior est vino; & ascendit vi-
num, quia levius est aqua, ideoque miscentur inter se.

M A C H I N A X I.

Libra Hydrostatica mirabilis.

Vide Ico- **S**imon Stevinus, insignis Mathematicus, lib. 5. Staticæ assert
nis. xxvii. nonnullas Hydrostaticæ praxes, interque alias sequentem.

*Libra hy-
drostatis.* **F**ig. VIII. **E**sto libra MNO, cujus lances sint M & O; atque M qui-
dem capax sit 10 librarum aquæ. Esto præterea solidum aliquod
P ex ligno, simile cylindraceo vasi seu lanci M, at paulò minus,
vt impositum ipsi non penitus impleat eius capacitatem. Et hoc
solidum P affigatur scapo, vt hic in prima figura apparet. Infe-
ratur jam solidum P in lancem M, vt in secunda figura factum
vides, ita vt nec latera, nec fundum lancis attingat; lanci verò im-
ponatur pondus 10. librarum. Manifestum est, lancem O de-
scensuram, lancem verò M ascensuram, & pressuram fundo suo
fundum solidi P tam validè, quam validè à pondere 10. libra-
rum impelletur. Sit autem solidum P decima parte minus,
quam vacuum lancis M, ita ut vacuus inter utriusque latera &
fundum locus expleri possit unâ librâ aquæ. Si jam una libra a-
quæ infundatur lanci M, illa insinuans sese inter latera & fun-
dum deprimet lancem M, alteram verò lancem O attollet, &
utramque constituet in æquilibrio, nec amplius fundus lancis
M tanget fundum solidi P. Itaque una libra aquæ in lance M,
æquiponderabit 10. libris in lance O. Idem continget, si vas M
fuerit

fuerit capax centum, mille, & plurium librarum, & una solùm libra inter eius & solidi p latera contineatur. Idem præterea continget, si corpus p fuerit intus vacuum.

A N N O T A T I O.

Res hæc est omnino mirabilis, sed verissima, & experientiâ sepiùs comprobata, quam quilibet facile poterit facere. Affirmabat doctissimus Mathematicus P. Ioannes Carolus la Faille, cùm Panormi in disputatione publica prædictam experientiam contra quendam discipulum meum, terræ immobilitatem, non obstante continua centri gravitatis mutatione, mathematicè demonstrantem attulisset, illam olim Serenissimo Alberto Belgij Gubernatori fuisse exhibitam: eumque, cum versatissimus esset in rebus mathematicis, & in sumendis experimentis curiosissimus, tantoperè tamen obstupuisse, ut afferuerit, nunquam serem mirabilorem spectasse. Vide Mathematicum Thaumaturgum Gasparis Ens Probl. 93. Num. 10. qui ait se etiam huius rei periculum fecisse. Huius porro rei ratto non est, quod corpus p suo pondere æquilibrium illud constituat, tum quia scapo affixum est, & non potest pondere suo deorsum nisi; tum etiam quia tametsi vacuum intus sit, eundem effectum præstat, ut diximus, & constat experientiâ. Quænam igitur huius experimenti est ratio? An quia corpus p aquæ lancis M immersum pellitur ab aqua sursum, utpote aquâ levius, ut supponitur; & cum palo seu scapo affixum sit, & cedere non possit, impetus ab aqua ipsi impressus reflectitur in fundum vasis M, illudque deorsum premit tantâ vi, quanta deprimetur aquæ moles corpori p æqualis, nempe in casu posito moles aquæ librarum novem? Scimus enim experientiâ, corpora aquæ intrusa si leviora sint quam aqua ejusdem molis sursum pelli, & quidem tantâ vi, quanto aqua molem habens corpori intruso æqualem gravius est ipso corpore, ut Archimedes demonstrat lib. 1. de ïs quæ vehuntur in aquis. Simile quid contingit, si quis in dolio stans erectus premit capite superiorum dolij partem: si enim pars illa superior firmior sit quam inferior, rumpetur inferior, quia nimirum impulsus superiori impressus reflectitur in inferiorem partem.

MACHINA XII.

CANOPUS AEGYPTIACUS.

Seu


Vas rimarum plenum.



Vide Ico-nif. xxvii. Fig. ix. **CANOPUS AEGYPTIACUS.** Plenus rimarum sum, inquit, nescio quis, apud Toren in Evn. hac atque illac perfluo. Rimarum pleni dicuntur, qui secreta prae-dunt; quod effluant vasorum instar quæ rimas agunt. Hos repræ-sentat quod nunc describo vas ex Porta lib. 3. Spirital cap. 10. Esto igitur vas AK, cuius venter sit perforatus, aut rimis plenus. Huic si aquam infundas, aut vinum, non nisi usque ad lin-eam FG repleti potest, reliquum vero effluet: & si inclines vas, atque ori admoveas labrum A, ut bibas; effluet iterum per ri-mas vinum, & nec gutta ad ostium perveniet. Qui ergo efficies, ut ebibas vinum tu, quod alij ebibere nequeunt? Infra vas is la-brum fiat tubulus occultus AB, qui apud B ingrediatur man-u-brium CD vas, descendatque occulte per totum manubrium usque ad D, indeque ingrediatur vas, & descendat usque ad fundum ubi E. Habeat autem hic tubulus apud D foramen, quod digito obturari possit. Si igitur dictum foramen D digito occulte ac dextrè, ne alij advertant, occluseris, & labro vas is pertubum EDCBA vinum. Si alij idem tentaverint, at foramen D, mysterij ignari, non occluserint; nihil efficient, quia non vinum, sed aërem attrahent per foramen D ingredien-tem.

ANNOTATIO.

Potest hoc vas recte quoque appellari Canopus Aegyptiacus: erat enim Canopus apud Aegyptios vas innumeris pertusum foraminibus, & cera obturatis; de quo vide historiam in Oedipo Aegyptiaco tom. III. Syn-tagmate de Canopis.

MACHI-





M A C H I N A XIII.

Lamina plumbea plana, aquis innatans.

Constat ex Hydrostaticis principiis, & experientia patet, *Lamina* *plumbea* *quæ innatans.*
plumbeam laminam in naviculae aut lancis modum elabo-
ratam, aquis supernatare quidem, at minimè innatare, si merga-
tur, posse. Quod Natura negavit laminæ cavæ, Ars tribuit pla-
næ, ut non solum supernatare aquis, sed innatare etiam queat.
Experimentum ostendit non semel in Museo suo P. Kircherus,
stupentibus omnibus, hac ratione.

Laminam plumbeam rotundam A B, optimè laevigatam
confecerat, & è centro, c, filum C D suspenderat. Huic la-
minæ superimposuerat vitreum vas inversum G E F, campanæ
instar efformatum, cuius fundus apud G erat perforatus. Per
foramen G traduxerat filum C D è laminæ centro suspensum. Vide Ico-
Totum hochydrostaticum systema, è lamina & vitro vase con-nis. xxviii.
flatum, intra cupam aquâ plenam demittebat dexterimè, ita ut Fig. x.
erectum perpendiculariter insisteret aquæ, neque in unam plus,
quam in alteram inclinaret partem. Et ecce, lamina cum cam-
panâ vitrâ superimpositâ aquæ supernatabat aliquamdiu, do-
nec paulatim subintrante inter laminam & campanæ labrum a-
quâ mergeretur; & merita etiam jam magna ex parte aquis adhuc
innatabat, nec fundum petebat antea, quam curiosorum deside-
rio fecisset satis.

M A C H I N A XIV.

Anemoscopium commune.

V Idemus passim è turri ac domorum tectis eminere vexilla
ænea, in gyrum circa hastam ferream, cui innixa sunt, mobi-
lia, eaque ad quemlibet ventum circumacta ostendere inspe-
ctantibus, quisnam actu ventus, quavè è mundi plaga spiret. At
hæc, nisi per apertas cubiculorum fenestras aut portas inspician-
tur, inutilia sunt, nec officio suo fungi possunt. Modum hinc præ-
scribimus, quo intra cubiculum, aut hypocaustum existentes sci-
re possimus, clausis fenestris, portisque omnibus, quò vexillum
Anemoscopium commune.

vergat, quis spiret ventus, quā mundi regione veniat, in quam tendat. Modus hic est, sāpe tāpius opere exhibitus.

Vide Ico-
nif. xxviii. superior pars c extra domum emineat, annexumque habeat
Fig. x i. mobile vexillum, aut si mavis, aquilam, Æolivē statuam. Hæcha-
sta superiū transeat per annulum æneum c, inferiū verò in-
nexum habeat, firmissimèque connexum globulum itidem æ-
neum d, optimè lāvigatum, qui intra matricem e, similiter
æneam ac lāvigatam, perforatamque, verti facillimè possit vnā
cum hasta, sine resistentia & corrosionis periculo. Ejusdem ha-
stæ pars infirma e f trajecta per matricem e, traiiciatur etiam
per cubiculi tabulatum apud foramen f; è quo foramine f,
velut è centro describatur in prona tabulati superficie, cubiculi
pavimentum respiciente, circulus, in 8, 16, aut 32 æquales partes
divisus; quibus partibus inscribantur majusculis litteris principi-
lium sexdecim, aut triginta duorum ventorum nomina. Apici-
denique f prædictæ hastæ, per circuli descripti centrum adactæ
affigatur index; & flante vento quounque à quacunque mundi
regione, aversoque in contrariam regionem vexillo, dirigatur in-
dex versus venti spirantis nomen in circuli peripheria descriptū;
itaque firmetur circa hastæ apicem f, ut dimoveri amplius non
possit; eritque totum Anemoscopium constructum. Flante enim
quounque alio vento, motoque in contrariam venti regionem
vexillo, movebitur index confessim supra spirantis venti no-
men, & existentibus in cubiculo manifestabit, qua parte veniat
ventus, quò vergat vexillum, aliaque huc spectantia.

ANNOTATIO I.

Hasta f d c, quām levissima sit oportet, præstatque ut, excepta supe-
riore & inferiore parte, reliqua sit lignea. Construxit hoc ipso an-
no nonnemo hic in Villa sua suburbana sane amenissima juxta prædictas
regulas Anemoscopium, cuius hasta ferrea erat, & ingentis ponderis,
cumque vento quantumvis valido sufflante vix verteretur in gyrum;
invitatus è fuit P. Athanasius Kircherus; qui viso hastæ ponderis jussit
eam mutari in ligneam; que quidem jam à multis mensibus ad minimum
etiam venti flatum nullo negotio vertitur.

ANNO.





Fig: XII.



ANNOTATIO II.

Procurandum præterea est, si circulus in ventorum Rhombos divisus non in tecto, sed in portatili plano delineatur, transferendus deinde in locum destinatum, ut ventorum nomina non catoptico, sed anoptico inscribantur ordine, volo dicere; ut scribantur eo ordine, quem exhibere debent sufficientibus in altum, non despicientibus in profundum. Quod non observaverat qui in nominata paulo antè villa ventorum Rhombos delineaverat in cuprea lamina, que deinde in suum locum translata Austrum notabat, unde Septentrio spirabat, & è contrario Septentrionem unde Auster, non sine omnium nostrum cachinnis.

MACHINA XV.

Anemoscopium Kircherianum.

Pulchra est præcedens Machina, at multò pulchrior, mirabiliorq; , quam Melitæ olim construxit P. Kircherus, verè Thau-maturgus, in hunc modum, prout habetur in lib. 2. Artis Magneticae parte 4. Problem 15.

In loco commodo domus nostræ Melitensis, nempe in so- Vide Ico-
lario ventis exposito, præparavit hastam longam c f e, cuius ex- nis. xxix.
tremitas & extra tectum eminebat, Aquila mobili aplustro- Fig. xii.
rum loco conspicua: inferior verò pars in acumen desinens ma-
trici chalibeæ ita erat inserta, ut tota hasta pro ventorum spi-
rantium ratione circumacta, in gyros facilè & leviter moveri pos-
set. Fecit deinde tres rotas, d, c, b, magnitudine, & numero den-
tium pares: quarum prior d verticalis implicabatur dentibus
rotæ c situ horizontalis, & haec dentibus rotæ b, cylindro a
coagmentatae. Iterum rota d axes suo transibat centrum or-
bis ventorum x y, ubi & indicem s annexum habebat ventis
monstrandis accommodatum. Cylindrus verò a aculeo li-
bratus magnetæ erat instructus, cuius axis horizonti erat paral-
lelus. Supra magnetem subtilissimâ tabulâ interpositâ, erat
collocata vitrea Sphæra h, in cuius circuitu depicti erant 32.
venti, cum eorundem nominibus, qualitatibus, effectibusque.
Sphæra aquis erat repleta, & in aquarum medio Æoli statua
magnete facta, cum sceptro versus ventorum nomina protenso

κεντροβαρικῶς erat librata. Tota Machina cum rotis atque cylindro, ita erat abscondita, ut præter sphærā H, orbemque ventorum extrinsecum xv, nihil prius compareret. Porrò sphærā & orbem prædictum hac arte, ad ventos actus spirantes infallibiliter ac semper indicando, collocārat. Aquilam g subsidio pixidis magneticæ ita direxerat, ut perfectè lineam meridianam possideret. Pari ratione sphærā vitream ita situaverat, ut Auster & Boreas, venti oppositi, eandem lineam meridianam possiderent, cui sphæræ situi in orbe extrinseco xv verticaliter respondebant iidem duo venti, hīc Auster, illic Boreas. His peractis, magnes cylindro A superpositus ita vertebatur, ut axis ipsius horizonti parallelus existeret, secumque Æoli statuam sphæræ inclusam ita raperet, ut sceptrum statuæ Austrum in sphéra descriptum monstraret; ad quem eundem index s in orbe extrinseco dirigebatur; habebatque Machina situm suum debitum, à quo amplius dimoveri non debebat; monstrabatque in perpetuum omnes ventos actus spirantes.

Flante enim v.g. Austro, Aquila se vertebat contra septentrionem, versaque unà secum hastam F, rotamque c ei affixam circumagebat; hæc utramque rotam b & d æquali motu gyrabat: atque rotâ quidem d gyratâ, regula s, in orbe ventorum flantem extrinsecus ventum Austrum monstrabat in y; cylindrus verò à rota b circumactus unà cum magnete, Æoli statuam magneticam super eundem ventum Austrum firmabat. Non secus alius quivis ventus, cùm intus in sphéra, tum extra in orbe, quovis tempore exactè demonstrabatur. Cùm enim Aquila g, unà cum rotis c & b, eodem tempore circulum suum conficerent, Regulam quoque s, & Æolum spacia proportionalia ad totum conficere necesse erat: Ergo si Aquila gradibus v.g. 30. dimovebatur loco, regulam & Æoliam statuam rotidem gradibus eodem tempore dimoveri necesse erat, & sic de cæteris.

ANNOTATIO. I.

*Anemosco-
py Kirche-* **H**oc est Magneticum Kircheri Anemoscopium, sanè ingeniosissimum, nec minus admirabile & jucundum; ex quo intra cubiculum extens

stens discere potes situm seu locum omnium plagarum mundi, ventorum riani variis & divisiones, plagaq; quibus dominantur; urbes præterea & rius usus. regiones, per quas venti transeunt; qualitates & affectiones singulorum, cæteraq; omnia hanc materiam concernentia; atque hæc omnia intracubiculum, ut dicebam, clausum existens, per statuam vitro inclusam, solo motu sympathetico. Certè hæc res, dum a P. Kirchero Melite exhibebatur, ita attonitos reddebat spectatores, ut quidam etiam cavillari ausi fuerint, id nisi dæmonis ope vitro inclusi nulla ratione fieri posse; præsertim cum viderent, statuam quantumvis à situ acquisito per ventum dimotam, eundem semper & infallibiliter situm repetere, quem ventus actu spirans requirebat. Et quāvis affereret Kircherus id ope Magnetis fieri, qui tamen nullam magnetis cum ventis connexionē videbant, induci non poterant, ut id quod asserebat, verum esse crederent; donec occultum Machinamentum in apertum deduceretur: tunc enim errorem suum testati in similibus imposterum captivare intellectum suum didicerunt.

ANNOTATIO II.

Si desideres, ut in orbe x. v. magneticè quoque venti ostendantur, maiori cum adstantium stupore, ita operare. Axi rotæ D. orbem non transeunti, sed solum ad posticum eius planam pertingenti, affige Regulam ostensoriam, in cuius extremo frustum magnetis applicetur, quod posticum orbis, ex subtilissima ænea, aut lignea tabula confecti, planum radat. Si enim extrinsecus seu in antico orbis plano, in quo ventorum nomina sunt in gyrum descripta, applicaveris papyraceam muscam, apim, lacertulam, aut simile quodpiam animalculum, pro libito amovibile, ferrea prius acicula animatum: ostendet tibi fictitium animal ventum desideratum earatione, quā suprà cap. 4. Machina 14. diximus horas monstrari in incubo hydro-horologo.

EPILOGUS CLASSIS PRIMÆ.

Vbi nonnulla de Fontibus Romanis, ac Tusculanis,
aliusque.

Hæ sunt Machinæ quas dare volui, non quas dare potui; potui Fontes Romanæ ac Tusculanæ. enim innumeræ. Certè si solos fontes, fonti unique artificia,

quæ in Romana urbe, urbanisque ac suburbanis viridariis, ac multò magis quæ in Tusculanis collibus, Romanæ nobilitatis uti olim, ita nunc secessu illustribus, visuntur, non dico pro dignitate verbis depingere, sed vel enumerare vellem; novum opus, hocce haud paulò minus, esset cūdendum. In solā Aldobrandina villa, quæ inter Tusculanas facilè primū tenet locum, à Cardinale Petro Aldobrandino Clementis VIII. P. M. nepote strūcta atq; ornata, tanta est fontium copia, varietas, ornatus, artificium, ut libri integrī de ijs conscripti reperiantur. Est in Villæ ingressu paries altus, qui aggeres sustinet; & intra parietem atque aggeres antrum artefactum, in quo præter aquas è fistulis, è conchis, è saxis musco & gramine tectis, erumpentes, surgunt ad maximam altitudinem aquæ virgæ, seu potius columnæ binæ. Per aggerem veluti per gradus ascenditur hinc, atque inde, ad villæ subjectam aream, & in alcensu è vasis laxeis, ut quidam canit,

Hinc inde assultans fontana remurmurat unda;

Concha quieturas plena recondit aquas.

Imò non quieturas, ex vale enim seu concha superiore per occultum tubulum defluit aqua in inferiorem proximè sequentem, ubi in fonticulum efformata replet concham, & ex illa in aliam inferiorem delabitur, indeque in aliam, donec omnes in fonticulos suos animatæ conchæ jucundissimum scalari ordine dispositorum fontium exhibeant ascendentibus spectaculum. Vbi accendisti, & inter laurum perpetuò virentem, nitidissime que tonsam, ac viarum latera stipantem, ingredēris aream palatio subjectam; ingens occurrit fontium amphitheatrum, in quo quid primum mireris, operis elegantiam, an fontium amoenitatem, ne scias. Quinque in amphitheatri arcuato flexu dispositi sunt elegantissimi fontes. Horum medius est fons Atlantis & Herculis, in quo turbo pluvius terribili strepitu, ac veluti tonitru in sublime consurgens, cœli tonitrua imitatur. Sequitur hinc fons Leonis cum Tigre pugnantis, inde fons Tritonum, Nympharum, Neptuni, aliorumque maritimorum Deastrorum. Post hos est ex una parte Cyclopis fons atque statua, quæ harmoniam suavissimam concinna heptaulo hydraulico oriadmotu, quod ventus a quarum

Villa Aldo-
brandina
Tusculi.

Fontes Villa
Aldobran-
drina Tu-
sculi.

quarum lapsu intra statuam procreatus, & ex ore dilapsus animat; ex altera verò parte est Centauri fons, atque statua, quæ vi venti ab aqua præcipitata similiter progeniti bucciná perstrepit, tantâ vehementiâ, ut per quatuor passuum millia sonitus exaudiatur. Plerique dum cyclopis artificium curiosius introspicunt, allecti harmoniâ; occultis è fistulis emergentibus aquis ex inopinato perfunduntur, & spectatoribus fraudis antea consciis, atque in tutum sese recipientibus, ludibrio sunt. Varij alij lusus, & aspersiones aquarum curiosis oculis perjucundæ in eodem occurunt amphitheatro, præfertim vbi conclave sinistimo amphitheatri cornu adhærenti intraveris. Dextimum ejusdem cornu stipat Apollinis atque Musarum conclave, miraculum artis humanæ. Ibi ^{Parnassus} Musæ cum Apolline naturalibus lineamentis adeo ad vivum in ^{Villa Aldo-} Parnassi mōte extant è saxo exsculptæ, lituisq;, ac buccinis, tubis, ^{brandina} chelybus, citharis, aliisq; instrumentis musicis instructæ, tam gratam concinunt harmoniam, non aliâ quam venti ab aqua præcipitata excitati ope, ut non tam ventorum aurâ, quam vitali spiritu vivere, atq; spirare, quin & cantare videantur. Sub Parnasso Organum latet hydraulicum, quod vi ventorum ex Æolia camera prosilientium, nullâ Magistri manu, cum reliquis lituis, tubis, buccinis, ac fistulis Musarum, suavissimam conficit harmoniam. Vbi theatrum per scalarès gradus hinc atq; hinc è lapide constructos subire tentaveris, varij lympharum tum è scalarum laterib⁹, tum sub ipsis gradibus calcatis prosilientium lusus te sèpius repellent, donec bene complutus planitie theatro supereminentem ingrediariis. Hic binæ occurunt columnæ lapideæ, miræ altitudinis, per quas à summo ad imum singulari artificio aqua serpit in gyrum, & cochleatim descēdit. Sequitur alijs scalarum ascensus, in quo, sicut & in subdita planicie, iterum se offerta quæ illapſus, cuin multiplici aspergine. Tandem ubi subiveris, primus se offert exitus aquæ, quæ post senum milliariorum anfractus, per aquæ ductus sub altissimis montibus aut discisis, aut per fossis fabricatos devoluta, hinc primùm exuberat, indeque in enarratos hactenus fontes derivatur.

Si in una villa tanta est fontium atque hydraulicorum Machina-

chinamentorum copia, non alio artificio, quām naturali aquarum lapsu fabricatorum; quid quoq[ue] in totaliis villis ac viridariis, quæ tum intra, tum extra urbem cōspiciuntur putandū est fore? Quid in hortis Pontificiis hortis? quid in Burghesia Villa? quid in Ludowisia? quid in aliis? Videbis hīc organa hydraulica; videbis pluvias ex arborum ramis deciduas; videbis statuas, specula, horologia sc̄iatherica, portarum postes ac limina, gradus scalares, similiisque plura, aquarum asperginem constraintuentes, transentes furtivè ejaculantia. Videbis aquas ē tubulis ac fistulis aut erectis verticaliter, auctorūntaliter inclinatis erumpentes efformari, ut suprā dicebam, in vela subtiliter expansa, in lilia, tulipas, aliorum florū formas, in radios, pluvias, jacula, quæ intuentes non raro, dum nil minus cogitant, timentque, feriunt sine vulnere, & cum adstantium cachinnis.

Nec Roma tantū atque Italia huiusmodi gaudet deliciis, sed aliæ quoque Nationes, Germania præsertim; nec in Principum solūm hortis, sed in civiū quoque viridariis, in quibus diversa licet artifia notare. Hīc enim (inquit Lipstorpius elegantissimè) instar venularum fistulæ per horti delicias sunt ita dispersæ, ut ubi cunque locorum pedem figas, nullib[us] tamen aquarum injurias effugere possis. Sive enim inter rosas verseris, aquæ ex pyramidulis & avibus eis insidentibus exsiliētes latus undiq[ue] cingunt: sive ad ædes aufugere tentes, novus alveus tibi occurrit, ex animalis cuiusdam patente ore ebulliens: sive ad florū areolas, & ipsas hortorum delicias confugias, undique ranæ in terræ extima superficie ordine dispositæ, & buxo cooperatae, te integratâ voluptate perfundunt. Tandem vero superatis omnibus molestiis in ipsa area consistens, hospitemq[ue] gratiis honorans, nè ipsos lapides impunè calcabis. Illi enim tenuissima quasi parabolica filamenta promentes, si quid in facie aut inferiori tunica adhæserit, abluunt, atque sic fabulæ colophonem imponentes, gravissimam sui memoriam Hospitibus diligenter commendant. Huius generis infinita in magnificis hortis Bruxellis, Antverpiæ, Mechliniæ, Gandaui, Amstelodami, Monachii, Hamburgi, Bambergæ, & alibi passim. Sed hisce prætermisssis ad alia animum calamumque convertamus. Sit itaque

Villa aquarum artificia exhibentes in Germania.

CLAS-

(329)

CLASSIS SECUNDA

De

Machinis motum perpetuum amu-
lantibus.

PROLUSIO

De motus perpetui Arte procurati
impossibilitate.

Accerrima nullo non tempore fuit inter Philo-
sophos de motus perpetui Arte procurati possibilitate
disceptatio, alius audacter atque constanter pro illo
pugnantibus, alius verò eadem audaciâ atque constantiâ pu-
gnantibus contrà; nec decisa ad huc lis est. Pertinax quoque
& indefessus semper extitit multorum Mechanicorum in eo re-
periundo conatus; sed qui huc usque in negotio adeo arduo sa-
pientum votis fecerit satis, inventus est nemo, tametsi multi
præsumptuosè de illo invento se jaclent. Varij varias ten-
tarunt vias, variasque adhibuerunt Machinas, ad eum reapse
exhibendum. Nonnulli helicis sive cochlear perpetuae volu-
tatione, alijs cochlear Archimedæ gyratione, alijs Ctesibicæ Machi-
næ concitatione, alijs variâ rotarum certis ponderibus agitata-
rum implicatione, alijs siphonum & follium subsidio, alijs aquæ
& aëris rarefacti & condensati ministerio, alii hydrargyro, alijs
aliis artibus rem aggressi sunt; sed tandem spe sua fuere fru-
strati. Adeo Natura indomabilis, ac sui juris hac in parte

Motum
perpetu-
um possi-
bilem esse,
alii asse-
runt, alii
negunt.

Motum
perpetu-
um facere
multi ten-
tarunt,

T t est

Pars II.

330

Motus
perpetui
efficiendi
pruritus
multorum.

Motum
perpetuum
efficere
non tentat
docti.

Motus
perpetuus
ansit possi-
bilis.

est tenax. Non desunt qui postquam totam decoxissent sub-stantiam in Machinis fabrefaciendis, tandem & reputationis, & cerebri jacturam fecerunt, in manifestam redacti insaniam. Si tamen unquam, & ullibi pruritus hic tam plausibile perfici- endi opus, motum inquam perpetuum, curiosorum infedit ani- mos, certe hoc anno 1654 quo hæc scribo, & hac ipsa in urbe Romana, in qua dego, nescio qua de causa, aut qua spe vana, tam is est vehemens ac frequens, ut vel ipsi ferrarii & lignarit fabri, rude alioquin hominum genus, perfecti operis gloriam sibi vendicare audeant; tanta pertinacia, ut nullis rationum mo- mentis, ac nulla auctoritate, à concepta opinione abduci se per- mittant. Sed quidquid bi imperiti, quidquid alii alioquin minimè mali Philosophi ac Mathematici censeant, qui frustra eam rem tot modis tentarunt, & voti sui compotes factos futu- rosuè opinati sunt; sensatores rem accuratius trutinantes, & difficultatem insuperabilem olfacentes, imò clare intuentes, eam non censuère tentandam, cum temporis, pecunie, estimationis dispendio, laboreque, ut existimant, prorsus inutili.

Quærere tamen pergunt doctiores, utrum possibilis sit perennis arte institutus motus, praesertim hydraulicus, de qua hic agimus. Dixi, arte institutus; de hoc enim discepta- tur, non de motu perenni naturali, aut mixto, qui nimurum à causis naturalibus perpetuò mobilibus dependent, à Sole in- quam, Luna, sideribus, & inferioribus horum cursus sequenti- bus, ut sunt quedam vegetabilia, cursus fluminum, perpetua meteororum agitatio, molendinum impetu fluminis agitatum, similiaque quæ ab his dependent.

P. Ma-

P. Marius Bettinus in Apianiis suis Mathematicis, ^{Affirmans}
 Apiar. 4. Progymnas. 1. Propos. 10. ait, quod attinet ad theori- aliqui.
 cam quandam constructionem ex ingenii geometrici ac scienti-
 fici inventione prodeuntem, plures Machinas aquaticas construi
 posse, aut ab Antiquis ingeniosissime constructas facillimo nego-
 tio ita posse accommodari, ut fortasse, nisi quid obstet ex parte
 materiae (à qua Mathematica inventio abstrahit, nec culpam
 subit Physicæ imperfectionis) Machinæ illæ semper eadem aquæ
 quantitate in orbem ascendentæ ac descendente perpetuo quo-
 dam motu agitantur. In eadem sententia de Motus perpe-
 tui possilitate est P. Christophorus Scheinerus in Disquisition.
 Mathem. num. 15. Consect. 4. & P. Antonius Maria Reyta in
 Oculo Enoch & Eliæ, agens de suo Planetologico instrumento.

P. Athanasius Kircherus, Vir, si quis alius, in rebus diffi- Negat
 cillimis perscrutandis, tentandis, ac perficiendis studiosissimus, ^{alii.}
 lib. 2. Artis Magnet. part. 4. cap. 1. Prolusione I. ait, plurimos rei
 difficultate, inaccessisque artificii scrutinio perterritos, motum
 perennem non secus ac tetragonismum seu quadraturam circuli
 impossibilem existimare. H̄os interest Vir doctissimus P. Chri-
 stophorus Grünbergerus in Manuscriptis infrā citandis, & Hiero-
 nymus Cardanus lib. 17. de Subtilit. & iterum lib. 9. de Rerum
 variet. cap. 48 & alii. His Kirch. subscribit. Ait enim paulò
 post, si disputatio sit de motu perenni artificiali, quem Machi-
 nis artificialibus, aut certis libramentis & equipondiis peragi
 posse multi autumant; malle se fateri ingenuè, eum humani in-
 genii limites prorsus excedere, quam multis, usque fucatis & fal-
 lacibus demonstrationibus ejus vel inventionis umbram sibi

Pars II.

332

Morus
perpetuus
cursit im-
possibilis.

temerè arrogare. Rationem affert hanc, Cùm enim motus perpetui artificialis perfectio in motu consistat circulari, omnis autem motus circularis artificialis sit violentus, utpote ab extrinseci agentis impulsu causatus; una ex quatuor conditionibus ad eum constituendum cumprimis foret necessariā; quibus non datis, meritò in motu perenni inveniendo omnis labor luditur. Harum prima est, ut pondus minus recuperet majus, seu ut minus præponderet majori, aut quod idem est, minor potentia superet majorem; quæ tamen omnia Naturæ repugnant. Altera est, ut duo æquiponderantia se recuperent; quod tamen implicat in terminis, quoniam ponuntur æquiponderantia, ac proinde in quovis situ quiescant, necesse est. Tertia est, ut fiat sine pondere motus; quod tamen arti quām contrarietur, nemo non videt, loquendo de motu quò duo se mutuò in circulum movent. Quartæ denique est, ut motus hic instituatur pondere quodam sine pondere, id est, ut pondus aliquod ita deprimat rotam aliquam seu Machinam, ut in opposita parte ascendens nullam patiatur resistentiam. Et huius ultimi motus rationem quisquis investigarit, is motum se perennem invenisse meritò gloriariri poterit; at hoc opus, hic labor. In hac verò sententia tam negat motus perpetuus possibiliter.

Kircherus adhuc est constans Kircherus, ut nullis aliorum rationibus adductis, nullis inventionibus in medium prolatis, cùm multi ferè quotidie eā de re aut coram, aut per litteras, cùm ipso tractent, abduci queat; addens se evidentissimè rei impossibilitatem intueri, nec unquam permisuram Naturam, ut Arti hæc palma concedatur.

Nostra
sententia,

Ego P. Kircheri sententiam censeo esse verissimam, eamque hac




FIG: 1.




FIG: 3.




FIG: Iconismus XXX pag:





FIG: 4.



hac ratione & exemplo confirmo. Sit rotæ A D B C, in qua duo pondera, C & D, cuiuscunque sint generis, sive plumbea, sive lapidea, sive in formam fistulae conformata, & aquâ, vel quolibet alio humore repleta; debeatque hæc rotæ moveri circa centrum E, & efficere motum sive temporaneum, sive perpetuum; moveri inquam debeat rotæ, non ab extrinseco agente, sed ab ipsis ponderibus. Manifestum est, ex proprietate vectis seu libræ, si duo pondera, C & D, æqualia sint, & ex æqualibus vectis aut libræ brachii dependeant, neutrum motum iri sursum, aut deorsum, cum neutrum præponderet; ideoque ut rotæ seu brachia vectis C D sursum deorsumque moveantur per aliquod temporis spacium, requiri vim superadditam; ut vero perpetuò moveantur circulariter, impelli debere perpetuò à vis superaddita. Et ratio à priori est, quia naturale est utriusque ponderi, gravitare æqualiter in centro rotæ seu in ipso fulcimento E. Ut igitur rotæ aut vectis æquilibrium superetur, & ex immobili fiat mobilis, requiritur vis aliqua superaddita. Hæc autem vis superaddita, non debet esse extrinseca Machina ad efficiendum motum perpetuum; queritur enim Machina quæ ab intrinseco sibiique coniuncto, non ab extrinseco agente & separato moveatur; quod fieret in casu nostro, si ita aptaretur rotæ, ut pondus unum elevaret alterum, & vicissimque ab altero elevaretur, idque perpetuò. Quod dico esse impossibile; quia neque æquale potest elevare æquale, neque minus majus; sine omni vero pondere id fieri non potest, ut diximus, & multò minus pondere sine pondere.

Dicunt, ex Mechanica constare, posse pondus æquale, aut
Tt 3 etiam

Vide Ico-
nis. xxx.

Fig. 1.

Motus
perpetui
impossi-
bilitas con-
firmatur.

Motum
perpetuum
dari posse
videtur.

etiam minus, elevare aliud, ac sursum ferre. Si enim vectis seu libræ brachia fiant inæqualia, ut si brachium E D in casu positivo elongetur, & pondus D, constituatur in F, quartâ scilicet totius vectis parte additâ ex parte E D; proculdubio pondus D elevat æquale pondus C oppositum, centro seu fulcimento E magis propinquum. Imò si ex pondere D diminuatur quarta ferens pars, ita ut si pondus C sit quatuor librarum, reducatur pondus D, ipsi æquale, ad pondus paulò majus quam librarum trium; adhuc elevabit pondus D constitutum in F, oppositum pondus C, ratione majoris longitudinis vectis seu brachij. Quòd si amplius brachium E F elongetur usque ad G, additâ scilicet dimidiâ totius vectis parte, & pondus D reducatur ad pondus paulò majus quam duarum librarum; adhuc pondus D elevabit C, propter rationem duplicati vectis E G respectu E C. Simili modo fieri potest ex multiplicatione rotarum, ut exigua quantitas aquæ elevet magnam quantitatem, sicq; major copia ascendat quam descendat. Ergo pondus æquale potest superare æquale, & minus superare majus: Ergo fieri poterit motus perpetuus artificialis.

Argumen-
ti solutio-
nem contra mo-
tus perpe-
tui possibi-
litatem.

Respondeo verissima hæc esse, nihil tamen ad motus perpetuitatem facere: quia in motu efficiendo per Machinas considerari debet non solum pondus & potentia, sed etiam tempus in quo, & spacium seu intervallum intra quod fit motus. Licet igitur per Machinam potentia minor, seu pondus minus movere & elevare possit pondus majus; nunq; tamen poterit illud movere eodem tempore, seu eadem velocitate, ac per idem spatum, quibus à potentia paulò majori aut æquali moveretur; sed si potentia movens

xx

now
spec-

8-

Motar
perpet
dari pe
videtu

Argum
ti solut
contra
tus per
tui poss
litatem



XX

Part: II. Iconismus XXIV. pag: 204.

384






Fig. VI.



Fig. II.



Fig. III.






Fig. VII.




Fig. IV.




Fig. VIII.




Fig. V.

movens sit duplo minor quam pondus mobile, duplicatum illa requirit spatium, per quod circumferatur, & duplicatum tempus in quo moveat; seu requirit ut moveatur eodem tempore duplo velocius, quam pondus mobile: Sic ut eo tempore, quo pondus c. movetur usque ad H, pondus & duplo fere minus moveatur usque ad I, requiritur ut pondus & percurrat arcum G I, dum pondus c. percurrit arcum c H: arcus autem G I duplo major est, quam arcus c H, quia semidiameter E G duplo major ponitur esse, quam semidiameter E C; sunt enim circumferentiae diversorum circulorum inter se ut diametri, ex Pappo Alexandr. lib. 8. Collect. Proposit. 22. Ex hoc autem sequitur manifeste, motum semel inchoatum non posse continuari, ut patet in posito exemplo, si pondus G descenderit usque in K, & pondus c ascenderit usque in A, & melius parebit ex dicendis in sequentibus Machinis. Melius tamen & accuratius hanc eandem questionem de motu perpetui possibilitate aut impossibilitate ponderabimus in Magia nostra Mechanica, argumentis desumptis ex Philosophia, centrobarica, statica, & mechanica.

His ita prælibatis, cum potissimum Machinæ, quibus perpetui motus Architecti audacissimi in opus deducere rem tantam connituntur, hydraulicae sint, aut hydropneumaticæ; rem gravitatem me facturum existimavi curioso Lectori, si nonnullas ex multis, quas aut vidi ipse, aut legi apud alios, aut inter P. Kircheri schedas reperi aliunde transmissas (multi enim Kircheri sententiam exquirere non dubitant) adduxero in medium, ut vel Authorum ingenium, si quid laude dignum proferant, innotescat; vel pateat vanitas, si errores detegantur.

MA-

Machinæ
variaz. mor-
tuum perpe-
tuum
emulam-
tes.

M A C H I N A I.

*Cochlea Archimedea motum perennem
amulans.*

PMarius Bettinus loco suprà citato conatur exhibere exemplum perpetui motus in mirissima illa Machina Cochlea Archimedæ per lineas seu tubos spirales aquam haurientis. Ut vèrò facilius clariusque omnes eius mentem ac modum percipient, prædictæ Cochlea rationem priùs ob oculos ponere quâ verbis, quâ schematismis visum fuit.

Vide Ico-
nis. xxx.
Fig. 11.
Archime-
dui Cochlea.

C D in sequentischemate, cui circumductus est tubus plumbeus, aut metallicus C D, cochlea similis. Hujus tubi unum os c v. g. si aquæ immittatur, & cylindrus inclinetur, ut vides, & circa axem suum K gyretur; aqua per os c influet, & per os D effluit, cum per gyrationem in tubo semper descendat, & ad humiliorum locum defluat naturaliter; & tamen interim ad altiorum locum deferatur per eandem gyrationem; tanto quidem facilius, quanto cylindrus inclinatioñ fuerit; præsertim si os tubi inferius sit latius quam superius. Quantum porrò elevari debeat Cochlea, non potest præcisè & universaliter determinari, quamvis Vitruvius lib. 10. cap. 11. requirat, ut constituatur ex inclinacione triangulum Pythagoricum. Solent autem prædicti spirales tubi cylindro circumpositi abscondi intra cylindri spirales concavitates, & deinde contegialiâ superficie, ita ut si Machinam exteriùs aspicias, videas eam instar ligneæ columnæ cylindricæ, intus latente arcano. Quod arcanum si oculis etiam intuentum etiam ascenda, potest fieri Cochlea canalis transparens, obducendo ipsum lapide specillari seu selenite, ut fecit P. Christophorus Grünbergerus in illis Cochleis, quas adhuc asservamus in P. Kircheri Museo, quarumque meminit P. Bettinus loco citato Propos. II. Scholio 1. & asserit ipse Grünbergerus in Manuscriptis quæ penes me habeo.

Hujus

Hujus instrumenti ingeniosissimi inventor fuit ingeniosissimus Archimedes, ad evacuandam aquam ex portentosis Hieronimis Syracusarum Regis navibus; eoque Aegyptij utebantur, si Diædoro Siculo credimus, ad irrigandos è Nilo campos. Refert Cardanus de Subtilit. Galeazum de Rubeis civem & fabrum ferrarium Mediolanensem tale suo tempore construxisse instrumentum; & cum se primum eius inventorem existimaret, prælatitudinâ insanivisse. Vidimus enim, inquit Cardanus, versantem trusatorem Machinam, ac paulo post mente excussum. Hujusmodi instrumenti frequens est usus in Hollandia, aliisque Germaniae inferioris locis, ad aquas ex depresso loco, qui sit exsiccandus, in altiorum elevandas, indeque alio derivandas. Moveri potest Machina vento, aqua, equis, aut etiam hominum operâ.

Præterea ut majori in copia aquam elevet, circumponiposunt cylindro duo aut tres tubi, ita ut unus post alium inferius hauriat, superius effundat aquam. Monet tamen P. Grünbergenius apud Bettinum loco citato Scholio III. Si unus spiralis tubus da, ut multum cylindrum circumscribat, talem cochleam simplicem elevet. Plures enim spirales tubi ob crassitatem, quam nequeunt carere, debent in cylindro occupare plus loci, quam crassities unius. Quod fit per cochleam cylindricam, fieri etiam potest & solet per conicam, si circa conum aliquem circumspicitur predicto modo tubus spiraliter. Vide Bettinum loco citato.

Potest etiam hæc Machina construi in flumine, ita ut ab ipso flumine vertatur, & ex ipso in prata, aliave adjacentia loca aquam derivet, si cylindro qua parte flumini immersi debet, adstantur pinnæ quotquot volueris, aut quotquot necessariæ videbuntur; & deinde inclinetur cylindrus ita, ut una extremitas sit in flumine, altera extra flumen; utraque vero extremitas sit instruta axibus, qui indantur cardinibus fœmineis, intra quos circumvolvi possint. Inclinandus autem est cylindrus quantum necessarium judicabitur. His factis, defluente aquâ fluminis, impellentur pinnæ, & vertetur cylindrus, & quidem facillime, cum

pondus cylindri exiguum sit, & longè minus etiam factum ob inclinationem, & axes in annulis seu cardinibus positos.

Potest ulterius in datis loci angustiis ad datam altitudinem aqua per cochleam multiplicatam attolli facilimè, prout factū effescimus Augustæ in Germania, ubi ex multiplicatione cochlearum Archimedearum intra turris angustias, elevatur aqua subterfluentis fluminis usque ad turris summitatem, indeq; ad fontes publicos ac privatos tota illa amplissima urbe dispersos largissimè dispensatur. Machinam dabimus, & totum artificium describemus in Magia nostra Mechanica.

*Motum
perpetuum
exhiberi
posse per co-
chleam Ar-
chimedis,
putat Bet-
tinum.*

His ita expositis, audiamus jam Bettini discursum. Moveatur, inquit, rota AB (præcedentis figuræ,) & cochlea GD pes G è subjecto lacu GE aquam attollat per spiralem ac volutam circa cylindrum GD (moveante interim aliquā potentiam extrinsecā rotam;) cùm aqua pervenierit ad D, atque effundetur, excipiatur canali seu tubo DF, qui tubus versus rotam AB devexus deferat aquam, atque effundat in rotam; cuius aquæ incidentis vi supplebit vices potentia & motentia rotam: ac dum rota ab aqua movetur, movetur & cochlea, & cochlea aquam haurit, atque attollit; aqua sublatare revertitur ac refunditur in rotam, è rota excipitur in lacum. Atque hoc aquæ circulo Machina cochlea, que impetum accepit à motrice potentia, an non jam per se solo aquæ circumducibit, motuque rotabitur perpetuo, dum aqua è lacu non deficerit.

ANNOTATIO I.

*Bettini ar-
gumenta,
obiectiones
& solutto-
nes circa
motum per-
petuum per
cochleam
Archime-
dis.*

Adit Bettinus, idem effici posse per Machinam Ctesibij, (de qua nos postea) & per alias aliquas antiquorum, si fiat ut aqua quam attollunt, refundatur in rotam, quæ Machinam moveat: Sed se exemplum suum exhibuisse in cochlea, tum ob alia, tum præcipue ob duo paulò post referenda, quibus singulariter in hac Machina facilior fit constructio & petum per usus ad motum perpetuum, quam in alia ulla; prætereaque reperiuntur oppositiones præcipue, que obstatre possunt molientibus inventa promotu aquæ per machinas perpetuo.

Potest

Potest enim opponi, requiri majorem vim motricem in rota, quam sit aquæ vis ac quantitas in rotam decidentis, ut cochlea pondus aquæ possit attollere, etiam si augeatur vis aquæ dum sublata in machinam deinde innata gravitatis nisus ac pondere majori præcipitatur revoluta in rotam Machinae motricem.

Respondet Bettinus primo, singulare esse in Cochlea, ut minor vis ad eius motionem proportionem requiratur, quam in alia ulla machina, duas, præcipue ob causas. Prima est, quia evectio illa per spiralem circa cylindrum vel conum, (idem enim aliquit tantum per conum) est obliqua, & minus violenta, quam sublatio aquæ perpendiculariter ascendentis, vel per vim ejusdem, ut in Ctesibia machina, & in aliis quibusdam fit. Secunda causa facilitatis ad motum in cochlea est à modo peculiari, atque admirando evectionis ponderum per spiralem, dum cochlea obliqua circumvoluitur. Ea enim evectio ita fit, ut pondera ipsa suam evectionem juvent. Nam sit quidam motus mixtus ex continenti quodam descensu simul, atque ascensi graziu (quod pluribus ipse explicat sequenti Propositu.) Quæ gravia dum motu proprio descensum affectant, decurrunt sponte per spiralem; atque ipsa spiralis ex circumvolutione cochleæ pondera decurrentia sensim atque oblique, ac quasi furtivè paulatim attollit.

Respondet secundo, quod ad aquæ quantitatatem, ac vim, cochlea habet etiam hoc eximum ac peculiare, ut in ipsa Machina (hoc est, circa cylindrum, vel conum) possint multiplicari volutæ, sive tubi spirales ita, ut non unicat tantum sit spiralis (quod hactenus in usu fuit circa cylindricas cochleas) sed ternæ, quaterne, ac plures spirales circumpositæ majorem aquæ copiam prout numero spiralium hauriant, & attollant.

ANNOTATIO II.

IN Manuscriptis doctissimi viri P. Christophori Grünbergeri, olim in Grünbergero Romano Collegio Mathematicæ Professoris, quæ in Archivio Clavijri iudicium & Grünbergeri reperi, hæc habentur verba circa presentem Bettini Machinam, & de motu perpetuo opinionem: Valde probabile est, ad motum perpetuum Artem non posse pertingere; & puto, non ^{de motu perpetui impossibili-} planè errare eos, qui Propositiones illas eo ipso falsitatis condemnant, ex quibus motus perpetuus infertur. Et licet negari non

Vu 2 possit,

possit, in cochlea multas esse prærogativas singularēs, quæ in aliis Machinis non reperiuntur; omnes tamen ad motum perpetuum necessarias non videtur habere. Videtur etiam ipsa non posse subministrare in tempore aquam necessariam rotæ motrici, cuius potentia debet semper superare resistantiam cochlearē, &c. Suaderem igitur, in hac materia abstineret ab affirmativis, imitareturque Aristotelem, qui Problemata sua prudenter solvit per *Anquia, &c.* Tali modestia non offenduntur Lectores, diciturque quod lubet. Omitto alia quæ fusissimè prosequitur Grünbergerus circa Propositionem 10. suprà citatam, in qua predicta Machina adducitur.

Amplissimus Vir Georgius Philippus Harstorfferus in Deliciis suis Mathemat. tom. I. par. 10. quest. 13. ait, se, dum Senis esset, audivisse à suo Preceptore, predicta Machinae modulum fuisse Florentiae confectum, optimumq; primò successum habuisse; at cum Magni Hetruriae Ducis mandato modulus predictus lacui, nè aqua deficeret unquam, fuisset implantatus, effectum nullum præstisset. P. Kircherus tres cochleas à Grunbergero fabricatas ita disposuerat olim in Museo suo, ut ex inferiori ad superiora receptacula aquam elevarent, quæ è supremo in infimum recidebat; putabantq; multi motum perpetuum jam esse inventum: at ipse fatebatur, & alis monstrabat evidenter, post aliquot gyros Machinam quiescere, aquæ in superiori receptaculo defectu.

ANNOTATIO III.

Bettini operio de motu perpetuo per Archime dis cochleareri **E**x his apparet, quid circa predictam Machinam sit sentendum. Binatio de motu perpetuo per Archimedem dis cochleareri igitur Responsones Bettini non satisfaciunt difficultati ab ipsomet proposita. Ad secundam enim quod attinet, si multiplicentur tubi, ut attollatur major aquæ copia, multiplicatur etiam pondus quod superari videntur. Itaque si simplex tubus non est sufficiens ad subministrandam aquam sufficientem pro uno tubo implendo, neque multiplex erit sufficiens ad subministrandam aquam pro multis implendis. Quod verò attinet ad primam difficultatem, verissimum est, minorem vim ad cochleam requiri quam ad Ctesibiam, aliasq; Machinas aquaticas; at non sequitur, tantum aqua per ipsam attollî posse continuò, quantum continuò depluere debet su-

bet supra rotam, ut verti possit, & aquam attollere, si non majorem, saltem aqualem illi quæ decidit.

Si dicas, posse multiplicari rotas, & ita disponi earam artificium ex Mechanicae prescripto, ut levissimo quantumvis exiguae aquae lapsu verti possit cochlea, & sic attollere per tubos multò plus aquæ, quam ad rotam vertendam necessarium fuerit: Respondeo, si multiplicentur rotæ, & procuretur facilitas ad vertendam cochleam exiguae aquæ, requiri majus tempus ad ipsam vertendam, quam ante requirebatur; ac proinde antequam semel vertatur cochlea, tantundem, & fortè plus aquæ efflueret, quam ante effluebat, ex superiori receptaculo. Ratio desumenda est ex Mechanicis, cumque nos explicabimus in Magia Mechanica.

M A C H I N A II.

Tubus spiralis in plano, aquam attollens, & motum perpetuum emulans.

PMarius Bettinus citato suprà Apriario 4. Progymnaf. i. Propo- *Tubus spi-*
• sit. 13. affert aliam hydraulicam Machinam, putatque aquam *ralis mo-*
impositam per se Machinam movere, & ascendere, & per ipsam *tum perpe-*
exhiberi posse motum perpetuum. Machinæ occasionem ac *tum emu-*
semina ait se debere ingenio D. Alfonsi Isei, à quo litteras inven-
tionis indices accepit die 29. Septembr. anni 1634, ut refert in
Scholio 2. citatae Proposit.

Antequam vero Machinam proponat, has præmittit hypo- *Hypotheses*
theses. I. Aqua se accommodat figuræ vasis includentis, ita ut *hydraulicæ.*
si includatur vaso quadrato, rotundo, &c. figuram acquirat qua- *Vide Ico-*
dratam, rotundam, &c. II. Aqua semper affectat æquilibrium *nif. xxx.*
partium extremarum, etiam si includatur tubo incurvato & ha- *Fig. 3.*
bente cornua sursum convergentia, & alterum cornu latius ma-
jorem aquæ copiam contineat. Velut si in tubum A B C sequen-
tis figuræ infundatur aqua, quæ & formam cornicularem acci-
piet, & partes ad A & ad C æquidistant ab Horizonte, ac pro-
inde in æquilibrio erunt positæ. Patet utraque hypothesis quoti-
dianis experimentis ex aquæ natura. III. Centrum gravitatis

aquæ (quatenus licet centrum gravitatis in fluidis ponere) actu-
bi, ab A usque ad C, non erit in medio, nempe supra & juxta
B, sed in partibus inter B & C, quia plures aquæ partes sunt in
parte tubi latiore à B ad C. Patet hæc hypothesis non solum è
Physicis experimentis (inquit Bettinus,) sed etiam è Mathematicis
demonstrationibus apud Machinarios Geometras.

Tubi spir-
alium con-
struc-
tio, & u-
sus.

His suppositis, ita describit Machinam, & declarat Machi-
nationem suam Bettinus. Sit circulus seu rota (asser scilicet circula-
ris) AFG, axem habens parallelum horizonti (circa quem moveri,
atque in orbem versari possit;) sitque in plano eius rotæ circumdu-
ctus tubus spiralis ABCFGHILM &c. ab arculo ex A semper in la-
tum excrescens versus CFG &c. Permitatur liberè volubilis circa
suum axem, & ita constiterit, ut centrum gravitatis collocarit in linea
directionis DE. Infundatur aqua in os tubi ad A; quæ juxta Pri-
mum Suppositum influxerit v.g. usque ad C, ubi sit in æquilibrio cum
altero aquæ extremo ubi A. Quoniam igitur, juxta Secundum Suppo-
situm, centrum gravitatis aquæ occupantis partem tubi ab A usque ad
C, erit extra lineam directionis DE in partibus interceptis inter B
& C; gravitabit unâ cum aqua & tubo ipsa rota, & nitetur ex C ver-
sus B, ut centrum gravitatis collocet in linea directionis DE; ac pro-
inde partes CFG movebuntur versus DE: sed dum sic movetur tu-
bus ACF, & c. v.g. accedit ad DE in B, aqua interim, quæ affe-
ctat æquilibrium, confluet velut in punctum prope F, quod jam de-
scenderit ubi C. Rursus rota in eo situ dimittet centrum gravitatis
versus lineam DE, & aqua labetur ad æquilibrium, & retrahet cen-
trum gravitatis ab ipsa DE, & sic deinceps, dum aquæ maior copia re-
redit a linea directionis, & rota cum tubo accedit ad lineam directionis,
fit rotæ motus, & aquæ ascensus; & grave ipsum Machinam movet, &
per se ascendit. Quod est singulare in Machinis gravia attollen-
tibus.

Hæc Bettinus, qui ad faciliorem motum Machinæ indu-
cendum jubet in altero & averso rotæ plano poni tubum spirali-
lem congruentem cum tubo præcedenti ACFG &c. sic enim
putat habiturum te majorem aquæ copiam, & auctâ quantitate
aqua

aqua deponderantis facilitate Machinam volvendam fore, superata omni deponderatione Machinae continentis centrum suæ gravitatis in linea directionis.

Machinam h̄ic descriptam atque explicatam traducit idem P. Bettinus Prop. 14. sequentia ad usum motus perpetui his verbis : *Dum aqua ex ore N effunditur, incidat in pinnulas aliquas in plano rotæ circulariter infixas, & extantes, veluti circa H, I, L, &c. Sic enim siet, ut effusa aqua v.g. in pinnam I oppositam, imprimat vim in eam partem, ac iuvet motum rotæ ex I versus D E. Subiecta sit aqua, velut stagnum, ipsi rotæ ad partes A B C, & tubis spiralis à partibus A sit elevatus, ac recedens ab A B C, atque ascendens versus H &c. Ita ut statim ac aquam hauserit, & partes A B C ipsius rotæ moventur per stagnum, aqua per tubum fluens, unâ cum tubo, sit, & moveatur extra stagnum. Rota vero habeat extremam oram A B C F G attenuatam quasi in aciem securis, & sic materiæ facile mersatilis, & quæ nullam pœnè moram patiatur ab aqua subiecta, dum per eam movetur. Itaq; dum primus aquæ haustus per tubum fluens, & Machinam movens, erit ut in secunda voluta tubi, v. g. inter H I, prima pars tubi A B C per aquam stagni transiens secundum aquæ haustum intromittet; & dum primus haustus pervenerit versus M, secundus haustus erit inter H I, & eo ipso momento siet tertius haustus per A B C. Ac singuli haustus (per precedentis Propositionis demonstrationem) augebunt, ac faciliorem efficient rotæ motum. Atque interim Machina singulos aquæ haustus ex ore N subinde revomet in pinnas, & stagnore addet. Semper erunt in spirali tubo aquæ haustus aliqui plures ac plures, pro numero voluntarum; qui haustus Machinam movebunt, atque interim subinde novi haustus sient juxta predicta. Quid ergo queris, mi Lector, ad inveniendum (an etiam ad re ipsâ efficiendum?) motum perpetuum per hanc Machinam ab aqua ipsa influente, atque ascende mobilem? Curandum vero in primis, pro praxi, ut tubus spiralis insensibiliter magis ac magis amplietur, & aquæ quantitas influens tanta sit, qua tubi partes implens cornicularem figuram semper induat. Quam ad rem multò plures voluntæ requirūtur, quam posita sunt in simplici nostra figura A B C. E. G. &c.*

Hæc.

Hæc ille : qui etiam sequenti propositione 15. hanc suam perpetui motus Machinationem utilem esse putat ad horaria perpetua , si index affigatur axi , & circa axem per parietem aliquem transeuntem fiat rota horaria in 24. partes æquales divisa : aut si ipsi axi affigatur rota horaria , & extra rotam alicubi figatur index immobilis , juxta quem rotæ peripheria percurrat .

ANNOTATIO I.

*Grünberge-
ri sententia
circas tubū
spiralem
Bettini-*

*Nostra sen-
tentia.*

*Circa hanc Machinam reperi in Manuscriptis P. Christophori Grün-
bergeri hac verba. Hæc Propositio (decima tertia Bettini loc.
cit.) meo quidem judicio plus quam dubia, nimis est affirmativa:
si modus proponendi aliquantulum temperaretur, machinatio
ipsa non displaceceret ; idemque sentio de Corollariis , &c. Ita
Grünbergerus. Ego existimo, si Machina suspendatur extra aquam, &
per os A infundatur aqua, posse Machinam facere unum aut alterum
gyrum, donec aqua effundatur per os N: at si suspendatur intra aquam,
tantum abesse ut perpetuo moveretur, ut ne dimoveretur quidem ab eo
situ, quem primo acquireret. Primum optimè probat Auctor, & ego ita
confirmo. Sit Machina extra aquam in eo situ, quem figura monstrat,
sitque centrum gravitatis totius Machina punctum N, idem scilicet
cum punto seu centro suspensionis : teneatur Machina manu immobi-
lis, & infundatur per orificium A tantum aqua, quantum capi potest
in spacio ABC: statim aqua affectans aequilibrium partium extrema-
rum apud A & C, accommodabit & aequabit superficies illarum parti-
um linea AC; statimque aqua cum Machina efficiet unum corpus gra-
ve, ac proinde centrum gravitatis totius Machina ex aqua & reliquis
composita, jam non erit amplius in puncto N, sed in punto K v.g. quia
plus aquæ est inter BC, quam inter BA. Ergo Machina, si liberè di-
mittatur, non quiescat in situ suo pristino, sed circa axem suum movebi-
tur, donec centrum gravitatis K sit in linea DE transeunte per cen-
trum suspensionis. Et hoc quilibet experiri poterit experientiâ; & ra-
causam circa suum axem, aqua interim ascendit versus F, & centrum
gravitatis totius Machina, ex aqua & reliquis composita, non manet in
linea*

Classis II.

345

linea D E, sed continuò transfertur versus & x linea; & tamen dictum centrum semper & continuò nititur esse in linea D E; si aliunde non adest impedimentum, continuò Machina movebitur, & aqua ascendet, donec effluat per os N. Similis Machina aliquoties mobilis in gyrum fieri posset beneficio Mercurij liquidi, seu Argenti vivi, si nimis irum fieret tubus vitreus perfectissimè rotundus & circumponeretur orbi ligneo seu rotae suspensæ è centro gravitatis, & in tubum includeretur argentum vivum: quia enim hoc perpetuò movetur, etiam rota similiter movebitur propter rationem dictam, donec effluat ex orificio N. Vide Harstorfforum in Delicijs tom. I. par. 10 in proœmio.

Alterum vero, quod scilicet si Machina suspendatur intra aquam in situ quem figura monstrat, non possit institui per ipsam motus perpetuus, immo quod nè moveatur quidem à tali sicu, ita probo. Aqua intra spatum A B C tubi in tali situ contenta, non constituit cum Machina unum corpus grave, sed potius cum reliqua aqua, cum qua continuatur, & ideo partes extremæ aquæ tubo inclusæ efficiunt eandem superficiem cum tota aqua: Ergo centrum gravitatis Machinae, quod antea supponebatur esse punctum N, non transfertur extra lineam directionis D E; Ergo Machina non movebitur, quia in tantum deberet moveri, in quantum niteretur collocare centrum gravitatis in linea suspensionis D E.

ANNOTATIO II.

Dicit quispiam, quando Bettinus vult, Machinam intra aquam ponni, non vult totam partem A B C intra illam esse, sed tantum ad B, ita ut post unum gyrum veniens in B, & aqua in ingrediens, possit novam aquam accipere, quæ affectans superfici librationem in linea A C, non tamen faciat æquilibrium in gravitate, spectata tantum ea aquæ parte, quæ est supra lacus subjecti superficiem. Sit ita; num tantum uno haustu ingredietur per A, quantum egredietur per N? Hauriat tamen quantum eycit, semper pars aliqua spiralis tubi debet esse immersa aquæ, quandoquidem os A ingredi debet aquam ut illam hauriat: unde manet eadem difficultas. Quod si nulla pars tubi aquæ immersa est, non apparet quomodo perpetuè gyrari possit rota.

XX

MA-

M A C H I N A III.

*Horarium hydraulicum, motum perpetuum
adumbrans.*

*Horarium
hydraulicum, emu-
lans motum
perpetuum.* P. Antonius Martini è nostra Societate cùm in Collegio Roma-
no Mathesin doceret, Anno 1640. proposuit publicè expli-
candum in Aula eiudem Collegii Romani Horarium quoddam
hydraulicum æneis typis incisum cum hac epigraphe: *Explicatio
figurae & Machinae actu operantis motum perpetuum, in formam Hora-
ry. Machinæ depictæ hunc subjecit Prologum.*

*Motus perpetuus, diu desideratus, conquisitus diu, non possibilis
modo, sed facilis, & ad praxin reducibilis est. Intelligitur autem nomine
motus perpetui, motus aliquis apud nos indeficiens, regularis, à qua cunq;
causa ille sit, in hac rerum universitate existente, & motum illum effi-
ciente: ita ut denominatio perpetuitatis à causa efficiente habeatur, non à
materiali: concedimus enim, per accidens posse dari illius motus interru-
ptionem ex defectu & corruptibilitate materiae.*

*Experi-
mentum
hydraulicum.* Hujus igitur Machinæ fabricam usumque ut explicet, præ-
mittit aliqua Experimenta. Primum Experimentum est tri-
tum illud atque vulgare, de quo nos suprà egimus Clasie 1. cap. 3.
Machina 3. quo scilicet videmus aërem in orbiculo aliquo vitro
A B sequentis fig. cum collo gracili C, per calorem extrinsecum
rarefieri, & per frigus addentari, unde sequitur ascensus vel de-
scensus aquæ subjæcta phialæ intra collum seu canaliculum C.

*Vide Ico-
nis. xxx.
Fig. 4.* Quia vero, subjungit, ipsa alteratio per calorem & frigus in noctes &
dies perpetua esse conspicitur, ideo causa & fundamentum perpetui mo-
tus erat in promptu: deerat autem modus quo effectus iste, ascensus scili-
cket aquæ & descensus, alioqui intralimites canaliculi C. conclusus, libe-
rior redderetur, & ad regulam aliquam motus iste reduceretur. Quæ
duo favente D E O in nostram hanc Machinam ipsi concessimus; & ex
vulgari illo Experimento nova deducentes, nostræ usui Machinæ futura,
illa sic applicamus. Nam si phiala altera O P subulum habens D C
intra aquam in fundo vasis positam exponatur ambienti aëris (& phiala
undigata)

undiq^{ue}, benè obturetur) alteraturetiam internus aër, & per calorem rarefit; rarefactus autem, cùm velit occupare maius spatum, & nullibi patet exitus, cùm omnia risè clausa sint, sese dilatando comprimit aquam, illamq^{ue} elevat per tubulum C D magis vel minus, juxta maiorem vel minorem rarefactionem; & aquam elevatam in receptaculum E refundit. Vide quæ diximus loc. cit. in secundo modo Thermoscopii construendi.

Alterum Experimentum quod præmittit, est desumptum ex eadem phiala o p modò dicta, in qua videmus, quòd recedente calore, seu trigore adveniente, idem aër intra prædictam phialam o p inclusus frigescit, & consequenter addensatur; addensatus autem minus spatum occupat; & Natura, nè detur vacuum intra phialam, nititur attrahere aliquod corpus, quo spatiū ab aëre addensato relictum repleatur; nihil autem attrahere potest aliunde, nisi per canaliculum D C E, cùm omnia reliqua sint clausa. Si ergo osculum externum canaliculi fuerit in aëre, novus intra phialam o p trahetur aër; si verò fuerit intra aquam phialæ E, trahetur ipsa aqua intra eandem phialam o p. Vide dicta ibidem.

Tertium Experimentum est, quòd major phiala o p, si exponatur cum alia minore simili F G, calori vel frigori, cæteris paribus, major citius & majorem aquæ quantitatem ejiciat adveniente calore, quam minor; & plus aquæ attrahat major, adveniente frigore, quam minor. Et hæc tria Experimenta certissima sunt, potestque quilibet illa per se, quandocumque voluerit, experiri.

His præmissis atque suppositis, tanquam certissimis, sub jungit P. Antonius constructionem & usum Machinæ suæ horariæ, sed valde confusè: quare omissis ipsius verbis, eam stylo proprio sic describo.

Fiant duo vasa, ex quacunque materia polita, ut cupro, stanno, &c. nempe A B, & E G. Vas F G dividatur in duo receptacula E O, & G S, columnis, aut planis distincta. Ideo autem totam Machinam in duo prædicta vasa A B & E G, ab invicem dividiti.

dividimus, ut vas AB collocari possit extra fenestram alicuius cubiculi in libero & aperto aëre, vas verò EG in ipso cubiculo; ita tamen, ut possint per tubos productos inter se communicare, ut dicemus. Vas AB sit undique benè clausum, habeatque in operculo foramen N, per quod infundi possit aqua: in fundo siphonem HI, productum usque ad receptaculum SG, habentem platismatum seu assarium H, quod versus superiorem partem aperiri facile & claudi possit: in latere verò interiori habeat alium siphonem CD, habentem platismatum D, quod similiiter aperiri possit & claudi versus superiorem partem: ex hoc verò tubo CD derivetur alius tubulus DE, in receptaculum EO. Receptaculum EO habeat superius in operculo spiraculum ad recipiendum & ejiciendum aërem; & præterea habeat siphonem inflexum OFM, cum clavicula M extra receptaculum aperibili; ipse verò siphon innitatur fulcro F mobili, & aquis innatanti; cui siphoni subjectum sit infundibulum P. Receptaculum GS debet esse apertum, saltem ad partes IS. In latere externo vasis EG, fiat rotta T, in duodecim æquales partes divisa, adscriptis horarum numeris, ut vides. His duodecim spatiis horariis rotæ respondeant in extima peripheria duodecim denticuli, effigiat ut apparet in eadem figura. Demum circa rotam, ubi denticuli, disponatur duodecim haustra seu fistulæ. Axi verò rotæ affigatur stylus seu index horarius immobilis. Denticulis rotæ subjiciatur brachiolum XL, quod circa axiculum L moveri possita, ut una ipsius extremitas deprimi à denticulis deorsum motis possit: circa x verò affigatur pondus V. Tandem ex receptaculo EO derivetur in receptaculum SG, siphon utrumque apertus RQKS, qui in K attingat ferè operculum. Atque hæc est fabrica Machinæ. Sequitur Uſus.

HORARIUS
Uſus.

Vas AB repleatur ad tertiam circiter partem aquâ, per foramen N; quod deinde diligenter obturetur. Deinde exponatur tota Machina alterationi aëris, calori scilicet & frigori. Fiet enim, ut adveniente calore extrinsecorarefiata aër vasis AB, & rarefactus, majoremque locum occupans, comprimat aquam, in fundo vasis positam, juxta doctrinam primi Experimenti, eandemque

demque compellat ascendere per tubum CD. Quia verò in D invenit platiūm seu Animulam facile aperibilem; illam elevat, & supergrediens aqua refunditur per canalem DE intra receptaculum EO. Est autem intra hoc receptaculum siphono FM, habens claviculam M: huic siphoni si motus seu fluxus detur per suatum, aut aliam rationē, influit ipse primum intra infundibulum P, & ipsum infundibulum intra suppositas situlas rotæ T adnexas. Temperandus est autē aquæ fluxus ex prædicto siphone per claviculam M, & similiter rotæ cōversio per pondus v brachiolo XL appensum, permutando scilicet pondus ex alio in aliud locum, ut rotæ contineatur à brachiolo ope denticulorum in rota succedentium, donec situla una impleatur, non tamen priùs quā hora integra elabatur. Impletâ autem situlâ, & horâ elapsâ, cùm ipsa præponderet ponderi v, deprimet hinc brachiolum, inde verò pondus elevabit, & denticulus unus pertransibit, cui succens alius detinebitur à brachiolo per pondus v iterum elevato. Interim dum vertitur rota, promoventur numeri horarii in rotæ ambitu notati infra horariorum indicem, & notantur horæ. Aqua porrò sitularum sese continuò post horas singulas exonerantium in rotæ conversione, delabitur in inferius receptaculum SG, apertum apud s: ex quo, cùm aëris yasis AB iterum per frigus addensabitur, & accersit corpus, quod substituat in locum a se relictum; extrahetur iterum per tubum H, intra vas AB, iterumque adveniente calore elevabitur per tubum CD in receptaculum ED, descendet persiphonem OFM, infundibulum P, situlas rotæ T, intra vas SG. Et hic fluxus atque refluxus eiusdem aquæ erit perpetuus, cùm perpetua sit aëris alteratio. Regularis etiam erit fluxus siphonis OFM, quia cùm per lignum F sustentetur in aqua, osculum O retinet semper eandem immersionem in ipsa aqua, & consequenter semel attemperata clavícula M, eadem semper aquæ quantitas effluet, sive crescat aqua in receptaculo EO per caloris rarefactionem, sive per frigoris condensationē decrescat.

Expedit etiam, ut receptaculum EO capax sit tantæ quantitatis aquæ, quæ sufficiat ad fluxum ac motum pluribus diebus

continuandum, ut si quando exigua fieret in aëre mutatio, non tamen desit aqua per siphonem trahenda. Quod si aliquando nimis magna contingeret rarefactio, & major aquæ copia elevaretur per siphonem CD, quam capi posset intra receptaculum EO; depleri poterit dictum receptaculum, descendente aqua in receptaculum SG per canalem RQKS, nè in receptaculo SG desit aqua trahenda per siphonem IH intra vas AB.

ANNOTATIO.

Aliorum circa hanc Machinam sententia. HÆc est Machina P. Antonij Martini, & hic motus horarius perpetuus, motus nimirum rarefactionis & condensationis, atque eum consequens motus rotæ horarius. Contra quem Vir magnum, qui demonstrationem habitam præsens spectauit atque audiuit, obiicit, motum hujusmodi perpetuum non esse artificialem sed naturalem, & minimè quæsum à Mathematicis & Philosophis, qui inquirunt Machinam aliquam que ab intrinseco, non ab extrinseco agente moveatur; qualis foret rotæ aliqua mota per aquam, quæ aqua ipsam rotam movendo seipsam iterum elevaret, & iterum descendendo motum continuaret, idque perpetuò; aut si Machina construeretur, quæ per additum pondus (vulgò volantem vocant) & per motus impressionem semel inditam, nunquam deficeret. Ego tamē existimo hunc motum si perpetuus foret, & regularis, artificiale quæsito adnumerari posse. Licet enim rarefactionis & condensationis motus sit naturalis: quod tamen Machina inveniatur, quâ per rarefactionem & condensationem eadem aqua perpetuò ac regulariter ascendat atque descendat, minimè naturale est, sed prorsus artificiale, & plenum ingenio opus. Solum timendum videtur nè aliquando deficiat aqua alieni ex receptaculis, aut vas AB, quoniam sepe per plurimos dies eadem aëris temperies aut nimis calida, aut nimis frigida perdurat; sepe etiam aqua non nisi insensibilem alterationem subit. Huic tamen periculo fortasse provisum erit, si vas & receptacula fuerint satis capacia. At quomodo per eandem Machinam motus exhiberi possit regularis (quod promittit Auctor) prorsus non video: plus enim aquæ effluet è siphone inflexo, dum aqua est calida, aut tepida, quam dum est frigida; & plus dum aqua ab incubento aere vehementer urgetur, quam dum libera est ab aëris

Nostra sententia circa can-
dem.

Motum perpetuum non potest exhibere horarium hydraulicum.




FIG. 5.





FIG.




6 Iconismus XXXI. pag: 351

FIG. 8



FIG. 7.



aëris compressione. Adde quod facile fluxus aquæ penitus cohiberi possit deficiente aqua. Excludatur ergo è numero Machinarum motum perpetuum exhibentium, ut sit etiam à Mersenne in hydraulicis suis Phænomenis Proposit. vlt. Monito 3. quidquid contrà sentiat Muretus in Problemate de fontibus §. II.

M A C H I N A IV.

Kircheriana Machinula, motus perpetui rarefactionis & condensationis specimen exhibens.

IN Museo R. P. Athanasij Kircheri visitur machinula multò Kircheriana quam præcedens simplicior, ac parabilior, quâ perennis motus rarefactionis & condensationis, non tamen regularis seu unifor- mis, specimen exhibitur. Machinulam ego descripsi in nova Romana editione Artis Magneticæ lib. 3. par. 2. cap. 3. in Appen- dice Hydraulicorum Machinamentorum, Machinamento 4, hisce verbis.

Vas est vitreum CAD, fundum habens cupreum CBD, Vide Ico- tali coagmentatum arte ipsi vitro, ut vas aëri sit omnino imper- vium. Quaternis id sustentatur columellis, quibus subiicitur Fig. 5. vas alterum IK cupreum, clausum undique; quod tamen patu- lum superius esse posset. Ex fundo CBD per unam columnam deducitur ad fundum usque vasis IK, siphon NO, instru- catus superius astario seu platismatio (animellam vocant Itali) quod versus interiore vasis partem elevari ac deprimi potest. Idem fundo CBD inditus est apud B alias siphunculus, eius orna, quam figura L repræsentat, instructus platismatio, quod versus exteriorem vasis partem aperiri potest & claudi. Huius siphunculi pars posterior, quâ vas contingit, effigiata est in cochle- lam, ut eximi, ubi opus fuerit, ac reponi possit. Tandem in me- lio Machinae stat receptaculum H, cum prominente inferius anali, quo vasi IK inditur. Receptaculo H coagmentata est singu-

Singulari arte rotula *F E*, haustris in circuitu instructa, campanulaque *G*, & malleolo *F*, qui rotulae circumvolutione illius campanulae sonum edit; sustentatur enim extremitas manubrij prædicti malleoli à rotulae denticulis, ut in figura apparet; quæ extremitas dum rotæ circumvolutione deprimitur, malleolus elevatur, & suo deinde pondere cadens campanulae illiditur. Receptaculum *H* cum suo canali refert schema *M*.

*Vsus siue
dem.*

Usus huius Machinæ hic est. Exempto siphunculo *B* impletur vas *C A D*, ad medietatem usque, plus minus, & reponitur siphunculus, cochleolaque convoluta ita obturatus *B*, ut æri sit impervium. Interdiu igitur, dum incalescit aut intepescit circumstans aër, rarefit qui inclusus in vase *C A D* latet, majorumque quærens locum premit aquam; aqua pressa trudit verlus exteriore parts platismatum siphunculi *B*, & exitum nacta stillat intra hausta rotulae *E F*; hausta verò pondere prægravata, dum deorsum tendunt, vertunt rotulam, rotula elevata deprimit malleolum, ac in sonum animat; interim verò haustorum aqua deoneratur intra vas *H*, & per eius canalem defluit in receptaculum *I K*. Cùm verò frigescit aër circumstans noctu, aut quoqua tempore, aëris vasis *C A D* constringitur, & minorem occupans locum advocat aliud corpus; unde suctu eius aperitur platismatum *N* siphonis *N O*, & per ipsum siphonem attrahitur aqua in receptaculo *I K* collocata.

ANNOTATIO I.

Motum
perpetuum
non exhi-
bet Machi-
nula Kir-
cheriana,

*N*unquam magis cognovi inanem esse jactantiam plerorumque illorum, qui motum se perpetuum machinis inventis actu exhibuisse, aut exhibere posse gloriantur, quamvis hac Machinæ, & auditio spectantium judicio. Vix enim quisquam est, qui eam inspectâ, & aquæ circulazione per rarefactionis ac condensationis motum intellectâ, non judicet eam esse genuinum inventum actu exhibens perennem motum; Cùm tamen neque P. Kircherus pro tali ipsam venditet, nec revera tale ipsa sit. Observavi ego sapissime, intra multos dies nè ullam quidem guttulam effluere, alias copiose stillare, plerumque tam modicè, ut vix post multum temporis

temporis stillam dimitat. Hic tamen defectus in præcedente Machina locum non habet, cùm receptaculum eo aquam suppediter siphoni OFM, etiam si nulla, aut valde exigua sit aëris alteratio.

ANNOTATIO II.

Nota Lector, aquam è siphunculo B ante aëris rarefactionem effluere non posse, tum ob platismatum, tum quia non potest succedere aliud corpus; neque enim ex inferiori vase IK trahi potest aqua per siphonem ON, cùm perpendiculum prædicti siphunculi B ad hoc non sufficiat. Expectanda ergo est vis expellens aquam, scilicet aërrarefactus intra vace CAD.

MACHINA V.

Fonticulus motum perpetuum vi rarefactionis & condensationis aëris ementitus.

Aliam Machinulam, duabus proximè præteritis haud absimilem, habet P. Kircherus in Arte Magnetica lib. 2. par. 4. cap. 1. Prolus. i. Problem. 5. quam iisdem verbis, quibus ibi proponitur, hîc proponendam censui. Inveni eandem apud Robertum à Fluctibus.

Fiat ex materia dura & solida vas G C, cuius è fundo canalis ^{Vide Icon-} ducatur A B C; in B fiat assarium insertum siphoni C A, qui & ^{nif. xxxi.} in A insphærulam protuberet, canalibus quatuor aut pluribus Fig. VI. instructam. Iterum in fundo vasis C aliud fiat assarium E cum ^{Fonticulus} canali suo, qui fundum penetrans aquæ subjectæ F I immittatur. ^{Robertii à} Habeat præterea vas G C alicubi epistomium aut foramen, ^{Fluctibus} ad id aquâ replendum deplendumque ordinatum; habebisque ^{motum per-} machinam; quam dico Soli expositam, perpetuam alterationum ^{mulans,} vicissitudinem subitaram. Mox enim ac eam, aquâ priùs ad me- diatatem repletam, atque exactissimè obturatam, Soli exposue- ris, aër G rarefactus majori loco indigens, aquam C per cana- lem C B expellet in B. & hinc per assarium in Sphærulam A, ubi per canales quatuor relabetur in fossam subjectam F I; durabit-

Yy

quo

que fluxus ille aquæ quamdiu aër in dicta sphæra & rarefactus manserit. Sole verò recedente, aër condensatus cùm minori loco indigeat, nec quod sibi substituat corpus inveniat, vase undique obturato; aquæ contra irreconciliabilem inimicum, vacuum inquam, opem implorabit; quæ & mox per assarij & canalem violenter attracta se in defientis aëris locum substituere properabit, tantum locum repletura, quantum extrusione reliquerat. Sole verò revertente aër denuò rarefactus pristinam actionem repetet, quæ & perpetuò durabit.

ANNOTATIO.

DE hoc Fonticulo idem judicium esto quod de Machinula Kircheriana precedente, & de Horario hydraulico antea proposito: neque enim aut fluxus, aut attractio aquæ perpetua est.

MACHINA VI.

Horoscopium Hydropnevmato-Magneticum, quo Sphæra Magnetica in medio liquorum librata perpetuò circumducitur, ad monstrandas horas, circulos cœlestes, totiusque Astrolabij mysteria.

Sphæra Magnetica Kircheriana, motum perpetuum ac mulans.

AD Machinas hydraulicas, quæ vi rarefactionis & condensationis exhibent, aut videntur exhibere perennem motum, pertinet pulcherrima illa atque ingeniosissima, quam affert P. Kircherus lib. 2. Artis Magnet. parte 4. cap. 1. Prolus. 2. post Problem. 5. eamque intitulat sphæram magneticam Archimedeam. Quæ quoniam pulcherrima est, ut dixi, eam non duxi omittere esse. Describam autem illam paulò enucleatiū quām ibidem describitur.

Vide Icon. xxxi. Construacio nis.

Fiat primò vas quoddam æneum, stanneum, aut è quavis alianis. materia metallica, operi exhibendo opportunum O P Q R; cui Fig. viii. subiicitur cista vx aquâ plena. Vas O P Q R dividatur diaphragmate quodam T A in duo receptacula, O T A Q, & T A R P. In receptaculo O T A Q, fiat aliud receptaculum S T V X, eo loco, quo figura

gura ostendit. Receptaculum T A R P sit ita clausum vndeque, vt
aéri sit omnino impervium. In fundo dicti receptaculi fiant duo
assaria, seu potius duo modioli cum assariis suis, a & c; quorum il-
lud, nimirum assarium a, aperiri & claudi possit extra modiolum,
seu versus r; hoc verò, nimirum assarium c, intra modiolum, seu
versus d. Assarium, a, habeat siphunculum b, qui derivetur in
cistam vx aquâ plenam. Assarium verò c instructum sit siphon-
ne c d A T X, qui derivetur in receptaculum stvx, vt figura mon-
strat. Intra receptaculum o T A Q fiat cylindrus E F circa stipi-
tem versatilis; cuius basis F sit dentata, & supra ipsum cylindrum
jaceat magnetis frustum D, ita collocatum, vt axis magneticus
sit horizonti parallelus. In eodem receptaculo fiat rota h, duo-
decim, aut 24. haustoris seu vasculis instructa in circuitu; infra
quam cista aquatica vx sit aperta. Hujus rotæ axi oblongo m n,
alia rota g indatur, dentibus in circuitu instructa; qui dentibus
basis cylindri E F sint implexi ideo, vt motâ rotâ h, rota g cir-
cumducatur cylindrum E F vna cum frusto magnetico D. Supra
rotam h ducatur ex receptaculo stvx siphon inflexus seu
diabetes y z, qui apud z habeat claviculam volubilem seu epi-
stomium. Ex eodem receptaculo stvx ducatur in subje-
ctam aquarum cistam vx alias siphon x w, in superiori parte
paulò infra operculum receptaculi apertus.

His ita ritè præparatis, accipe sphæram vitream c b benè
solidam, & quantum fieri potest, rotundam; cuius orificium supe-
rius sit tantæ amplitudinis, vt globulus b, in centro eius libran-
dus, commodè per id ingeri possit. Hic autem globulus b ex quo-
vis metallo, si ferrum excipias, fieri debet concavus, & in duo he-
misphæria divisus, ita vt hemisphæria illa aperiri possint, & citâ stri-
ctè denuò conjungi cochleolis, vt nec aér, nec aqua penetrare ul-
lâ ratione possit. Huic globulo impones validum magnetis fru-
stum ea ratione, vt axis Magneticus sit plano Horizontali paral-
lelus; & nè loco amplius dimoveri Magnes possit intra globulum,
pice aut cera eum firmabis. In extrinseca globuli superficie de-
pinges oleaceo colore Aequatorem, & Tropicos, in 24. æquales

partes distinctos, & per divisionum puncta duces duodecim meridianos in utroque polo coēuntes, appositis Aequatori numeris 24. horarum. Poteris etiam in eadem extrinseca globuli superficie depingere Zodiacum, cum signorum characteribus, aliisque planisphaerij mysteriis. Globulum præparatum, & per superius orificio intra sphæram vitream intromissum, suspendes in medio sphæræ subtilissimo filo, alia vè occultiori viâ, de qua in Magia Magnetica agemus. E latere globuli suspendes eādem arte, aut aliâ quapiam, Indicem omnino immobilem. Forma hujus Indicis poterit esse figura piliculæ, aut aviculæ, vel Neptunus cum tridente, aut Syrenula cum radiolo in manu, & versus globuli Aequatorem protenso. Sphæram vitream reple aquâ purissimâ, & ab omni immundicie defæcatâ, & clausam colloca supra vas opQR, ita vt ipsi immediate subsit cylindrus E F cum magnete D. In altera vasis parte, supra receptaculum T A R P, collocetur alia sphæra vitrea, aut plumbea X K, intus concava, & tenuis valde; cujus inversum collum & orificium indatur receptaculo, & ita ferruminetur, vt nihil aeris intrare in receptaculum, nihil exire possit; & habebis Machinam perfectam.

Vſu eius-
dem.

Hæc est Machinæ hydro-pnevmato-magneticæ fabrica. Uſus Machinæ hic est. Cista vx repleatur aquâ quasi totâ: receptaculum T A R P ad medietatem circiter: receptaculū s T v x ferè totum: Situetur Machina in loco quodam aprico meridionalem plagam respiciente; & aer sphæræ X K inclusus, ascendentis solis fervore rarefactus, dum majorem locum quærens, eum non invenit, per K violenter ingressus, aquam in receptaculo KR contentam premet, & per apertum jam aquæ violentâ pressione assarium c, perque siphonem cd at, summâ vi pellet in vasculum superius s T v x. Ex hoc vasculo aqua per siphonem inflexum yz exonerabit fæcē supra rotam H, replebitque vascula seu hausta in circuitu affixa; quæ pondere suo vertente eandem rotam H, hæc rotam G, rota G cylindrum F E, & magnetem D, & magnes globulum B, qui circumactus ostendet Indici nunc hanc, nunc illam horam, aliudvè quippiam in ipso depictum. Si ergo

ergo siphunculus γz ita temperetur claviculâ versatili, ut horis singulis repleat vnam ex 24. affixis rotæ fitulis, ostendentur in globulo b totidem horæ intra spatiū vnius diei naturalis, idque in perpetuum. Aquâ interim receptaculi KR calore diurno expulsâ, cùm nocturno frigore condensatus aër in sphæra xK corpus, quod substituat, non habeat, nè Natura violentiam patiatur, aquam vasis seu cistæ $v x$ per siphonem & assarium ba attractam, in locum deficientis aëris substituet; & tantam quidem, quantam prius rarefactus aër expulerat (clauso interim assario c , nè aqua aut aër ex siphone $c d A T$ attrahatur) quæ advenientis deinde Solis rarefactione denuò in receptaculum s $v x$ elevata, novam motus diurni materiam præbebit; & sic perpetuò.

ANNOTATIO I.

Si supraspharam CB suspendas Aquilam magnetefactam, vertet globulus b circumvolutus etiam Aquilam, & hæc sceptro ostenderet horas.

ANNOTATIO II.

Nota hic siphunculum γz posse inniti fulcro ligneo aquis innatanti, ut simul cum aqua crescente ac decrescente possit elevari ac deprimi, prout factum est supra in Machina III. Potest etiam fieri loco siphonis predicti canaliculus in fundo receptaculi supra rotam H ; Sed tunc fluxus aquæ non erit regularis, quia eò plus æquali tempore effluet, quod plenius fuerit receptaculum: eò minus, quod minus plenum, ut patet ex dictis Protheoria 4. cap. 3. Nimia aqua intra receptaculum $STVX$ attracta, poterit exonerari per tubum xw .

MACHINA VII.

Machinamentum aliud hydro-pneumatico-magneticum, perpetuans motum per ventum.

Quantoperè in praecedenti Machina ingenii Kircheriani elu. Kircherianum Machinamentum, motum, motu **o**eat præstantia, quamque Ars certet cum Natura; nemo

*perpetuum
amulans.* non videt: Multa tamen sunt, quæ effectum ipsius desideratum impedit poslunt; neque enim semper est eadem aëris temperies, aut temperiei vicissitudo ex calida in frigidam, & frigidam in calidam: nec perpetuò in vasis aqua conservari potest, aut evaporatione consumpta, aut sordibus ac putredine impedita. Adde quod difficulter vasi ephemero s^t v^x tanta semper aquæ copia suppeditari possit, ut 24. horis continuò metiendis sufficiat; cùm hyberno tempore diebus pluribus & continuis vix ulla vis rarefactiva, ob caloris exiguitatem, in multis locis etiam temperatæ zonæ subjectis, notetur. Hos igitur defectus & impedimenta cùm notaret in præcedenti Machina P. Athanasius Kircherus, serio cogitare cœpit de alio quopiam medio, quo hæc Machina ad majorem perfectionem quasi perpetui motus tandem pertingere posset. Huic inquisitioni dum incumbit, modus quidam se obtulit non certus tantum, ac facile paribilis, sed & universalis, atque ubivis locorum semper obvius; quo tantum aquæ nullo non tempore suppeditari potest, vasi ephemero s^t v^x, quantum non dicam uno die, sed octo metiendis sufficit. Fit autem operâ venti ea ratione, quam Auctor affert lib. 2. Artis Magnet. part. 3. Prolus. 2. post Machinam paulò antè descriptam, & quam nos adduximus suprà classe i. cap. 2. Mach. V. ad alium finem, ideoque nonnulla ibi addidimus quæ hic minimè apponi debent. Iterum ergo eandem Machinam huic loco & intento accommodatam adducamus.

Vide Ico-
nis. xxxi.
Fig. 8.
Construc-
& us
Machina-
menti.

Prope puteum, fontem, fluvium, lacum, &c. fiat primò ven-tilabrum A B, extra tectum eminens ea ratione, qua diximus suprà classe i cap. 2. citato Machina V. ut flante vento circumagi possit. Hasta autem ventilabri tympano dentato C D instruēta, vertat rotam E F. Manubrium rotæ curvum G H alligatum sit ferro cuidam F Q mediante alio ferro i. In puteo, aut flumine, ubi K, præparetur Ctesibia Machina seu antlia, cuius pistillum K P alligatum sit ferro F Q in P. Reliqua præparen-tur ut loco citato diximus, & ut figura apposita monstrat.

Si igitur rota H præcedentis Machinæ ponatur infra si-phun-

siphunculum o Machinæ; fiat præterea etiam hîc prout in præcedente figura vas o P Q R, rota G, cylindrus F E, cum magnete D, disponanturque sphæræ, C B, & X K suis locis, ut ibi, habebis aliud horoscopium hydro pnevmato-magneticum, horas perpetuò monstrans, & multò constantius quâm præcedens. Nam flante vento, ventilabrum A B circumactum, tympano suo dentato C D rotam alteram E H F dentatam, cui innectitur, circumaget; hac circumacta manubrium tortum ferream regulam F Q, cui mediante ferro i alligatum est, nunc deprimet, nunc attollet; ferrea verò regula depressione & elevatione sua trusillum P K sibi alligatum similiter nunc deprimet, nunc attollet; fietque ut embolus K elevatus aquam in modiolum atrahat, depresso verò per assarium & siphonem L violenter in vas M O expellat; hæc per siphunculum o derivetur supra rotam H præcedentis Machinæ, & vertat cylindrum, & globulum magneticum. Cùm igitur vix ulla dies aut nox sit, quâ non ventus aliquis ubivis locorum, ut experientia docet, spiret; ventilabrum vel modico vento circumactum, tantum aquæ in vas M O per antliam derivabit, quæ multis diebus sufficere possit. Superflua verò aqua exonerabit se per siphonem N X. Poterit etiam aqua ex puto elevari intra vas M O per folles, ut diximus loco citato.

ANNOTATIO I.

ATque hæc est ratio, Auctoris opinione, omnium ad motus quasi perennitatem efficiendam aptissima cùm nunquam & nullibi ventus flabro A B, nec vasi M O aqua deesse possit; quod solùm ad motus continuationem requiri videtur. Subiungit tamen Auctor hanc protestationem: Nemo autem putet, mèhi loqui de motu illo perpetuo à Mathematicis hucusque intento; hunc enim ne cdum inventum esse, supra ostendimus; sed de motu perpetuo naturali, sive qui dependet à causis naturalibus perpetuum mobilibus, cujusmodi sunt Sol, Luna, sidera, & inferiora horum cursum sequentia, ut sunt quædam vegetabilia, cursus fluminum, perpetua meteo-

meteororum agitatio, molendinum impetu fluminis agitatum, similiaq; quæ ab his dependent. Certè qui dicta ingeniosè adaptare noverit, multos hucusque invisos ac prodigiulos motus se effecturum sciatur. Sed hæc industriæ exactorum Artificum relinquenda sunt.

ANNOTATIO II.

Nostra sen-
tentia circa
idem.

Unus tamen in hac ingeniosa Machinatione requiri adhuc videtur, nempe regularitas & uniformitas fluxus aquæ ex siphone, yz præcedentis figuræ, aut ex siphunculo o presentis. Si enim siphon prædictus inflectatur, ita ut maius crus extra vas emineat, minus vero intra vas consistat; aut immobilis erit siphon, aut mobilis, scilicet fulcro ligneo & aquæ innatanti innixus: si immobilis, potest aliquando aqua receptaculi ita decrescere, ut siphonis dorsum emineat extra aquam, & sic omnis fluxus cesseret, prout contingit in omni diabete seu inflexo siphone: si autem mobilis, poterit brevius crus, aquâ decrescente, continere fundum receptaculi, & sic iterum cessare fluxus aquæ. Quod si in ipso fundo, aut latere insigatur canaliculus, promet is plus aquæ dum vas est magis, quam dum est minus plenum, eò quod fortius prematur aqua in pleno, quam non pleno vase. Non tamen dubito quin etiam huic incommodo obviari possit.


MACHINA VIII.



Ctesibia Machina perpetui motus amula.

Ctesibiana
Machina,
motum per-
petuum a-
mulans.

Ctesibiam Machinam appellant Machinariæ artis periti Antliam, quam descripsimus suprà classe 1. cap. 2. Machin. 6. Hujus Machinæ ope multi putant perennem exhiberi posse motum, multi illum de facto se exhibuisse autumant, sensatores hoc negant, de illo dubitant. Specimen perpetui motus, non ipsum perpetuum motum, ope Ctesibiæ Machinæ exhibit in Museo suo P. Kircherus; quam Machinam ego brevissimè, ut potui, ob oculos Lectorum posui, in Editione nova Magneticæ Artis lib. 3. par. 2. cap. 3. in Appendice Hydraulicorum Machinamentorum, Machinamento 5. hisce verbis.

Esto





Esto vas **R** s aquâ plenum, in eoque plantata rota **P Q**, Vide Ico-
haustris suis instructa, & circa axem **O** volubilis. Erigantur è nis. xxxii.
vasis fundo aut lateribus binæ trabes, **T V Y**, & **X Y**. Supra tra- Fig. 9.
bem **T V Y** statuatur aliud vas **A C**, discriminatum tubulo &
epistomio **B**, tribusque aut pluribus canaliculis prope **C** in- Construtio
structum, è quibus aqua supra rotæ hausta derivari possit. Tra- eius.
biverò **X Y** innectatur trabecula seu hasta transversa **M X**, tali
artificio, ut in **X** circa axiculum velut circa polum elevari ac de-
primi facile possit. Ad hæc præparetur antlia seu tromba (ut
Itali vocant) tali pacto. In vase inferiori **s**, fiat modiolus seu
mortariolum **I H**, in fundo habens platismatum **H**, quod ape-
riri & claudi versus interioremodioli partem possit. Fundus
tamen modioli buius non debet contingere fundum vasis **s**.
Fiat deinde pistillum **L K**, extremitate sua **L** annexum trans-
versæ hastæ **M X**, itatamen, ut circa claviculum **L** revolvi sine
violentia possit; glans vero **K** exactè impletat capacitatem mo-
dioli, & perungatur oleo, ut facilè sursum ac deorsum intra ipsum
modiolum moyeri possit. Ex fundo modioli, ubi **C**, derivetur
canalis **F E A**, eâ formâ, quam figura monstrat, habens apud **F**
platismatum, quod versus interioremodioli partem aperiatur. Tan-
dem incurvetur axis **O N** rotæ, ut vides, & extremitati **N** inse-
ratur hasta **N M**, quæ circa axem in **N**, & circa claviculum in **M**
volvi possit summâ facilitate.

His ita præparatis, si vas **A** repleatur aquâ, & laxetur epi- *Vsus eius-*
stomium **B**; decidet ea summo impetu supra rotam **P Q**, & im- *dens.*
pletis haustris ipsam circumaget; circumactâ verò rotâ, dum
axis aduncus **N O** elevatur, attolletur simul transversa hasta
M X, & cum ea pistillum **L K**, simulque premetur aqua intra
modiolum admissa; claudeturque platismatum **H**, unde aqua
pressa, cùm aliud effugium non habeat, insinuabit se magno im-
petu per apertum platismatum **F** intratubum **F A**; ubi aqua,
cessante impetu pressionis, pondere suo subsidens claudet idem
platismatum **F**, donec elato depressoque iterum vertente rotâ
pistillo alium impetum recipiat, ac magne conatu per orificium

Zz tubi

tibi FA erumpat, & in pristinum vas A relabatur, iterumque fluat per canales c, labatur intra vas R s, recipiatur intra modiolum I H, trudatur per tubum FA in receptaculum A; & hoc perenniter; si aliunde non deficiat aqua evaporatione, aut alia de causa.

Vides igitur adumbratum in hoc Machinamento motum perennem. Adde tu, pro tua sagacitate modum, quo tantum aquæ refundatur vasi A, quantum effluit per canales c, multiplicando anthlias; prohibeque evaporationem; & umbram fugabit veritas, nec jam adumbratum, sed in opus deductum habebis motum perennem.

A N N O T A T I O.

Motus
perpetuus
non potest
se in antliis. **N**ihil autem dubito, quin Artificum sagacitate atque industria, ex Machiniorum consilio, facilitari adeo possit motus rotæ & antlie, ut exigua aquæ quantitas sufficiat ad motum illis imprimendum: unde si temporis tarditas compensaretur, posset fortasse tantum aquæ elevari continuò, quantum decidit. Quod si habebitur, certè habebitur motus perpetuus pure artificialis, tam diu quæsus. Ego tamen existimo id esse impossibile; quod etiam constanter asserit P. Athanasius Kircherus.

M A C H I N A IX.

*Catena perpetuò mobilis in gyrum hydrostatica
arte, ut putabatur.*

Catena
motum per-
petuum a-
nnians. **P**Lacet hoc loco apponere aliud hydraulicum Machinamen- tum non injucundum, & ut multis vitio fuit, minimè malum si theoriam spectes, quod non ita pridem ostendit P. Athanasio Medicus quidam in hydraulicis eximius; putatque se illo omnino demonstrasse perpetuum motum. Ego verò nullum vidi hactenus, quod fœdiori deturpatum sit errore; qui cùm trahalis sit, nescio quo pacto Authoris & aliorum oculos præterire potuerit.

rit. Proponam tamen Machinam, & Authoris discursum; dein de unico verbo errorem detegam.

Supponit Auctor in discursu suo nonnulla, quæ experientiâ constant, & demonstrantur ab Archimede lib. i. de Insidentibus humido. Primum est, corpus solidum levius aquâ eiusdem molis, si mergatur intra aquam, sursum ferri tantâ vi, quanto aqua molem habens corpori demerso æqualem, gravior est ipso corpore demerso. Alterum est, corpus solidum æquâ grave ac aqua eiusdem molis, mergi intra aquam, nec sursum ferri, nec deorsum, sed eum tenere locum, quem ab initio accepit: hoc est, tale corpus neque gravitare, neque levitatem intra aquam, ac proinde nec sursum tendere, nec deorsum.

His suppositis ita discurrit. Sit vas ABCDEF, quod perpetuò sit aquâ plenum usque ad summitatem superioris orificii AF. In fundo eiusdem vasis & intra illud fiat rota GHJ, polos & axem habens intra prædictum vas; quæ rota, quantum fieri potest, à centro ad peripheriam ubique sit plana exactissimè, & optimè lævigata in utroque latere, ut eò facilius intra aquam converti possit in gyrum. Eidem similis & æqualis fiat alia, & colloctetur in parte superiori extra aquam, & supra summitatem eiusdem vasis, quæ similiter facilimè converti possit; & circa ipsam, ut & circa inferiorem, verti queat catena de qua mox. Fiat tandem catena KLMN, ex ære cavo, aliavè simili materia, construta, distincta in partes 76. æquales inter se & mole & pondere, figuræ cylindricæ, itaque connexas inter se, uti figura monstrat. Moli uniuscujusque partis seu corporis hujus catenæ respondeant quadraginta libræ aquæ, hoc est, aqua æqualis molis cum una ex dictis partibus pendat 40. libras. Canalis inferior DC vasis, per quem patet transitus prædictis catenæ cylindricis partibus, sit paulò laxior iisdem, ut quam minima quantitas aquæ perdatur. Singulæ autem catenæ partes seu corpora 76. debent esse vel leviora, vel æquæ gravia, quam tantundem aquæ in mole.

Sint igitur primò leviora quam aqua, habeantque gratiâ exempli ad aquam proportionem subduplam, hoc est, aqua sit

Zz 2 duplo

Construc^{tio} eius.

*Vide Ico-
nis. xxii.
Fig. 10.*

duplo ipsis gravior. Dico necessariò sequi motum perpetuum catenæ. Nam in hisce corporibus ab K ad L perpetuò adest quædam naturalis propensio, imò & conatus, ad motum sursum, tantâque vi feruntur sursum, quantâ ab Archimede lib. i. de Insidentib⁹ humido, seu de iis, quæ vehuntur in aquis, definitur, & ab experientia confirmatur, nempe virtutem habebunt ferendi sursum supra aquam, seu trahendi secum, pondus tot librarum, quot conficiat dimidium ponderis aquæ respondentis moli magnitudinis eorundem corporum ab K ad L: at dimidium hujus ponderis est librarum 510, sunt enim ab K ad L corpora catenæ 251, ergo virtus ferendi sursum hujusmodi corporum tanta erit. Præterea ab M ad N totidem corpora perpetuò pendunt libras 1020, & tantâ vi deorsum tendunt, quanta est vis librarum 1020, quas si in unam summam cum præcedentibus colligamus, inveniemus rotas verti debere circulariter à catena tantâ vi, quantâ verterentur, si ponderis libræ 1530. in altera parte horizontali rotæ niterentur, nullâ in opposita parte existente resistentiâ; & hoc perpetuò; ergo perpetuus necessariò motus sequi debet ex rei natura. Quòd si aderit quædam resistentia, v.g. in partibus à C ad H, aut ab L, usque ad rotæ summitem; erit ea tam exigua, ut à prædicto pondere facillimè superetur.

Sint secundò eadem catenæ corpora æquè gravia, ac tantundem aquæ in mole, seu habeant ad aquam proportionem æqualitatis. Dico adhuc sequi motum catenæ perpetuum. Hoc enim casu corpora catenæ ab K ad L intra aquam posita non gravabunt, nec tendent deorsum, uti nec sursum, juxta suppositionem secundam ex Archimede loco citato, ad stipulante etiam experientiâ: in opposita verò parte ab M ad N ponderabunt libras 1020, ex suppositione quòd æquè gravia sint atque aqua; ergo ex tali pondere in una parte horizontali rotæ, nullâ existente resistentiâ in parte opposita, erit perpetuò quædam naturalis propensio & conatus in catena vertendi se circulariter, & quidem tantâ vi, tantoque impetu, quanta est virtus ponderis prædicti ad tendendum deorsum. Quòd si & hic aderit quædam resis-

resistentia, ea facilè à tanta virtute superabitur. Dabitur ergo & in hoc casu motus perpetuus circularis circa rotas in catena. ita ratiocinater Auctor de hoc insigniter fallaci technas mate.

ANNOTATIO

Si vas ABCDEF apertum est apud DC, & quidem laxè, ut Author requirit; quis non videt nunquam impleri posse vas usq; ad AF? Nostra sententia ex Protheoria IV. cap. I. constat: nisi per AF continuò longè plus aquæ influat, quam effluat per DC; quod tamen si fiat, impediet ascensum partis LK. An non igitur trabali & intolerando errore, fallitur Author, dum putat hac Machina exhiberi posse motum perpetuum? An non supra naturam suam aqua in aëre pendula consistet in tubo AB. Ridiculum sane, nè dicam stolidum Machinamentum. Ut vel hinc colligas, quam inani spe ducantur, qui sperant effecturos se id, quod extra spem omnem est positum.

MACHINA X.

Situlae automatae spontaneo atque perpetuo motu aquam haurientes.

Ingeniosissima est, si quæ alia, quæ sequitur Machina, ad elevandas ad quamvis altitudinem aquas è rupe aut colle stillantes, aut è subterlabente fluvio; idque perpetuò, & summâ utilitate. Auctor est Hieronymus Finugius, Vir in Machinaria arte excellens, & P. Athanasio Kircherio familiarissimus, quocum omnes suas inventiones ac Machinationes communicare solebat; inter quas est illa, cujus meminit Kircherus in Arte Magnetica lib. 2. parte 4. cap. 1. Prolus. 1. Ratione 5. Machinæ præsentis typum æri incidit, & paucis explicavit ipsemet Finugius Romæ Anno 1616. Et quia multis constat partibus, duplii eam scheme proponam, & præcipuas partes litteris notatas prius expli-

Situlae automatae, motum perpetuum ambo lantes.

Z z 3 cabō,

cabo, tandemque Machinæ usum indicabo; fabricam vero seu constructionem ex ipsis figuris addisces.

Explicatio præcipuarum Machinae partium.

Vide Ico-nif. xxxiii. **M**achina est constructa prope aut supra rupem, collem, similemè locum ex quo scaturit, aut alia ratione effluit aqua ex

Fig. iij. canali **D**, elevanda ad locum seu vas **G**.

A Est situla ænea, quæ vacua pendit libras, gratiâ exempli, 160, & capax est librarum aquæ 100.


B Est alia situla ænea, quæ tantum pendit, quantum situla **A**, sed est duplo capacior, scilicet librarum aquæ 200. Hæc situla **B** est prope fundum angusta, & paulatim dilatatur, ut figura monstrat; habetque polos prope fundum, ut dum plena est, & terræ innititur, sponte procumbat, & effundatur; & dum trahitur iterum in altum, sponte in situm pristinum se restituat.


C Est situla figurâ similis situlæ **B**; pendit libras, exempli gratiâ 20, & 20 aquæ libras capit; habet fundum ponderolum, & polos prope fundum, ut dum plena est, & suspensa in aëre, sponte invertatur, & effusa aqua in situm priorem rectum se restituat. Est autem ita constructa, ut plena inclinetur ad situlam **B**, in eamque effundatur, prout appetet in figurâ ad sinistram positâ.

D Est canalis excipiens aquam è rupe scaturientem, divisusque in duos ramos æquales **D** & **N**, qui aquam subministrant duabus situlis **A** & **B**, eadem mensurâ.

E Est clavis versatilis, cum vexillo **L**, & duobus ponderibus inæqualibus vexillo alligatis, ut vides; quorum minus pendit libras v.g. duas, majus vero tres. Majus pondus non impediret descendens pondere suo, vertit clavem & vexillum ad se, & claudit canalem, ut in dextera figura appetet; dum vero à situla **B** sursum truditur, ut in figura sinistra appetet, minus pondus descendens vertit eandem clavem & vexillum ad se, & aperit canalem.

F est





- F**est rota dentata cum tympano striato, qualis fieri afolet in horologiis rotatis, & in machinis assatoriis; quam rotam moderatur tempus **M**, & cohibet nè præcipites descendant situlae.
- G**est uncinus, quo arripitur & inclinatur situla **A**, ut aqua effundatur in adjunctum vas.
- H**est canalis, per quem descendit pars aquæ scaturientis, & effunditur in appositam situlam **B**, dum canalis aperitur à clave versatili **P**, quæ aperitur & clauditur à duobus inæqualibus ponderibus, ut clavis **E**.
- I**est emissarium, seu locus, per quem aqua è situla **B** effusa emititur, & aliò derivatur.
- K**est terminus à quo impeditur majus pondus clavis **E**, & situla **B**, nè ulterius descendant.

Vsus c Machinae.

Addmoveantur ambæ situlae **A** & **B** duobus canalibus, prout in figura sinistra appareat: & quia canales sunt æquales, eodem tempore ambæ recipient 100. libras aquæ: repletâ autem situla **A** 100. libris, defluit aqua ex ipsa in vas **C** suppositum, & capax 20. librarum, interimque situla **B** recipit totidem alias libras è canali inferiori: & quia vas **C** habet polos prope fundum, & propendet versus situlam **B**; ubi fuerit plenum, statim effunditur in dictam situlam **B**; & quia habet fundum ponderosum, statim reerigitur in situm suum priorem. Situla igitur **B**, quia receptâ aquâ vasis **C**, vñà cum aqua è canali inferiori accepta, pendit 20. libras amplius quàm situla **A** plena, & vas **C** vacuum simul (**A** enim plenum & **C** vacuum simul pendent libras 280, **B** verò cum aqua libras 300) ideo descendit versus inferiorem canalem **H**, vt in dextra figura appareat, situla verò **A** ascendit versus vas **G**, ubi arripitur ab uncino **G**, evertiturque, & aquam effundit intra vas, manetque sic inclinata, donec situla **B** repleta fuerit aquâ è canali **H** aperto. Interim verò dum situla **B**

la B descendit, & situla A ascendit, paulatim subsidente majorē pondere clavis E, clauditur canalis D; canalis verò H aperit, deprimente situlā B minus pondus clavis P. Repleta situla B statim evertitur, atque evacuatur; & quia vacuum pendit 20. libras minus quam situlæ A & C vacuae simul, elevatur in altum, tracta à situlis A C, quæ descendunt, donec A pervenerit infra canalem D, & B infra canalem N, prohibente termino & ulteriore ascensum uni, & descensum alteri. Dum verò ascendit situla B, elevatur pondus majus clavis E, aperiturque canalis ad implendas situlas, ut antea; quibus repletis, C effunditur in B situlam, quæ ponderosior facta descendit, elevatq; situlam A; clauditur canalis D, aperitur canalis H, evacuatur situla A, impletur situla B. Ethijsmodi ascensus descensusque sibi mutuo succedentes durant in perpetuum, nec ullo indigent alio extrinseco auxilio.

ANNOTATIO.

Nota quod pondus majus clavis E insertum est funi sitularum, & pondus minus clavis P insertum est ferro quadrato, ut certius & infallibilius à manubrio & labro B possint elevari ac deprimi.

MACHINA XI.

*Finugiana industria perpetuo motu situla unica
è puteis aquam hauriens.*

Situla ann.
tomata
unica,
motum per
petuum a-
mulans,

Dum hæc scriberem, & magno desiderio alias prædicti Finugij Machinas hydraulicas, quas ipse se excogitasse, aut exco-
gitaturum asserit, & P. Kircherus se vidisse apud ipsum affirmat,
inspiciendi tenerer; incidi in sequentem Agonali in foro Romæ
venalem propositam, non minus præcedente ingeniosam, & for-
tè etiam probabilem. Quæ si re ipsa præster effectum, quem
promittit Author, sublevandi nimirum aquas è fonte, fluvio, lacu,
cisterna, puteo, motu spontaneo atque perpetuo: næ summam
Mortalibus utilitatem afferre potest. Licet enim non exhibeat
motum

motum regularem & uniformem, ut videbis, & ipse met Author agnoscit, admonitus à Viris doctis, qui viderunt Machinam, & summè laudarunt; irregularitas tamen illa non officit usui, & Machinam reddit laudabiliorem, utpote in qua cum perpetuitate subsistit irregularitas motus. Adde quòd illa ipsa difformitas uniformis est, & sibi perpetuò constans. Unum tamen de-est ad motus perpetuitatem, quòd non eadem itque reditque aqua, ut mox apparebit.

Machina igitur est, quam schema appositum exhibet, in Vide Ico-
quo A, est aqua fontis, fluvii, lacus, cisternæ, putei, aut alia quæ-
vis indefectibilis. Ad latus dextrum constructa est Ctesibia Ma-
china, hoc est, antlia communis seu pompa; in qua B C est mo-
diolus, D assarium in modioli fundo, intus aperibile, ad ingressum exhibendum, egressumque prohibendum aquis in tanta
quantitate, quantam sublevari posse compertum fuerit. E F est
embolus plumbeus, aut æteus plumbō fartus, tanti ponderis,
quantum requiri ex cæteris Machinæ partibus judicabitur. G H
est tubus plumbeus quantævis altitudinis, usque ad locum, ad
quem elevanda est aqua; cuius tubi assarium est I, intus simili-
ter aperibile. K est vas, intra quod effunditur aqua per tubum
compulsa à Ctesibia. L est epistomium seu clavícula mobilis,
è qua depromitur aqua in domesticos, alios vè usus. M est cana-
lis, per quem è vase K defluit modica aqua in subjectum rece-
ptaculum N. O Z est aliud epistomium, cuius masculus o dum
urgetur atque elevatur à subjecta situla XY premente sursum,
depromit aquam vasis N in vas XY suppositum. S V est Re-
gula lignea, circa axem seu clavum T mobilis instar semibra-
chii bilancis circa suum centrum. Posuimus autem dupli-
cam hanc regulam, ut ostendamus quomodo circa T elevetur
ab appenso embolo E F, & deprimatur à situla XY: hæc enim
est situla ænea, eius figuræ, quam schema exhibit; cuius fundus
gravis est, habetque polum Q prope ipsum fundum; estque situ-
la XY affixa Regulæ SV, ita ut circa prædictum polum Q mo-
veri facillimè possit, & dum in paxillum R impacta inclinatur

violenter, prout appareret inferius in aqua A, erigatur sponte in situm, quem habet superius apud epistomium oz. P est sphæra metallica ponderosa, inclusa canali circa situlae labrum, ita ut discurrere intra ipsum facile possit; & dum inclinatur situla ad latus, ut inferius apud A, descendit ipsa sphærula intra suum canalem, prout in inferiori situla apparet, eamque tenet inclinata donec tota effusa fuerit aqua, quâ effusâ, quia levior facta est situla, embolus E F descendit, Regula SV elevatur, situla XX erigitur, & paulatim ascendit usque ad epistomium oz, illiusque masculum O premens sursum aperit, & acceptâ aquâ iterum descendit, iterumque ascendit, idque perpetuo, ut patet.

ANNOTATIO I.

Motus irregularitas consistit in hoc, quod Regula cum situla appensa ascendit paulatim usque ad medium iter, eoque superato conficit reliquum celeriter: in descensu vero contrarium contingit. Ratio patet ex staticis, & probatur experientiâ. Num tamen difficile videtur in hac Machina, quomodo videlicet sphærula metallica P, si est adeo ponderosa, ut teneat situlam inclinatam donec tota effundatur aqua, quomodo inquam post aquæ effusionem non teneat adhuc illam inclinatam? Quod si fundus gravis prævaleret illi post aquæ effusionem, vix fieri potest ut sphærula ita præcisè redeat ad locum, ubi sit in eodem plano verticali, in quo est axis cui situla insigitur; ac proinde ad quamcumque partem constituta intelligatur, tollit æquilibrium, & situla invertitur antequam uno aut altero palmo distet ab epistomio oz, unde fit ut ab embolo modicissime elevato exigua aqua pellatur in altum, & facile plus aquæ effundatur quam attrahi possit.

ANNOTATIO II.

Aliam Machinam precedente non minus ingeniosam, & Roma in conventu Patrum Discalceatorum, cui Victoria nomen est, diuturnâ experientiâ probatam dabimus, favente Numinis in Mechanica nostra universalis, vel certè in Magia Mechanica aut Hydrotechnica.

MA-

MACHINA XII.

*Perennis fontium ac fluviorum in Terra aqua
circulatio.*

OMNES sane Catholici recipere debent (inquit P. Joannes Baptista Ricciolus to. i. Almag. Novi lib. 2. cap. 13.) illud Ecclesiastis i. non tanquam proverbium vulgi, sed tanquam divinæ sapientiæ effatum: *Omnia flumina intrant in Mare, & Mare non reddit: ad locum unde exireunt, flumina revertuntur, ut iterum fluant,* idque perpetuò. Quod quidem nihil aliud est, nisi hydraulicum Naturæ artificium, perennem aquarum in Orbe Terrarum circulationem exhibens, non humanæ, sed divinæ Mathesis Opus. Motum ergo perpetuum, non fictum, non umbratilem, sed verissimum, sed infallibilem, & nunquam defecturum in fluminum, atque adeo in fontium naturalium origine agnoscimus omnes, quotquot fontium ac fluminum Authorem DEUM agnoscimus.

Cæterum qua ratione hydraulicum hoc artificium sit constitutum, ut omnia flumina & fontes è mari oriuntur, & ad mare revertantur, ut iterum fluant, non una est omnium opinio.

Aliqui putant, ideo dici è mari oriri flumina, quòd fontes, à quibus flumina derivantur, à pluvialibus aquis terram penetrantibus nascantur, pluviales autem aquæ ex nubibus plerumque à Mari ortis decidunt. Sed cùm pluviae aquæ non penetrant terram ultra quindecim, ut plurimum, pedes, multoqué minus saepe montes, sub quibus tamen reperiuntur profundissimæ fontium scaturigines; non video quomodo hæc sententia subsistere queat. Adde quòd ab initio mundi, quando adhuc non pluerat Dominus Deus super terram, tamen fons ascendebat è terra, irrigans universam superficiem terra.

Alii aiunt, esse sub terris Tartarum seu Abyssum aquarum ex Mari derivatarum, illasque vi subterraneorum ignium

elevari in vapores, qui in regione terræ frigidiori refrigerati convertantur in guttas, quæ per meatus tandem altiores decurrant ad orificia fontium; cuius rei signum esse aiunt, quod in excavandis puteis terram velut spongiam hisce guttis desudantem, & in montium cavernis concameratis superne guttas manantes passim inveniamus. Huic tamen opinioni, ait P. Ricciolus, vix subscrivat Physico-Mathematicus, siquidem ad calculum revocetur hinc aqua, quam flumen quodvis in Mare exonerat quotidie; inde multitudine fluviorum omnium, torrentium, rivorum, fontium unde idem flumini per plurimos ramos contribuentium aquas suas.

Aqua maris ad orificia fontium quomodo ascendat. Alii denique, & rectius, motui locali aquarum Maris perterraneos meatus ad fontium orificia currentium id attribuunt. Discrepant tamen in explicando modo, quo aquæ ad dicta orificia ascendant. Albertus Magnus ait, aërem vaporosum in cavernis terræ attrahere sursum aquas; forte, dum refrigeratus noctu aut hyeme densatur, & minorem locum occupat; qua ratione aërem videmus in thermoscopiis, & ampullis vitreis oblongis in præcedentib⁹ descriptis inclusum densari, & aquam, nè datur vacuum, sursum attrahere. S. Thomas tribuit id sideribus, in beneficium plantarum & animalium occulta vi aquas trahentibus sursum. Scaliger tribuit id aquæ Maris crassiori & graviori comprimenti & propellenti aquas subterraneas, percolatione ipsa leviores factas, & compellenti eas, ut erumpant per canales angustiores, tanquam per philarum collum anserinum, supra libramentum Maris. Seneca putat, sicut pars superior animalium attrahit sursum sanguinem, sic terræ partes superiores attrahere aquas, nè nimia siccitate faticant; quo ferè modo spongia, aut filtrum bibula siccitate attrahunt aquam sursum. *Nisi ad Machinam hic inquit Ricciolus & ad Intelligentias, hunc motum perpetuum suo impulso aut tractione conservantes, configere malis.* Sed hanc de fontium origine materiam fusissime pertractabit P. Athanasius Kircherus in Mundo subterraneo, ubi pluribus modis illud Naturæ artificium, adhibitis artefactis Machinis, explicabit.

Alium

Alium modum facillimum, hydraulicis principiis conformatum, & in specie probabilissimum, explicandi originem fluminum ac fontium è Mari, affert P. Marius Bettinus Apriano 4. Progymn. i. Propos. 15. Coroll. his verbis : *Centrum molis & centrum gravitatis in Terræ globo non sunt in eodem puncto, quia moles ex aquis ac terris cōstans (nempe Terraqua, ut appellant nunc in scholis globum ex terra & aqua confectum) magis gravitat ex ea parte, ubi terræ sunt, circa quas minores Marium sinus funduntur. Dum igitur Orbis terrarum centrum gravitatis collocatum continet in centro universi; partes terreni globi, circa quas maria ampliora affunduntur, sunt remotiores à centro universi, ac proinde altiores quam reliquæ partes ambitus terrestris exiguis aquis affusi. Sunt etiam ingentes meatus intra terram, per quas aquæ interfluunt. Itaque dum aqua ex Oceano defluit per occultos Terræ meatus, & juxta primum suppositum (nempe capitul. 13. præcedentis) affectat equilibrium cum alto, id est, cum superficie ipsius Oceani; ascendit per venas montium (qui juxta paulo ante dicta, minus alti sunt marinæ superficie illis è longinquo correspondente), & per eorum dorsa effluit in valles, atque ad Terræ partes devexiores, donec in Oceanum ipsum influat; ex quo rursus per meatus terræ transmittuntur aquæ, atque illæ rursus ex montibus in Mare confluunt. Atque hac Naturæ Mathematica Machinatione, an non sit aquarum perpetua in terris circulatio?*

Utique, si ita fiat, & non potius terra tota obruatur aquis Oceanii; quod fieri debere ex Bettini sententia, sic ostendo breviter. *Confutatio huius sententiae.* Terraqua ex Cosmographorum, & Bettini etiam sententia, sphaerica est, in eaque centrum magnitudinis diversum est à centro gravitatis; quod centrum gravitatis congruit cum centro universi, & est remotius à superficie extima Oceani, quam à superficie terræ. Sit ergo circulus EDCF, secans Terraquam per utrumque centrum, in quo A sit centrum magnitudinis, DCF Oceanus, B centrum gravitatis, quod ex Bettini concessione remotius est ab extrema superficie Oceani, quam centrum magnitudinis, ducanturque rectæ BE, BD, BAC. Quoniam igitur BE Fig. 13. minor est quam BD, BC, & BD minor quam BC, per septimam

Bettini op̄atio
nio de fon-
tium è ma-
ri origine.

Propos. lib. 3. Elem. Euclid. erit punctum E propinquius centro universi, quam punctum D; & hoc propinquius, quam punctum C. Cum ergo aqua decurrat ad loca decliviora, id est, centro universi propinquiora, sive per lineam perpendiculararem, quando potest, sive per obliquam, quando non potest per perpendicularē, ut patet experientia, nec abnuit Bettinus; descendet aqua Oceanī ex C ad D, & ex D ad E; sicque obruet terram.

ANNOTATIO.

Demonstratio procedit, posito quod centrum universi, & consequenter ex Bettini sententia, centrum gravitatis terra sit centrum gravium, saltem ad Terraquam spectantium: nam utrum sidera sint gravia, & utrum habeant peculiaria centra gravitatis, examinabimus in Magia Astronomica.

MACHINA XIII.

Gnomon Scheinerianus in centro mundi.

Gnomon Scheineri, motum perpetuum emulans. P Christophorus Scheinerus, Germanus, macularum solarium detector primus, atque illustrator eximius, in Disquisitionibus Mathematicis num. xv. Consecratio 4. assertit motum perpetuum artificiale non repugnare Nature. Talem fore autem, si per centrum universi (vel potius per centrum gravium, quodcunque illud sit) transiret axis, eique affigeretur gnomonis alicuius extremum, alteri verò gnomonis extremo affigeretur pondus: hoc enim præponderante moveretur, ait, gnomon circa axem centrumque universi, idque in perpetuum. Quod dicit Scheinerus de pondere gnomoni affixo, dici etiam debet de aqua vase inclusa, eidemque gnomoni appensa; sicque Problema propositum ad hydraulica pertinebit; quod quia ingeniosum est, hic proponendum, atque examinandum duxi.

Vide Ico- Sit igitur centrum universi, aut gravium A, & gnomon ABC, nis. xxxiii. cuius extremitas A sit perforata, & axi per centrum universi Fig. 14. transiunti affixa ita, ut centro praedicto congruat, & circumvolvi liberè

liberè ac facillimè possit: alteri verò gnomonis **extremo** c sit appensa phiala aquæ plena. His positis, ait Scheinerus fore ut pondus c rotetur circa centrum A, & perveniat primò in D, deinde in E, tum in F, & G, tandemque redeat in C, descripto integrō circulo C D E F G C, indeque iterum moveatur in D, E, F &c. siveque in perpetuum, cum non sit ratio, cur sistatur in uno potius puncto dicti circuli, quam in alio. Quòd autem moveatur pondus c gnomoni affixum, à C in D, probat primò quotidianā experientiā, quā constat, gnomonem prædicto modo constructum, & super pavimentum aliquod erectum stare non posse, sed brachium BC, præponderante C, moveri versus D. Probat secundò ex eo, quòd si ex altera parte addatur gnomoni alterum brachiū BG, priori BC æquiponderans, tota machina GB CA stabit immobilis in æquilibrio; ergo ablato brachio BG, & destructo æquilibrio, debet moveri brachium BC deorsum.

P. Joannes Baptista Ricciolus lib. 2. Almagesti novi cap. 4. Ricciolē num. ii. ait, & optimè, hallucinari Solis illum acutissimum exploratorem Scheinerum; ad eiusque probationes respondet, idcirco, dum extra universi centrum erigitur gnomon, ut in I, cadere brachium BC, quia easu suo accedit magis ad centrum gravium omnium; at constituto gnomone in centro universi modo dicto, non casurum pondus c, quia non posset magis accedere ad centrum communē A.

Addo ego, ideo cadere brachium BC, cum pondere c, ere-
cto gnomone ABC extra centrum universi in puncto I. v. g. plani sententia circa cuiuscunque horizontis sensibilis, ita ut punctum A gnomonis volubile sit circa punctum I velut circa axem aliquem, quia impossibile est ut quiescat, nisi linea recta ē centro gravium omnium (quod supponimus nunc esse centrum Terraquæ) educata trans-
eat & per centrum gravitatis gnomonis cum pondere affixo, & per punctum suspensionis I, quod cum in dicto situ non contin-
gat, nec contingere naturaliter possit, nisi deorsum cadat bra-
chium BC, ut ex se patet, mirum non est, si cadat, tam diuque mo-
veatur, donec prædictum situm obtineat, hoc est, donec linea
recta

recta è centro terræ educta transeat simul & per centrum gravitatis totius machinæ compositæ ex gnomone & pondere affixo, & per punctum suspensionis i. At constitutâ eâdem Machinâ in centro universi, & puncto suspensionis cum prædicto universi puncto coincidente, quoniam necessarium est, ut linea recta è centro universi egrediens, & per machinæ centrum gravitatis transiens, transeat etiam per centrum suspensionis; necessarium etiam est, ut quiescat factâ suspensione; nec moveatur nisi per impulsus extrinsecum, eoque cessante iterum quiescat, & quidem in eo puncto circuli C D E F, in quo cessat penitus impetus. Vide etiam Bettinum Apiar. 4. Progymn. 1. Propos. 7.

Praxi igitur à Scheinero excogitata motus perpetuus circa universi centrum fieri nequaquam potest. Vtrum porrò aliis præxibus circa idem centrum fieri possit perennis motus, fusissimè examinabit P. Athanasius Kircherus in mundo subterraneo, ubi aget de Centrolophia.

M A C H I N A XIV.

Mobile perpetuum Chymico-hydraulicum.

Motus perpetuus Chymico-hydraulicus. Inter cetera secreta Chymica, quæ P. Athanasio Kirchero transmissa dixi suprà à Cæsare Ferdinando III, est mobile perpetuum, quod hactenus neque per aquam, neque per ignem, aut instrumenta automata inveniri potuit. Modus illud præparandi hic esse dicitur.

Accipiuntur amalgamatis & æris drachmæ v, aut vi; & amalgamatis & stanni tantundem: teruntur omnia cum & argenti vivi sublimati drachmis x, aut xii, & ponuntur supra marmor in cellâ: tunc intra spatum quatuor horarum fit instar olei olivæ. Hoc oleum distillatur, & in fine datur ignis fortissimus: tunc sublimatur substantia sicca. Aqua distillata vicissim reaſfunditur terræ in fundo alembici residuæ, & solvitur quod solvi potest; solutum filtratur, deinde distillatur; & apparent subtilissimi atomi, qui in vitro benè clauso, in loco sicco asservantur. Etcce mirabilia videntur, imò illud, propter quod totus mundus hucusque nimis difficulter operatus est.

ANNO-

ANNOTATIO I.

Hoc est secretum à Cæsare transmissum, cuius tamen experimentum non dum sumpsum; sumet cui lubebit, ut ut tamen succedet, non exhibebit motum perpetuum artificiale à Philosophis & Mathematicis hactenus quæsitus, sed merè naturalem, quales multis aliis modis exhiberifortasse poterunt. Habetur hoc idem secretum in Recreationibus Mathematicis Gallico idiomate editis à P. Ioanne Leurechon Soc. I. par. 2. Probl. 31. & in iisdem germanicè editis à Daniele Schuventero par. 16. q. 3. Fucum ergo fecisse videtur Cæsari dum id pro suo vendidit, quisquis id Cæsari obtulit.

ANNOTATIO II.

De motu perpetuo quem Drebellius & alij adumbrarunt.

Cornelius Drebellius annulo vitreo inclusisse dicitur duos sibimet contrarios & summè antipaticos liquores, qui perpetua inter se se decer-
tabant pugna. Huius farina videtur esse Aphroselinus lapis, Luna & ima-
ginem gestans, ut refert Proclus libello de Sacrif. quæcum Luna crescente
ac decrescente perpetuò mutatur, ideoque *selevitus* appellatus est lapis.
Item ille alias lapis, cuius meminit Antonius Mizaldus in Libello de Se-
cretis Lunæ cap. 5. & refert ex ipso Kircherus lib. 3. Artis Magnet. part. 5. petui varia
cap. 4. quem vidisse se ait Mizaldus apud quendam suum amicum, virum adumbra-
doctum atque ingeniosum. Habebat lapis maculam quandam candidam,
quæcum Luna crescente decrescenteque perenniter crescebat ac decrescebat
ita proportionaliter, ut æqualem cum ipsa Luna periodum conficere vide-
retur. Similem lapidem Leo X. Pontifex habuisse fertur, eodem Mizal. Lapidem &
do teste, qui è colore cœruleo in candidum juxta augmenta & diminutio-
nes Lunæ transmutabatur. Cardanus quoque scribit, helitem gemmam ^{Motus per-}
solarem habuisse Clementem VII. Papam, auream exhibentem macu- ^{gemme}
lam, quæ iuxta solis motum singulis diebus oriens & occidens circumage-
batur. Aurea porrò hac in helite lapide macula, aut candida illa in seleni- Macula in
te a Mizaldo relato, quarum illa Solis, hac Lunæ motum perpetuò tam & ^{helite & in}
Bbb ^{selenite la-}
state pide quid

sint. & quo. state quam hyeme emulatur, constantique lege sectatur, nonne peren-
modo mo- nem, naturalem tamen, nobis exhibent motionem? Causam horum mo-
veantur. tuum si scire desideras, lege Kircherum loco citato, ubi ait: In helite
à primordio suo quandam humoris, ex quo coaluit, partem sine
congelatione permansisse, cum quodam meatu subtili circulari
in media lapidis substantia relicto: Solem igitur Orientem hu-
mor hic, vel magnetica quadam vi, sive qualitate dispositiva con-
sequitur; vel aëris in meatu illo abdito rarefactus, majorem locum
quærens, dilatatum humorem, juxta Solis motum proportionali-
ter protrudit, eā ferè ratione, quā superiora corpora mare statutis
temporibus movent. Et quidem in lapidibus quibusdam aquam, vel

Crystallus
aquam in-
clusam con-
tinens. Mercurium perennare, docet idem kircherus exemplo crystalli, quod vi-
dit olim Romæ in Museo Claudijs Menedrij jam vitæ functi, cui aqua hy-
drargyri ad instar à primordio coagulationis sua inclusa per occultos mea-
tus hinc inde diffluere non sine admiratione spectabatur; quæ quidem a-
qua, cùm nullum aliud corpus in sui locum substituere posset, sine corru-
ptione, metu vacui, perennabat, nunquam exarescens. Idem confirmat
exemplo phiale vitrea, quam in Museo suo ostendit in hodiernum adhuc
diem, ut dixi suprà Classe I. cap. 6. Machina 3. continentis aquam jam
à quinquaginta & amplius annis inclusam olim à P. Christophoro Cla-
vio, durantemque sineulla corruptione, alteratione, ac diminutione, cùm
intra ipsam ad fornacem vitriariam hermeticè clausam nullus aëris, ali-
udvè corpus penetrare possit, quod in corruptæ, diminutæ vè aquæ locum
succedat. Humorem porro, aut portionem argenti vivi gemmis lapidi-
bus qz inclusam, per meatus quosdam unacum aere inclusò vi Solis ad mo-
tum concitari posse, hæc docet experientia idem Kircherus. Includatur
exigua portio argenti vivi annulo vitreo; & videbis notabiliter
ad motum candelæ ei applicatæ argenti vivi sphærulam quoque
moveri. Ad eundem modum subjungit Kircherus. Si quispiam lapi-
di vitreo vitreum canaliculum conflatione occultâ insereret, in-
clusa ei portio hydrargyri, ad motum cuiusvis luminosi corporis,
v. g. Solis, aut etiam candelæ ad motum Solis dispositæ, verè cir-
cumageretur; quæ experientia sanè parum abeit, quin suprà ad-
ducta naturæ miracula ad oculum demonstret. Pariratione dicit
Kir-

Kircherus, maculam istam candidam in lapide à Mizaldo suprà relato esse humorem quendam, qui ad Lunæ incrementa decrementaque, non secus ac alijs certi humores in oculis felium, ac ostreaceis, per fibras lapidis vi Lunæ dilatativa diffusi proportionaliter crescat & decrescat; neque necesse esse hic ad occultas causas, & nescio quos abditos consensus sympathiasque configere, cùm qui diligenter incrementum & decrementum pupille felium ad Lunæ phases observavit, facile quomodo hujusmodi prodigijs, ut prima fronte apparent, umbratiles in lapidibus elucescentes Soles & Luna moveantur, videbit.

ANNOTATIO III.

De motu perpetuo quem Boëklerus
promittit.

NOlo hoc loco omittere quod scribit ad P. Kircherum Dominus Georgius Andreas Boëklerus, Mathematicus Francofurtensis, de motu perpetuus à se reperta, cuius tamen construenda rationem minimè manifestat, sed tantum materiam, ut videbimus insinuat. Verba Boëkleri, è Germanico in latinum idiomata translatæ, hæc sunt.

Machina perennis, seu motus perpetuus, hoc est, nova, nunquam antea visa, artificiosissima, & utilissima Machina, seu technasma mechanicum, quod motu perenni, & nunquam defectuoso, sponte, & absque extrinseca vi, quamdiu mundus, eiusque materia durabit, movetur, ac circumvolvit; ex qua machina seu in exigua, seu in mediocri forma constructa, innumeræ commoditates, utilitatesque oriri bono publico possunt. Ac primò quidem in forma exigua fieri possunt huius ingeniosissimæ machinæ auxilio, omnis generis artificiosissima ac perpetuò duratura automata, & horologia, quæ nulla indigent directione, nulla ponderum attractione; quibus semper, diu noctuque, sereno ac nubilo cælo, infallibiliter tempus, horæ, ac minuta (quantum mechanicè fieri potest) certissimè ac facillimè cognosci poterunt; uti &

Solis, Lunæ, cæterorumque planetarum, imò totius cœli cursus huic perpetuo motui accommodari. Unde ingens utilitas, summaque delectatio inde sperari potest, quandoquidem eius opè globus cœlestis artificiosissimus, qui 24. horarum spatio cum cœlo constantissimè circumvolvatur, stellarumque situm perpetuò diu noctuque summâ animi voluptate ob oculos ponat, construi potest: Astrolabium item mobile, & Calendarium perpetuum, in quo motus Solis ac Lunæ exactissimè, unà cum festis totius anni notentur; alia denique omnia, quæ Gnomonicis horolabiis, quantumvis ingeniosissimè fabricatis, possunt exhiberi. Poterit præterea huius Machinæ auxilio fluxus atque refluxus maris juxta artificium Drebelli (alio tamen fundamento) repræsentari. Item varij & artificiosi fontes salientes, globi discurrentes, statuē saltantes, aliaque automata, uti & autophona harmonia musica.

In majori autem forma construi primò poterit mola frumentaria sponte mobilis, quæ hieme & æstate, bello paceque, præsertim ubi nulla suppetit aquarum copia, summam afferat utilitatem. Deinde loco frumentariæ molæ eidem accommodari potest mola in v̄sum pistrini, secatoria, olearis, hydraulicæ, pneumaticæque machinæ, aliaque multa, juxta debitam cuique magnitudinem ac proportionem. Demum Machina hæc poterit aliter atque aliter, quomodo cunque, & quotiescunque libuerit, ordinari, mutari, aut etiam dissolvi penitus; eiusque partes seorsim infinitis v̄sibus accommodari ad aquatica, torcularia, similiaque instrumenta, & suo deinde quæque loco reponi, sicque opus vnicum millenis diversissimis v̄sibus successivè adhiberi ingenti utilitate.

Notandum tamen, modum hunc plus de Natura, quam de Arte participare, licet altera alterius indiget operā. Construitur autem Machina, Machinævè fundamentum, absque rotis, anulis, ventilabis, globis, ponderibus, argento vivo, arena, magnetæ, cochleis hydraulicis, follibus, aliisque quæ excogitari nonnarique possent. Nulla etiam certa ac determinata indiget proportione ponderum, temporis, ac virtutum. Paucissimis con-

fici potest sumptibus, facillimeque demonstrari. Opus tamen principale ac præcipuum ex Magia naturali, ut indicatum, desumi debet. Ad hoc ego utor Mercurio vivo, vera Aqua vitæ, quæ manus non lacerat: est enim in Mercurio, quidquid querunt Sapientes. Instabilem hunc hospitem, meis usibus, sibi debito includo carceri, & custodem addo Neptunum, nec Vulcanus suo deest officio, in eodem per vices crudeliter examinando.

Hac Boëklerus; quæ si vera sunt, mira sunt, nec laude exigua dignus eorum Auctor, tametsi, ut ipsem fatetur, non illum promittat motum, quem Mathematici querunt; utrum verò re ipsa, quod promittit, exhibuerit aliquando, mihi compertum non est. Illustrissimus Comes de la Garde, dum Romæ esset, afferuit mihi se virum nosse, eique collocutum non semel, etiam de prædicto perpetuo motu differenti, at eius praxis se nunquam vidisse; imò fassum esse se in opus tunc nondum redigisse inventionem, sumptuum defectu. Idem alij mihi nunc in Germania dgenti afferunt.

ANNOTATO IV.

De motu perpetuo quem D. Harstorfferus excogitavit.

Dramonobilis & amplissimus D. Harstorfferus Deliciarum suarum to. I. Motus par. 10. q. 12. aliamp proponit praxin perennis motus, argenti vivi ope petius que exhibendi. Vas, inquit, rotundum, & undique circa centrum ^{D. Harstorfferus} ium æquiponderans (cujusmodi sunt cistularum rotundarum promittit. percula) centro suo imponatur stylo acuto sic, ut Horizonti parallelum, hoc est, exactissimè æquilibrium. Vasi ita collato si superaffundas Mercurii guttam, pondere suo inclinabit ad paululum ad latus; cumq; eodem loco, ob innatā mobilitatem, cōsistere nequeat, nunc huc, nunc illuc discurrens, modò in anc, modò in alteram inclinabit partem vas, nec ullibi quietum consistere permittet, adeoque perpetuum causabitur motus. ac Harstorfferus: quæ si fiant uti iubentur, specimen dabunt motus perennis, naturalis tamen: sin minus, ob difficultiam, ac fortassis im-

possibilem rotundi operculi supra stylum acutum librationem cum motu gyrationis trepidationisq; & in omnes partes inclinationis alterna coniunctam; nè umbram quidem exhibebunt perpetui motus.

EPILOGUS CLASSIS SE- CUNDÆ.

Habes hic, Benigne Lector, varias Machinas perpetuum motum adumbrantes, sed hydraulicas tantum; de his enim solummodo hinc agere constitueramus. Plures dare poteramus, sed noluimus, quia eiusdem sunt cum praecedentibus farinæ. Dabimus illas in Magia Mechanica, aut in Mechanica Universali; ubi etiam alias in eodem genere inventiones adducemus, quotquot nocti haec tenus sumus. Non dubito, quin multæ præclaræ inventiones apud alios adhuc lateant, quarum cognitio ad me non venit, dignissimæ tamen quæ lucem videant. Rogo ergo Lectores meos, & doctos omnes, ut si quid eo in genere invenerunt, viderunt, audiverunt, legerunt; pro humanitate sua, & rempublicam litterariam juvandi desiderio, submittere non graventur. Sicut nullum praecedentium technalmatum pro meo vendidi, sed semper structorem laudavi, ita si quæ adhuc ab aliis habeo, & imposterum habebo, non tanquam mea venditabo, sed Auctorum nomina cum laude propalabo.



CLAS.



CLASSIS TERTIA

De

Organis hydraulicis, aliisque Instrumentis
Harmonicis hydropneuma-
ticis.

PRÆLUSIO.

Hydraulica Organa appello, que aquarum lapsu in ventum, motum, sonum, ipsamque adeo harmoniam animantur. Vnde meritò dici possunt autemata καὶ αὐτόφωνα, scilicet se ipsis seu sponte mota, spon-^{Organæ hydraulicæ quæ dicantur.} eque sonantia, quia nemine, præter aquam, excitante ven-
um, aut palmulas digitis percurrente, ut in aliis Organis fieri solet, motum & sonum edunt harmoniosum. Hujusmodi Or-
ani hydraulici vestigium habemus apud Vitruvium lib. 9. ap. 13. sed valde obscurè traditum, & si ad nostrorum tempo-^{Organorum hydraulicorum scriptores.}rum Organæ comparetur, admodum imperfectum, ut infra vi-
ebimus. Inter modernos de Hydraulicis Organis agit Salo-
n Caus in suo de viribus motricibus Opere libro I. idiomate allico conscripto; & Vir doctissimus, deque Musica universa, in veteri, tum moderna, optimè meritus P. Athanasius Kircherus

cherus lib. 9. Musurgiae suæ universalis, parte 5. quam Musurgiam Thaumaturgam inscribit, ex qua pleraque quæ hic dicentur, desumemus.

Præter Organa, trademus etiam alia Instrumenta hydraulica, atque pneumatica, aut ex utrisque mixta, eo ingenio concinnata, ut se ipsius reddant animalium, volucrumque omnis generis voces, malleorum concentum, fidum Symphoniam, aliaque non minus mira, rara, & abdita, quam jucunda.

M A C H I N A I.

Organum hydraulicum Automatum & Autophónum.

Organum hydraulicum Automatum & Autophónum, quod scilicet, ut dixi, se ipso moveatur, & se ipso sonet, requiritur Camera Æolia, quæ ventum suppeditet; cylinder phonotacticus harmonicè delineatus, & dentibus phonotacticis instructus; Organum denique ipsum opportuno loco constitutum. Quæ omnia per varia technas mata seu Pragmatias in sequentibus trademus modo nostro breviter, stylo facilis, & ut poterimus, claro.

P R A G M A T I A I.

Cameras Æolias fabricari, ad ventum Organo hydraulico subministrandum.

Æolias Cameras vocamus eas, quæ ex aquarum lapsu vento fæte, vehementissimos efficiunt flatus, omnem follium vehementiam excendentes. Habent autem hæ Camerae maximum usum, non solum in Organis hydraulicis, sed etiam in omni negotio fabrili; & in Italia, aliisque locis passim ferrariis officinis ad cedula instrumenta perpetuum ven-

*Camera
Æolia pro
Organis
hydraulicis.*

tum

tum suppeditant. His iisdem quævis animalia fictitia in voces & can-
tus animantur, aliaque quam plurima efficiuntur, ut insinuavimus etiam nis. XXXIV.
Classe prima cap 3. Machina 7. Possunt autem Acolitæ Camere variis Fig. I.
modis construi. Kircherus loco citato affert sequentem.

Constituatur ex lateribus coctis concavum receptaculum eius for-
mae, quam presentis Iconismi figura aliquo modo representat. In fundo
erigatur lapis \perp marmoreus in politissimam superficiem redactus. Ex
A, ducatur canalis cochleatus, AL, qui in A apertus sit, & infrain
L; ita tamen partibus AE Camere coagmentatus, ut aer intus con-
clusus nullum alium, præterquam in F, exitum inveniat. Habeat pre-
terea dictum receptaculum in C epistomium, aquæ extra derivandæ
aptum. In F denique canalis educatur aërem deferens in Organiane-
mothecam seu ventorum cistam, prout fieri solet in aliis Organis. His
omnibus peractis, habebis Cameram Aeoliam finitam. Aqua enim
vel ex fonte, vel ex flumine per canalem KA derivata, summo impetu
intra canalem cochleatum AL (qui debet habere spiras valde præcipi-
tes) se exonerabit, ibi variè fracta atque concisa, magna aëris constipa-
ti concomitante copiâ, delabetur in politam lapidis \perp superficiem ingen-
ti impetu, summoq; strepitu; ex aquarum vero impetu vehemente, &
diffundentium se gutterum agitatione, aer intra Cameram productus
atque conclusus, oppido agitatatur; quibus angustiis constrictus, dum ex-
itum parat, nec invenit nisi per canalem F, per eum summo conatu
evolabit in cistas ventis recipiendis deputatas (aut in rotas officinarum
fabrilium) & sic perpetuus ventus Organo hydraulico suppeditabitur.
Ut vero receptaculum successu temporis non repleatur aquâ, quæ venti
generationem impedit; ordinatum est epistomium C, per quod tan-
tum semper aquæ exonerari possit, quantum per canalem tortuosum fuit
intromissum, ut sic tandem ventus perpetuetur.

Cur vero canalem spiralem, & politam lapidis superficiem adhi-
beri velimus, causa est, ut maior venti copia subministretur. Cum enim
aqua ruens plena sit aere, secumq; devehat eiusdem in omnibus catadupis
maximam copiam, ut patet ex spuma copioseßima, & instar nivis candi-
dâ (quæ quidem nihil aliud est, quam infinita quadam bullæ aere referte,
ex quarum infinita multitudine & constipatione aqua colorem illum

candidum, niveumq; induit) fit ut dum aqua per canalem A K deducta, in spiralem canalem A L sepe præcipiti lapsu insinuaverit, intra ipsius spirales anfractus varie agitetur, atque frangatur, sicque varie percussa ac discessa plurimum aërem generet. Quod idem fit, dum summo impetu in politam lapidis superficiem ruit. Hoc autem in cylindraceo tubo non fieret tam commode, cum ibi non frangatur aqua, sed illa se per transeat.

Debet autem Camera Aeolia situari in loco, quantum fieri potest, siccо, & longo canali aqua intra ipsam derivari, præsertim si pro Organis hydraulicis fabricetur; quia alioquin loci humiditas Organo officeret. Unde nonnulli è loco camerarum prædictarum follibus aquâ agitatis aërem in ventorum receptacula derivant, modo paulo post dicendo.

P R A G M A T I A II.

Secundus modus Aeolias Cameras fabricandi.

P. Athanasius Kircherus cum Anno 1649. jussu Summi Pontificis Innocentij X. Organum hydraulicum in horto Pontificio Montis Quirinalis fabricari curaret, Aeoliam Cameram, quam nos diligenter inspeximus, ea que sequitur ratione, quamque figura appositi hic Iconismi representat, constituit, insignis fane successu.

Vide Icc. lateribus constructa. In medio habet duo diaphragmata seu septa laminati 34. pidea CD, & EI, in modum cribri pluribus foraminibus pertusa. Fig. 2. Paulò infra septa insertus est canalis & aquam advehens; cui in H epistomium parat exitum. Aqua itaque per canalem & maximo impen-
tu irruens, vehementissimum ventum intus excitat; qui ventus nimia humiditate imbutus, dum vehementi agitatione fatigatus per diaphragmata illa truditur, varie ruptus atque discessus purior redditur atque ex-
siccator, dum partes crassiores humidioresq; in cribra illis resiliunt, &
aquis mistæ per epistomium tandem erumpunt. Ut porro aës seu ventus
per cribra protritus adhuc purior ac siccior emitatur extra Cameram in
anemo.

anemothecam, ordinavit idem Kircherus canalem plumbeum QR in helicem contortum, & vasi s aliquantulum capaciori in modum urne efformato insertum: intra urnam enim plumbeam, & canalem tortuosum illis aër humidus, ita ab omni aquositate defacatur, ut ex furno in Organum derivatus videatur per z ultimum canalis tortuosi orificium. Et hunc modum Organis hydraulicis omnium aptissimum judicat Kircherus. Quod de Camera situ in loco sicco diximus in pragmatia precedenti, debet etiam hic servari.

P R A G M A T I A III.

Tertius modus Æolias Cameras construendi.

SVnt nonnulli qui Acoliam Cameram hoc artificio construunt, inquit Kircherus loc. cit. Pragm 3. Ex lateribus coctis Cameram ABCD cū juscunque figura pro magnitudine Organi amplam construunt, cuiusmodi videre est in figura hic apposita. In huius fundo erigunt tubum FN GM, quadrata aut cylindracea figurâ, perinde est. Intrahunc, alium ex E forinsecus intra tubum FNGM unius pedis spatio usque ad H deducunt. In parte superiori ordinant canalem pneumaticum B, in inferiori hydraulicum C. His peractis, aqua perennis tubo E illapsa, intra tubum FNGM se exerit, usque dum exuberet; exuberantis vero aquæ diffusione impetuque in fundum vasis facto, vehemens excitatur ventus: qui cum aliunde exitum non habeat nisi per canalem pneumaticum B, per hunc se in anemothecas sive ventorum cistas canales ḡ exonerat.

Verum hoc artificium nemini suadet Kircherus: habet enim in principio plus aquo magnum & vehementem, in fine plus aquo exiguum & debilem aërem; aqua enim continuò tum intra tubum FG, tum intra ipsam Cameram crescit, donec totus repleatur tubus cum ipsa Camera, propter nimiam extubo in Cameram decidentem aqua copiam. Meliores itaque hoc presente, multoq; expeditiores sunt fabrica, quas in duabus precedentibus Pragmatiis tradidimus. Nisi forte camera ita accom-

Vide Ico-
nismi. 34.
Fig. 3.

modaretur, ut aqua intra ipsam collecta solum aliquodusque ascendens, ut in MH, neque cresceret, neque decresceret; sic enim semper aequalis aerem anemothecis suppeditaret.

Alij alios modos tradunt, sed parum à predictis differentes. Vide etiam quae nos diximus ex Kircheri Arte Magnetica supra Classe prima cap. 3. Machina 7. Nunc trademus modum cogendi ventos per folles in anemothecam pro iisdem Hydraulicis Organis.

P R A G M A T I A IV.

Ventum per folles perpetuum producere in ordine ad Organa hydraulicia.

Vide Iconis 34. Fig. 4. Folles pro Organo hydraulico. Per folles ventum in Organum ad quamcumque ab aqua distantiam, nè aquæ humiditas Organis officiat, hoc ingenio deduces. Sit fontis rarus perennis K. figuræ IV. Iconisimi presentis, in canalem coarctatus. Plantetur juxtarivum, loco ad extruendum hydraulicum Organum apto, arbor seu trabs CD; cui in R transversum lignum ACBL ita inseratur, ut in R sursum deorsum veluti in polo moveri possit. Deinde fiat rota NO, hastris suis instructa; cuius axis prolongatus incurvatur eâ prorsus ratione; quâ in figura apparet, & fulcro seu muro M ita inseratur, ut in eo veluti polo gyrari possit. Supra fulcrum seu murum firmentur duo folles GH, & FI, ponderibus G & F instructi; quorum follium manubriis alligentur due hastæ, que in ligno transverso ACBL in punctis A & B ita inserantur, ut libere intra annulos moveri possint. In L quoque extremo transversalis ligni alia hasta LK demittatur, curvo manubrio, annulo suo extremo K ita inserta, ut libere intra axem currere possit. His preparatis, dum aqua K lapsus vehementer vertit rotam NO; rota & axem & manubrium curvum K M una gyrbabit; cui cum in K hasta LK innexa sit, hac descendente versus inferiorem partem manubrii, cui annexa est, una secum trahet lignum transversale ACBL; hoc verò descendente, unus folle, scilicet GH, necessario elevabitur, alter verò FI, & hastâ BI, & pondere suo F, necessario deprimetur: ascende verò postea manubrio K. hasta BI follem FI elevabit, altero folle tum pondere G, tum hastâ AH presso

presso necessario descendente; & sic alternas vices perennabunt folles; ex pressura vero folium, aer in Cameram Aeoliam, aut in anemothecam violenter intrusus, inde per canales quocunque libuerit, tandem derivabitur.

Qui vero folles multiplicare voluerit, is per multa manubria curva Vide Ico-
diversimodè disposita cum hastis sibi insertis, id in effectum facile dedu- nismi 34.
cet, ut in figura apposita apparet, in qua quatuor folles A, B, C, D, ordine Fig. 5.
vnus post alium, ab axe E F quatuor manubriis curvis K, I, H, G, instru-
cto elevantur. Aqua enim viua rotæ F illabens, movet axem E F: ma-
nubria curva hastas sibi innexas nunc elevant, nunc deprimunt; & ha-
folles nunc aperiunt, nunc claudunt, ut figura docet.

PRAGMATIA V.

Folles aliter inflare ad instrumenta chordophona
sive fidicina incitanda.

CVM instrumenta Chordis instructa inimicissimum habeant humo-
rem, locisq; humidis sine notabili detimento diu consistere non pos-
sint; Artifices alium modum invenerunt dicta instrumenta incitandi.
Preparant certas pinnas chalybeas singulari industriâ, longitudinem ha-
bentes pro Instrumentorum magnitudineratam. Has cylindris & tym- Pinna cha-
panis inclusas, tendiculis intra cylindros conglomerare solent; ex quarum drumpho- libera cylin-
violentio statu, continuoque nisi cylindrus necessario vertitur, adeoque notadictum
eundem effectum præstant, quem cylindri seu rotæ aquis circumductæ: ha circum-
agentes.
etenim pinnæ cylindræ inclusæ, tantam vim habent, ut ingentium pon-
derum potentia equari possint; unde Artifices horologiorum rotatorum
omnem ferè motum dictis horologiis per dictas pinnas chalybeas indu-
cunt, estque artificium passim notum, & apud dictos horologiarios videri
potest. Si itaque loco rotæ NO in figura præcedentis Pragmatiae, cylin-
drum dictis laminis seu pinnis chalybeis animatum posueris; is folles
GH, FI per curvam manubrium K, & quæ facile ac rota NO elevabit; et si
non motu aequidinturno: motus enim per aquam perpetuus, per pinnas
vero tantum insimet temporis, quantum duratio evolutionis pinnarum
glomi requisiuerit. Habent autem ha pinna duplex officium; nam &
folles

folles elevant, & cylindrum phonotacticum ad symphoniam exhiben-
dam circumagunt, ut in sequentibus elucescat. Vide quæ dicimus
infra Pragmat. 6.

PRAGMATIA VI.

Cylindrum phonotacticum construere.

Cylindrus phonotacticus. **U**T organa hydraulica seipsis sonent, opus est, ut palmulae abaci har-
monici harmonicè premantur; non manu, ut in Organis ordinariis
fieri solet, sed alià ratione occultâ. Hoc autem fit per cylindrum dentatum,
loco manuum palmulas prementem, vel potius trahentem; ex hujus enim
gyratione dentes brachiola palmularum trahentes, harmonicum sonum
efficiunt. Quomodo igitur hic cylindrus conficiatur, quomodo dividatur,
quomodo dentibus instruatur, & cantilenæ in ipso disponantur, mo-
dò dicendum est. Consistit enim in huius præparatione, divisione, appli-
catione, quidquid rarum, occultum, & subtile in negotio automatorum
Organorum occurrit, ita ut sine hoc nihil rectè & cum ingenio conficia-
tur. Vocamus autem cylindrum hunc, phonotacticum, tum quia in eo
Cantilena harmonica divisione ordinantur, tum quia ipse harmoniam
in organo causatur.

§. I.

*Cylindrum phonotacticum harmonice de-
lineare.*


Cylindrus phonotacticus dupliciter configurari potest, scilicet
vel in modum columnæ figurâ oblongâ, vel in modum tym-
pani militaris. Uterque proposito nostro servire potest. Cylin-
drus columnaris servit cantilenis brevioribus 15, 20, aut 30 ta-
tum seu mensurarum; facit enim circuitus breviores; & talis
est cylindrus A in apposita hîc figura. Cylindrus tympanoides,
qualem repræsentat figura B, servit cantilenis longioribus; ha-
bet enim circuitus multò columnari longiores. Ut ervis eligatur,
debet is esse tantæ longitudinis, ut totum palmularum spa-
tium,

tium, sive ut barbarè loquar, totam tastaturam, infra quam applicari debet, adæquet: debet enim dividi in totæquas partes per circulares lineas, quot abacus Organì palmulas continet, ita ut palmulis seu tactis singulis singulæ respondeant in cylindro circulares divisiones, ut dicemus.

Sit igitur cylindrus aliquis, sive in modum columnæ, sive in tympani modum formatus; tantæ amplitudinis seu ambitus, quanta cantilenæ 13, mensurarum sive tactuum temporis recipiendæ competit, longitudinis verò tantæ, ut infra Abacum palmularum triginta sex ordinatus, toti palmularum spatio, seu toti longitudini Abaci respondeat; sitque divisus in triginta sex spatia circularia, ita ut palmulis singulis singulæ circulares divisiones respondeant, ut dicebam; & iterum in tredecim spatia oblonga à basi ad basim. Selige tibi cantilenam pulchram & harmoniosam, triphoniam aut quadriphoniam, tredecim tamen mensuras temporis non excedentem; eamque resolve in suos tactus seu mensuras, distinguendo singulos tactus lineis, & numeros tactuum in calce vel fronte addendo, prout in sequenti paradigmate appetit; in quo exhibere visum fuit canticum simpliciorem & majoribus notis expressam, ut à simplicioribus ad perfectiora auditum faciamus (in sequentibus verò alia exempla difficiliora, magisque perfecta adducemus) Cantus tamen vocem hujus paradigmatis aliquantulum diminuimus, ut exemplum haberes ad notas diminutas in cylindro ponendas.



*Tetraphonium, in Cylindrum phonotacticum
transferendum.*




I

2

3

Tetraphonium, in Cylindrum phonotacticum
transferendum.



4



5

6

D d d

Tetra-

*Tetraphonium, in cylindrum phonotacticum
transferendum.*






7 8 9 10

ANT

ANT

Tetra-

*Tetraphonium, in Cylindrum phonotacticum
transferendum.*



II

12

13

Ddd 2

Hanc

Hanc Cantilenam vel immediatè in cylindrum præparatum, & abaco subjectum aut lubiiciendum transferre poteris, vel seorsim in charta priùs delineare, ac deinde ex chartâ in cylindrum transponere. Hoc posterius ut facilius est, ita totam compositionem melius, veluti in plana cylindri superficie exhibitam, ob oculos ponit. Præpara igitur chartam tantæ magnitudinis, ut totius cylindri convexam superficiem præcisè adæquet, tam quoad longitudinem, quam quoad ambitum, quod fiet, si applicatione supra cylindrum exactè factâ amplitudinem eius priùs perfectè mensurabis. Sit igitur sequens chartaceum quadrangulum A B C D, verbi gratia, dato cylindro phonotactico exactissimè commensuratum. In hoc præcedentem cantilenam tali ratione transferes. Divide latera A D, & B C, quæ longitudini cylindri respondent, in 36. æquales partes, quot videlicet Abacus Organì claviarii palmulas habet; ducque ex singulis punctis divisionis lateris A D lineas parallelas in latus B C, hoc est, in basin quadrati; & formabunt hæ lineæ spatia, intra quæ dentes cylindri, singularum vocum in assumpta cantilena notis correspondentes, ponendi sunt. Deinde latus A B divide in tredecim æquales partes, & duc à singulis divisionis punctis lineas parallelas in latus D C oppositum; referentque singula spatia unum tempus, sive unam mensuram aut tactum, quemadmodum numeri lateri A B adscripti indicant; atque adeo servient pro notis semifibribus intra ea notandis. Porro singula hæc spatia tactuum sive temporum iterum in duas primò æquas partes divides pro minimis; deinde in quatuor pro semiminimis; deinde in octo, si fusas sive caudatas notas in cantilena exhibere velis; in sedecim, si semifusas seu bicaudatas; si verò notas tricaudatas celerrimi motus, quarum 32 unam mensuram constituunt, exhibere velis, vnumquodque tactus spatium in 32 æquales partes divides: & sic ulterius, si placet, procedere poteris. Nos ad confusionem vitandam hic unumquodque tactus spatium in quatuor tantum æquas partes divisimus, quarum singulæ denuò bifariam mente dividenda sunt, propter caudatas notas cantilenæ præcedentis in


Vide Ico-
nismum
xxxv.

spatia

positæ sūt in α ; quæres α in fronte quadrati phonotactici, & in-
tra spatiū tertij tactus determinabis duas lineolas ut prius, re-
ferentes duas minimas dictas. Iterum cùm quarti tactus notæ
in basi sīnt minima cum puncto, & semiminima, in g positæ; or-
dinabas

Abacus palmularum Organi seu Tastatura Iconismus

XV. pag: 212



ulterius, si placet, procedere poteris. Nos ad confusionem vitandum hic unumquodque tactus spatium in quatuor tantum equas partes divisimus, quarum singulæ denuò bifariam mente dividendæ sunt, propter caudatas notas cantilenæ præcedentis in
spatia

Spatia illa transferendas; immo quadrifariam, propter aliquas bicaudatas notas eiusdem cantilenæ.

§. II.

Cantilenam in cylindrum phonotacticum harmonice delineatum transferre.

Canticulato dictâ ratione cylindro, aut quadrangulo cylindraceo, spatia notis correspondentia ita determinabis, à basi seu Basso exordium ducens. Cùm in basis voce prima nota in G aut g sit semibrevis, integro tactui seu tempori respondens; *Cantile-
quære in fronte quadrati inter claves litteram G, vel g;* deinde *nam in cy-
lindrum phonota-
ticipum transfe-
rre.* Vide Ico-
nis. xxxv.

intra parallelas primum tactum comprehendentes duc lineam à summo deorsum, ita tamen, ut non integrum spatiū primo tactui adsignatum expleat, id est, non pertingat usque ad lineam primam secundi spatij secundo tactui adsignatam; cùm enim prima linea secundi spatij initium constituat secundi tactus, ut hic ab illo distinguatur, non debet finis primi tactus in ea præcise statui, sed aliquantulum antè finiri, ut vides factum in figura. Iterum cùm in basi notæ secundi tactus sint duæ minimæ, integrō tempore æquivalentes, & eandem Clavem G aut g possidentes; infra G aut g intra spatiū secundo tactui deputatum, à prima linea tactus secundi ordiendo, usque ad lineam secundam cum dimidia lineolam determinabis, quæ referet primam minimam basis in G aut g positam, deinde à tertia linea intra idem spatiū eidem G aut g correspondens usque ad lineam quartam cum dimidia determinabis aliam lineolam priori æqualem, quæ referet alteram minimam, & sic duos tactus complesti. Porro cùm tertij tactus notæ iterum minimæ in Cantilenæ basi positæ sint in a; quæres a in fronte quadrati phonotacticæ, & intra spatiū tertij tactus determinabis duas lineolas ut prius, referentes duas minimas dictas. Iterum cùm quarti tactus notæ in basi sint minima cum puncto, & semi-minima, in G positæ; or-

dinabis eas intra spatiū quarti tactus sub clavi g, eo prorsus modo, quo paulò antè fecisti. Quinti tactus nota cum g aut g clavem iterum obtineat, & minima sit; intra quinti tactus spatiū sub g aut g lineolam designabis, ut vides, & ut antea factum fuit. Eiusdem quinti tactus sequens nota cum similiter minima sit, & f clavem obtineat; quæres in fronte clavem f, & intra quinti tactus spatiū à tertia linea usque ad quartam cum dimidia ordinabis dictam minimam sub f clave. Iterum cùm sexti tactus nota sit semibrevis in e posita; intra columnam e quadrati phonotacticī in spatio sexti tactus lineolam determinabis à prima linea usque ad quartam cum dimidia. Eodem pacto septimi tactus notam semibrevem in d positam determinabis in septimi tactus spatio sub d, à prima linea usque ad quartam cum dimidia. Porrò octavi tactus nota cùm pausam minimæ præmittat, in octavi tactus spatio omittes lineolam minimæ competētem: Cùm verò nota hujus tactus sit minima, & in d posita; intra medium tactus spatiū lineolam à tertia linea usque ad quartam cum dimidia ordinabis. Præterea cùm nonus tactus in d quatuor semiminimas contineat; in noni tactus spatio sub d eas super singulas lineas determinabis ut vides. Iterum cùm decimi tactus spatiū contineat minimam cum puncto in d, & semiminimam in b; illas intra spatia congrua decimi tactus transferes, ut vides. Undecimi tactus notæ sunt duæ minimæ in c; duodecimi una semibrevis in d; Decimitertij denique tactus nota finalis ejuslibet temporis in g: has igitur omnes in appropriata spatia cylindri transferes, finalem aliquantò longius producendo; & habebis quæsitum pro voce Basis.

Non secus in aliis vocibus Altī, Tenoris, & Cantus procedes; est enim in omnibus una & eadem operandi ratio. Quia tamen Cantū vox studio diminuta est, & clausulis aliquantò celeribus constat; operæ pretium duxi paucis insinuare, quomodo ille intra phonotacticum quadratum sint transferendæ.

Sciendum igitur, singulas semibreves notas, ut jam vidi-
mus, totum propè unius tactus spatiū in quadrato phonota-
co oc-

cooccupare (dixi, *prope*, quia non debet præcisè totum explere spatiū lineola ducta, ut initium detur secundi tactus notæ;) minimam verò occupare ferè mediam spatij unius tactus partem; semiminimam ferè quartam unius tactus partem; fusam ferè octavam partem; semifusam ferè decimam sextam; & sic ulterius procedendo. His positis, cùm suprema vox assumptæ cantilenæ sit celerrimis clausulis expressa, ita eas quadrato inferes. Cùm Vide Iconis prima nota Cantū semibrevis sit posita in *b*; quæres ultimam nisum clavem *b* in fronte quadrati, & in primo spatio columnæ *b* pri-
mo tactui respondentे inscribes lineolam semibrevi competen-
tem, prout in aliis vocibus factum vides. Cùm verò secundi ta-
ctus notæ sint partim semiminimæ, partim fusæ, in diversis clavi-
bus positæ; pro semiminima in secundi tactus spatio in columnā
b determinabis lineolam semiminimæ respondentem, hoc est,
quartam ferè spatij partem occupantem, incipiendo à prima li-
nea: cùm verò prima fusa in *g* posita sit; quære columnam *g*,
ibiq; in secundi spatio tactus fac lineolam occupantem ferè octa-
vam spatij partem, incipiendo à secunda linea: secundam fusam
in *a* positam referes lineolâ in columnâ *a* secundi spatij tactus,
occupante similiter octavam ferè spatij partem, incipiēdo post
præcedentem octavam spatij partem, hoc est, à medio spatioli
post primam lineam spatio secundi tactus deputatam. Eādem
ratione procedes in aliis fusis notandis, tum in hoc primo, tum in
reliquis tactibus, notando semper notæ sequentis lineolam in lo-
co seu spatio interiori, quam præcedentem, donec omnes notas
singulis locis aptè inserueris; prodibitque quadratum phonota-
ticum præcedens, in quo quæcunque hucusque dicta sunt, præ-
cisè exhibentur.

§. III.

Dentibus cylindrum phonotacticum instruere.

Divisum ac præparatum prædicto modo quadratum phonō. *Cylindrum*
tacticum in charta, in cylindrum transferes, veletiam ipsam ^{phonotacti-}
_{chartam} ^{cum denti-}

Notæ Le-
ctor, lineo-
las Iconis.
35. nec om-
nes habe-
re debitam
sedem, nec
omnes de-
bitam
longitudi-
nem aut
brevita-
tem Chal-
cographi
errore.

bui instrue- chartam cylindro circumductam adglutinabis. Quo facto, den-
re. tes ferreos limatos ac politos cylindro infiges juxta notas in qua-
drato per lineolas expressas, ita scilicet, ut semibreves notæ ha-
Vide Ico- beant dentem limatum politumque tantæ longitudinis, quanta
nis. xxxiv. Fig. vii. est lineola eum repræsentans; idem dicendum est de reliquis no-
tis, quarum singulæ dentes habere debent lineolarum ipsas re-
præsentantium longitudini respondentes, prout in apposita figu-
ra apparet, ubi A refert v. g. semibrevem, b minimam, c, semi-
minimam, d fusam, e semifusam. Ipsorum porrò dentium
forma exprimitur in eodem schemate, appositis notis quas expri-
munt. Debent autem omnes dentes eiusdem esse altitudinis, id
est, æqualiter extra cylindrum eminere; consistit enim in hoc ne-
gotio totius harmoniæ perfectio: sic enim cylindro infra palmu-
larum abacum accommodato, ac circumvoluto, palmulæ, cum
opus fuerit, prementur, ut oportet.

§. IV.

*Plures Cantilenas in eundem cylindrum
transferre.*

Cantilenas
plures
transferre
in eundem
cylindrum.

Vide Ico-
nis. xxxiv
Fig. viii.

Si quadrati phonotactici cylindro circumpositi columnæ seu interstitia clavium fuerint lata, possunt in eundem cylindrum plures Cantilenæ transferri, tantoque plures, quanto prædictæ columnæ fuerint latiores. Verbigratiâ, si spatia seu latitudines columnarum prædictarum fuerint latitudinis AB, BY, YZ, &c. & quodlibet fuerit subdivisum in octo æqualia spatiola; poterunt in cylindro octo diversæ cantilenæ poni. Cùm enim singula clavium spatia sint æqualia, & in octo partes æquales, ut supponimus, divisa; singularum quoque palmularum in tastatura Organi extrema ferreæ linguæ, dentes cylindri apprehendentes, uni spatio AB respondeant, id est, unidictarum octo partium applicari possint; certum est, octo cantilenas in cylindro poni posse. Atque eam ob causam cylindri axis extrâ prominere utrumque debet, & pars quæ extat, in tot crenas seu partes æquales dividi,


in

in quot partes spatium unius clavis est divisum. Verum mentem meam ex apposita figura melius capies. Sint igitur spatia AB, BY, YZ, spatia cylindri octupartia, literis c, d, e, f, g, h, i, k, signata, per totum cylindri circuitum continuata, & tribus clavibus, $\frac{1}{2}$ quadrato, c, d respondentia (ponimus haec tria octupartia spatia loco triginta sex, ne figura plus aequo extendatur) Cùm igitur unumquodque spatium octo partium uni ex 36 clavibus, id est, uni palmulæ in tastatura, quam hic literâ x signavimus, respondeat; certum est posito manubrio seu axe cylindri prominente supra crenam ultimam L in fulcro, palmulas x in omnibus spatiis octupartiis cylindri immediatè supra clavem c promotum iri, ut consideranti appareat. Iterum promoto manubrio supra crenam m, in dicto manubrio, ferreæ linguae in extremitate palmularum x non jam amplius spatiis c, sed spatiis d respondebunt, & consequenter locus dabitur pro secunda cantilena. Porro si manubrium supra fulcrum in puncto n statueris, ferreæ linguae palmularum x non jam spatiolo d, sed e respondebunt, & consequenter dabitur tertiae cantilenæ locus. Hoc pacto promoto manubrio supra reliqua puncta o, p, q, r, s, palmulæ x necessariò locum mutabunt, novaque semper & nova usque ad octo patet, bunt in cylindro spatia applicandarum cantilenarum.




§. V.

*Cantilenas syncopatas, & b molli signatas, ut
& semitonia, in Cylindrum phonotacti-
cum transferre.*

EX dictis haec tenus patet, quomodo in eundem, aut in distin- Cantilenas
syncopatas
in cylindru
transferre.
ctum cylindrum, transferendæ sint cantilenæ syncopatæ, &
b molli signatæ, ut & semitonia nigris palmulis tastaturæ respon-
dentia. Quod tamen ut melius intelligatur, breviter indican-
dum putavi. Sit igitur transferenda in cylindrum phonotacti-
cum præsens cantilena.



Triphonium Syncopatum in Cylindrum phonometricum transferendum.





1 2 3 4 5

Try-



十二

六








*Triphonium Syncopatum in Cylindrumphonoc-
eticum transferendum.*




Eee 2 Tripho-




Triphonium Syncopatum in Cylindrum phonomaticum transferendum.



Incipe





Incipe à cantu, & eodem prorsus modo, quo in præcedenti- Vide Ico-
bus factum est, procede. Nempe cùm cantus primo loco habeat nis. xxxvi.
suspirium, nullam in cylindro phonotactico divisionem ad quar-
tam usque partem primi tactus facies: cùm verò prima nota sit
minima, & in d constituta; in columna d lineam dimidio tactui
competentem ordinabis post primam spatii partem, hæc enim
notam syncopabit; alteram verò notam semiminimam in c con-
stitutam, unà cum prima nota secundi tactus etiam semiminima,
determinabis in columna c, ita ut primam semiminimam primi
tactus determines in toto spatio à quarta linea usque ad quintam,
seu primam secundi tactus, alteram verò semiminimam in secun-
do spatio à primâ linea ferè usque ad secundam. Eodem modo
procedes in reliquis syncopatarum notarum clavibus appro-
priatis. Secundam & tertiam vocem parti industriâ cylindro in-
feres. Quæ omnia ita exactè in apposito quadrato phonotacti-
co traduntur, ut ex sola notarum cum dicti cylindrî dentibus
comparatione, quomodo procedendum sit, addiscere queas. In
nonnullistamen lineolis non est accuratè servata debita longitu-
do & brevitas.

Nota tamen hîc in cylindri phonotactici claviario clavem
b semper molli signaturæ respondere, & in tastatura palmulæ ni-
græ tertio loco competere, b verò quadratum duræ respondere
signaturæ, & quartæ palmulæ albæ competere. Cuicunque
autem clavi hoc signum * adjunctum reperies, v. g. c *, d *,
f *, &c. indicabit id semitonii sedes in palmulis nigris, dictis cla-
vibus signatis: claves verò simpliciter positæ, claves albarum
palmularum in abaco indicabunt.

ANNOTATIO.

Quamvis hoc triphonium, ut in præcedenti §. dictum est, in unum &
idem quadratum transponi possit; nos tamen evitanda confusionis
gratiâ separatum quadratum cylindraceæ superficies congruum ordina-
vimus, estque præcedens. Circa cuius notitiam nihil amplius requiritur,
nisi notarum in ipso per varios apices, notarum valori congruos, exhibita-
rum inspectio; & diligense eiusdem cum præcedenti triphonio collatio. Vi-
de 3

idebis

debis enim Basis primam notam minimam in columna g, per apicem minima equivalentem, esse notatam; videbis præterea, reliquas duas voces, præmissis paucis uni minima equivalentibus, à syncopatione incipere; & sic de ceteris.

§. VI.

Minimi valoris notas Cylindro phonotactico inserere.

Catilenas notarum minimivis loris trans- ferre in cylindrum. **H**abet cylindri phonotactici divisio prædicta tantam commoditatem, ut omnes quantumvis minutæ temporis diminutiones, & quas nullus manuum artificiosus ludus attingere potest, ita perfectè exhibere queat, ut nulla notula, etiam quadricaudata, auditum fugiat. Quod certè nullus Organædus quantumvis peritissimus, arque in pulsando organo velocissimus, præstare unquam poterit. Verùm ut Lector Musurgus in quo se exerceat, habeat, hīc aliquas diminutiones ponemus, simulque modum ostendemus, quo eæ in cylindrum transferri possint.

Vide Icodnisimum XXXVII. Exemplum diminutarum notarum vide in Iconismo xxxvii.

Diminutiones præcedentium notarum vocare solent Recentiores Musici Teretismos, Trillos, & Gruppos. Vthorum teretismorum notas tricaudatas seu quadrifusas in cylindrum transferas, dividere debes unius tactus spatium in 32. partes æquales; tot enim notæ tricaudatæ unum tempus, seu unum tactum constituunt. Si verò unitempori sedecim notæ respondent, ut in bicaudatis seu semifusis fit; tunc unius tactus spatium in sedecim partes dividendum est. Quòd si uni tempori 64. notæ responderent, ut in quadricaudatis fit; tunc singula tactuum spatia in 64. partes dividenda forent.

Vide Icodnisimum XXXVIII. Factâ divisione cylindri, procedendum est ut in præcedentibus diximus, & prout appareat in aperto paradigmate, in quo exhibemus superiores teretismos, quorum notæ primi tactus sunt semifusæ, secundi verò ac tertij tactus, quadrifusæ seu tricaudatæ. Divisio cylindræ chartæ pro primo tactu facta est in sedecim spatia; pro reliquis duobus tactibus in triginta duo.


AN-

Iconismus X

XXXVIII.

Pag: 406.

Fig. IV.






Fig. III.

*Exemplum diminutionis notarum in semivis et qua.
adritus seu in bicaudatis et tricaudatis.*



ANNOTATIO.

Eadem prorsus arte in cylindrum phonotacticum transferri possunt Triples, sesquialteræ, similesq; temporis proportiones. Item Chromatica & Enharmonica clausula, quantumvis difficiles & vix à peritissimis etiam Musicis cantabiles. Exempla vide apud Kircherum in Musurgia.

PRAGMATIA VII.

Cylindrum phonotacticum in gyrum movere.

Cylinrus in gyrum agi potest dupliciter, vel aqua, vel pinnarum sub. Cylindrum sidio, ut supra Pragmat. 5. insinuavimus. In Organis hydraulicis phonotacticis aqua non cylindrum tantum movet, sed & ventum necessarium suo lapsu ^{cum move-} intra cameram Aeoliam factò suppeditat: reliqua verò instrumenta, ut clavicymbala humiditatis inimica, pinnis intra cylindros violenter contortis convolutisq; in harmoniam animantur. Differentia inter utraque instrumenta hac est, quod instrumenta aquis incitata perpetuum, pinnis verò incitata certo tempore tantum durantem motum praestent. Atque motum tribuere cylindro facile quidem est, at proportionatum motum inducere, difficillimum; & tamen sine equabili progressu ac circumvolutione cylindri harmonia totum precium perdit. Ut igitur equabilis causetur motus in hydraulicis Organis (nam in aliis, quæ pinnis incitan- tur, is haberi nullâ ratione potest, quod motus in principio sit semper velocior, in fine verò tardior) rota aquis circumacta aliam in fine axis vertenismum dentatam, quam rochetto Itali appellant, habeat oportet: hac verò xxxix. se- vertebram dentibus suis apprehendet aliam rotam dentatam in fine cylin- dro circumpositam; & tam vertebra, quam hac rota quæ illam appre- bendit, certo dentium numero constare debet. Hæc igitur vertebra idem praestabit in celeri, vel tarda cylindric circumactione, quod tactus celer aut tardus manu Choragi editus: quanto enim vertebræ plures habue- rit, tanto rota vertetur citius; quanto pauciores, tanto tardius. Verum hac melius ex sequenti figura intelligentur, in qua L est vertebra, à rota M Q N circumacta, & apprehendens dentes rotæ O annexæ cylindro pho- notactico H K. Consulendi sunt circa hoc negotium horrologiarij, quo- rum proprium est, rotis datum tempus determinare.

PRA-

P R A G M A T I A V I I I .

*Organum hydraulicum automatum atque auto-
phōnum fabricare.*

Vide Ico-
nis. xxxix. AD Organum hydraulicum automatum atque autophōnum fabrican-
dum requiritur, ut in principio dixi, Organum ordinarium, cylin-
drus phonotacticus Organi tastaturae suppositus, & in gyrum circumvo-
latus, & prætereà camera Aeolia. Quomodo porrò hec omnia jam pra-
parata, sint disponenda, & invicem committenda, melius ex apposita fi-
gura, quām ex longo verborum discurſu dici poterit. Sit igitur in appo-
sita figura Camera Aeolia V X Y K, altitudinis quinque palmorum, lati-
tudinis trium cum dimidio, cum duobus diaphragmatiſ X & Y in for-
mam cribri pertusis, duobusque canalibus instructa, quorum major TS
quam vivam suppeditet, qui tamen epistomium in T habeat, ad aquam,
quando placuerit, ſiſtendam. Derivetur autem dictus canalis intra in-
feriorempartem Camera, ut figura monstrat. Alium autem canalem
suprà habeat V Z, qui aërem intra cameram Aeoliam excitatum atque
productum, transferat intra anemothecam ſive ciftam ventorum orga-
ni. Aqua præterea violentiſſimo impetu per orificium R elabens extra
Cameram, vertet rotam M Q N, multiplici haſtrorum gyro adornatam;
hac verò rota per annexam axi ſuo O P vertebram L unā circumvolu-
tam, gyrabit cylindrum ſive rotam phonotacticam H K, Organi apto &
ſicco loco disposita tastaturae E F ſubjectam; hæc dentibus ſuis harmonicè
in rota juxta præcedentes Pragmatias ordinatis apprehendet singulas
ſpatularum, filo ferreo ordine insertarum: ſpatulae denique dentibus rotae
phonotactica hinc elevatae, inde depreſſa cum filis ferreis 1, 2, 3, 4, 5, &c.
palmulas Abaci Claviarij ſive tastos E F, quibus fila annexa ſunt, depri-
ment, hæc depreſſa aperient platismatia, ſive ut Itali vocant, Battiventos;
& ſic ventus in anemothecam (ventorum ciftam) jam violenter coactus
per aperta platismatia fistulas ſubibit, ac tandem deſiderata har-
monia percipietur. Interiorem Organis ſtructuram diſce
ex Organis ordinariis.

Organi hy-
draulici
automati
schema.

ANNO-

ANNOTATIONES.

Nota hoc loco primò, Cylindrum phonotacticum habere posse dentes Cylindrus mobiles, & immobiles. Immobiles sunt, quando ita cylindro infi- guntur, ut amplius eximi non possint. Mobiles sunt, quando pro arbitrio adimi possunt, atque eorum loco alijs ponit, ita ut nova compositio sive me- lothesia quæcunque quovis tempore ipsi cylindro adaptari possit. Vnde in diviso cylindro in 24, verbi gratia, tactus, & unoquoque iterum in octo æqualia spatiola, pro notarum, quas fusas vocant, exhibitione; in singulis punctis divisionis foramina facies, ut preparati jam in magnacopia den- tes pro notarum valore alijs & alijs, in certa organo connexa cistula con- tenti, pro arbitrio symphonothetæ infigi possint. Hoc tamen propriè fieri potest in majoribus cylindris.

Nota secundo, hoc artificium automaton non tantum organis, sed quibuslibet fidicinis instrumentis adhiberi posse, ut patebit ex dicendis infra Machina 8. & 9.

MACHINA II.

Organum hydraulicum Vitruvianum.

Vitruvius lib. 10. cap. 13. describit hydraulicum Organum, sed Vitruvij adeo obscurè, ut putent nonnulli id studio ab eo factum; quod minimè credo, cùm ipsem in fine illius Capitis subjungat: *organum.* *hydraulicum*. *Causa ob-* *scuritatis in-* *describen-* *do.*
Quantum potui niti, ut obscurares per scripturam dilucide pronuntiare-
tur, contendi. Sed hec non est facilis ratio, neque omnibus expedita ad
intelligendum, prætereos, qui in his generibus habent exercitationem.
Quòd si qui parum intellexerint è scriptis, cùm ipsam rem cognoscent,
profectò invenient curiosè & subtiliter omnia ordinata. Causa ita-
que obscuritatis Vitruvij fuit, difficultas rem adeo intricatam, &
non omnibus cognitam, verbis ob oculos ponendi. Neque hoc
mirum est; nam si & nos quoque (inquit Daniel Barbarus, nobilis
Vitruvij Scholiastes) organa quibus utimur, describere proponamus,
non poterimus tam acurate rem tractare, ut difficultates omnes amovea-
mus, his præsertim, qui non habent horum instrumentorum exercitatio-
nem. Quantò magis ergò antiquitas, & vocabulorum, rerumque
Fff novi.

novitas nos torquebit, si Vitruvianam Machinam descriptam intelligere, & fabricare tentaverimus? Hinc tanta est Auctorum perplexitas, tantum quorundam silentium. Sunt qui vix quidquam attingant, ut Philander; plerique nullo rem illustrant schemate; alijs solam Organum nostratis Scenographiam apponunt, ut Ioannes locundus; alijs toto cælo differentem à Vitruviana Machinam depingunt, ut Cæsar Cæsarianus. Omnia optimè rem pertractant Barbarus in dictum Vitruvij caput commentans, & P. Athanasius Kircherus hb. 9. Musurgiæ parte 5. sed neuter Vitruvij textui inhærere videtur in omnibus, nec quale fuerit, sed quale esse potuerit machinamentum, exponunt; præsertim quod attinet ad illa, quæ diversa sunt à nostris organis. Ego itaque primùm omnium ipsissima Vitruvij verba apponam ex Philandri & Barbari editione; deinde propriis verbis, illas Machinæ partes, de quibus maximè controversia est, & in quibus differt Vitruvianum à nostris organis, apposito etiam schemate genuino (ut mihi quidem videtur) ob oculos ponere conabor, insistendo semper vestigiis Authoris Vitruvij.

Vitruvij
sextus quo
Organum
hydraulici
cum descri-
bitur.

Verba Vitruvij loco citato hæc sunt. De hydraulicis autem quas habeant ratiocinationes, quam brevissimè, proximèque attingere potero, & scripturâ consequi, non prætermittam. De materia compactâ basi, arca in ea ex ære fabricata collocatur. Supra basin eriguntur regulæ dextra & sinistra, scalari formâ compactæ; quibus includuntur æri modioli, fundulis ambulatilibus ex torno subtiliter subactis, habentibus fixos in medio ferreos ancones, & verticulis cum veclibus conjunctos, pelibusque lanatis involutos. Item in summa planitia foramina circiter digitorum ternum; quibus foraminibus proximè in verticulis collocati æri delphini, pendentia habentes catenis cymbala ex ære, infra foramina modiolorum chalata. Intra arcam, quo loci aqua sustinetur, inest in id genus vii infundibulum inversum, sic hunc locum interpungendum existimo: alijs legunt: chalata intra arcam, quo loci aqua sustinetur. Inest, &c.) quod subter taxilli alti circiter digitorum ternum suppositi librant spatium imum, imo inter labra pigæos & arca fundum. Supra autem cervicalam eius coagmentata arcu lajus sustinet caput Machina, quæ græce

Auctores.
varijs quid
de illo di-
cant.

gracè naribꝫ profundis appellatur; in cuius longitudine canales, si tetrachordos est, fiunt quatuor; si hexachordos, sex; si octochordos, octo. Singulis autem canalibus singula epistomia sunt inclusa manubris ferreis colloca-ta; qua manubria cùm torquentur, ex arca patefaciunt nares in canales. Ex canalibus autem canon habet ordinata in transverso foramina re-spondentia in naribus, quae sunt in tabula summa, quæ tabula græcè πίναξ dicitur. Inter tabulam & canonem regule sunt interpositæ ad eundem modum foratae, & oleo subactæ, ut faciliter impellantur, & rursus intror-sus reducantur, quæ obturant ea foramina, pleuritidesque appellantur; quarum itus & redditus alias obturat, alias aperit terebrationes. Hæ-regulae habent ferre achoragia fixa, & juncta cum pinnis, quarum pinna-rum tactus motiones efficit regularum. Continentur supra tabulam fo-ramina, quæ ex canalibus habent egressum spiritus. Regulis sunt annuli adglutinati, quibus lingula omnium includuntur organorum. E modio-lis autem fistulæ sunt continenter conjunctæ ligneis cervicibus, pertin-gentesque ad nares, quæ sunt in arcu, in quibus axes sunt extorno sub-acti, & ibi collocati; qui cùm recipit arcu animam, spiritum non patien-tur, obturantes foramina, rursum redire. Ita cùm vectes extolluntur, ancones deducunt fundos modiolorum adimum; delphinique qui sunt in verticulis inclusi, chalantes in oscymbala, replent spatiæ modiolorum; at-que ancones extollentes fundos intra modiolos vehementi pulsus crebri-tate, & obturantes foramina Cymbalis superiora, aëra, qui est ibi clausus, preßionibus coactum, in fistulas cogunt, per quas in lignea concurrit, & per eius cervices in arcam; motione verò vectum vehementiore spiritus frequens compressus, epistomiorum aperturis influit, & replet animâ ca-nales. Itaque cùm pinnae manibus tactæ propellunt, & reducunt conti-nenter regulas, alternis obturando foramina, alternis aperiendo; ex mu-sicis artibus multiplicibus modulorum varietatibus sonantes excitant voces. Quantum potui niti, ut obscura res per scripturam dilucide pro-nuntiaretur, contendi. Sed hæc non est facilis ratio, neque omnibus ex-pedita ad intelligendum, prater eos, qui in his generibus habent exerci-tationem. Quod si qui parum intellexerint è scriptis, cùm ipsam rem cognoscant, profectò invenient, curiosè & subtiliter omnia ordinata.

Hoc est Vitruvij hydraulicum organum, verbis admodum
F ff 2 obfcu-

obscuris, & sine schemate propositum; quod ego sequenti figura atque paraphrasi ob oculos animumque Lectoris ponere adnitor, inhærendo Authoris non solùm menti, sed ipsis etiam, quantum licuerit, verbis.


Hydraul-

cum orga-
nus vitru-
vij explica-
tur.

Vide Ico-
nismum
XL.

De materia seu ligno compactâ basi ABCD, arca in ea ex arenum vitru-
fabricata HIKLE collocatur. Supra basim eriguntur regulæ, dextra
ac sinistra scalari formâ compactæ, GM, & FN; quibus includuntur
arei modioli inversi, PR, PR, fundulis ambulatilibus seu embolis x, y,
extorno subtiliter subactis, habentibus fixos in medio ancones TS & VS,
& verticulis seu teretibus clavis, aut certè annulis ferreis cum ve-
cibus va, tb, conjunctos prope T & v, pellibusque lanatis invo-
lutos, tum ut facilius ascendere atque descendere intra modiolos,
absque exulceratione laterum ipsorum, possint; tum ut ipsorum
internalatera exactè radant, aërique transitum prohibeant. Qui
quidem modioli debent habere in summa planitia foramina c & d,
circiter digitorum ternum; quibus foraminibus proximè, in verticulis
collocati arei delphini sint, pendentes catenis cymbala ex are
e & e, infra foramina modiolorum chalata, seu demissa. Intra arcam,
quo loci aqua sustinetur, inest Pigæus uti infundibulum inversum fgh;
quod subter taxilli ooo, alti circiter digitorum ternum suppositi li-
brant spatium imum, ima inter labra pigæos, (pigæi) seu infundibu-
li prædicti, & arcæ fundum.

Hucusque descripsit Vitruvius Organi basim, arcam, infundibulum, modiolos, & similia, quæ ad externam constitutionem ipsius pertinent, & ad venti suppeditationem: sequentibus autem aliquot versibus describit internam ejusdem organi constitutionem, ipsasque venti vias seu itinera; quā quidem in re à nostris organis haud multum discrepat, ut bene notant Barbarus, & Kircherus, ad quos Lectorem remitto. Per cerviculam intelligit collum H infundibuli inversi; per arculam cum suis canalibus, secretum organicum; tabula summa, quæ πίναξ græcè dicitur, est cribrum organicum; regulæ inter tabulam & canonem interpositæ, & pleuritides à Vitruvio appellatae, sunt registra. Quæ omnia exactè describit Merleerus in Harmonia universalis, & Kir-



212

& Kircherus in sua Musurgia; quos vide; nostri enim muneris h̄ic non est in hisce immorari, cūm qui organorum notitiam habent, ea satis intelligent; qui minimè, paucis instrui non possint.

Sequitur jam: *E modiolis autem fistulae sunt continenter conjunctæ ligneis cervicibus, seu canalibus p m & p n, pertingentesq; ad nares seu orificia m & n, quæ sunt in arcula; in quibus naribus m & n axes (seu platismatia) sunt extorno subacti, & ibi collocati; qui, cūm recipit arcula animam è modiolis inspiratam, spiritum non patientur, obturantes foramina, rursum redire.* Ita cūm vectes v a, T b extolluntur, ancones T s, v s, deducunt fundos Y & X modiolorum, ad imum versus S R; delphiniq; qui sunt in verticulis inclusi, chalantes in os modiolorum cymbala e, e, replent spatio modiolorum, atque ancones extollentes fundos intra modiolos vehementi pulsus crebitate, & obturantes foramina cymbalis superiora c & d, aëra, qui est ibi clausus, pressionibus coactum, in fistulas p m, p n, modiolis continenter, ut supra dictum fuit, conjunctas cogunt; per quas in pigæum, seu lignæa (infundibulum inversum) concurrit, & per eius cervices h in arcam quæ supra infundibili cerviculam coagmentata sustinet caput Machinæ, seu canonem musicum: motione verò vectium vehementiore, spiritus frequens compressus epistomiorum aperturis influit, & replet animâ canales. Itaque cūm pinna manibus tactæ propellunt, & reducunt continenter regulas, quas Battiventos Itali vocant, alternis obturando foramina, alternis aperiendo, ex musicis artibus multiplicibus modulorum varietatibus sonantes excitant voces.

Ex his patet, in hydraulico Vitruvii organo omnia ferè com-
munia fuisse organis nostris, præter rationem venti suppeditan-
di, ut optimè etiam notavit Kircherus. Quæri tamen potest, *Vitruvij organum cur hy- dralicum vocetur.*
quo fine aqua collogetur in arca H I K L; & quo jure hydrauli-
cum appellari possit prædictum Vitruvii organum, cūm nullus
videatur in eo aquæ in arca contentæ usus, & absque illa idem ef-
fectus præstari possit; unde potius pneumaticum, quam hydrau-
licum appellandum esset. Respondeo cum Kirchero, aquam ideo
positam in arca, ut ea per coactati in pigæo sive infundibulo aë-
ris commotionem agitata, sono singulari quendam tremorem

Pars 11.

414

conciliaret, illi similem, quem vulgo tremolante in Italia vocant: & ab hoc solo tremulo sono, qui nescio quid peregrinum præ se ferebat, & auribus cum primis jucundus accidebat, organum vocatum fuisse hydraulicum existimo. Alii putant, aquam in arca, & in furno seu infundibulo arcæ implantato positam, ut per eius commotionem factam ab aëre ex modiolis immisso, abundantior spiritus suppeditaretur fistulis organi. Indicare hoc videtur Hero Alexandrinus in libello de spiritalibus cap. 75. ubi simile hydraulicum organum construere docet: ait enim: aqua vero quæ est in arula, ideo injicitur, ut aër superabundans in furno, qui scilicet ex modiolo impulsus aquam elevat, continetur, tibiisq; sonantibus suppeditetur. Nonnulli existimant ideo dici hydraulicum, quod ad similitudinem hydraulicorum fuerit construtum, quorum fistulæ flatum ab aqua accipiebant immersæ intra ipsam, ut ex Athenæo habemus lib. 4. cap. 24. Κατεσφαμένος δὲ τὸν οὐλόν εἰς τὸν θωράκα, καὶ ἀραιομένον τὸν οὐδαίον ὑπότινον γενισθεῖται δὲ δύνανται μέντον αἰχίνων Διηγήσεων οὐ γάρ εἴμπνεονται οἱ οὐλοί, Εἴχον ἀποτελεῖσθαι προσοντῆ. Fistula ima parte in aquam versa sunt, quæ commotâ ab adolescentulo, axinis per organum motis & per currentibus, spiritu inflantur fistulae, & suavem sonum reddunt. Sed hoc minimè probabile est, ut melius explicabimus in Magia universalis par. II. lib. 6. Synstagm. 3. ubi de hoc eodem organo Vitruviano iterum agemus.

M A C H I N A III.


Cuculus cantans, atque tripudians.

Vide Ico-
nismum
x l. l.

*Cuculus
cantans at-
que tripu-
dians.*


D Escriptit hanc Machinam Kircherus lib. 9. Musurgiæ part. 5. Paradig. 7. Machinam. 8. in hunc sensum. Cuicunque animus est, coccigis seu cuculi voces, unâ cum motu ejus naturali, quo caudam tripudiando motitat inter cantandum, exhibetis constructo cylindro phonotaetico N M P Q, cuculo fictio intus cavo, $\alpha\beta\gamma$, anemothecâ $\phi\psi$, aliisque necessariis, primùm omnium in loco aquis abundante Cameram constituat Æoliam, eo modo, quo diximus suprà Mach. 1. Pragm. 1. & 2. & quo in aperto schema Figura A representat; quæ Camera procreatum

Part: H. Iconismus. **XVIII.** pa
XL



三


三



119 120

tum per aquam ventum congreget atque derivet per canalem superiorem A O, in anemothecam $\phi\beta$; rotamque C D per inferiorem canalem C ruens cum impetu, circumagat: sic enim fiet, ut axis E F vertebrâ suâ apprehendat dentes rotæ P Q, cylindro phonotactico N M P Q, annexæ, cylindrumque in gyrum agat.

Cuculi porrò simulacrum $\alpha\beta\gamma$, quod rostrum inter can. *Cuculi* *fr.*
 tandem aperiat, & caudâ mobili tripudiet, *mulacrum* *ut rostrum*
 ex ære, aliavè materia, cuculi corpore concavo, apta inferiorem
 rostelli partem α , & caudam γ ita, ut circa verticulos moveri
 sursum deorsumque possint, *aperiat, &* *caudam* *moveant-*
 cultate ullâ. Deinde in eodem concavo corpore vectem $\alpha\beta\gamma$,
 circa verticulum seu teretem claviculum β mobilem, dispone eo
 modo, quo figura monstrat, nimirum ut rostelli extremitati infe-
 riori suppositus maneat, caudæ verò extremitati inferiori super-
 positus. Tandem funem ferreum β i, affige superiùs vecti, inferiùs
 manubrio i, axi o. p. inserto. His enim factis, & circumvoluto cy-
 lindro N M P Q, deprimetur palmula i versus i, & vectis $\alpha\beta\gamma$,
 tractus deorsum à filo ferreo alligato, elevabit, hinc rostellum cu-
 culi, inde verò deprimet caudam, interius, unde exteriùs ro-
 strum aperietur: & cauda elevabitur, sicque cuculus caudâ tripu-
 diare, & rostro cantare videbitur, ut sequitur.



Ad hanc Cuculi vocem exprimendam sic procedes. Intra secretum anemothecæ $\phi\beta$ duas fistulas organicas semiditono, seu Tertia minore, aut Tertia imperfecta inter se distantes, ut no- tæ antea positæ exhibent, recondes, duobus palmularum r & t platismatiis respondentes, quibus palmulis fila ferrea annexes, quorum usum paulò post declarabimus. Hoc peracto, inseran- tur axi o. p. alia duo manubria, h & k, quorum extrema ap- *pre-*

Pars II.

416


prehendant dentes cylindri M N P Q phonotactici. In hoc verò cylindro vocem cuculi juxta notas paulò antè positas hac industria exhibebis. Describantur tres circa cylindrum circuli, $\theta\circ, \kappa\sigma, \tau\nu$, In horum primo $\theta\circ$ in quotlibet prius spatia diviso, ponantur dentes quotcunque, ordine vel interrupto, vel continuato; qui quidem dentes motum cuculi exhibebunt, ut videbimus. In reliquis duobus circulis $\kappa\sigma, \tau\nu$, quorum prior respondeat *C sol fa ut*, alter verò *A la mi re*, vocem cuculi exhibebis sic. Cùm duas notæ suprà positæ uni tempori seu tactui respondeant; dentem unum in curculari linea $\kappa\sigma$, ubi tactus incipit, insiges, qui dimidio tactui æquivaleat; alterum in linea $\tau\nu$, priori æqualem, post dimidium tactum, inferes, relicto spatio pro semipausa; & sic temper alternis repetitionibus, donec lineas totas expleveris. Tandem duo fila ferrea H r, K t connectantur palmulis platismatiorum r & t, & manubriis H & K. His ita constitutis, si circumagatur cylinder ab aqua supra rotam C D labente; dentes circuli $\theta\circ$ in cylindro elevantes extremitatem o manubrii i o, depriment filum ferreum in i; unde vectis $\alpha\beta\gamma$, qui in corpore concavo cuculi absconditus est, depresso aperiet apud a rostrum, apud Y verò attollet caudam, ut suprà dictum est; eodemque tempore manubria H & K alternis vicibus à dentibus cuculi cantum experimentibus elevata, depriment palmulas r & t; hæ verò depresso ferreis filis, aperient platismatia, quibus apertis, ventus intrans fistulas sonum cuculi desideratum exprimet.

M A C H I N A IV.

Gallus cantans, & alas quatients.

Vide præcedens. **H**anc etiam Machinam describit Kircherus loco paulò antè citato, consecratio primo, in hunc sensum. Eadem prorsus tem Ico ratione (quam diximus in præcedenti Machina) cantum galli nism. xli. alas quatients exprimes. Sint iterum in cylindro N M P Q præcedentis Iconis, aut in alio separato, quatuor alii circuli $\mu\sigma, \eta\tau, \lambda\circ, \nu\gamma$, Gallus cantans, & alas quatients.

$\lambda\circ, \nu\gamma$; quibus totidem manubria L σ , M τ , N \circ , O γ , respondeant formeturque corpus Galli ex quacunque materia, intus concavum, aliis & rostro mobilibus; infra quem subdatur certum fistularum galli cantum exprimentium genus, quod organopaei non runt, una cum R, S, T, taxillis platismatiorum intra anemothecam ϕ inclusis, aut prope eam dispositis, quae ferreis filis cum manubriis L, M, N, O, conjunges. His factis, in primo cylindri circulo M σ , disponantur dentes motum rostri & alarum galli exhibentes: motum inquam vel continuum, vel interruptum, prout placuerit. In circulis vero $\tau\circ, \lambda\circ, \nu\gamma$, cantum galli dentibus expressis juxta notas sequentes, & juxta regulas in praecedentibus traditas.



His etiam peractis, cylindrus circumductus, dentibusque notas hasce in cylindro referentibus palmulas manubriorum M τ , N \circ , O γ , elevans apud $\tau\circ, \nu\gamma$, deprimet taxillos platismatorum R, S, T; quâ pressione platismatia ipsis respondentia aperiuntur, ventusque cameræ per tubum A \circ , intra anemothecam B ϕ delatus, fistulasque intrans, Galli cantum exprimet. Manubrium vero L σ filo ferreo L δ , aliis tribus filis in concavo galli corpore proponendum est connexo (quorum duo alii, tertium rostro conexum sit e modo, quo Figura monstrat) & alas aperiet, & rostrum, pro ratione dispositionis dentium in cylindro.

MACHINA V.

Diversæ Volucres garrientes, ac se mouentes.

Si cylinder praecedentium Machinarum satis amplius & longus fuerit

Vide praecedentem fuerit, poterunt eodem prorsus ingenio quo diximus, diversarum volucrum, imò quorumcunque animalium motus & voces exprimi, fierique ut vel simul, vel successivè audiantur pīstantes sturni, glocitantes anseres, crocitantes corvi, drensantes anates, coturnices bikebizentes, similesque animalium voces, non minor aurum, quam oculorum voluptate. Tametsi verò teretissimos lusciniæ, quos exhibit Kircherus lib. I. Musurgiæ cap. 14. §. 4. Iconismo 3. ex observatione à se facta, pulchrè in cylindro phonotactico notis exhiberi possimus; ad labori tamen parcendum consultiūs judicat Kircherus, hujusmodi avium garritum fistulis plumbeis aquæ immersis, quas vulgò avium cantum vocant, representare; cujusmodi ipse exhibuit in organo Pontificio suprà Machina i. memorato, & appetit in vasculo superioris Iconismi notato per signum ♫, intra quod quatuor aut quinque diversæ magnitudinis fistulæ insertæ, abundè desiderio curiositatique tux satisfacient.


M A C H I N A VI.

Pan Octaulum inflans, Nympha Echo reflans.

Vide praecedentem **S**i Pana octaulum inflantem exhibere desideres, accipe octo fistulas organicas juxta diapason tonatim dispositas, ut in figura 15. superioris Iconismi appetat. Hoc Octaulum anemoxalæ ob platismatiis suis instructæ, interes, taxillis verò a, b, c, d, e, f, g, d, platismatiorum ferreis filis totidem conjunges manubria i, k, l, m, n, o, p, q; in cylindro verò N M P Q totidem circulos describes, manubriis prædictis correspondentes, intra quos ordinabis dentes juxta modulationem, quam Octaulo exhibere vis. Atque hæc quidem omnia in loco secreto ordinabis, ut ab adstantibus videri non possint; extra verò in loco patente sub crypta aliqua statues Pana d' Octaulum inflantis habitu.

Quod

Quod si Echo exhibere velis, qui Satyri sonos repetat; in Nymphæ alia à Satyro remotiori crypta HR, efforma Nympham Q, quæ modulos à Satyro editos reddat: eos autem reddet, si alium cylindrum phonotacticum M in crypta HR construas, aliudque Octaulum QN, cum suis platismatiis & manubriis, cuius anemotheca eadēm Æoliā Camerā A gaudeat, & ventum per canalem v habeat communem cum priori anemotheca OB. Procurandum autem diligenter est, ut modulationis clausulæ in binis cylindris eo prorsus ordine disponantur, quem notæ paulo post ponendæ referunt in clausulis sequentibus A & B. Sic fiet, ut Satyro D personante clausulam A, Nympha Q mox eam in altero Octaulo NQ, juxta clausulam B, repetat. Res facilis est, & nullam difficultatem patitur, præsertim si Artifex hucusque dicta ritè intellexerit. Quare multorum verborum loco Iconismus præcedens sèpè citatus erit.



ANNOTATIO.

Similem Pana memini me saepe vidisse audivisseq; Tusculi in villa Aldobrandina. Ad praecedentium exemplar ordinari possunt innumerata alia spectacula admiratione dignissima, quorum nonnulla in Pontificio supra nominato Organo exhibuit Kircherus.

MACHINA VII.

Cyclopes automati Musicam Pythagoricam exhibentes.

Pythagoras proportiones Musicas ex officina ferraria didicit. **N**otissima est quæ de Pythagora refertur historia. Is cùm quādam die apud officinam ferrariam transiret, notaretque malleorum ictus à fabris incudi inflictedos perfectissimam reddere harmoniam; ingressus jussit fabros commutare malleos, ut experiretur, num sonorum differentia à malleorum pondere, an à fabrorum robore oriretur; tandemque deprehendit magnos malleos graves edere sonos, parvos verò edere acutos; unde examinatis ponderibus malleorum, reperit ita se habere sonum ad sonum malleorum, sicut pondus ad pondus eorundem. Ex malleis deinde ad fides eiusdem crassitie ex animalium intestinis confecas conversus, appendit illis pondera (ut tenderentur) in ea proportione, quam in malleis deprehenderat; similemque priori consonantiam invenit; unde universaliter conclusit, ita esse sonum ad sonum, ut est magnitudo ad magnitudinem in eadem specie. Experimentum Pythagoricum de malleis falsum esse asserit Ioannes Faber apud Mersen lib. 4 Harmon. fol. 364. cui ipse consentit. Sed obstat communis opinio Antiquorum, Nicomachi lib. 1. Manualis Harmonices, Macrobi lib. 2. in Somnium Scipion. cap.

I. Boë

I. Boëthij, & aliorum, & experientia à P. Kirchero sæpius, & ab aliis etiam tum in Germania, tum Panormi in Sicilia facta; quam non rectè instituit Faber. Malleorum igitur justâ proportione *Musica Pythagorica malleorum ope.* contemperatorum ope institui potest harmonia perfectissima, quam Musicam Pythagoricam appellare possumus. Quam quidem Musicam sæpius diversis in locis coram diversis Principibus exhibuit dictus P. Athanasius Kircherus, tanto cum aplausu & admiratione, ut eius repetitione vix satiari posse viderentur. Modulatio erat octophona, in duos choros distributa; tempus perpetuò triplam sectabatur proportionem; mensuram seu tactum dabant mallei; hi erant in ea fabricati proportione, ut major ad medium sesquialteram, ad minimum duplam haberet proportionem; verba affingebantur Vulcano, Cyclopes suos ad arma in insignem aliquam expeditionem cedenda animanti; hi vocati incudem fundabant, triplatoque atque harmonico malleorum sonum incudem feriebant, Cantores octo triplam mensuram præcisè, voce, gestu, saltuque sequentes, mirum oculis auribusque spectaculum exhibebant. Sequitur Musica.




Ggg 3


Musica

*Musica Pythagorica ad proportionem malleorum,
P. Athanasij Kircheri Societatis JESU
octo Vocibus in duos Choros di-
stributis.*


PRIMUS CHORUS.




Adeste validi Vulcani socii, instructi malleis benesonantibus : concinnum



Adeste validi Vulcani socii, instructi malleis benesonantibus : concinnum




Adeste validi Vulcani socii, instructi malleis benesonantibus : concinnum




Adeste validi Vulcani socii, instructi malleis benesonantibus : concinnum


SECUNDUS CHORUS.




Adeste validi Vulcani socii, instructi malleis concinnum



Adeste validi Vulcani socii, instructi malleis concinnum



Adeste validi Vulcani socii, instructi malleis concinnum



Adeste validi Vulcani socii, instructi malleis concinnum

Musica

*Musica Pythagorica ad proportionem malleorum,
P. Athanasij Kircheri Societatis JESU
e octo Vocibus in duos Choros di-
stributis.*

PRIMUS CHORUS.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

SECUNDUS CHORUS.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

numeris melos efficite. Cantate vocibus, pulsate malleis, saltate socii.

Musica

*Musica Pythagorica ad proportionem malleorum,
P. Athanasij Kircheri Societatis JESU
octo Vocibus in duos Choros di-
stributis.*

PRIMUS CHORUS.

Three staves of musical notation in common time. The lyrics are:

cantate so- cii. plaudamus
 saltate, so- cii. plaudamus
 pulsate so- cii. plaudamus
 gaudete so- cii. plaudamus

SECUNDUS CHORIIS.

Four staves of musical notation in common time. The lyrics are:

Quid moras nec titis? so- cii. Cantemus, plaudamus
 Quid moras nec titis? so- cii. Cantemus, plaudamus
 Quid moras nec titis? so- cii. Cantemus, plaudamus
 Quid moras nec titis? so- cii. Cantemus, plaudamus

Musica

*Musica Pythagorica ad proportionem malleorum,
P. Athanasij Kircheri Societatis JESU
octo Vocibus in duos Chorus di-
stributis.*

PRIMUS CHORUS.

vocibus organis, fistulis, citharis, chelybus. Triplato cudite acuta
vocibus, organis, fistulis, citharis, chelybus. Triplato cudite acuta
vocibus, organis, fistulis, citharis, chelybus. Triplato cudite acuta
vocibus, organis, fistulis, citharis, chelybus. Triplato cudite acuta

SECUNDUS CHORUS.

organis, fistulis, citharis, chelybus. Triplato cudite acuta
organis, fistulis, citharis, chelybus. Triplato cudite acuta
organis, fistulis, citharis, chelybus. Triplato cudite acuta
organis, fistulis, citharis, chelybus. Triplato cudite acuta

*Hbb**Musica*

*Musica Pythagorica ad proportionem malleorum,
P. Athanasij Kircheri Societatis JESU
etio Vocibus in duos Choros di-
stributis.*

PRIMUS CHORUS.

sonitu confessim spicula, queis expugnetur Morpheus, ij.

SECUNDUS CHORUS.

sonitu confessim spicula, queis expugnetur Morpheus, ij.

Musica

*Musica Pythagorica ad proportionem malorum,
P. Athanasij Kircheri Societatis JESU
octo Vocibus in duos Choros di-
stributis.*

PRIMUS CHORUS.

queis expugnetur Morphus.
queis expugnetur Morphus.
queis expugnetur Morphus.
queis expugnetur Morphus.

SECUNDUS CHORUS.

queis expugnetur Morphus.
queis expugnetur Morphus.
queis expugnetur Morphus.
queis expugnetur Morphus.

Musica prædicta maximè locum habet in Comædiis ; eamque animatâ voce, saltu, motuque exhibere, non est adeo difficile, fuitque ab aliis etiam diversis in locis exhibita, ut dixi. Videntur nunc, quomodo inanimato machinamento automato exhiberi possit. Docet hoc Kircherus lib. 9. Musurgiæ part. 5. Machinam. 9. in hunc sensum.

Musica Pythagorica qua ratione exhibenda automatisch.
Vide Iconismum XLII.

Præparetur Organum, Camera Æolia, rota aquatica, cylindrus phonotacticus, & cætera necessaria, quæ diximus in præcedentibus, & exprimuntur in apposito Iconismo. In cylindrum phonotacticum transfer præcedentem melothesiam Pythagoricam eâ prorsus ratione, quam in Machina prima docuimus suprà, præsertim §. vii. Nempe, cùm dicta melothesia constet 54 temporibus seu tactibus; Cylindrus A C D B dividatur totus in circuitu in 54 æquales partes: deinde singulæ partes iterum in alias tres æquales, cùm unaquaque nota huius melothesiæ valeat unam tertiam temporis partem. In figura lineæ integræ & crafiores secundùm cylindri longitudinem ductæ, significant primam divisionem in 54 partes, lineæ verò intermediæ punctis intercisæ, subdivisiones in partes ternas significant. Secundùm longitudinem quoque totus cylinder dividatur in duas partes, quarum major C D G H adæquabit longitudinem tactaturæ M N, servietque dentibus, notis prædictæ Pythagoricæ Musicæ correspondentibus; reliqua verò pars A H G B serviet dentibus motum malleorum causantibus. Pars C D G H cylindri distribuatur in suos circulos, juxta numerum & seriem palmularum sive tastorum, prout figura monstrat, & suprà loco citato faciendum docuimus. Manubria quoque cylindro adaptentur, ferreisque filiis connectantur palmulis & platismatiis anemothecæ inclusis, ut ibidem docuimus, & figura ostendit. Tandem melothesiam octophonam supra positam transferes in cylindrum, dentesque suis locis, singulis notis correspondentes, congruè infiges.

Statua Cyclopum malleus in eundem fe-


Cyclopes porrò cum malleis incudem ferientibus, & statuas Cantorum ad malleorum tactum choream ducentes, sic exhibebis. Spatium cylindri A H G B dividatur in quatuor circulæ spa-


entesa-
mata.

engenho
máscara
diamante
cristal

Musica P
thagorica
qua ratio
exhibendi
automata-
tice.
Vide Ico-
nismum
XLI.

Statua
clopum
malleus
enam j





riā spatia, quorum tria prima tribus cyclopibus incitandis servient. Dentes verò ponantur in tribus circulis circularia spatia determinavit, signatisque numeris 1 & 4, 2 & 5, 3 & 6; quibus tribus circulis corresponteant tria manubria z, y, x. Dentes prædictos triplato sono edendo congruos ita ordinabis. In circulo 1 & 4 in singulis lineis majoribus seu crassioribus tactum incipientibus, pone unum dentem; deinde in proximis lineolis punctatis, circuli 2 & 5, pone alium dentem; tandem in reliquis lineolis punctatis circuli 3 & 6, pone similiter unum dentem; habebuntque singula tria spatia ordine posita, & tactum mensurantia, tres dentes, juxta trium notarum uni tempori correspondentium valorem, ut in figura patet.

Hicce peractis, fabricabis quatuor statuas magnitudini Machinæ proportionatas; quarum tres exhibeant cyclopas, malleis dictæ suprà proportionis instructos; reliqua verò Vulcanum forcipe ferrum tenentem referat. Cyclopum verò triplatum sonum edentium Machinam automatam ita conficies. In loco humerorum & brachiorum vertatur veluti intra polos axis a, b; ex axis verò extremis a & b formetur rudimentum quoddam brachiorum, a f, & b g f, quibus in fine intra manus adjungatur malleus ex ferro. Habeat præterea axis a b in medio manubrium c, cui fila ferrea c z, c y, c x, connectantur. Hæc itaque sceleta, intus cava, lino aut panno ita vesties, ut artificium intrinsecum spectantes lateat. Si jam ferrea fila trium Cyclopum axibus seu vertebris a b annexa, cum tribus manubriis z, y, x, conjunxeris; fiet ut circumducto cylindro fila ferrea ab extremitatibus z, y, x, manubriorum deprimantur, axisque a b circumactus elevet mallem, qui deinde proprio pondere in incidem 1 incidens sonum excitabit. Debet autem incus fieri ex materia valde resonante, & intus cava. Si præterea ex axi a b derives aliud brachiolum in caput statuæ, movebit illud etiam Cyclopis caput. Sed hæc omnia ingeniosis artificibus in opus deducenda relinquimus. Si jam palmulæ omnes ta statutæ MN connectantur filis ferreis cum manubriis infra cylindrum dispositis; fiet ut circumacto cylindro

manubria, dentibus cylindri elevata, deprimant ferreis filis pal-
mulas M N, & consequenter spiracula organi ad ventum in fistu-
las deducendum ordinata aperiant, fistulæque organi tandem
triplatum sonum perfectè edant, melothesiam inquam Pythago-
ricam in cylindrum translatam. Eodem verò & prorsus æquali
tempore tria manubria z, y, x, à dentibus triplato ordine in spa-
tio A H G B dispositis elevata, deprimant vertebrae intra Cyclo-
pum concava corpora latentes, ut dixi paulò antè; quâ depressio-
ne mallei ordine triplato, unus post alterum, elevabuntur, & eo-
dem ordine residentes in incudem, triplatum sonum notis in o-
mnibus correspondentem edent. Nam manubrium z, dentibus
in prima circulari linea, 1 & 4, infixis depresso, elevabit primæ
statuæ malleum; manubrium verò y post hoc, à dentibus secun-
dæ circularis linea, 2 & 5, depresso, secundæ statuæ malleum e-
levabit; manubrium denique x, à dentibus tertiaræ circularis li-
nea, 3 & 6, depresso, elevabit tertiaræ statuæ malleum; & sic pri-
mus tactus complebitur; quem reliqui eodem ordine sequentur,
sicque malleorum iactus ordine æquali, constanti, & proportiona-
tissimo motu, tempora Musicæ Pythagoricæ in cylindrum pho-
notacticum conjectæ mensurabunt.

*Choragus
Musicus
automati-
cus.*

Si choragum totius Musicæ, qui manu elevata atque depre-
sa temporis mensuram præscribat, exhibere vis; fiet id per manu-
brium particulare m, quod circulari spatio G H respondeat. In-
tra dictum igitur spatiū G H ordina dentes integrum tactum
explentes, ab invicem tamen aliquantulum, ad tactus discrimi-
nandos, se junctos, ut figura monstrat. Deinde efforma statuam
N intus concavam, cum brachio c d b mobili circa axillum seu
verticulum d, ex cuius brachi, punto b, filum ferreum occulto
meatu connectatur brachiolo y bacilli seu cadentiæ R s; & ex
altero brachiolo x eiusdem bacilli aliud ferreum filum conne-
ctatur manubrio prædicto m, & habebis negotium expeditum.
Nam cylindro circumvoluto manubrium m dentibus spatij G H
depresso, deprimet cadentiam R s, cui filo ferreo per brachio-
lum x conjungitur, unaque secum deprimet brachiolum y, ad
cuius

euīus depressionem necesse est conseq̄ui elevationem ac depreſſionem brachij Choragi n; sicque fiet ut statua n juxta mensu-ram temporis, δόσιν & θέσιν perfectè exprimentem, tactum ſive plauſum dare videatur.

Ut verò juxta triplatum Melothesiaē tempus choreas, notis & malleorum ictibus undequaque correspondentes, agant aliaē Cantorum statuæ ita age. Dentatae rotæ d c cylindri phonotati-
status ſat-tantes au-tomatico-artificio..

ri, alijs in circuitu interioris planitiei inſigantur dentes exterio-ribus numero reſpondentes, illisque adaptetur vertebræ b, cuius axis extreum inferius acuminatum circumgyretur in forami-
nōne M, velut in polo aut matrice (firmato priùs toto axe, tam in-
ferius quām ſuperius, ligneis aut ferreis tignis R & T perforatis,
nō loco dimoveri poffit;) extreum verò ſuperius eiusdem axis terminetur in rotam R v, machinæ & statuis Cantorum pro-
portionatam quoad magnitudinem. In huius rotæ circuitu Can-
torum statuæ variè effigiatæ, conſtituantur ita, ut tota rota intra Machinam, & ſubtus statuarum pedes lateat, statuæ verò totæ foras emineant. Supra hanc rotam firmentur aliaē duæ rotæ g, q., p, o, major, & l, m, n, minor, dentibus contrafe convergentibus in-
ſtructæ, prout figura monſtrat; quæ & ipſæ intus latere debent. Cogitare autem debes, prædictas rotas dentatas ſecundum to-
tam planitiem planitiei rotæ R v incumbere; h̄ic verò depinximus illas extra dictam planitiem, ut melius exprimatur artifici-
um. Eandem ob cauſam unum tantūm statuæ ſkeleton expref-
ſimus, & litteris appositis inſignivimus. Motum porrò triplatis malleorum ictibus congruentem statuis hac arte indes. Coxis ipsarum indatur axis d c, per cuius medium perforatum dedu-
catur filum ferreum z, e, i, quod clavo firmetur infra; i, in fundo rotæ; hoc enim filum crassiusculum totius statuæ molem Iufi-
bit. Deinde rudimentum crurum mobilium erunt c e, & d f, quæ infra pedes filum ferreum in i & b protenſum habeant, quod inibi ad angulum reſtum detorqueatur, uti figura monſtrat. Binæ autem rotæ dentatae ſupradictæ, eo ordine, ſitu, atque diſtantia inter ſe diſponidebent, ut dum ſimul cum rota R v moveantur

moventur in gyrum à vertebra *b*, fila retorta *f b*, & *e i*, illisa in dentes utrimque prominentes, crura *f d*, *e c*, alternatim retroagant. Ut verò capita & brachia jactitare videantur statuæ, capita dictarum statuarum ligno subtili ipsis capitibus infixo, & per axem *p q* brachiis conjunctum transeunte, librentur massâ plumbeâ *a*, appensâ; fietque ut statuæ motæ, & caput & brachia perpetuò jactare videantur. Statuas hoc modo dispositas, & velut animatas, vel lino, vel panno eleganter vesties. His peractis, & cylindro phonotactico per rotam aquaticam *b c* circumducto, dum dentes interni rotæ *c d* in vertebram *b* illidunt, vertetur in gyrum rota *r v*, & statim ad primum Choragi tactum inchoatum, curvum filum *b f* in dentem *l* illisum, retroaget crus *d f*; post tertiam verò temporis partem alterum crus *c e*, filo curvo *i e*, in dentem *q* illiso, retroagetur; & demum post alteram tertiam temporis partem crus *f d* filo *b f* in dentem, *m*, illisum denuò retroagetur, & sic porrò continget, donec tota completa fuerit Musica Pythagorica.

M A C H I N A VIII.

Clavicymbalum automatum, omnis generis instrumentorum fidibus instructorum symphoniam exhibens.

Clavicymbalum novum, omnis generis instrumentorum symphoniam exhibens.

NOvum hoc loco cum Kirchero, & forsitan alibi quam hinc Romæ inauditum clavicymbalum fabricari primùm, deinde sono spontaneo animare docebo, quo sono chelyum omnis generis symphoniam perfectissimè, & summâ omnium admiratione exhibeas, prout ego særissimè cum Kirchero, & alijs nobiscum sunt experti. Quod eò libenter facio, quoniam instrumentum sàpe in Auctoris aëdibus non audiri tantum, sed etiam accurate inspexi, & structuram curiosè consideravi. Spero curiosorum ingenia excitatum iri ad similia fabricanda. Ita autem procedes.

Vide Ico-
nis. XLIII.
Fig. 1.

Fiat primò instrumentum ex ligno A L B C D E F G, sex circiter pedes

Mechanica Iconismus XLIII. pag: 432.

Fig: I.





Fig: II.



pedes longum, affabre elaboratum, & secundum extrinsecam superficiem arcuatam superius in A L B C D; cui aptetur operculum similiter arcuatum A L B. Deinde fiat rotula lignea, cuius diameter sit quatuor circiter palmorum, crassities vero non nisi duorum aut trium digitorum. Hanc rotam circa axem suum volubilem, in interiori instrumenti corpore concavo condes eo ingenio, ut sexta tantum circumferentia ipsius pars extra arcuatam superficiem a G usque ad N fissam, emineat. Debent autem extremi limbi arcuati, A L C, & B D, esse aequaliter sphærici, ut rotula pauloque illâ altiores. Tandem ante arcuatam superficiem A C fiat abacus palmularius, seu tastatura xz, 49 tastorum seu palmularum (quot nimirum Abacus clavicymbalorum ordinarius habere solet) supra vero eandem arcuatam superficiem, ubi L H, disponantur totidem manubria seu choragia, ut vocant, quæ ferreis filis annexantur palmulis praedictis, prout in Organis ordinariis fieri consuevit, & melius paulo post explicabitur.

His factis, instruatur instrumentum chordis ex animalium intestinis (aeneæ enim chordæ hinc locum non habent) supra arcuatam superficiem ab A L H usque in B D extensis; quarum ea sit crassities, & series, quam in Harpis adhibent, ita ut major chorda respondeat palmulæ seu tasto gravissimo c sol, fa, ut reliquæ vero chordæ, minores semper & minores proportionali decremento, respondeant reliquis clavibus tastorum se ordine consequentiū, ut in Harpis sit, donec 49 chordis in arcuatam superficiem extensis totum negotium absolvatur. Ut vero singulæ chordæ proportionalem suam longitudinem obtineant, barram sive fulcrum curvum o p arcuatæ instrumenti superficie adglutinabis, quod obliquè exceptas chordas intra claviculos ferreos stringens, earum longitudinem a p in o determinabit. Chordæ vero in extremo B D aliis clavis ferreis vel ligneis adstringantur, in extremo vero arcu A L C verticellis circumdentur, ut intendi & laxari, pro concordantis eas arbitrio, possint. Chordæ porrò sic extensæ, rotam o N non tangant, sed ab eius extrema circumferentia distent quartâ circiter digitâ parte. Manubria seu chora-

gia intra spatiū A H L, quæ singulis chordis respondeant, eā industriā alligentur hīc dīctis chordis, inde hastis palmularum Abaci introrsum vergentibus, ut simul ac palmulæ Abaci seu tastaturæ premuntur, manubria quoque palmularum hastis alligata deorsum tracta, chordas, quibus correspondent, depriment, & rotæ illidant; quā circumactâ, resinâque colophoniâ prius bene perfrictâ, instrumentum tandem fidicinum sonum exhibebit. Verum ut hæc melius intelligantur, seorsim occultum machinamentum exhibere visum est.

Vide Iconis. XLIIII. Fig. 11. Fiat itaque intra spatiū A H L curvus arcus sive fulcrum ex ligno, quale in suppositâ instrumento Figurâ repræsentat ligni oblongi forma R Q (quod tamen arcuatum esse deberet;) quod fulcrum tot crenis superiùs incidatur, quot instrumentum manubria & chordas habet. Per crenarum interstitia r m perforata ferreum aut æneum filum in transversum, atque unâ pér causas manubriorum s T traducatur, ita ut manubria circa filum ferreum veluti circa axem elevari ac deprimi possint elevatione ac depressione palmularum. Quod ut intelligatur melius, sit palmula Abaci seu tastaturæ, hasta eius seu tigillum N M L, quæ hasta firmetur clavo in ligno K L interiùs ordinato; manubria verò sit s V T, quæ intra crenas fulcri Q R, filo ferreo pér ipsa, simulque per crenas seu crenatum interstitia transmissio firmetur. Habeant autem hæc manubria in v, annulos, quibus indentum filum connectatur cum annulis hastæ palmulæ N L, in M; extremitas verò manubriorum in T sit aliquantulum curva, & in medio excavata, ut hac curvitate ac cavitate chordas in T faciliter carpere possit; chorda autem a b supposita sit immediate sub manubrio s T, ita tamen, ut extremum manubrii minime tangat, sed parum ab eo absit, ut Figura ostendit. Fiet itaque, ut simul ac palmula N in Abaco sive tastatura x z premitur, filum M Y, in M palmulæ, & in v manubrio affixum, deprimit manubrium s V T; hocverò extremitate suâ T chordam a b supra rotam N G, resinâ colophoniâ bene prius exasperatam apprimat; unde tandem circumvolutione rotæ chordam vibrat.

vibrantis desideratus fidicinus sonus exhibeatur. Quod autem de una palmula & manubrio diximus, de omnibus aliis simili patto intelligendum est.

Rota NG dentibus suis instructa in circuitu planitieis suarum & vertebrâ, quam vulgo rochettum vocant, signata numero 2, cuius ansa seu manubriolum foramen ostii à latere Instrumenti factum & signatum numero 3, emineat, ut forinsecus apprehendi, & rota circumgyrari possit ope alterius adstantis, vel per automatum artificium (nempe per aquam, aut per chalybeam laminam intra cylindrum aliquem convolutam) aut aliâ quadam industriâ, de quibus in præcedentibus dictum fuit. His enim factis, si prædictæ rotæ NG superficiem arcuatam, & duos aut tres digitos latam, resinâ aut pice colophoniâ optimè illinas, aut melius setis equinis æqualiter tensis, & resinâ optimè priùs perfritæ totam circumferentiam prædictæ arcuatæ superficieis circumdes; fiet ut rota circumducta chordas omnes sibi leviter palmarum ac manubriorum depressione atque elevatione ad pressas, leniter radens, idem præstet, quod chelysta arcu setis equinis instructo, dum chelyum sive violarum, ut vocant, chordas radit. Ut verò in chelybus rasura chordarum harmoniam non constituit, nisi digitorum aliter & aliter pro constituta harmonia chordas tangentium artificiosa accedit applicatio; ita in nostro hoc Instrumento rota NG rasurâ chordarum harmoniam nullam quoque efficit, nisi accedit tastorum abaci artificio la incitatio: quæ si accedit, tasti manubriis suis artificiosè annexi dum premuntur, manubria tracta extremitates suas curvas veluti digitos in chordas infrâ positas, depressas illident; ex qua illissone desiderata harmonia fidicina producitur tam jucunda, ut quicunque organum hoc fidicinum audiunt, dulcissimam chelyum symphoniam, sed prorsus novam ac peregrinam, se percipere arbitrentur, eaque ego suaviorem nunquam audivi.

Ut verò hæc Machina reddatur automata, Rota resinaria Clavicymbalum prædictum ut fiat automatum;

animanda in motum: eius enim dentes laterales si dentibus cylindri seu rotæ phonotacticæ, quæ additæ debet, implicentur, utræque æquali tempore motâ, hæc palmulas & manubria elevando manuum ministerium, illa arcus equisetini officium supplebit.

M A C H I N A IX.

Automatum Kircherianum, omnis generis Instrumentorum symphoniam exhibens.

Automatum Kircherianum no- PRæcedentis Instrumenti ingeniosissimâ fabricâ excitatus Athanasius Kircherus, amoenissimum & fæcundissimum Mathematicum, omnia seos viridarium, è cuius scilicet feraci ingenio, vividae instar segetis tot generis symphoniam Mathematicorum luminum pullulant volumina, (ut inquit Vir doctus in Machinosis suis miraculis) excogitavit sequentem Machinam automatam; quæ una cum sit, exhibet tamen variam Chelyum, Harparū, Testudinum, Thiorbarum, Clavicymbalorum, Organorum, Regalium, aliorumque Instrumentorum Symphoniam. Eam verò describit loco sæpe citato Musurgiæ, Machinam VII. in sequentem sensum breviter, remittendo se ad ea, quæ docuit in lib. VI. Musurgiæ, qui est de Musica Instrumentali, ubi variorum Instrumentorum fabricam exactè docet.

Vide Icones instrumentum D E F G in tres contignationes secundum altitudinem seu profunditatem, scilicet x z, β r, quarum prior x z, clavicymbalum cum omnibus ad id pertinentibus contineat; secunda verò β, aliquantulum priori amplior, fistularum omnis generis, Regalibus, similibusque inseri consuetarum systemata, singula suis registris disposita, situ Horizonti parallelo prostrata, minoris spatij occupandi gratiâ, contineat; tertiam tandem contignationem r, folles, cylindri, rotæque occupabunt. Tribus hisce contignationibus superimponatur, velut Machina principalis, Instrumentum præcedens omnis generis fidicinos sonos exhibens. At singula particulatius explicemus ex Kirchero.

Prima

Prima contignatio interior x z, continebit Clavicymbala
æneis chordis instructum, & tribus Registris distinctum;
quorum prius simplicis & ordinarij Clavicymbali sonum exhibeat;
alterum verò submotis subtiliis sive capreolis (ita vocamus
in Clavicymbalis ligna pennata chordas incitantia, à saltu sic di-
cta) Harpæ perfectissimum sonum reddat; quæ soni alteratio
consistit in certa accommodatione lignorum, ad quæ illæ chor-
dæ, Harpæ sonum acquirunt; res nota peritioribus Artificibus:
Tertium denique Registrum efficiat sonum tubis similem; quod
fiet ope capreolarum concavarum, fissorumque taxillorum; hū
enim in chordas subtilantes, sonum edent tubis, quas surdinæ
appellant, prorsus similem. Habebis igitur in uno Instrumento,
triplici Registro instructo, triplicem Instrumentorum harmo-
niam, harmoniæ Clavicymbali, Harpæ, & tubæ prorsus similem:
Cui accedet machinamentum in präcedentibus descriptum,
quod supremum locum, & extimam superficiem tenere debet;
audiesque in illo omnis generis Instrumentorum, quæ ad chelas
five violas, Lyrasque revocari possunt, symphoniam. Porrò supe-
rioris tastaturæ x z singulæ palmulæ subditos sibi habeant paxil-
los, qui palmulis tastaturæ secundæ contignationis, seu Claviario
Clavicymbali innitantur; palmulæ verò huius secundæ conti-
gnationis alios sibi subditos habeant æneos stylos, qui platisma-
tis Organi interioribus in tertia contignatione insistant. Sic e-
nim fiet, ut dum palmulæ superioris exteriorisque tastaturæ pre-
muntur, eæ depresso deprimant per paxillos suos palmulas tastat-
uræ Clavicymbali, quibus insistunt; & hæc pressæ, per subditos
sibi æneos stylos premant in tertia & infima contignatione orga-
ni pneumatici platismatia, quibus etiam insistunt; hæc verò plati-
smata per stylorum pressuram aperta, collectum ventum intra
tubos organicos admittant, & sic organica sequatur sympho-
nia.

Vt verò αὐτοφάνως consonent singula, sic procede. Rota re-
finaria NG eā prorsus ratione moveatur, quā aut per laminas vio-
lenter intra cylindrum contortas, aut per appensa pondera, aut

denique per aquam perennem, rotas moveri posse, partim docuimus, partim insinuavimus. Rota autem hæc mota, dum chordas supremi Instrumenti radit, insolitus quendam sonum edet; atque una per rotam intermedium phonotacticum cylindrum moyebit, dentium se mordentium mutuâ connexione; dentes verò in cylindro phonotactico circumacto harmonicè dispositi, linguas extremas palmularum Claviarij Q R apprehendentes, deprimentesque manubriis ST chordas ferentibus harmoniam efficiunt, concentumque omnis generis chelyum, lyrarumque hæ palmulæ iterum per subditos sibi paxillos palmulas clavicymbali in secunda contignatione latenter prementes, juxta triplicem Registrorum ordinem, triplicem symphoniam ex cymbalis, harpis, tubisque conflatam exhibebunt; palmulæ denique Clavicymbali per ferreos stylos sibi subdita platismatia organi in tertia contignatione latentia prementes, ventum intra tubos immittent, qui juxta variam Registrorum dispositionem, nunc fistularum, nunc Regalium, nunc tibiarum, aliorumque instrumentorum concentum reddent; quem & variè juxta Registrorum directionem mutare poteris, ita ut jam Symphoniam chelyum, mox harparum, tubarum, cymbalorumque, paulò post organi, fistularumque omnis generis, demum ex omnibus variè commixtum concentum percipias; atq; adeo in uno instrumento omnis generis instrumenta musica, nullo dictum instrumentum pulsante, exhibebuntur. Folles tamen pro organo elevari debent vel manibus, vel alio automato artificio, juxta dicta supra Machina 1. Pragmat. 4.



M A C H I N A X.

Cista pneumatico-harmonica autophona, solo vento harmoniosum sonum edens.

*Cista pneu-
matico har-
monica au-
tophona.*

Quæ sequitur Machina, ab Athanasio Kirchero primùm inventa, uti est nova, ita sonum edit prorsus novum, & quodammodo Consono dissonum, sed oppidò jucundum, ut lèpè nō minori gustu, quam admiratione percepi in meo, & dicti Kircheri cubiculo. Instrumentum autophonum est, nullo tamen rotarum, folium-

Part: II. Iconismus XXXV. pag: 439.



175

Iiumvè, aut cylindrorum phonotaeticorum ministerio in sonum animatur, sed solo vento chordas eius vibrante; unde non auditur, nisi ad cubiculi fenestram, aliumvè locum angustum colloetur, ubi ventus in transitu suo coarctatus cum quadam violentia chordis illidatur. Silet quamdiu fenestra fuerit clausa; mox verò ac ea aperta fuerit, harmoniosus quidam sonus derepente exortatur, summâ audientium admiratione, ita autem construitur.

Fiat ex tabulis pinneis resonantissimis, ex quibus fidicina instrumenta confici solent, Cista A B V C D E S, quinque circiter pal- mos longa, duos lata, profunda uno, undiq; clausa, probeq; compaeta, relictis tantum in superiori superficie A B V C duabus tribus- vè rosis, prout in chelybus fieri solet. Hæc cista ita constructa instruatur quindecim, aut pluribus paucioribus vè æqualibus chordis ex animalium intestinis, quæ in B V clavis alligentur, in A C verticellis complicentur, atq; tendantur, suppositis priùs binis pontibus seu fulcris, K, & B V. Chordæ omnes concordentur in unisonum, aut octavas. Locus instrumenti, non in libero aëre; sed in loco clauso, ut dicebam, esse debet, ita tamen, ut ventus constrictus vtrimeq; liberum aditum abitumque habeat. Ventus porrò constringi potest sequenti modo.

Ad conclavis alicuius fenestram fiat ex tabulis receptaculum Vide Ico- R F V D N S, habens ponè rimam s N, antè verò valvas E F, & B V C D; nis. XL IV. Hæc Machina ita statuatur, ut receptaculum sit intra Conclave, Fig. III.. valvæ verò extra. A tergo ad rimam s N affigatur instrumentum SONR paulò antè descriptum, itaq; obliquo situ prædictæ rimæ s N obvertatur, ut ventus per valvas collectus, & intra angustias receptaculi constriccius, elapsusq; per rimam, feriat omnes chordas instrumenti SONR: si enim Instrumentum habuerit situm ad tabulas receptaculi laterales parallelum, non adeo felicē habebit successum; si verò, ut dixi, ita obliquatum fuerit, ut omnes chordæ vento expositæ sint, & ab ipso feriantur, optimum successum sortietur. Nam juxta ventilebitatem aut vehementiam, mira intra cubiculum harmonia excitabitur; subinde omnes chordæ simul, subinde aliquæ tantum in principio, mox omnes simul tremulgi quendam sonum instar hydraulici organi, interdum avium can-

tum,

tum, nonnunquam concentum fistularum, aliosq; peregrinos sonos expriment. Quod si industriâ quapiam Instrumentum occultetur, res erit omnino admiratione digna, cùm nemo suspicari possit, unde huiusmodi sonus proveniat, aut quod Instrumenti genus illum edat, aut quâ manu, quo folle, quo artificio harmoniâ efficiat. Si repente omnes Conclavis portas ac fenestras, per quas ventus liberum transitum nanciscebatur, claudas, sonus omnis è vestigio silebit; mox verò vel ad unam fenestram apertâ redibit.

ANNOTATIO I.

Absque predicto receptaculo & valuis haberi potest idem harmoniosus sonus, si instrumentum obliquo predicto situ statuatur in Conclavi ad fenestram aliquam, & apertâ oppositâ fenestrâ aut portâ, per quam ventus transeat, ita constringantur valvæ illius fenestrae, ut ventus constrictus per aperturam irrumpens feriat chordas instrumenti. Et hoc modo Kircherus ac ego illud statuimus, & in sonum animamus. Editur sonus quandoque tam vehemens, ut totam domum, & vicinas etiam plateas impleat, cum omnium stupore.

ANNOTATIO II.

Si quis huiusmodi harmoniosum sonum vellet continuare in perpetuum, is apparare posset Machinam in turris alicuius patente loco, curatione accommodatam, ut in morem aplustri seu indicis ventorum ad eum ventum, qui actu spirat, versaretur: sic enim concepto aëre animata, suapte sponte ad quemcunque ventum semper resonaret.

ANNOTATIO III.

Si verò velis, ut predictus harmoniosus sonus in alto aëre cum stupore audiatur, piscem, vel draconem volantem, ex levibus arundinum segmentis, & chartâ superinductâ, ita adornabis, ut ad utrumq; latus chordæ ad aquisonum extendantur, quem mox ut liberiori auræ commiseris, fune sive attracto, sive laxato, magno semper impetu chordæ cum intento Musicae effectu excitabuntur. Quod si loco draconis Angelum volantem formes; tanto prodigiosius spectaculum præbebit Machinamentum, quanto sonitus insolentior fuerit rarius. Innumera alia excogitari possunt, ope huius Instrumenti efficienda; qua solerti Artifici relinquimus.

EXPE-

**EXPERIMENTUM NOVUM
MAGDEBURGICUM,**

*Quo vacuum aliqui stabilire, alij evertere
conantur;*

Inventum primò Magdeburgi
à

Prænibili & Amplissimo Domino

**OTTONE GERI-
CKE URBIS ILLIUS CON-
SULE; PERFECTUM VERO,
& novis additamentis auctum Her-
bipoli in Arce Ducali & Epi-
scopali**

**MARIÆ VIRGINI
sacrâ.**

*EXPERIMENTUM A FUNDAMENTIS explicatur; variorum doctorum Virorum iudicia de eo afferuntur; Vacuistarum & Aristotelicorum argumenta examinantur, & cruditis ulterius ventilanda propo-
nuntur.*

Kkk

Viro



Viro admodum Reverendo

P. ATHANASIO KIR- CHERO,

Suo in Mathematicis Præceptorí omni ob-
servantia colendo,

P. Casparus Schott è Societate JESU

S. D. P.

Vltimum Te in hoc meo Opusculo compello,
Pater & Præceptor Reverende, qui primus
esse debueras, ob Tuum erga me meritum,
meum erga Te affectum, utrumq; maximum, utrumq;
ανεκφάνητον. Stillam ad Te derivo, cui aqua omnis,
omnes fontes debebantur, utpote Mari è quo fluxere.
Mare es, & Mare immensum, ob eruditionem exi-
miam, omnigenam, inexhaustam, Orbe toto notissi-
mam. Huic ego Mari assidens annis nō paucis, primum
quidem Discipulus in hac alma nostra Herbolensi

Univer-

Universitate, Romæ deinde in re Litteraria Socius, eò
usque prolii labra mea, ut aquas eructare, fontes for-
mare sim ausus. Ad Te ergo redire debebant aquæ
Et fontes omnes, Et verò etiam rediissent, nisi ad
Fontem alium, FONTEM SPECIOSUM,
Et suâ sponte, Et Tuò etiam suasu inclinassent. Pa-
tieris tamen, ut vel hoc ultimum stillicidium ad Te
derivetur, Experimentum inquam novum de Vacuo,
duplici titulo Magdeburgicum, Et quia Magdeburgi
inventum, Et quia in Arce nostra Mariæburgica
perfectum, At vacuum mihi offers, inquis? Imò
minimè vacuum Tuò etiam calculo; affectu certè, Et
Tibi gratificandi animo plenissimum, Et vel hoc no-
mine Tibi non ingratum, quod ab EA nomen ha-
bet, à qua Tu olim sanitatem, Et cum sanitate do-
ctrinam accepisti. Vale Pater Et Preceptor Colen-
dissime, Et studiis meis favere non desite.

Heripoli 2. Maij

1657.

Kkk 2

LE.

Experimentum LECTORI MEO.

Experi-
menti hy-
diargyri
Auctores,
& Scripto.
tes.


Experi-
menti novi
Auctor.



*V*anto cum applausu Mundus Litteratus suscepereit atque suspexerit Experimentum illud novum Hydrargyri tubo vitreo inclusi, aliquor ab hinc annis in Italia primum ab Evangelista Torricello excellenti Mathematico, deinde in Polonia a P. Valeriano Magno repertum ac promulgatum; testantur tot Virorum doctissimorum scripta quibus id ventilant, Marini inquam Mersenni, Athanasii Kircheri, Nicolai Zucchi, Pauli Casati, Valeriani Magni, Emanuelis Magnani, Harstorfferi, Chydri, Cornaei, & aliorum; quorum alij vacuum inde stabilire, alij evertere, magnis ausibus co-
nantur, & adhuc sub judice lis est. Aliud hic Machinamentum, priore ut operosius, ita longè ingeniosius, in medium produco. Auctor eius est Prænobilis & Amplissimus Dominus Otto Gericke, Patricius & Reipublicæ Magdeburgensis Consul, eiusdemque ad universales Pacis Tractatus Monasterii & Osnabrugi Legatus. Excogitavit is paucos ante annos Machinam eo animo & fine, quem ex ipsiusmet verbis infrà afferendis intelliges; obtulitq; Ratisponæ in nuperis Comitiis Imperialibus Eminentissimo Principi Johanni Philippo, Archiepiscopo Moguntino, & Herbipolensi Episcopo, qui eam in Arce sua Herbipolensi asservat, ubi non semel, eodem Eminentissimo Principe praesente, artificium totum vidi, examinavi, scriptis mandavi, Viris litteratis Ro-
ma & alibi communicavi, & eorum judicium exquisivi; nec ullus est qui Auctoris ingenium non laudet. Sunt qui huiusmodi Machinamen-
to vacuum (quod haec tenus phantasma fuit sive tentasse, sive sperasse, ob-
sistente in vulnerabili, vel ab Angelo, plenitudine Naturæ) modis omnibus
evincere tentant; alij verò non alio efficaciùs quàm hoc ipso Experimen-
to eliminari id posse autumant, dum cernunt manifestè Naturam, vim
licet extremam ab Archiprincipiis ingenij Machina Tertricis antliae pa-
tiatur, artem & conatum hominum eludere omnem. Machinam ipsam
quà verbis, quà picturâ subjicio, pugnantium utrumque argumenta affe-
ro, judicem Lectorem meum constituo, si modo nullà præoccupatus opinio-
ne accesseris.

S. 2. 2. 2.

§. I.




Ex
me
dia
Au
&
ics

Ex
me
Au







And. Frölich. sculps.

§. I. Experimentum quomodo fiat.

Vas est vitreum c, eximiæ capacitatis & spissitudinis, in Recipientis formam, ut appellant, elaboratum; cuius collo A B adglutinatum est, singulari Arte & firmitudine, epistomium orichalcinum A B D, habens versatilem clavem E. Est præterea tubus seu siphon ex orichalco firmissimus F M N, utrumque in & M N apertus, ac præterea in dorso ubi G; quem tubum ego ab effectu antliam pneumaticam appello, quoniam aëri è vase C extrahendo est destinatus; habetque intus bina assaria, seu ut nostrates appellant, ventilia, I, & H; quorum prius aperitur versus I, clauditur versus D; posterius versus G aperitur, & clauditur versus H. Manubrio L pistilli K L alligati sunt duo funes, ut dum extrahitur, à pluribus apprehendi possit. Implantata est hæc antlia firmissimè cuppæ ligneæ, ut Figura monstrat. Cùm igitur Experimentum exhibere re ipsâ volunt, implet totam cuppam aquâ, & Recipientis c collum A B D immittunt intra orificium F antliæ pneumaticæ, ita ut totum epistomium unâ cum clavè E immersum sit aquæ intra cuppam contentæ. Deinde convolutâ clave E aperiunt epistomium, & duo validissimi viri arrepto manubrio L cum ligaculis agitant antliam, extrahendo atque intrudendo pistillum L K. Quod cùm extrahitur, aperitur assarium I, versus I (clauso interim manente assario H) sequiturque aëris vasis C, per orificium D, receptus intra antliam pneumaticam; cùm verò retruditur pistillum, clauditur assarium I, prohibetque regressum aëri intra Recipientem; interim verò aperitur assarium H; & aëris ab embolo K presus violenter erumpit ex orificio G aquæ itidem immerso. Hæc pistilli agitatio continuatur per duas, tres, aut plures horas, pro maiori aut minori capacitate vasis C: plura enim huiusmodi vasa habent, quorum unum mensuras Herbi polentes continet 32. circiter, alterum 27, tertium 20, quartum 3. aut 4, præter propter. Ac principio quidem facilis est antlæ agitatio; paulatim verò crescit difficultas extractionis pistilli,

Kkk 3

candem-

Vide Iconis LV.
Fig. I.Experimentum
norum
quomodo
fiat.Antlia
pneuma-
tica.

tandemque tam redditur difficultis, ut duo robustissimi juvenes ad sudorem usque adnitentes vix extrahere illud amplius possint, nec prohibere quin sponte relabatur intus, ac cum impetu & sonitu illidatur ad partes 1. Hac igitur ratione evacuatur paulatim recipiens c, & cum ad dictam extrahendi difficultatem ventum est, aiunt totum jam extractum esse aerem, totumq; vas esse evacuatum, vel ut nonnemo lepidè, serio tamen ait, effutatum. Revoluta igitur versatili clave E, claudunt diligenterissimum epistomium, refuguntque Recipientem ab antlia, & immungunt ad collum AB usque intra aquam limpidissimam x, convolutaque denuò clave E iterum aperiunt: & ecce, magno impetu atque tumultu ebullientis aquæ instar, vel fontis potius copiosissimi è vena terræ erumpentis, irrumpit aqua inter vas per collum (non tamen sine bullis & copiosa spuma) idque paulatim ad summitatem usque replet. Ac primò quidem cum Experimentum hoc in Recipiente 27. mensurarum capaci sumpsissent, ingressæ sunt mensuræ 26. & tres quartæ: iterū cum idē tentassent cum alto minore Recipiente 20. circiter mensurarum capace, adeo repletus is fuit, ut vix spatium quod avellana nux repleret, remanserit aquâ vacuum; quod tamen spatium aer replebat in sphærulam conglobatus, qui & ad aquæ motum huc illuc manifestè discurrebat. Nunquam tamen rem eò deducere potuerunt etiam minore Recipiente adhibito, ut omnem excluderent aerem, mea in præsentia. Pauxillum id aeris dicebant esse illud, quod in epistomii collo, à D usque ad clavem E, nindulare statim incipit, dum ab antlia refixum vas ad aquam x usque, cui immersi debet, defertur; sperabantque se illud quoque excludere posse; quod & factum asserunt alio tempore me non præsente. Alias etiam vas maximum 32. mensurarum, antequam aer extraheretur, ad stateram examinarunt; & factâ extractione cum iterum ponderassent, repererunt id minus ponderare lotones 2, cum tribus quintis, 2³, seu unciam unam cum tribus decimis, 1³. quod sancte luculentissimum est argumentum, ac nescio an alias tam luculenter visum, gravitatis aeris. Hoc etiam notatum

Vide Ico-
nismi LV.
Fig. II.

Aëris gra-
vitatis fe-
gnūm evi-
dens.

tum fuit, si vase c. evacuato aperiatur epistomium extra aquam, tantā vi irrumperet externum aërem in vas, ut hominem ex opposito stantem ad se rapere possit. Nonnemini digitum admoventi cutem cum carne pænè abstraxit. Alius mihi notus aperitum os suum satis eminus admovit, & confessim deficiente spiritu manibus signum, ut se amoverent, dedit, ipse ad abscedendum impotens factus. Notandum hīc, ab Auctore Experimenti, & primò etiam à nostris hīc Herbipoli, Recipientem c. non in cuppa, sed extra cuppam in tabulato supra ipsam perforato dispositum fuisse, tubo quo longo à Recipiente ad antliam usque deducendo connexum. At postea convenientius judicarunt dicto modo omnia disponere.

§. II. *Experimento jam invento quenam de novo addita Herbipoli.*

Quæ retuli hucusque, à primo etiam Experimenti Auctore Experi-
mento novo
quenam
deinde ad-
dicta.

Tentata antea, atque in opus deducta fuere. Quæ sequuntur, nostri in Herbipolensi arce repererunt, vel potius inventis addiderunt. Auctoris tamen mentem circa hæc infrà aperiemus §. 7. dicta. ubi ait Auctor se omnia hæc dudum Ratisponæ exhibuisse. Implementum totum vas c. aquâ, & clausum diligentissimè imponunt orificio Fantliæ pnevmatiæ, ut antea, aquis intra cuppam implantatæ; ac deinde agitatâ antliâ extrahunt violenter aquam è vase c. eâdem in principio facilitate, difficultate in fine, quâ aërem antea extraxerant. Nunquam tamen totam aquam hactenus extrahere potuerunt, vel difficultate fracti, vel ut ipsi obtendunt, assarij i. non bene clausi vitio. Refigunt deinde ab antlia epistomium, & aquæ x imponunt usque ad collum A B, ut antea, & eundem esse cùm tumultu subsultantis aquæ experiuntur, nisi quod copiosior spuma, & plures bullæ excitantur. Nec tamen efficere possunt, ut totum vas aquâ iterum repleatur, ut antea erat. Alius ut ostendat, aërem solo calore, non verò violentâ extractione è vase, rarefieri atque extenuari, apertâ epistomij clave copiosum fumum immittit intra vas c; qui quidem

dem aquam penetrat, & supremæ eius superficiei incumbit, minime verò vasis superiora petit, ut ipse assiterit: cùm primùm verò linteo calido vas involvit, attenuatur fumus, & superiora petit. Ego tamen contrarium fieri expertus sum. Idem asserebat, fumum aquæ primùm incumbentem, postea verò per vasis inanitatem, ut rebatur, dispersum, minime descendere, dum per ultiorem antliæ agitationem aqua iterum extrahebatur. Nos tamen manifestè vidimus, fumum & moveri supra aquam, & descendere.

Vide Ico-
nismi L.V.
Fig. III.
Cacabu-
evacuato-
rius.

Alius qui curam operis habet, & cùm Amicis aut Doctis ostendendum est Experimentum, evacuandum vas c, vel ut ipse loquitur, etatuandum curat, ut citius peragere id possit, hanc excoxitavit artem. Cacabum fecit æneum A B ingentis magnitudinis, & aliquoturnarum capacem, instructum infrà epistomio K M L, suprà verò tubo C D, & clave versatili I. Huic tubo adferruminata sunt alia duo vascula, E F, & G H. Cacabi huius epistomium K M L inserit antliæ pneumaticæ orificio F, ad eum modum, quo inseritur Recipientis c, ita ut totum epistomium K M L aquæ intra cuppam sit immersum. Claudit deinde firmissimè tubum superiorem C D, convolutâ clave I; & ut omne irruptoris furtivè aëris periculum avertat, utrumque vasculum, E F, & G H, replet aquâ, ut tam clavis I, quam orificium D, aquis tegatur. Agitatâ deinde per aliquot horas continuas antliæ pneumaticâ, evacuat cacabum, non secus ac Recipientem c antea evacuabat. Evacuatum diligenter communis contra aëris ingressum, & conservat in adventum spectatorum. Quibus præsentibus, imponit vas c, seu aëre, seu aquâ plenum, orificio D tubi DC, repletis priùs aquâ vasis E F, & G H. Aperit deinde clavem cacabi I, & clavem Recipientis E; & statim cacabi inanitas prolicere ad se incipitaërem, aut aquam Recipientis. Interfui ego, cùm totum vas c aquâ repletum imponebatur cacabo. Quamprimum ergo apertum fuit epistomium utrumque, Recipientis inquam & cacabie evacuatorij in I, simul delabi cæpitaqua Recipientis in cacabum, simul è cacabo ascendere in Recipi-

Recipientem bullæ infinitæ, & radij quidam perlarum instar lucidissimi & frequentissimi, & post longam agitationem bullæ adhaerebant uni Recipientis lateri lucidissimarum perlarum instar; nec cessavit hic aquæ & bullarum radiorumque conflictus, quamdiu duravit aquæ in subjectum cacabum vel lapsus, vel attractio. Post horam integrum, cum necedum detracta fuisset aqua, remotum fuit vas c, epistomio eius priùs clauso, & aquæ limpidissimæ x, ut alias, impositum; & nihilominus aquam fontis instar irrumptentem cum tumultu & spuma spectavi, quamvis non tantâ copiâ ut antea, quando per antliam fuerat extracta aqua ex vase c.

§. III. *Argumenta ad stabiliendum vacuum ex hoc Experimento sumpta.*

ADerant, cum dicta exhibebantur Experimenta, Viri aliquot doctissimi Democritici partim, seu mavis Vacuistæ, & partim Peripatetici, quorum illi pro actuali vacuo, hi contra pugnabant, utriusque argumentis ex eodem Experimento hoc novo desumptis.

Vacuistæ ita arguebant I. Aér è vase c post exantlationem extractus est, quia minùs ponderat vas quam antea, & totus extractus est, quia post longam agitationem antlia agitari amplius non potest, antea verò poterat; utique non alia de causa, nisi quod antea semper erat aliquid aëris quod trahebatur, post nihil est super quod trahatur; Ergo in vase est actu vacuum. II. Dum extrahitur aqua è vase c, pars vasis superior destituitur aquâ, & aér nullus ingreditur, quia collum vasis est aquæ immersum, & contra omnem aëris ingressum munitum; Ergo nihil est supra aquam vasis c, ac proinde vacuum in eo est. III. Post utramque exantlationem, aëris inquam; & aquæ, vas aquæ immersum repletur, aquâ sursum ascendeat; Ergo nullum erat amplius in vase corpus, ac proinde nec aér, alioquin daretur penetratio corporum. Vacuum ergo actu datur.

§. IV. *Argumenta ad evertendum vacuum
ex eodem Experimento de prompta.*

*Experimentum novum
quæ argumen-
ta ad
vacuum
negandum
submini-
stret,*

*Maxem ra-
refieri ex-
tractione
à vase.*

Peripatetici contrà se hisce Experimentis & argumentis minimè victos rebantur, ut ab Aristotelis sententia tot jam saeculis propugnata in scholis, tot auctoritatibus, rationibus, experientiis stabilita, atque hoc Experimento confirmata, recedendum putarent. Patentur aërem extractum è vase, & quidem magnâ copiâ, totum extractum esse, pernegant. Rarescit violentâ extractione, inquiunt, aët intra vas, & eò usque rarescit, donec ad limites à Deo & Natura sibi præstitutos perveniat, si extractio continuaatur; quos limites ubi attigit, cesset pistilli agitatio, & ulterior extractio, necesse est; aut si majori vi adhibita continuetur, frangi oportet vas potius, quam vinci Naturam vacuum abhorrentem. Posterius hoc probant exemplis, quæ attuli super Par. I. Protheoria I. & aliis multis; prius verò hac ratione. In exantlationis initio nulla sentitur difficultas, quia multum inest vasi aëris, qui facile rarescere potest, & vas implere: crescit deinde paulatim difficultas, quia minus inest aëris, qui ut vas impleat, magis rarescere debet: ergo dum maxima incipit esse difficultas, minimum aëris est, & maxima est facta rarefactio; ergo tam diu continuari extractio potest, quam diu potest rarescere aëris, & non amplius. Non ergo præcisè aëris est qui tractioni resistit, alioquin quo plus aëris inesset vase, eò major deberet esse resistentia, ac proinde major in principio quam in fine: Ergo rarefactus aëris, & Natura, seu corporum contiguitas, resistunt omnimodæ extractioni, non vacuum, quod nullib[us] est.

Confirmant I. quia parum illud aëris, quod in vase globuli instar conspicitur, postquam aqua sursum ebulliente repletum fuit, est ille ipse aëris rarefactus qui antea vas totum implebat; qui deinde subingrediente aqua paulatim ad suum statum naturalem reducitur, & conglobatur. Neque enim verum est quod Vacuistæ dicunt, esse aërem illum qui antea intra epistomium vase c. nidulabat hic enim expellitur, dum vas intra aquam x immersatur.

Con-

Confirmant II. quia quando aqua in vas c. evacuatū, ut Vacuistæ putant, irrumptit, excitatur intus spuma & bullæ; hæ autem oriuntur ex pugna aquæ & aëris præexistentis in vase, tametsi rarissimi; ipsi enim Vacuistæ fatentur, cum aqua nihil aëris subintrare; quod an verum sit, ipsi viderint.

Opponunt Vacuistæ, aërem non posse rarefcere extractione, sed solum calore. Probant, quia fumus intra vas c. intromissus non rarefcit, nisi calidis pannis admotis, etiam si continuetur extractio aquæ.

Debole enim verò argumentum. Condensatur aër non solo frigore, sed etiam pressione & intrusione, ut patet in aliquibus fontibus pneumaticis, aliisque Machinis, quas suprà Par. II. Classe I. Cap. 3. dedimus; & etiam in fistulis æreis Martialibus, si foramine igniario occluso intrudere tentas violenter pistillum fistulæ cavitatem exæctè implens: si enim aër elabi non potest, comprimitur, & aliquò usque pistillum ingreditur, quamvis deinde cum aër ad summam densitatem, quam pati potest, redactus est, nullâ vi ulteriùs intrudi possit. Cur ergo non poterit rarefieri tractione, eò usque, donec perveniat ad summam raritatem, quam potest pati? An non quando aliquid tantum aëris extractum est, minus est intus quam antea in vase c. & tamen totum repletas; ergo rarefactus est aër per solam tractionem. Nisi velimus dicere, ad primum tractum incipere vacuum, & paulatim crescere; quod Democritus, Leucippus, Epicurus, Hero Alexandrinus, & alij olim dicebant, qui vacuola, ut ita dicam, rebus omnibus interspersa agnoscebant, prout suprà fusè explicavimus Par. I. Protheoria I. Sed hoc ipsum est, per illos, aërem rarefieri. Tractione ergo etiam rarefit aer, & non solo calore. Ad id de fumo aiunt Peripatetici, illum etiam tractione rarefcere, ut apertè vidimus, dum post tractam aquam descenderet, & in vitro vase c. agitaretur.

Hæc & alia plura tum in utramque partem afferebantur, quæ fusiùs & doctè in peculiari de hac re Diatribâ infrà §. 9. allatâ disputat P. Melchior Cornæus, in hac Alma Herbipolensi Universitate Theologiae Professor, qui & ipse non semel m̄ecum spe-

etavit, examinavitque diligentissimè, Experimentum de quo agimus. Idem, cùm primùm videram, Romam perscripsi ad P. Athanasium Kircherum, aliosque Viros doctos & amicos, ut eorum exquirerem sententiam; qui omnes cum Aristotele contra Vacistas sentiunt. Inter alios hæc ad me scribit P. Kircherus.

§. V. P. Athanasij Kircheri de novo Experimento judicium.

*Kircheri
judicium
de novo
Experi-
mento.*

Reverende in Christo Pater. Experimentum de vacuo R. P. Assistenti missum vidi, & diligenter examinavi. Et oppidò sanè miratus sum, quid in mentem tñenerit istiusmodi hominibus, ut vacuum ibi afferere ausint, ubi non vacuum esse vel ipsa Experimenta sat superque docent. Experimentum enim, dum tantam difficultatem experiuntur, tantum abest ut ibi vacuum esse demonstret, ut potius ibi non vacuum esse nulla meliori ratione ostendi possit. Si enim vacuum est ibi, quæro, quid faciat tantam difficultatem? Certè non aër, quia inde extractus est; Ergo nihilum illud, quod post aëris extractionem relictum est: Sed nihilum resistentiam facere, quis concipiat? aut quis in Philosophia unquam audivit? sed dicunt, pauxillum illud aëris in orificio relictū, ob summum appetitum quo vacuum illud explere desiderat, hanc resistentiam facere. Sed quis nescit, corporum continuatione semel interruptā (quod ego humana virtute fieri non posse judico) uti tantillum aëris ad replendum spatiū potentiam non habet, sic nec appetitum? Resistentia itaque & reluctantis Nature impetus potius in refactionem aëris, quam in aliam rem conferendus est, ut centies ego in similibus Machinis expertus sum. Placent autem ratios à tobis adductae, & veritatem de vacuo non dando aper-

te de-

tè demonstrant. Sed doleo non mihi tempus superesse, ad totam machinationem ex fundamentis confutandam. Quare id Reverentia Vestra, & Patri Cornæo relinquo discutiendum. Reverentia Vestra opportunissimè id præstare poterit in Hydrostatica, ubi de vacuo tractat. Cæterum salutat Reverentiam Vestram P. Valentinus Stansel Socius meus, ac is quoque in Hydrostatica versatissimus, eandemque quam R. V. jam sub prælo habet, materiam publicæ luci dare constituerat, sed præventus à R. V. à proposito suo desistit. Interim non deerit ipsi alia materia, in tanta argumentorum varietate exagitanda. Sed R. V. non omittat reciprocum cum eo negotiationis litterariæ commercium instituere; fiet enim utriusque bono. Vale, & me ama. Romæ 26. Februarij 1656. R. V. servus Athanasius.

§. VI: Litteræ Auctoris Experimenti, eiusdemque ad varia quæsita re- sponsio.

Duo platismatia seu ventilia in pneumatica Antlia esse dispo-
sita afferui, quoniam ea abundè sufficere mihi persuadebam. At quoniam alii, etiam doctissimi Viri, qui Experimentum par-
tim dirigeant, partim spectabant, plura, aliterque ac ego descri-
psi, disposita inibi asserebant, nec impetrare poteram ut Antlia
aperiretur; Auctori ipsi scribendum censui, ejusque mentem ex-
plorandam; qui pro sua singulari humanitate in sequentem mo-
dum respondet.

Admodum Reverende &c. Domine & Amice. Ad Litte-
ras suas Heriboli 4 Junij N.S. datas, & 14. ejusdem ac-
ceptas, hæc respondeo. Inventum meum è propriè collimat,
ut demonstrem, aërem aliud nihil esse quam fumum seu evaporati-

tionem Terræ, qui eam certo ac determinato pondere circumstet, omnia nullo alio corpore repleta penetret, & cum Terra ipsa tam motu diurno quam annuo moveatur, cumque eadem unum veluti corpus efficiat. Hoc ut ostenderem, varia adhibui Experimenta, nullum tamen ex omnibus deprehendi aptius, quam quod Reverentia Vestra apud Eminentissimum Electorem Moguntinum spectavit; antliam videlicet duo habentem ventilia, per quorum unum aër introtrahitur, per alterum verò expellitur. Tametsi jam omnia longè melius, quam tunc, ordinaverim. Usus atque utilitas dicti Experimenti brevissimè est quæ sequitur.

Experimen-
tum novū
quid utili-
tatis affe-
ras.

I. Deprehenditur, quanta sit gravitas aëris nos circumstantis; & quantam in altitudinem propellat aquam intra evacuatū tubum.

II. Si vitro sphærico evacuato superponit firmiter aliud non sphæricum, ut aër ex hoc violenter in illud attrahatur; contrahitur quasi in se vitrum non sphæricum, & in mille frusta magno fragore disrumpitur.

III. Ponderare possumus aërem vitro conclusum: quantò enim levius est vitrum post aërem extractum, tantum ponderabat aër antea in eo contentus. &c. g. Recipiens quo Pharmacopœ in distillandis aquis vituntur, post extractum aërem tribus aut quatuor circiter lotonibus levior est, prout R. V. apud Eminentissimum Electorem Moguntinum viderit.

IV. Veram ac propriam causam ventorum & nubium ex eodem Experimento deprehendimus, dum ventus in vitris clausis agitatur, cumque deinde nubes subsequuntur. Quæ

omnia

*omnia, aliaque plura ab eo tempore, quo apud dictum Eminen-
tissimum Electorem fui, melius certiusque deprehendi.*

*Cæterum quoniam varij rerum curiosarum Amatores me-
cum de dicto Experimento per Litteras egerunt, variaque re-
sponta extorserunt; existimo ea, præsertim quæ præstanti Philo-
sopho cuidam non ita pridem communicavi, non contraria fore
ijs quæ R. V. imprimenda curat; ideoque pauca quadam hic
addere, eidem gratificandi studio, non detrectabo, &c. Hisce
divinæ protectioni nos ambos commendans, maneo*

Adm. Rever. Dominat. Vestræ
obsequentiſſ. S. & A.

Otto Gericke.

Magdeburgo die 18. Junii Anno 1656.

*Ad varia quæſita responsio Auctoris
Experimenti.*

Varia variis temporibus, ea que subtilissima interrogata, à ma-
gno, ut apparet, Philosopho proposita fuere Doctissimo Do-
mino Auctori prædicti Experimenti; quibus ipse ingeniosissimè Experi-
menti novè
Auctori
responſio ad
varia quæ-
ſita.
respondet, & solidè solvit, ea que libenter hīc posuiflem ad verbum, ni prolixior eſte, quām par eſt, noluiflem. Erit aliàs fortassis occasio id opportuniūs præstandi. Nunc ex omnibus pau-
ca, & ad quæſtionem de vacuo potissimum, de quo agitur hīc, pertinentia brevissimè perſtingam.

I. Aſſerit, Aērem ex aqua oriri, idque apparere ex eo, quod si vitrum aquā repletur, ea que deinde extrahitur, manifestè vita-
les spiritus (ut vocat ipſe) qui prius in aqua inviſibiles delituerant,
bullarum instar ascendant, ſuperioremque locum oecupent, &
evanescentes ex oculis in aērem abeant.

II. Aē-

II. Aëri è vitro extracto nihil succedere, sed remanere id quod antea erat ibidem cum aëre, nempe æthera. Quid verò ætheris nomine intelligat, non explicat, nisi quod dicat, corpora cœlestia omnia, ipsamque Terram in æthere stare atque subsistere. Alibi etiam statuit, æthera & vacuum idem esse, ideoque quia æthera concedit dari, vacuum dari fateatur necesse est.

III. Hic in Terra, & intra totam Aëris sphæram, nullâ humana industria fieri posse vacuum, nec Mathematicum, nec Physicum. Rationem adsignat hanc: Quia aër secundum certam gravitatem ubique circa nos consistit, & aqua spiritibus vitalibus fæta est; quocunque igitur modo vacuum efficiendum tentetur, semper aliquid penetrat; quod tametsi tam exiguum sit, ut vix aciculæ nodum adæquet; aliquid tamen est.

IV. Si è vitro aquâ pleno aqua extrahitur, ut nullus interea aër succedere queat, oriuntur in aqua multæ bullæ sursum tendentes, quas puto (ait Auctor) aërem esse.

Hæc pauca ex multis sufficient. Ex cæteris responsionibus Auctoris colligo, eum etiam omnia illa Experimenta exhibuisse jam dudum, & etiamnum exhibere, quæ suprà dixi inventa seu addita esse in Arce Herbipolensi. Colligo præterea, eum non favere Vacuistis, qui ex hoc Experimento suam de vacui nō solùm possibilitate, sed actuali ac visibili, ut ipsi loquuntur, existentia opinionem stabiliri tantopere contendunt.

§. VII. Ejusdem Auctoris responsio ad nostrum quæsitus.

*Experi-
menti novi
Auctori* Inter alia quæsita Experimenti Magdeburgici Auctori à præfato Philosopho proposita, unum est; *Cur intra vitrum, è quo aër responsio ad dicto superius artificio extractus fuit, si aperiatur, tanto cum impetu aër nostra qua-* aut aqua irrumpit, ut momento ferè repleatur? Respondet Auctor causam esse gravitatem aëris, aërem & aquam extra vitrum circumstantis, & suā gravitate prementis. Sicut enim, addit, in locum aut spatiū evacuatū quodcumq; si aditus patent, irrumpit necessariò quodvis cor-

pus

pus circumstans, si prematur, aut propellatur, dummodo cedere possit; ita si evacuatum vitrum aperiatur, necessario aér aut aqua circumstans irruere debet, quia premuntur ab aëre incumbente, & possunt cedere. Et tanto quidem impetu irrumpit aér, inquit idem, ut nisi paulatim laxetur aditus, vitrum ob impetum irrumpentis aëris dissiliat. Quod ait non semel sibi contingisse, ita ut vitri fragmenta ad laqueare usque salierint, non sine oculorum periculo.

Afferuerat Auctor, quām gravis, vel potius quām fortis, & in pre-
mendo vehemens sit aér nos circumstans, deprehendi posse accuratissime
in diante aquā certo instrumento inclusā. Petivit Philosophus Ex-
perimentum aliquod, quo id deprehendi queat. Respondit
Auctor in hunc modum. Si tubus vitreus, aut mixtus ex vitro &
cupro tubo coagmentatus canalis fiat, 30. 40. 50. aut plurium ulnarum
altitudinis, & ex illo aér arte suprà dictā extrahatur, facile conīci po-
test, si deinde aperiatur, aquam sine mora loco extracti aëris ingressuram.
Imponatur igitur dictus tubus aut canalis erectus perpendiculariter
aqua, & intra aquam aperiatur; apparet clarè, quā ratione cum impetu ^{Aqua ad?}
aqua ascendat, semper tamen usque ad eandem certam mensuram seu al- ^{unam semi-}
titudinem tantum, & non amplius. Quid aquam impellit, & ascende- ^{per altitu-}
re cogit, nisi externi aëris aquae incumbentis gravitas? ut taceam nunc ^{dinem}
multa alia Experimenta, quae non sine meo damno praxi ipsā com- ^{ascendit in}
probavi. ^{omnibus} ^{tubis even-}
^{cuitis.}

Hæc cùm legisset, quæsivi ex Auctore, num tubi evacuati, Nostra cir-
intra quos aqua ad certam semper altitudinem ascendit, omnes & sem. ^{ca hoc as-}
per eiusdem fuerint capacitatis, hoc est, aquæ ampli, aut aquæ stricti? ^{sertum du-}
Causa autem huius mei quæsiti esse potest, quia si exterioris aëris
aquae incumbentis gravitas sursum pellit aquam intra tubum,
idem aér seu eadem aëris gravitas, non aquæ altè propellere po-
test aquam maioris & minoris ponderis, sed hanc altius, illam mi-
nus altè propellit: atqui aqua altitudinis quinque v. g. ulnarum
in tubo ampio, maior ac ponderosior videtur esse, quām aqua al-
titudinis totidem ulnarum in tubo angusto; Ergo si aëris gravi-
tas sursum pellit aquam in tubo angusto ad ulnas v. g. quinque

Mmm

præcise,

præcisè, in tubo ampliore non poterit eam pellere ad tantam altitudinem.

*Responsio
Auctoris
Experi-
menti.*

Propositioni à me factæ respondet Auctor in hunc modum, in litteris Magdeburgo datis 22. Julii Anno 1656. Ad interrogacionem quod attinet, utrum aqua in tubo evacuato semper ad eandem altitudinem, tametsi tubus & vitrum inæqualis fuerint capacitatis, ascenderit; respondeo, perinde esse in hoc negotio, quantumvis angustus & amplius sit tubus, dummodo satis altus sit, ut aqua ascendens mensuram suam certam ac determinatam attingere possit; quo autem altior est tubus, eo melius est; nunquam tamen aqua mensuram suam transgreditur. Conatus autem in aère è vitro & tubo extrahendo tam diu continuari debet, donec nihil amplius extrahi queat per siphonis ventile. Sed Notandum, in hoc Experimento instituendo vitrum non imponendum esse tubo seu siphoni pneumatico, ut alias, sed ipsi vitro accuratissimè ac firmissimè annexendum tubum illum longum, qui è superiori loco demitti debet intra Machinam evacuatoriam, seu pneumaticam antliam. Sitamen altero modo, imponendo videlicet vitrum ipsi siphoni evacuatorio, instituere placeret Experimentum, impleri debet tam vitrum, quam tubus ipsi supernè annexus, penitus aquâ, & epistomium vitri aquæ prius immersum aperiendum est. Quo facto, quanto plus aqua intra tubum & vitrum cōclusa premere potest, quam aér externus aqua intra cappam seu evacuatoriam machinam contente incumbens, tantum aquæ subsidet, donec aqua intra vitrum & tubum contenta in aequilibrio seu equipondio sit cum externi aëris gravitate. Vbi item nihil interest, utrum amplius sit tubus, an strictus; solummodo interest ut sit satis superg. altus. Notandum præterea, tubum vitro adglutinandum debere esse vitreum, saltem ex parte superiore, ut videri possit quousq; ascendat aut descendat aqua. Adglutinatio non sine magno labore fieri potest. Ad rationem porro dubitandi à me propositam, quod aëris gravitas non potest pellere sursum aquam in tubo ampio ad tantam altitudinem, ad quantam propellit eandem in tubo stricto, respondet Auctor in aliis litteris ad me Magdeburgo 4. Januarii Anni 1657. datis, simulque causam suæ assertio-
nis adsignat, in hunc modum. Exponatur cuppa aquæ plena in loco
quocunq;

quocunq; v. g. in horto aliquo, elevata à terra ulniā quinque v. g. è qua^e cuppa demittatur ad terram usq; tubus cuiuscunque amplitudinis, inde que di varicetur in duos alios tubos perpendiculariter erectos, quorum unus amplius sit, alter strictus: aqua cuppe ad eandem altitudinem pro-
pellet aquam in utroque tubo contentam, quia aqualem vim habet aqua
cuppe ad aquam utriusq; elevandam, & ad tantam altitudinem in utroq;
ascendere debet, quanta est originis altitudo, nempe cuppe. Eodem pror-
sus modo aér in certo pondere terræ incumbens, in quibusvis & cuius-
cunq; amplitudinis tubis evacuatis, aqua sursum pellit ad aqualem altitu-
dinem, tantam nimirum, quantam permittit aëris gravitas terram &
nos circumstans. Addit, aëris gravitatem tantam esse, ut ad 20.
circiter ulnarum altitudinem elevare possit aquam intra tubum
evacuatum; aitque se id Ratisponæ olim hoc novo Experimen-
to deprehendisse.

Hæc Auctōr. Quæ quidem mirificè congruunt cum iis, quæ multi & doctissimi Viri, interque illos Emanuel Magnan tom. 4. Cursus Philosophici cap. 20. propol. 9 & P. Melchior Cornæus in Diatriba peculiari, docent circa Experimentum illud hydrargy-
ri, cuius mentionem feci suprà part. 2. class. i. cap. 6. Machina 6. quando scilicet fistula utcunque supra tres palmos longa, herme-
ticè clausa ex una sui parte, cùm priùs fuerit Mercurio seu hydrar-
gyro plena, mox inverso ore patente in subiectum catinum ad tubis.
quatuor, vel quinque, aut sex digitorum transversorum altitudi-
nem Mercurio repletum deposita, depletur quoad partem supe-
riorem, in inferiori verò retinet Mercurium altum circiter pal-
mos tres supra externi in catino positi Mercurii horizontē. Aiunt
enim dicti Auctores, & experientia ipsa id probat, si plures fi-
stulæ diversæ longitudinis & capacitatis dicto modo adhibeantur, sive simul, sive successivè, Mercurium in omnibus consistere
ad unam certam & communem altitudinem, seu horizontem,
ut ipsi loquuntur, qui ab inferioris Mercurii catino contenti ho-
rizonte seu superficie supremâ distet intervallo trium circiter
palmorum Romanorum, ibique pendulum hærere, relietâ parte
superiore fistularum vacuâ, ut apparet. Causam huius suspen-
Mmm 2 sionis,

sionis, & non maioris ascensus vel descensus Mercurii intra fistulam, aiunt esse gravitatem aëris externi, pondere suo aquæ catini incumbentis, & Mercurium pellentis sursum intra tubum eò usque, donec in æquilibrio consistat cum aëre, hoc est, donec tantum intus gravitet Mercurius, quantum extra aëris incumbens. Addit tamen P. Cornæus, suspensionem illam Mercurii non esse à solo aëre extrinseco aquæ incubente, & per æquipondium, nè ulterius descendat, illi resistente, sed nasci partim ex dicta causa, & partim ex metu vacui. Utrumque doctè probat. Mihi nunc non vacat, hanc sententiam examinare, sed id commodius præstabo in Magia universalis Naturæ & Artis part. 3. lib. de Magia Hydraulicæ. Certè si vera est, non leve subministrat argumentum iis, qui omnem positivam levitatem è rerum natura eliminare nituntur. Interim ego existimo, Magnanum hac in refallo niti principio, ut suo loco videbimus.

*Experi-
menti novi
Auctoris
varia af-
fertiones.*

In iisdem litteris 22. Julij ad me datis Auctorait; I. omnia illa, quæ suprà §. 2. dixi de novo addita esse Heripolensi in Arce Experimento suo, sed dum Ratisponç coram Eminentissimo Electore Moguntino exhibuisse, eumque in finem curasse fieri cupreum cacabum, cuius ego mentionem feci. Ait II. se nunc evacuatorium siphonem ita construxisse, ut omnia sub aquis fiant, ad impedidum videlicet eò magis omnem aëris ingressum in vitrum, dum aëris aut aqua extrahitur. Ait III. parum illud aëris, quod ad pisi magnitudinem aquæ supereminet, dum Recipiens evacuat repletur aquâ, oriri ex ipsa aqua ingrediente, dum per ascensionem aquæ, & motum istum violentum spiritus aquæ inclusi, (quos propriissimè dicit esse aerem) commoventur, & secernuntur. Negat itaque, parum illud aeris antea in Recipiente fuisse post extractionem factam: putat enim, ut suprà vidimus §. 6. in Recipiente evacuato esse ætherem. Ait IV. antliam pneumaticam etiam post longam agitationem adhuc posse agitari, sed tanto difficultas post aerem extractum, quanto gravior est aer circumstans, qui pistillum extractum suo pondere retrudit intus. *Auctor Ex-
perimenti novi.* Totam igitur difficultatem in pistillo extrahendo, & impetu in resiliendo,

resiliendo intra antliam, adscribit ipse externi aeris gravitati. Atque hoc ita esse, non solum se longâ experientiâ didicisse, verum etiam scire posse, quanta virtus seu pondus requiratur ad pistillum extrahendum, tam in majoribus, quam minoribus antliis. v. g. si antlia adhiceretur unam ulnam in diametro seu in latitudine aut amplitudine habens (longitudo aut brevitas, ait, nullam differentiam faciunt) supra 1200 librarum pondus requisitum iri ad pistillum extrahendum, atque adeo sex viros robustos ad extrahendum fore necessarios. Et in hoc casu, aliisque quibuscumque, si Recipiens perfectè, quantum fieri potest, sphæricus esset, eum minimè diffractum iri, tametsi totidem equi ad extrahem adhicerentur. In huius rei confirmationem hoc adfert Experimentum. Fieri curavit duas phialas seu potius lances cupreas, sibi mutuò exactè congruentes, si unam tegat altera, diametri seu amplitudinis non majoris quam ulnæ dimidię cum dimidio quadrante, seu octava ulnæ parte. Has si mutuò sibi imponit, & aërem extrahit, adeo ab externi aeris gravitate compressæ, atque unitæ tenentur, ut sex viri robusti eas divellere non possint. Quid jam fieret, inquit, si ulnam integrum in diametro haberent? Quod si tandem adhibito omni conatu divellantur, crepitum edunt sclopeti aut musquetæ explosioni non minorem. Quam primum verò per claviculam seu epistomium apertum vel minimus aditus laxatur aeri, sponte separantur.

Ait V. Se antea impossibile judicasse, verum vacuum in sublunaribus fieri humanâ industriâ posse, propter aeris gravitatem; nunc verò aliter sentire, & per ocularem demonstrationem vacuum ostendere, leque casu, dum præsens & alia similja experimenta frequenter tractaret, illius efficiendi modum reperisse. Per vacuum tamen non intelligit nihilum, sed ætherem; putat enim vacuum & ætherem idem esse, & hoc esse purum illud vacuum, quod Peripatetici negant. Sic ipse. Qui addit, eorundem Peripateticorum argumenta, que supra §. 4 adduxi, nullius esse momenti. Primo enim, inquit, auctoritas Aristotelis contra ocularem demonstrationem nihil valet. Secundo, quod solummodo aërrare-

scat donec ad limites à D E O sibi præstitutos perveniat, quos limites ubi attigit, cesseret pistilli agitatio &c. nihil est. Quid opus est ad limites à D E O præstitutos recurrere, ubi ad oculum patet, pistillum non solum agitari tam diu posse, quamdiu aer extrahi è Recipiente potest, verum etiam quamdiu libuerit? Tertiò, Putare, si major vis adhibetur in agitando ulterius pistillo, frangi oportere vas potius, quam vinci Naturam vacuum abhorrentem; inanis est imaginatio eorum qui Experimentum non viderunt: si enim vitrum rotundum fuerit, quantumcunque continuetur agitatio, nunquam frangetur, etiam si equi adhiberentur, qui diu noctuque in extrahendo laborarent. Ex quibus patet quartò, sine fundamento à Peripateticis dici, solummodo tamdiu continuari posse extractionem, quam diu potest rarefcere aer, & non amplius. Quintò, errant Peripatetici, dum resistentiam seu difficultatem in pistillo extrahendo adscribunt aeri exiguo intra Recipientem adhuc contento, & quasi in nihilum redacto; cum tamen resistentia illa adscribenda sit aeri extra circumfusō; notum enim est, quod nihil nihil potest operari. Sextò, quod Peripatetici dicunt, parum illud aëris, quod in vase, globuli instar conspicitur, postquam aqua sursum ebulliente completum fuit, iustum esse aërem qui antea rarefactus totum vas implebat, est contra experientiam, & visum oculi: clarè enim conspicitur, quā ratione in violenta illa aquarum irruptione spiritus, qui in aqua latitant, & aer propriè sunt, agitentur, & sursum unà cum aqua compellantur; qui spiritus, dum spatiū vacuum in vitro reperiunt, ex aqua erumpunt, ac sursum tendunt. Septimò, quod addunt Peripatetici, spumam & bullas ex pugna aquæ, & aëris præexistens in vase oriri, est contra claram & ocularem experientiam; apparet enim clarissime, bullas illas omnes, utpote spiritus aquæ, unà cum aqua inferiùs simul ascendere, & nequaquam superiùs descendere. Hæc inter alia in secundis litteris Auctor Experimenti; quæ omittere nolui, quoniam ad Experimentum naturam melius intelligendam conducunt, & novum philosophandi modum continent; quem aliis examinandum relinquο.

§. VIII. P. Nicolai Zucchi^y è Societate
J E S V de novo Experimento judicium.

Suprà in fine §. iv. retuli, Romam me misisse Experimentum novum ad Viros doctos & amicos, ut eorum exquirerem sententiam. Horum unus erat P. Nicolaus Zucchius, Auctor Novae <sup>Nicolaus Zucchi^y littera ad Machinis Philosophiae, & Philosophia Opticæ, cuius I. & II. Pars jam lucem vidit. Hic post alios, tertiùs aliquantò, cùm omnia ha-
ctenus prolata jam perscriptissimè, sic ad me scribit Roma 18. No-
vembbris Anni 1656.</sup>

Reverende in Christo Pater, Pax Christi. Cùm inaudisset, scriptas à Reverentia Vestra litteras ad Patrem Assistentem, quibus tum à per-
tioribus, tum à me quoque judicium requirebat de novis Experimentis,
ad exhibendum vacuum istic propositis; a vide expeti, ut eas semel per-
currere licet: sed per multorum manus distractas, & injuriis tempo-
rum pene sepultas, vix tandem licuit inspicere (dum suspicio contrahen-
da pestis communicationem ipsam inter nostra Collegia, Romanum pre-
seruum, abrupit) & statim, licet tantò tardius quam optaram, calamum
responsurus arripui. Quaeunque à Reverentia Vestra de illis Experimen-
tis perscripta sunt, vacuum proscribunt.

I. Dum Trusillus post repetitas diutius agitationes, crescente dif-
ficultate nequit amplius educi in anteriora, quid retinet? nulla nova fer-
ruminatio inter extremum capitis Trusilli & operculum assarij, cui pro-
ximum est, & à quo ante recedebat in agitationibus antliae, nisi adhære-
scientia inter ipsum & tale operculum, nè detur vacuum inter illa. Sed
quid retinet operculum assarij, quod antè sequebatur caput Trusilli, ad ni-
sum trahentium in anteriora moti? non vacuum, quod dicatur extracto
è ventre vase aère, nulloque in locum illius succedente corpore, ibi fa-
ctum; non enim mera negatio corporis antè in vase contenti, potest exer-
cere resistantiam contrariantum conatum plurimum, adnitentium in ante-
riora trusillum educere. & consequenter operculum assarij, capiti illius
proximum, & de se tam facile mobile. Retinet ergo corpus remanens in-
tra vas, quod in antecedenti agitacione antlia vi agitantium ulterius
rarefactibile, sequebatur secundum partes operculum assarij, consequenter

Nicolaus Zucchi^y judi-
cium de no-
vo Experi-
mento.

in anteriora connivens ad caput trusilli ab illis in anteriora educti: postmodum verò multis partibus illius eductis, ad eam tenuitatem redactum est intravas, ut ulteriore, novâ reductione per tales vires tentatâ, nequeat admittere; ac proinde, dum ulteriori distensioni sui resistit, sifit operculum foraminis assarij, cum quo pariter, nè vacuum admittatur, consistit proximum caput trusilli. Ex quibus comprobatur virtus, quam in litteris impressis ad Patrem Grandamy probavi inesse corporibus, preservanda unitate contiguitatis in universo, ad sistendum corpus proximum, quoties ad remotionem illius non potest succedere aliud. Vbi etiam Epistolâ secundâ explicata rarefactio, nullis vacuitatibus, aut subtiliori substantiâ, inter particulas densioris interpositis.

II. Cessante agitatione antliae, clauso epistomio, vase que à siphone remoto, dum poste a revolutâ clavi illud reseratur, quid est quod tantâ vi externa corpora attrahit ad vas, è quo per agitationem antliae eductus est aëris? id certè præstare non potest mera negatio corporis antè contenti intra illud: aptissimè autem præstat residuum corporis, quod remansit intra vas, nimis violentâ distensione sui illud replens: quare aperto foramine se recolligens, ex vi, qua suam naturalem dispositionem reparat, contrahendo se ad minorem locum, adducit exterius apposita, ad replendum locum qui à se relinquitur: aperto verò epistomio intra aquam, prævaria mensura & dispositione aëris se contrahentis, ad viam in collo aperitam, attrahitur hinc inde aliter atque aliter aqua, que varie discerptam tali medio spumam exhibet.

III. Quod supra aquam attractam intra vas remanet recollectum in loco proprio, & cù ad motum vasis agitatâ, huc illucque pellitur, neque ab ea mota, & intra vas, licet capacitatis minoris, subeunte exterminari potest, ut cessenet apparentia illius; non potest esse vacuum, quod nullo modo resisteret corpori locum illius occupaturo; est ergo reliquum aëris, quod superfuit extractioni per antliam, & modo supra dicto attractâ intus aquâ recollegit se. Imò convincitur ex modo dictis, tale corpus non fuisse antè rarefactum intra vas per admissionem vacuitatum inter suas partes: nam aqua subingrediens loco vacuitatum, particulas illius corporis invicem separatas hinc inde prorsus dispersisset. Quare agnoscitur fuisse corpus in suis partibus in vicem coherentibus continuum, & à precedenti violenta

violentia distensione reparans suam con naturalem recollectionem, atque per apertam revolutā clavi viam, aquam attrahens in locum ampliorem, à se successivè relictum.

IV. In ultimo Experimento post extractionem aëris è vase aneo, aperte convincitur, in loco intra illud ab aëre relicto adfuisse corpus rarum & spiritosum, quod revolutā clavi insertā collo illius, dum aqua è superposito vase vitro in ipsum descendit, per illam ascendit majoribus bullis inclusum, & secundum ductus continuos velut radios candicantes: non enim a vacuo per extractionem aëris vi antlia factō intra vas exhiberi possunt hujusmodi. Imò per ea comprobantur que dixi in supracitatis ad Patrem Grandamy de repletione partium superiorum intra tubos, à graviori descendente relictarum, nullo licet extrinseco corpore intra tubos subeunte. Haec tenus P. Zucchius. Qui in fine litteratum hæc addit. Cuperem ut Vestra Reverentia curaret experimentum postremum retentari, sed in tenebris revolvit clavem colli in vase aereo, & in eo aquam è vitro descendere, ut notari posset, an in illis radiis canticibus fulgor aliquis appareret.

§. IX. P. Melchioris Cornæi è Societate IESU de novo Experimento judicium.

Suprà in fine §. IV. dixi, dum Experimentum in Herbipolensi Melchioris Arce iteratò exhiberetur, saepius interfuisse mecum P. Melchioris Cornæum, in Herbipolensi Universitate Theologicæ Diatriba Professorem, ac diligentissimè examinasse, conscriptâ de eo doctissimâ Diatribâ, quam & suo Philosophiæ curriculo, quæ nunc sub prælo est, inseruit lib. 4. Physicorum Disput. 3. de Loco & Vacuo, quæst. 4. Sect. 2. Quæ Diatriba quoniam dignissima est ut in plurimum notitiam quæm primū veniat, impetrari à se passus est ut à me huic loco infereretur. Quod ijsdem verbis facio, quibus ab ipso conscripta fuit, & citato loco ab eodem cœvulgarbitur. Sic ergo habet.



Nnn

De

**De altero Experimento , quod per violen-
tam aëris extractionem & exhaustionem
sumitur.**

Dub. I. Quomodo hoc Experimentum capiatur.

*Experi-
mentum Mag-
deburgicū
qua ratione
capiatur.*

RE SP. Hac ratione capitur. Primum esto vas vitreum rotundum (Recipientem vocant) capacitatis magnæ AB, collum & guttur habens angustum, quod epistomio æreo. & clave c exactissimè claudi possit, (*vide Fig. I.*) Deinde esto antlia (*vide Fig. II.*) ærea AB, habens tria orificia: Primum in c, cui inseritur collum Recipientis evacuandi; & huic orificio c inest aëliariū sive ventile, eliciendo ex Recipiente aëri destinatum: Alterum in d, cui etiam intus subest aliud ventile, aëri qui ex Recipiente extractus est, expellendo: Tertium in extremitate b, cui pistillum emboīo instructum immittitur. Pistillum verò funi vel ligulae coriaceæ FG illigatum est, ut facilius trahi possit. Demum, esto vas ligneū IK, (*vide Fig. III.*) in cuius fundo pars antliæ A firmetur, ita ut continua, quæ fieri debet, pistilli tractione non dimoveatur. (*vide Fig. IV.*) Cum ergo antlia AB vasis lignei IK fundo adstricta quiescit, Recipiens orificio antliæ c. inseritur, & contra aërem benè communitur; denique etiam aqua vase IK infunditur, quæ omnem à fistula antliæ, quæ Recipienti AB evacuando vicina est, arceat & prohibeat. Tum demum duo homines validi pistillum agitant, trahunt retruduntque, & aërem de Recipiente omnem evacuare, vel ut aliquis adstantium perlepidè & fortasse verè dicebat, effatuare conantur. Nam cum pistillum ad se violenter trahunt, per ventile c apertum, aërem unā in fistulam AB trahunt; cum autem pistillum iterum intrudunt, ventile c occlusum, aërem retrulum arcet, ventile autem d apertum, eundem emittit.

**Dub. II. Quænam in hoc Experimento adjuncta præ-
cipue observata?**

*Experi-
mentum Mag-*

RE SP. Multa ab auctoribus, & curiosis observatoribus, quorum maximam partem ipse etiam vidi, suntnotata.

1. Siglobus Recipientis vitreus figuræ sit quadratae, non su-
bit evanescere violentiam & impetum, sed si urgeatur, in-
genti & formidabili cum crepitu & fragore in frusta dissilit. Ita <sup>deburgicū
qua notatū
digna ha-
beat.</sup>

2. Sin verò Recipientis globus sit sphæricus, & utcumque Recipientis
spissus, non rumpitur, sed ipsa evanescere firmatur. Vnde cùm <sup>non sphæri-
cus evacu-
ationis na-</sup>
Recipientis eiusmodi prædicto modo evanescens, è curru in pavimentum lapso sat gravi ruisset, illæsus perstiterit; ubi plenus & mi-
nimè vacuus, absque dubio diffringendus fuisse. Et unus qui-
dem Vacuistarum illorum contra me omnino contendit, Reci-
pientem talem evanescens, etsi ex altissimo logo præcepit in lapi-
des subjectos ageretur, nullo modo comminuendum esse, aut adeo ullâ vi humana comminui posse. Ratione etiam è Philoso-
phia naturali (nam artificialis rudis erat) addidit, non equidem
absconsum. Nam partes vitri, æquali circumferentia vacuo undique
circumfusa, conantur illud replere quidem, verum ob figura-
ram sphæricam sese invicem sustinent & præpediunt; imò quò
majore impetu versus centrum sive vacuum intra viscera sua
clausum moliuntur, eò firmiore nexu coalescunt; nō aliter quam
arcus lapidum fornicatus eò consistit firmius, quò graviore desu-
per mole premitur. Ego verò & si hac ratione putarem partes
vitri Recipientis utcunq; solidari, non tamen eò vsq; credim
infragiles evadere, ut, si quis decumanum mallei ferrei iustum for-
ti manu impingeret, aut si ex sublimi loco in pavimentum silice-
stratum proueret, frustatim non dissiliret. Licebit ergo Domini-
nis Vacuistis unius Recipientis periculo rem hanc experiri. Mihi
nimis quam certum est, ex integro vase frustilla lecturos.

3. Ad evanescendum & exantlandum Recipientem non uno
opus est homine, sed binis minimis, ijsque validis ac lacertosis,
qui antliam trahendo retrudendoque exerceant. Et initio qui-
dem non tanto molimine opus est, cum aër ex Recipiente utcun-
que labens educatur. Deinceps verò refractarius factus rebel-
lisque, obsistit vehementius, & demum omnem trahentium co-
natum frustratur, ut planè à molimine & ab antlia manum absti-
<sup>Recipientis
evanescatur
initio faci-
lē, postea
difficulter;</sup>

nere cogantur, cùm pistillum nullo modo commovere amplius queant. Et tunc, occluso priùs Recipientis epistomio, Recipientem ab orificio c removent, & planè evacuatum esse autumant.


*Recipiens e-
vacuatus
minus pon-
deras quām
aëre plenus,* 4. Recipiens postquam dicto modo exantlatus est, si ad libellam examinetur, deprehenditur esse levior quām antequam exantlaretur fuerat. Vidi Recipientem, qui 32. circiter mensu-

ad bilancem appenderetur, duas semuncias & tres quintas unius semunciae minùs ponderare, quām ante evacuationem ponde-


raret.

*Recipiens e-
vacuatus
et apertus
magno im-
petu aërem
externum
admittit.* 5. Quòd si Recipientis epistomium aperiatur, tanto im- petu aér externus irruere in illum dicitur, ut hominem etiam ex opposito propèstantem unà rapere possit. Nominarunt mihi in aula Herbipolensi Virum notum, qui, cùm propriùs adstitisset tum, cùm epistomium Recipientis antè evacuati recluderetur, coactus fuerit adstantium opem implorare, ut se tenerent, nè ab aëris à Recipiente rapti violentia vim pateretur. Alius retulit, os patulum orificio Recipientis evacuati admovisse, & halitu re- pente (eò quòd Recipiens illum ad feraperet) destitutum pene corruisse exanimem. De alio affirmarunt, digitum orificio Re- cipientis adhibere aulsum, eotempore, quo laxato epistomio aë- rem de novo subeuntem admittebat, ingentem pertulisse & sen- sisse dolorem, cùm cutis cum carne pene divelleretur.

*Recipiens e-
vacuatus
et apertus,
aquam
cum impetu
ingredien-
sum recipit.* 6. Id quod sequitur, vidi. Cùm Recipiens evacuatus, ever- sus ita aquæ immergetur, ut collum eius unà cum epistomio undis obtectum esset; tum verò epistomium aliud aperuit, ut a- quam subeundi facultas esset. Quo peracto, unda per orificium Recipientis repete, & cum rapiditate magna, sursum, instar fontis in altum subsilientis irrupit; non tamen totum Recipientem glo- bum implere potuit, sed cum ille 27. mensuras caperet, ingressæ tantum sunt mensuræ 26. & tres quartæ unius mensuræ partes, reliquum spatiū supernè ab aqua immune & aëris plenum re- mansit. Aliâ vice vidi eundem Recipientem aquâ ad istum mo- dum repletum fuisse usque ad spatiū quod magnitudini nucis avel-



Iconismus XLVI pag 467



avellanæ par esse videbatur. Fatebantur tamen isti Vacuistæ, nunquam se hactenus eò temporeduxisse, ut Recipientis ad istum modum totus ab aqua repleretur; addebat tamen, sperare se, rem eam adhuc se perfecturos; de quo ego non parum equidem dubito. Etiam illud tunc deprehendi, quod aqua violenter se ingens, bullas & spumas non paucas ageret, quæ deinde in aërem vel halitum paulatim abibant.

DVB. 3. *Quomodo Vacuistæ conentur ex hoc Experimento vacuum probare?*

RESP. Hoc modo probantes audivi. i. argumentum. **Vide.** *Vacuistæ*
rum argu-
menta ad
probandum
vacuum in
Recipiente
evacuato,
 mus inter exantlandum, aërem per bullas ex aqua, quæ antlia superfusa est, expelli. 2. Quamdiu est aër in Recipiente, magnam sentiunt difficultatem & resistentiam ij, qui antliam agitant: Postmodum verò nullâ amplius vi attrahere pistillum possunt, quia nim̄rum nullus est amplius aér super in Recipiente, qui resistere, aut qui extrahi possit. 3. Recipientis post evacuationem factam, si ad bilancem expendatur, ponderat minus, quam antè ponderarārat, & est levior factus, ut dictum dub. 2. n. 4. Ergo est jam planè vacuus. Nam dici non potest, aliquid aëris remansisse, qui rarefactus jam sit, & totum adhuc spatiū occupet. Quia aér, inquiunt, non potest rarefieri nisi calore & igneâ activitate. At qui hīc nullus adhibetur calor. Ergo. 4. Potest ita per antliam exhausti Recipientis, ut postea totus aquâ sursum irrumpente expleatur, ut dub. 2. n. 6. dictum est. Ergo tunc nullus aér intus fuit, cùm nullus irruente undâ exierit, aut exire potuerit. Quâ enim viâ exiūset? Si nullus aér intus fuit, ergo perfectum vacuum fuit. 5. Potest per antliam Recipientis, si priùs aquâ repletatur, prorsus exhausti, ut nihil aquæ intus remaneat. Ergo tunc erit vacuus Recipientis, cùm aqua tota sit evacuata, & aér per nullam viam subintrare in locum abeuntis aquæ potuerit. Sic illi in me non semel sunt argumentati.

DVB. 4. An in illo Experimento verè reperiatur
vacuum?

Vacuum nō in Recipi-
ente eva-
cuato, mul-
tis argu-
mentis pro-
batur.

RESP. Non. Prob. 1. Quia auctoritate longævâ antiquitatis, & usu constante tot sæculorum, existimatum est à sapientibus, vacuum Naturæ viribus dari non posse; Experimento verò isto, non fatis probatur contrarium, ut infrà ostendetur. Ergo non est vetus Peripateticæ scholæ sententia deserenda, aut à possessione veritatis, quam longissimo temporis spatio obtinuit & præscripsit, tam leviter depellenda. Laudo virorum illorum in exploranda veritate solertiam, non laudo nimiam in Aristotele deferendo facilitatem. Omnis novitas jucunda esse solet, sed veritas antiqua melior. Prob. 2. In globo illo Recipiente post evacuationem factam adhuc est lumen visibile, uti antè, & quidquid est coloratum in illo, transmittit species visiles ad oculum, uti antè. Ergo est subjectum corporale intus, ex quo hæc accidentia educantur. Ergo non est Recipiens vacuus ab omni corpore. Reposuit hic mihi quidam è Vacuitate, lumen non esse accidens, quod subjecto egeat, sed substantiam, atque adeo nihil hoc Vacuitati omnimodæ Recipientis obstare. Ego verò contrà sic arguo. Si lumen est substantia, est substantia materialis & corporea, cùm ab oculo & sensu corporeo naturaliter percipiatur; ergo in Recipiente est substantia corporea & materialis. Ergo Recipiens non est vacuus ab omni corpore. Item, si lumen est substantia corporea, ergo datur penetratio corporum, nimirum luminis cum aëre, & aqua, & cœlis. Consequens est impossibile naturaliter. Ergo.

Campanu-
la in Reci-
piente eva-
cuato sonū
edit.

Prob. 3. resp. Campanula intus ad filum ferreum suspenſa, etiam postquam aër dicto modo evacuatus est, sonum edit. Ergo est aër intus, cuius elisione sonus producitur. Antecedens constat experientiâ. Nam cùm uni ex Evacuatoribus nolulam dedisset, & rogasset ut (quod tunc equidem in mea præsentia fieri non poterat) aliâ vice eam Recipienti ante evacuationem ingereret, fecit ille, & mihi deinde roganti falsus est, strepitum obscurum

Icurum, qualem & in pleno aëre nolula edebat, absque controversia post evacuationem factam edidisse.

Prob. 4. resp. Initio cùm exantlari aëre ex recipiente incipit, *Natura-*
minus est resistentia, & minus laboris; postmodum res vertit in *Vacuum-*
impossibilitatem, ut jam nullâ amplius vi trahi pistillum queat. *abhorrens-*
Ergo signum est, quòd aër initio minus resistit rarefactioni, *resistit eva-*
cum illius eslet capax; in fine verò magis obstat, quòd paulatim *cuationi*
ita rarefiat, ut jam ad ultimos Naturæ & rarefactionis terminos *Recipientie..*
accederit, & amplius extendi, dilatari, & rarefieri non possit.
Aliàs si aër extractioni resistit, & ille tantum extrahitur, deberet
resistentia illius paulatim minui, sicut ipse paulatim minuitur.
Idem contingit in compressione & condensatione aëris. Siquis *Aër rare-*
enim in tubum ex altera parte clausum immisso embolo aërem *fieri & com-*
compingere conetur, vel si quis folle intra machinam aliquam *densari us-*
fonti artificiali concinnando aptatam, condensare laborat; cre- *que ad cer-*
scit etiam semper comprimenti intus aëris labor, donec tandem *tostantum*
etiam planè contumaciter omni conatu obstat, & non amplius *terminos*
arctare sinat. Ergo sicut cessat necessariò trusio aëris, eò quòd *poteat,*
ad extremas densitatis suæ metas est redactus; ita in priore casu
cessat ejusdem extractio, quòd ad ultimos fines raritatis, quos ei
Natura Deusque præscripsit, est protractus.

Prob. 5. Quando aqua in Recipientem antea evacuatum, vel potius, ut ipsorummet Vacuistarum quidam dicebat, *efatus-*
sum, validè irruit, multam spumam excitat, & plures bullæ agit,
quæ deinde subsidunt. His cemet oculis vidi. Atqui illæ bullæ
& spumeæ perlæ turgent intus non aquâ, sed aëre, aut vapore,
halitu vè tenuiore. Ergo intus in Recipienti est aëris, vapor, ex-
halatio, bullæ spumis vè replendis apta. Nam Vacuistæ in aqua
ingrediente, nullam concedunt esse aut aërem, aut halitum.

Prob. 6. Quotiescumque hactenus aërem exantlarunt, & *Aërum-*
aquam deinde admiserunt, nunquam totus globus Recipientis est *quam totus:*
aquâ repletus, sed fatentibus etiam Vacuistis, aliquid aëris aquæ *ex Recipi-*
superius innata est deprehensum, uti suprà dub. 2. n. 6. etiam no- *ente extra-*
tavi. Ergo manifestum est, illud aëris remansisse, & raritate suâ *disfuit.*

per

per totum Recipientem extensum fuisse, & Vacuitati obstatisse. Ecquid ergo tantopere jactant vacuum se fecisse, cum vel ultrò fateantur, se haec tenus eò non pervenisse, ut non aliquantillum aëris in Recipiente sit deprehensum? Dicunt, id evenire assario-rum vitio, quæ aërem furtivè admiserit. At mihi satis est, aërem in Recipiente demonstrare, unde unde ille sit, ut unà contrà ob-
tineam, vacuum illic omnino non esse.

*Aer è Reci-
piente ex-
trahitur
metu va-
cui.
Vide Ico-
nis. LVI.
Fig. IV.*

Prob. 7. Extractio aëris illo modo per antliam facta fit me-
tu vacui, & nè detur in antlia vacuum. Nam cùm pistillum em-
bolo armatum, ex fundo tubi A versus B trahitur, usque in D,
necessariò spatium illud inter A & D interceptum careret o-
mni corpore, nisi per orificium C Recipienti insertum, ex Re-
cipiente aër succederet. Unde si epistomium Recipientis clau-
sum teneatur, non poterit ullâ vi pistillum ab A versus B at-
trahi. Jam sic argumentor. Si ideo aér elicetur ex Recipiente,
& attrahitur in tubum antliæ, ut in illo tubo evitetur vacuum;
ergo per illam tractionem, & aëris ex Recipiente egressionem,
non fiet unquam in Recipiente vacuum. Cur enim Natura, ad
impediendum unum vacuum minus in tubo, admittat vacuum
majus in Recipiente? Et sicut Natura impedit vacuum tubi, sic
etiam impedit vacuum Recipientis.

*Vacuum in
Recipiente
nec totum
simul, nec
per partes
fieri posse.*

Prob. 8. Quæro ex Vacuistis, quando, & quomodo fit il-
lud Recipientis vacuum? an totum in toto Recipiente simul?
an verò paulatim & per diversas Recipientis partes? Nihil horum
rectè ab illis dici potest. Non quòd totum & in toto simul. Nam
videmus quòd aëris extractio paulatim & per partes fiat. Etsi
dicant, in fine totum simul fieri; ergo ad priores antliæ tractio-
nes, per quas aliqua semper aëris pars exinanitur, aëris in Recipi-
ente residuus necessariò rarescit, & se dilatat, ut illam Recipientis
partem, quæ ab aëre jam extracto deserta est, occu-
pet, & inanitatem oppleat. Atqui hoc Vacuistæ negant fieri
posse. Dicunt enim, aërem & aquam non nisi solo calore &
ignitâ actione rarescere posse. Et præterea, si aér in Recipiente
rarescit, nè fiat in illo vacuum; ergo semper quamdiu poterit, ra-
rescet

reficit, nè fiat vacuum. Etcùm ad ultimas raritatis sibi possibilis metas pervenerit, non patietur ullam sui partem amplius extrahi, scilicet nè fiat vacuum. Nam si dilatetur & moveatur nè fiat vacuum, ita quidem, ut ab illa dilatatione impediti se nullatenus patiatur; cur non etiam contrahat se & immobilis quiescat, & ita quidem, ut ab illa quiete nulla vi a velli se sinat, ut nè etiam fiat vacuum? Pergo. Neque etiam à Vacuis tis dici potest, quòd vacuum in Recipiente fiat paulatim, & per diversas Recipientis partes. Quæro enim, in quâ parte priùs fiat? an infernâ? an su- pernâ? Si priùs fit in parte inferna, per primam antliæ tractio- nem; ergo secunda tractio ageret in distans, nimirum in aërem in superioribus partibus Recipientis existentem, nihil agendo in medio, cùm ex hypothesi jam facta, non sit hîc medium, sed va- cuum in inferiore parte factum. Si in superna Recipientis re- gione incipit vacuum; ergo quando secundâ vice pistillum tra- hitur sursum, & jam aliquantillam tubi sui partem deferuit, con- sistet aér Recipientis inter duo vacua medius. Ergo non est po- tior ratio cùm aér ascendat sursum in Recipiente ut vacuum jam factum tollat; quâm ut descendat deorsum ad replendum vacu- um futurum. Aut dicant mihi Vacuistæ, cur potiùs aér descen- dit in antliam metu vacui, quâm ascendat sursum in Recipien- tem ob metum ejusdem vacui? Certè pistillum non attrahit aë- rem post senisi metu vacui futuri. Unde si inter embolum pi- stilli & inter latera tubi tantillum sit spatii, ut aér commeare pos- sit, non attrahitur ullus ex inferiore tubo aér. Ergo illa aëris tractio in solo nititur vacuo, & ab illo vim habet. Atqui utrinq; est vacui metus. Ergo. Nè quis verò dicat, ex parte antliæ ma- jus esse robur trahentium hominum, quâm sit ex parte Recipientis, sic pro responsione.

9 Argumentor. Nulla vis humana potest trahendo supera- revim Naturæ retentivam, quâ utitur in retinendis ad se invicem corporibus, cùm adeat periculum vacui. Ergo etiam in hoc præ- sente casu non poterunt duo homines, quantumvis lacertosí, antlando superare vim retentivam Recipientis, quando imminet

Ooo

vacuum.

Natura eo- natus ad vacuum impedien- dum. vacuum. Prob. Ant. experimentis longè clarissimis: claudatur enim in folle aliquo valido & bene communito ventile unà cum orificio, ita firmiter, ut ex neutra parte quicquam aëris subire ullo modo possit; Tum verò homines plures etiam Herculeis lacertis instructos jube follem trahere & aperire: Se potius & follem rumpent, quam ut diducant. Scilicet major est Naturæ, vacuitati in folle futuræ obſſtentis, vis, quam mortalium omnium in trahendo robur. Vidi ego Paderbornæ ante annos 37. talem Naturæ victoriam. Paraverant Noſtri in Collegio puterum ingentis proſſus profunditatis, ex quo per machinas multasque rotas arduo molimine aqua bauriebatur. Ergo compendii ſtudio, constructa eſt antlia, ex imo fundo erecta, arboribus integris in tubos excavatis, & invicem innexis. Quia verò profunditas aquæ erat major, quam pro confueto Naturæ modulo, & quam ut aër extrahi, per piftilla & aſſaria poſſet; nullā vi moveri illa potuere. Cumq; demum & lacertis & machinis homines plurimi & robustissimi extremè contenderent, hoc effecerunt, ut tubi, licet densissimi, ex truncis arborum confecti, cum terribili fragore crepuerint, aériq; viam patefecerint. Et experiantur Vacuistæ, ſi velint, vel in ſuo ipſorum machinamento, Occludant fortiter & epiftomium Recipientis, & orificia antliae fuæ c & d, ut nè quicquam aëris subire ullo modo queat: Tum trahones ſuos jubeant ciere piftillum, ſi poſſint. Sentient, illos efficere jam nihil poſſe. Ergo in antlia eſt major vis retentiva, ad impediendum vacuum, quam ſit in brachiis & lacertis hominum ad faciendum vacuum. Ergo etiam in Recipiente eſt major vis retentiva talis. Denique an non trahones illi, qui antliam exercent, demum coguntur abſtinere manum à piftillo, & ceſſare a tractione omnino? Quæ verò hujus rei alia cauſa, niſi quia Natura illis reſiſtit? Ecur autem, quæſo, reſiſtit, niſi quia vacui impatiens, illud impediſcere retinendo piftillo nititur? Ante ſequebatur piftillum madum trahentis, & quamvis ægrè ſequetur, ſequebatur tamen; Nunc obſtipā conſtantia firmatum, moveri non ſinit. Scilicet antè erat in Recipiente aër, qui locum

ab em-

ab embolo pistilli derelictum rarescendo replebat; Nunc cùm rarescere amplius naturaliter, & ex Recipiente egredi non possit, pistillum etiam cum embolo suo, loco se moveri trahique non patitur, nec patietur unquam, nimirum ob reverentiam inanitatis.

Prob. 10. Conclusio, Experimento evacuationis novo, in arce Herbipolensi recenter excogitato, quo non aër ex Recipiente extrahitur, sed aqua; ubi visibiliter apparet, quòd in locum sub tractæ undæ succedat aër, vel exhalatio tenuis; quod ita fit. Repletur Recipiens aquâ omnimodè, & deinceps iterum per antliam exhaustur, idque dupliciter. Vel enim Recipiens impo-
nitur more consueto orificio c antliæ, & per antliam exhauri-
tur: vel Recipiens imponitur cacabo æreo prægrandi jatn antè Fig. iv.
per antliam exhausto; quod tali ratione patratur. Esto cacabus cupreus A, qui aliquot urnas capiat, undique benè occlusus, excepito quòd suprà infrâque fistulam orificiis & epistomis instru-
ctam & benè communictam habeat, nimirum infrâ in c, suprà autem in B, atque ita quidem, ut canali & epistomio illi in B aliis cacabus quasi minor, vel vasculum cum majore cohærens sit circumiectum, eo fine quidem, ut durante evacuationis opere affusâ intus aquâ, epistomium B sive clausum sive apertum, contra vim & argutiam aëris, furtive irreperemolientis, defendatur. Præterea ad supremum orificium D eodem modo vasculum affixum hæret, ideo, ut quando Recipiens evacuandus ei inseritur, epistomium ejusdem possit etiam superfusâ undâ, contra aërem, nè clam se intro penetret, tegi & defendi. Hic ergo cacibus evacuatorius, antliæ impositus, evacuatur ab aëre, ad eum planè modum, quo recipiens evaciari solet. Tum occluso epistomio c, Recipiens A B aquæ plenus orificio D imponitur, & affusâ aquâ ejusdem Recipientis A B epistomium c obtegi-
tur. Demum epistomium cacabi B, & epistomium Recipientis c aperitur. Res mira, Statim incipit aqua Recipientis concitari, corpuscula quædam sursum deorsum agitare, bullulas & perlas parvas magnâ copiâ ad unum Recipientis latus congre-
gare,

gare, & per epistomium in cacabum deorsum detrahi. Hoc verò vel maximè ad præsens nostrum institutum fuit, quod toto tempore (per horam pene duravit) quo aqua deorsum meat, continui aëris quasi radii & stricturæ, & flammulæ visibiles, eaque plures per medium undæ defluentis, sursum eluctantur, idque visibiliter, & in spumam ac bullas manifestas desinunt, & ita superiorem Recipientis regionem successivè occupant. Hic tamen aër tam est rarus ac tenuis, & tantam violentiam patitur, ut quando Recipientis epistomium apertum aquæ immergitur, ea tunc aqua eodem impetu irruat in Recipientem, quo irruere solet tunc, cum recipiens ab aëre per antliam fuit evacuatus; hoc uno excepto, quod non eandem aquæ copiam admittat, sed plus spatii ab aqua liberum retineat. Ex quo ego sic manifestè arguo.

Aëris per aquam ingrediens, & locum superiorem ab aëre desertum petens. Et quamvis ille aër in cacabo vacuatorio ipse violentiam patiatur, ex nimia tensione & dilatatione, propter evacuationem ab antlia ante factam, & licet eius rei causâ aquam ex Recipiente ad se trahat; nihilominus tamen ad explendas Recipientis inanias, & impediendum vacuum, contra ipsum aquæ in se ruentis impetum, adverso nisu, per ipsammet aquam, sursum eruptionem patrat. Ex quo ego concludo, semper fieri, sive aqua, sive aër, sive fumus extrahatur; & colligo, semper aërem vel exhalationem vel vaporem invisibilem & tenuem per quæcunque etiam aquæ circumfusæ obstacula penetrare, & vacuum impedire. Cùm enim aër per tantam undæ spissitudinem ex cacabo sursum pervadat, cur non etiam possit per aquas epistomiis sive antliæ sive Recipientis circumfulas, occulto itinere & subtilissimis Naturæ cuniculis penetrare? Et quandoquidem Vacuistæ tantopere ad oculorum judicium in hoc negotio appellant, cur non hic vel ipso oculorum judicio rem conjectam vident? cur non tandem agnoscunt, aërem subtiliorem occulto meatu, vel aëri crassi, vel aquæ, vel fumo extracto succedere, & vacuum impedire?

DVB.

Dub. 4. Quid ergo sentiendum de illa Recipientis evacuatione, & quomodo fiat?

Resp. Aliquam aëris evacuationem fieri, sed non omnimodam. Nam quando per antliam aliqua aëris pars ex Recipiente emungitur, reliquæ partes, cùm tractioni tam violentæ resistere minùs possint, rarefactio dilatantur, & inanias Recipientis expletant. Ea que rarefactio continuatur (majore tamen semper cum aëris resistentia & rebellione, eò quòd nimia raritas sit ei violenta) donec tandem ad terminos à Natura Deoque illi præstutos perventum, ut jam amplius rarescere, & vacuitati opem ferre non possit: tum enim verò nullâ amplius vis cieri permittit, & omnem antliæ conatum sistit. Et quia ista tensio & raritas est illi adversa & violenta, quamprimum epistomium aperit, aërem externum, vel aquam, si adsit, magnâ rapiditate ad se rapit, ut se in naturali & debita densitatis ac raritatis temperatione iterum constituat. Habet ergo aëris (idem de aqua esto judicium) certos & densitatis & raritatis limites ac terminos à Natura constitutos, intra quos consistere voluere est, & extra quos si compellatur, omnem conatum adhibet, ut semet in integrum restituat, & ubi potest per motionem localem vel dilatando vel contrahendo, restituit. Præterea etiam fieri potest, nec dubitandum ita fieri, ut cùm aëris ex Recipiente exanthlatur, aëris aliquis subtilior, per ipsa epistomia, non obstantibus undis circumfusis, & ex illis ipsis undis, irrepatur, quantum vacuo implendo sit satis. Quæ res in extractione aquæ ad oculum, uti paulò antè dixi, clare appetat.

Dub. 5. An ergo aqua & aëris rarefieri aliter quam per calorem, & densari aliter quam per frigus, possint?

Hoc negabat quispiam, ut meam de illa evacuatione philosophandi rationem everteret, dicebatque aquam, vel aërem, non aliter quam per calorem rarefcere posse. In ea autem eva-

cuatione nullam esse calefactionem. Contra quem addubitationem

Aer &c. R E S P. Ita. Est enim hæc res nimis certa, & usu frequenti
qua multis comprobata. Potest hæc rarefactio fieri primò ad condensationem
medi rare- vicini corporis, aeris vel aquæ, in eodem loco vel vase inclusi. Sit
fieri & con- densari po- aqua & aer in eodem vase clauso. Rarefacta aqua infra aerem po-
test ac soler. sita; jam non potest non condensari aer. Probo evidenter. Aqua
Primò, ad rarefit ex hypothesi. Ergo occupat plus loci quam antè. Ergo
condensa- occupat aliquam partem, in qua ante erat aer. Ergo vel datur
tionem vi- penetratio aquæ & aeris, vel aer contraxit se ad angustius spatiū.
cini corpo- Atqui non datur penetratio. Ergo aer ad minorem locum se re-
dixit. Ergo condensatus est. Iam sic. Condensetur illa eadem
rius. aqua, in vase. Iam occupat minus spatiū quam antè. Ergo de-
seruit aliquam partem spatiij prioris. Ergo illa pars deserta vel
manet vacua, vel occupatur ab aere. Atqui non manet vacua,
quia nulla est hic violentia quæ inducat vacuum. Ergo aer oc-
cupat illam partem, & tamen non deserit ullam partem prioris
spatiij. Ergo jam occupat majus spatiū quam antè. Ergo est
rarefactus & condensatus absque frigore & calore, ad solam con-
densationem & rarefactionem alterius. Idem videre est in Ther-
mometro, cui in frâ cuppa adhæret aeris plena. Nam si aer in su-
periore cuppa calefactus rarefactur & dilatetur, tuncliquor qui in
tubulo erecto suspensus hærebat, deorsum tendit, & consequen-
ter aerem qui in inferiore cuppa clausa continetur, comprimit, &
in angustiorem locum retrudit. 2. Potest etiam aeris rarefactio
Secundò, contingere per tractionem aliquarum partium. Appone os ad
per trac- fistulam ex altera parte clausam, & aliquam aeris inclusi partem
nem ali- exsugendo attrahe; non tamen ideo totam fistulam evacuabis.
quarum Ergo partes remanentes, etiam spatiū extracti aeris jam occu-
partium. pant. Ergo majus spatiū occupant quam antè. Ergo in tra-
refactæ tractione. Item, reple lagenulam argenteam aquâ ad
summum, omniaere excluso, eamque firmissime occlusam tene,
nè quicquam possit egredi. Tum malleo ventrem gibbosum tun-
de, ut introrsum vergat. Iam necessariò condensata fuit aqua,
quia

quia minùs occupat spatij quām antè. Deinde partem introrsus
vergentem forcipe , aut alio Instrumento , iterum in pristinum
rotundæ figuræ statum revoca. Jam aqua est rarefacta, quia oc-
cupat plūs loci quām antè. Ergo potest rarefactio fieri per tra-
ctionem. Idem est experimentum , si lagena tantū aeris sit ple-
na. Demum aer qui ex cacabo evacuatorio (de quo paulò antè)
in Recipientem emergit sursum , est rarefactus , cùm aperto epi-
stomio aquam ad se violenter trahat. Et tamen nihil ibi inter-
cessit calefactionis , sed sola extractio est adhibita. Ergo per ex-
tractionem aer rarescit. Tertiò potest etiam aér rarefieri per cessationem
condensationis & compressionis violentæ, quæ precessere
rat. Ita contingit in fonticulis mentalibus artificiois quibusdam,
quando nimirum aer follibus violenter in vas undique clausum
trulus comprimitur. Solet enim tunc celsante eâ infuflatione
premere aquam in fundo vasis quiescentem , eamque per siphonem
è fundo erectum sursum cogere. Non autem aliter premit
aquam, quām se rarefaciendo , & ad pristinum statum suæ rarita-
tis se revocando , cùm interea tamen non calefiat, sed potius ab
aqua frigida frigefiat. Ergo dilatatio & rarefactio aëris aliter et-
iam quām à calore & igne contingit. Item habe vesicam aëris
densati plenissimam. Hanc manu comprime, & densabitur com-
pressione aér. Mox manum amove, & videbis eodem tempore
vesicam ad priorem modum turgere. Ergo solà compressionis
cessatione, aér vel aqua rarefit, & rarefieri potest. Imo 4. potest aér Quartò,
vel aqua rarefieri vehementi frigore & congelatione , & de facto
contingit. Eccur enim vas vitreum vel fisticum humore plenum,
si humor gelet, diffringitur , non aliter atque diffringitur olla vel
lagena vitrea pisis aridis plena , quibus deinde aqua ut inflentur,
affunditur; nisi quia frigore intenso rarefcit? Cur si vas fortius sit,
quām ut diffringi tam facile possit, aqua gelans in medio assurgit
in clivum; nisi quia rarescens plus spatij poscit; quod cùm intra
vasis margines non concedatur, supra illud quærit? Præterea a-
qua gelata, sive glacies, etsi sit eiusdem ponderis cum aqua ex qua
genita est, tamen aquæ innatat; & quamvis illam perticâ deor-
sum

Experimentum

*Experi-
mentum
probans
glaciei ra-
ritatem.*

*Experi-
mentum
aliud idem
probans.*

*Aer in Re-
cipiente ra-
rescere ex-
tractione
compartiu-
m suarum.*

sum trudas, tamen ocyus in altum resurgit & navigat. Cuius rei nulla est causa, nisi quia glacies est rarius quam aqua. Rem autem ita se habere, usum manifesto comprobavi. Accepi per hosce dies glaciei libras 14¹ ad bilancem accuratissime expensas. Deinde eandem glaciem ego ipse ad focum assidens, ne quis quicquam adderet aut demeret, observavi, donec paulatim liquata in undam solveretur. Nec mora; ad eandem bilancem sedulò & exactè expendi, & reperi ne vel pilo uno plus minusve ponderare. Denique gelu aquam non stringere, sed dilatare & augere, ita expertus fui. Globum vitreum, cui oblongum collum & striatum adhaerebat, aqua ad aliquam usque colli partem replevi, eumque aquæ marginem filo apposito diligenter signavi, & aeri rigido, cum gelaret, exposui. Nec fefellerit exspectatio. Quamprimum enim ingruente gelu aqua gelavit, ad latitudinem digiti unius supra filum notatum assurrexit, idque non semel, sed quinquies & sexies repetitum experimentum eodem proflus eventu. Quin etiam idem vitrum igni paulatim cum eadem aqua admovevi, & notavi, non minus calore etiam quam gelu illam ebullire & assurgere.

Ex quibus omnibus colliges, rectè à nobis dici, aerem in globo Recipiente cum extrahitur, non totum extrahi, sed partes remanentes avulsione illi violentâ suarum compartium dilatari ac rarescere, quoad earum natura pati potest.

Dub. 6. An in aqua & liquoribus sit aer inclusus,
vel exhalatio?

*Aqua & li-
quores aliij
continent
strem, vel
exhalatio-
nes.*

R E S P. Ita. Contra Vacuistas negantes. Prob. i. *Aqua nostra* non est planè pura, sed multum mixta & impura. Impuritas autem illa non consistit in alia re, quam in permixtione aëris, & terræ, & mixtorum aliorum. 2. *Spiritus* in aquis atidulis, qui etiam in poculis ad latera ad instar unionum adhaerere intra ipsam aquam videntur; Item odores & sapores tam acuti & mirifici aquarum, quid aliud sunt quam exhalationes aquæ inexistentes?

3. Cum

3. Cum quis vinum vel aquam in aliud vinum vel aquam ex alto infundit, non tantum in superficie, sed etiam in ipsa profunditate bullæ plurimæ & magnæ concitantur. Atqui bullæ istæ non sunt nisi aëre vel exhalatione plenæ. 4. Cùm aqua in fundo concitatur, bullæ frequentes in altum exurgere solent. Atqui hæ bullæ non continent nisi aërem & halitum. Ergo. Ex quo colliges licet, tunc cùm aqua ex Recipiente vi educitur, posse ex ipsa aqua aërem & halitum exspirare, & vacui impediendi ergo in Recipiente remanere, & redeunte deinceps aquâ cum eadem iterum commisceri & confundi. Neque hinc sequitur, ullam dari in aqua penetrationem; quod quidam ingerebat. Nam ille aëris & halitus est in aqua sicut pisces, hoc tantum discrimine, quòd sint in eadém in minutissimas particulas & imperceptibiliter, pisces verò perceptibiliter. Sicut ergo pisces aquæ innatantes & immanentes non faciunt penetrationem ullam dimensionum propriè dictam, ita neque aëris & halitus cum aqua permixti.

DVB. 7. Quomodo argumenta Vacuistarum sint
solvenda?

RESP. Ex dictis facile cuvis proclive est ad ea responderem.

Ad 1. Videmus quidem & experimur aërem expelli, sed non *Vacuista-*
videmus neque experimur totum expelli. Imò videmus, cùm *rum argu-*
aqua extrahitur, aërem in locum ejus per radios & quasi *menta solz*
flammulas quasdam ac bullas etiam globosque pellucidos per
ipsam undam manifestè sursum in Recipientem eluctantes, ut
antè notavi.

Ad 2. Ex eo quòd cum tempore resistentia antliae non de-
crescat, sed augeatur, ego rectius contrarium colligo, nimirum
non fieri vacuum. Nam quid in Recipiente resistit tractione?
Certè aëris. Ergo quòd ille magis extrahitur & minuitur, deberet
resistentia magis minui. Vacuum, est non aëris. Atqui non aëris,
& non ens, non potest resistere. Ergo vacuo inducto deberet
resistentia

resistentia planè cessare. Neque potest dici, quòd Recipiens resistat tractioni, postquam aëris extractus est. Quia in primis antlia non trahit Recipientem, neque Recipiens est per antliam trahibilis. Ergo etiam Recipiens non resistit tractioni. Item Recipiens jam frustra & serò resistit, cùm res tota sit peracta, nimirum omnimoda evacuatio aëris. Et cui quæso bono aut utilitati est illa jam Recipientis resistentia? Aut quid mali pateretur Recipiens, si facto jam vacuo, pistillum antliae agitaretur & moveretur?

Ad 3. Alleviatio illa Recipientis est equidem signum alicuius evacuationis, non tamen omnimodæ. Sicut, si quis ex bursa aliqua extrahit unum aureum, reperiet bursam leviorem factam, nemotamen, nisi amens, inde concludet, bursam ab omni corpore esse vacuam. Quod verò ibidem additur, in Recipientem non potuisse aërem rarefieri, & per tractionem dilatari, absq; ullo calore, jam antè est refutatum.

Ad 4. Nego ita posse ab aëre evacuari Recipientem, ut deinde totus ab aqua sursum irrumptere repleatur. Nunquam hactenus eò rem perduxère Vacuistæ. Et quamvis eò perducent, non tamen rectè concluderent, totum prorsus aërem fuisse expulsum. Quia exigua aeris portio, per raritatem dilatata, potuit explere Recipientem, quæ deinde aquâ irruente ita condensetur, ut propter exiguitatem à nobis non facile percipiatur, vel cum aqua se intra ejusdem poros commisceat.

Ad 5. Si Recipiens aquâ plenus evacuetur, recipit inter evanquandum, aërem, qui per radios & quasi flammulas quasdam visibiliter per ipsam aquam sursum eluctatur, ut ego cum pluribus aliis in arce Herbiopolensi per integræ horæ spatiū perspicue vidi, neque Vacuistæ ipsi, qui aderant aliqui & spectabant, ullo modo negare poterant. Vbi illud mirum mihi visum fuit, quòd, et si plus penè aëris, si externa radiorum & bullarum per aquam continuò eluctantium moles spectaretur, in Recipientem irrueret, quam aquæ extraheretur, ille tamen aëris tam tenuis & rarus deprehenderetur, ut evacuatione aquæ peractâ, per epistoli-

mium

mium clausum cum sibilo & fremitu acuto externum aërem ad
 se traheret; & cùm aquæ orificium immersum haberet, per epili-
 stomium jam apertum, tantam ad se aquarum copiam attraxit,
 ut Recipiens pene repleretur. Mihi ergo nullum est amplius du-
 bium, quin verissimum sit, aërem per aquam, per oleum, & per
 quodcumque denique corpus se insinuare, ut si Naturæ vis infe-
 ratur, succurrat, & vacui periculum præstet. Qua in re me valde
 confirmat experimentum lampadis Cardani, pluribus annis à me
 Biterris in Occitania inferiore, cùm ibi degerem, usurpatum.
 Nam in eius turricula perpendiculariter erecta, oleum suspen-
 sum immotumque manet, eò quòd orificium infernum, ex quo
 solo effluere potest, ipso oleo pondere suo incumbente sit oblitū
 & oppessum, & aliunde aëri non pateat in turriculam ingre-
 sus ullus, quo locum olei defluentis supplere queat. Nihilominus
 tamen, si lampas accendatur, & flammula elychnij oleum vio-
 lenter ad se rapiat; jam aër paulatim & imperceptibiliter per ean-
 dem portulam, quâ oleum extrahitur, insidiosè subit, & supra o-
 leum in turricula se diffundit, nunquam id facturus, nisi oleo per
 occultam igniculi vim extracto vacui periculum urgeret. Idem
 hac etiam ratione non semel comprobavi. Vitrum aliquod an-
 gusto & oblongo collo præditum, cùm aquâ repletum, subito
 ita inverti, ut ad perpendicularum deorsum penderet. Quo facto,
 deprehendi, nihil omnino aquæ effluere, quantumvis ore aperto
 esset. Nimirum, quia omnis aëri aditus præclusus esset, qui non
 posset per guttur vitri ab aqua pendula occupatum & obsecum
 subire. Deinde cœpi succussione vehementiore aquam violen-
 ter deorsum excutere, vel immisso etiam per os vitri stramine,
 aut ligneâ festucâ, aliquot guttas partim prolicere, partim evelle-
 re; quod cùm fieret, vidi semper eadem operâ aërem fese subin-
 gerere, & iteratis bullulis aquam pervadere, & locum ab ea de-
 scerum replere. Nôrunt & hoc Naturæ mysterium aurigæ &
 nautæ nostri, qui vinum in vasis benè obseratis, & sigillo etiam
 communitis, ut nè quid perviam expromatur, devehunt. Nam
 spunda & orificio superiore intacto, inferius circulorum aliquo,

*Aer per a-
quam & o-
leum pene-
trat.*


*Lampas
Cardani id
probat.*

*Experi-
mentum
aliud idem
probat.*

*Experi-
mentum adhuc
aliud inge-
niosum.*

quo vas colligatur, paulum submoto, terebrâ foramen viamque Baccho exituro faciunt. Quia verò nôrunt, vinum metu vacui in vase futuri effluere minimè posse, nisi aér in locum subeat, & usu ipso comperiunt, per foramen à se furtivè factum, nè stillam unam quidem profluere, spundam verò ob sigilli reverentiam attingere nullo modo volunt; hoc agunt; apposito ad foramen ore quantum possunt aëris inflant; quantum enim aëris inflant, tantum vini, & non amplius, foras proliquent. Quare tantum abest, ut experimentis omnibus hisce vacui aut possilitas, aut existentia comprobetur, ut potius impossibilitas eiusdem, firmius quam antea apud me & animum meum constabilis maneat. Omnibus viris doctis de hac re sentiendi & statuendi judicium liberum esto, Aristotelis tamen & Peripateticæ Scholæ Universæ contemnendæ potestas nè esto. Huc usqne

P. Melchior Cornelius.



EPI-



EPILOGUS OPERIS,

Et

Magiaꝝ universalis Naturꝝ & Artis ad-
umbratio.

Purimas, ut vidisti Lector, & ut plurimum non minus fa-
ciles quam ingeniosas, certe non adeo magnis sumptibus pa-
rabiles exhibuimus hoc Opere Machinas Hydraulicas, Pneu-
maticas, ex utrisque mixtas. Plures, & hisce nostris longe in-
geniosiores, apud alios invenies Auctores, nullus dubito; sed
an aequè ac nostras in praxin reducibles, nescio. Certè vix vl-
lam adduximus, quam vel non apud P. Athanasium Kirche-
rum, vel apud alios, vidimus re ipsâ exhibitam, aut quam ipsi
non exhibuimus, aut ex traditis in I. Parte huius Operis prin-
cipiis non deduximus successum infallibilem habituram. Excipio
nonnullas, quas in II. Partis Classe II. attulimus, motusque

Ppp 3

perpetui

perpetui æmulus appella-timus. Cùm enim perpetuum motum impossibilem esse ostenderimus, mirum non est, si technas mata cum æmulantia successu careant. Quòd si quedam ex illis successu non carent, perpetuum motum non exhibent, ut ibidem ostendimus. Plures ingeniosus Artifex & Hydrotechnites ex cogitare poterit, vel simplices ex principiis nostris derivatas, vel ex pluribus in unam compactas; & nos ipsi non magno labore, nec magnis sumptibus id ipsum nuper non sine plausu præstitionis. Alijs ad hoc Opus spectantes Machinas dabimus in Magia nostra uni-versali Naturæ & Artis Parte III.

Est hæc Magia illa Naturalis, quam in Proœmio huius Operis promisisimus. Eam eò usque nunc, præter spem nostram, deduximus, ut Pars I & II. sub prælo jam sudet, & hoc ipso anno M. DC. LVI. lucem in nundinis autumnalibus Francfurtensis sit usura. Partem III nunc animo calamoque versamus; quam excipiet Pars IV & ultima, si vitam DEVIS ac vires, & quos DEI loco agnoscimus Antistites tempus concederint. Dictæ Magiæ Ideam aut Synopsin hic exhibere (quod statueramus) supervacaneum existimamus, cum Opus ipsum exhibeamus. Hoc solùm dicimus, Opus esse quadri-partitum, ut jam insinuavimus. Pars I continet Optica, II Acoustica, III Mathematica, IV Physica. Continent reconditam naturalium & artificialium rerum scientiam, cuius ope, per variam applicationem actiorum cum passivis, admirandorum


dorum effectuum spectacula, abditarumque inventionum miracula, ad varios humanæ vitæ usus, eruuntur. Omnia ex variis probatorum Auctorum monumentis collegimus, propriis & aliorum experimentis stabilivimus, variis discursibus ac novis rationibus ponderavimus, perspicuisq; demonstrationibus subinde confirmavimus. Pars I Optica, comprehendit libros decem, quorum I est Proœmialis, II Praelusorius, III Anamorphoticus, IV Parastaticus, V Chromaticus, VI Catoptricus, VII Catoptro-causticus, VIII Catoptrologicus, & Catoptrographicus, IX Dioptricus, X Telescopicus. In his decem Libris quæcunque ad visum, visusque objectum spectant, atque in Opticis, Catoptricis, Dioptricis, Parastaticis, Chromaticis, Catoptro-Dioptrico-Causticis, Catoptrologicis, aliisque similibus scientiis, artibus, praxibus, secretis, est rarum, portentosum, & supra vulgi captum, seu ea directis percipientur radiis ab oculo, seu reflexis, seu refractis, methodice ac dilucide pertractantur; variisque, raris, ac minus obviis praxibus & experimentis stabiluntur. Eadem varietate, ac methodo in reliquis procedimus Partibus; quas enucleati non recensemus, nè auram inanem captare videamus. Finio igitur, omnesque doctos, curiosos, & Reipublicæ Litterariæ amatores rogo enixissimè, vt si quid rari, ingeniosi, prodigiosi, sive ad Naturam spectans, sive ad Artem, viderunt, audiverunt, legerunt, excogitarunt, id pro suo rem: Litterariam promovendi zelo communicare per litteras nè graventur. Ut nihil unquam quod alienum est, sine Auctoris nomine:

*mine & laude proposui; sic nihil eorum quæ imposterum com-
municabuntur, pro meo vendam, sed ubiq; vel Auctoris, vel
Benefactoris nomen posteritati cum grati animi signi-
ficatione propalabo.*

F I N I S.

Omnia ad majorem honorem & gloriam

JESU CHRISTI
SAPIENTIAE FONTIS.



INDEX



INDEX RERUM PRÆCIPUARUM.

A.

- Adamas igni & malleo cedit. 20
Aér interjecta habens vacua secundum Heronem, comparatur arenæ. ibid.
Aér in tubo discontinuans aquam, interruptum fluxum aquæ. 103
Aëris gravitatem invenire. 169. Rarefit & condensatur. 294
Aér quantum possit condensari, & rarefieri, invenire. 170. & 171. Rarefit non solo calore, sed multis aliis modis. 451. & leqq.
Aér per aquam ingreditur in Recipientem. 476. Rarefit in Recipiente usque ad certos terminos. 471. & 477. Nunquam totus fuit extractus ex Recipiente. 471. Ex eo extrahitur metu vacui. 472. In eo rarefit extractione compartium suarum. 480
Æoli statua automata. 236
Æolopilæ. 237. Rotam cum veru vertere possunt. ibid. Earum usus varius. 238
Æolia cista. 238
Æolus ventum efflans. 239
Altitudinem scatuiriginis fontis invenire per tubos fluentis. 140
Antlia constructio. 205
Antlia intra cannas arundineas aquam attollens. 206
Antlia hydro-pneumatica. 282. pneumatica. 445
Anemoscopium commune. 321. Kircherianum. 323. Usus ejus varius. 324
Aquaticæ Machinæ triplicis generis sunt. 6. & 7
Aqua in tubis elevata ad fugiendum vacuum, grauat. 29
Aqua libere fluere quæ dicatur. 65. Confistens quæ dicatur. 67
Aqua situs naturalis quis sit. ibid.
Aqua consistentis superficies superior sphærica est. ibid. & 68

Q99

Aqua

I N D E X.

- Aquæ vasis contentæ superficies conformantur internis vasorum figuris.** ibid.
Aquæ plus continet vas plenum inferiori, quām superiori loco. ibid.
Aqua consistere non potest ad libellam constituta. 69
Aquæ consistentis partes superiores non premunt actu inferiores, sed solum aptitudine. 70
Aqua falsa, frigida, impura, gravior est quām dulcis &c. 71
Aqua majoris perpendiculi pellit aquam minoris perpendiculi in siphonibus erectis. 75
Aqua magis aut minus pressa in siphonibus, quānam dicatur. 76
Aqua per longius crus siphonis celerius currit, quām per brevius. 80
Aqua per siphonem fluit difformi celeritate. ibid.
Aqua inæquali celeritate fluit ex cruce externo siphonis. 85
Aquæ fluxu per diabetem spiritalem inæqualis est. 96
Aquæ fluxum per crus externum siphonis æqualem reddere. 97
Aquæ est fluit è cruce externo siphonis celerius, quò major est excessus ipsius supra internum crus. 98
Aquam per montis verticem à base ad basim deducere siphone. 99
Aquam è montis radice ad verticem elevare. 102
Aqua per foramen basis tuborum verticalium fluit instar columnæ aquæ. 111.
 & 159. **Aquæ fluxus è foramine vasis non est celerior propter vasis capacitatem.** 114
Aquæ fluxus ex æqualibus foraminibus vasorum. 160
Aquæ fluxus ex foraminibus celeritas quæ. 162
Aqua lapsu naturali fiunt fontes naturales & artificiales. 255
Aqua non potest comprimi. 294
Aqua incorupta. 204
Aqua & liquores alii continent aërem, vel exhalationem. 480
Aqua ad unam semper altitudinem ascendi in omnibus tubis evacuatis in Experimento Magdeburgico. 457
Aquila horodiætica. 269
Ara Deorum tripudiantium. 247
Archimedis cochlea. 336. Quomodo construenda, ut multum aquæ elevet. ibid.
 Per eam motum perpetuum exhiberi posse putat Bettinus. 338.
 Sed fallitur. 340
Ars vincit Naturam in fontibus producendis. 17
Argumenta Heronis pro vacuo, 21. Aliorum pro eodem. 24. 43. 44.
Argumenta contra vacuum. 25
Argentum vivum in Experimento hydrargyri ad eandem semper altitudinem ascendit in omnibus tubis. 457
Affarium. 457

RERUM PRÆCIPUARUM.

A ssarium seu Platismatum, Animella, ventile.	206
A ffectiones variæ Auctoris Experimenti Magdeburgici.	456
A tlas cœlum humeris impositum torquens in gyrum.	289
A ttractivavis ex appetitu vacui vel replendi, vel fugiendi, oritur in Machinis hydro-pneumaticis.	18
A uctoris opinio circa aquæ fluxum è crure externo longiore siphonis.	85
A urum fulminans.	63
A utomatum Kircherianum, omnis generis symphonias exhibens.	436
A xiomata hydraulica.	75.76.79.80

B.

B aculus Aquinomus.	210
----------------------------	-----

C.

C acabus evacuatorius.	248. & 236
C acabus ejiciens & retrahens eandem aquam.	236
C ameræ Æoliæ pro organis hydraulicis.	384. & seqq.
C ampanula in Recipiente evacuato sonum edidit.	470
C ancer aquam expuens.	185
C anopus Ægyptiacus.	320
C antilenas syncopatas in cylindrum phonotacticum transferre. 401. Item cantilenas notarum minimarum.	406
C atellus mingens.	211
C atena motum perpetuum æmulans. 362. Ejus constructio. 363. Ejus refutatio.	365
C entrum commune omnium gravium.	66
C horagus Musicus automaticus.	430
C horea serpentum.	270
C hronometrum humidi & siccii gradus ostendens.	234
C ista pnevmato-harmonica avtophona.	438
C lavicymbalum novum, omnis generis Instrumentorum symphoniam exhibens. 432. Quomodo fiat automatum & avtophonum.	435
C lepsydra Heroniana. 196. Kircheriana.	255
C ochlea Archimedis. Vide Archimedis cochlea.	
C oluber volitans.	271. & 272
C olumna aquæ sola premit supra foramen per quod effluit.	113
C orpora & qualitates corporeæ, penetrant alia corpora secundum Heronem, propter vacua interjecta.	23

Qqq 2

Corporæ

MUNDI DE XLIBRIS

Corpora omnia universi contigua sunt inter se.	43
Corporum penetratio non potest fieri naturaliter.	44
Corpora expellunt se mutuo.	45
Cribrum Vestarium.	203
Crus internum, & crus externum siphonis.	84
Crystallus aquam inclusam continet.	378
Ctesibica Machina, motum perpetuum æmulans.. 362.	363
Nostra circa eam sententia..	365
Cuculus cantans atque tripudians automaticè.	414.415
Cucurbitæ cur carnem attrahant.	21.27
Cyclopum statuæ malleis incudem ferientes.	428
Cylindrus phonotacticus. 390.	ibid.
Eum harmonicè delineare.	In eum
cantilenam transferre. 397.	Dentibus cum instruere. 399.
Plures can-	tilenas in eum transferre. 400.
Eum movere in gyrum. 407.	Potest
habere dentes mobiles.	409
Cynocephalus Ægyptius mingens..	259

D.

Data altitudine & foramine tubi, invenire aquæ quantitatem dato tempore efflu-	entem.
133.	
Data altitudine & foraminet tubi, invenire tempus in qua data aqua effluit..	135.
Dato tempore, & qualitate aquæ, invenire tubum ex quo effluit.	136.
Dato vase & foramine, invenire tempus quo evacuatur.	137.
Dato vase & tempore, invenire foramen per quod evacuetur dato tempore..	139.
Data tubi altitudine, & tempore effluentis aquæ determinata, invenire altitudi-	nem pro alia aquæ quantitate..
	141.
Diabetes spiritalis quomodo construatur.. 95.	Ejus proprietates.
Alia	ratione construitur.
	96.
Dinocratis Architecti cogitatio Alexandro Regi exposita..	173.
Dolum quòdusque sit plenum, siphone explorare.. 76..	Idem implere per epi-
stomium ope siphonis.	77.
Draco ignem vomens. 227..	sibilans..
	245.
Dubitatio, & rationes dubitandi circa siphonem interruptum.. 105..	Solutiones.
insufficientes.	ibid.
Solutio nostra & genuina.	106.
Duplicata proportio quæ.. 117..	Item subduplicata proportio quæ..
	118.

E.

Elementorum ordo naturalis..	65.
Embolus,	

RERUM PRÆCIPUARUM.

Embolus è sclopeto, foramine igniario clauso, difficulter extrahitur, vacui me-	
tu..	27
Epicurus vacuum admittit..	19
Error Heronis.	36, 37, 50
Error Joannis Baptista Portæ.	39, 59
Experimentum vim attractivam ostendens ad vacuum impediendum.	30
Aliud..	33
Experimentum Portæ ad aquam elevandam ultra perpendiculi altitudinem.	41
Experimenta varia, quibus probatur corpora se mutuo expellere.	45
Experimentum circa aquæ fluxum ex siphone.	89
Experimentum hydrotechnicum. 291. Florentinum. 292. Romanum. 293	
Utriusque causa. 295. & 296. Varia ludicra ex utroque.. ibid. & 297	
Experimentum probans non dari vacuum..	307
Experimenta hydraulica.	346. & 347
Experimentum Magdeburgicum novum.. 441. Ejus Auctor. 444. Quomo-	
dò fiat. 445. 466. Illi quænam deinde addita. 447. Quæ argu-	
menta ad vacuum afferendum subministret. 449. Quæ ad vacuum ne-	
gandum. 450. De illo judicium Kircheri. 452. Zucchii. 463. Cor-	
næi. 465. Auctoris illius litteræ. 453. Quid utilitatis afferat Expe-	
rimentum. 454. Auctoris illius responsio ad varia quæsita.. 455. 456	
461. Ejusdem varia assertiones.. 460. & seqq. Ejusdem aliud Expe-	
rimentum..	461
Experimentum quo aqua è Recipiente extrahitur..	475
Experimentum probans glaciei raritatem. 480.. Aliud..	ibid.
Exemplum luculentum Naturæ vacuum fugientis..	474

F.

Filtrum revocatur ad siphonem..	94
Fistula exsucto aëre aquam recipit vacui metu..	27
Follies pro organo hydraulico ventum subministrantes..	389
Fons ad S. Georgium Venetiis..	60
Fons Heronis in vasis immediatis.. 105. 192. Eius principium movens est vis	
Expulsiva. 193. Altius ejaculatur aquam in principio, quam postea.. ibid.	
Quomodo impleatur..	195
Fons Heronis in loco alto..	168, 199
Fons Cæsareus..	181
Fons Polysiphonius..	201
Fons è puteo aquam attrahens..	203
Fons..	

QQQ 3;

MIL INDEX

Fons compressione spargens aquam.	208
Fons diversi coloris liquores ejiciens ex eadem fistula.	214
Fons pyroscopicus.	226. 228
Fonticulus duplex ope siphonis inversi.	87
Fonticulus similis fonti Heronis.	194
Fonticulus in phiala vitrea.	177
Fonticulus horarius.	250
Fonticulus Roberti à Fluctibus, motum perpetuum æmulans.	355
Fontes Romani, ac Tusculani. 325. Villæ Aldobrandinæ Tusculi. 326. Eiusdem Villæ Parnassus.	327
Fontium naturalium scaturigines motum perpetuum exhibent. 371. Quomodo ex mari oriantur. ibid. & seqq.	

G.

Gallus cantans, & alas quatiens automaticè.	416
Gemmarum motum perpetuum æmulantes.	377
Gnomon Scheineri motum perpetuum æmulans. 374. Eiusdem confitatio.	
374	
Grünbergeri judicium de motu perpetuo. 339. Eiusdem judicium circa tubum spiralem Bettini. 344. Eiusdem lucerna.	290

H.

Herba perpetuò nascens ac denascens.	305
Hercules draconem clavâ percutiens.	266
Hero Alexandrinus nudam praxin Machinarum Hydraulico-pneumaticarum tradit. 11. Eius Machinae nonnullæ quare in hoc Opere adducantur. ibid. Vacuum admittit in aëre & aqua disseminatum. 19. Argumenta eius pro vacuo. 21. Error ipsius. 36. 37. 56. Eius locus apud Commandinum mendosus. 51. Eius error excusat. 52. Eius Machina defectuosa. 56. Eius opinio circa aquæ fluxum ex crure externo siphonis. 89. Examinitur.	90
Horarium hydraulicum, motum perpetuum æmulans. 346. Eius constructio 347. Uſus. 348. Non potest exhibere motum perpetuum.	350
Hydracontisterium antiquum. 222. Novum.	223
Hydrargyri Experimentum.	307
Hydrologium horarum Astronomicarum. 248. Horarum inæqualium. 261. Bettinianum. 264. Hydrologium aliud. 273. Aliud pro horis Astronomicis. 275. Item pro horis Italicis. 276. Magneticum.	277
Hydro-	

RERUM PRÆCIPUARUM.

Hydropneumaticum vas, aviculas bibentes & contantes exhibens.	281
Hydropotæ varij.	310
Hydropota Gallus. 311. Artem suam docet Kircherum. 312. De eius arte testimoniūm Kircheri.	ibid.
Hypotheses hydraulicæ.	341

I.

Incubus horologus.	277
Infundibulum pneumatico-hydraulicum. 212. Aliud.	213
Inscriptio Operis præsentis.	6
In tubo determinare spatiæ quæ temporibus æqualibus evacuantur.	141
His & Osiris sacrificantes.	245

K.

Kircheri testimonium de Hydropota Gallo.	312
Kircheriana Machina motum perpetuum æmulans. 351. Non exhibet motum perpetuum.	352
Kircheri sphæra Magnetica, motum perpetuum æmulans. 354. Non exhibet motum perpetuum.	356
Kircheri aliud Machinamentum, motum perpetuum æmulans. 357. Construc- tio & usus ipsius. 358. De eodem Kircheri sententia. 359. Nostra sen- tentia.	360

L.

Lacerta chartacea, per columnam repens.	278
Lamina plumbea aquis innatans.	321
Lapides & gemmæ, motum perpetuum æmulantes.	377
Leges gravium naturali motu dependentium.	121
Leges aquæ naturali motu dependentis per tubos.	123
Leges aquæ effluentis per foramen tubi semper plenii.	ibid.
Lex descensus aquæ è tubo explicatur.	124
Libra hydraulicæ.	274
Libra hydrostatica.	318
Lineam medianam proportionalem inter duas invenire.	145
Lineam tertiam proportionalem post duas invenire.	147
Lineis tribus datis, quartam proportionalem invenire.	148
Lucerna Grünbergeriana.	290

M. Machi-

INDEX

M.

Machinæ huius Operis pleræque sunt Hydraulico-pneumaticæ. 8.	Omnis	
ad tres Clasles revocantur.	175	
Machinæ quæ fiunt vi Attractiva. 176.	vi Expulsiva. 191.	Rarefactione. 226.
Naturali lapsu aquæ. 254.	Quæ habent principium mixtum.	278
Machinæ variæ & mixtæ.	299	
Machinæ variæ motum perpetuum æmulantes.	335	
Magia Naturalis Auctoris. 1.	vide Epilogum Operis.	485
Media, ac Tertiæ proportionalis quantitatis inventio.	120	
Melchioris Cornæ Diatriba & iudicium de novo Experimento Magdeburgico.		
465		
Meimnonis statua autophona. 240.	Eius constructio, usus & sonus. 241.	Alia
cuiusdem constructio.	242	
Memnoniæ aves. 242.	Earum constructio, sonus, & motus. 243.	Alia earum
constructio.	244	
Mersenni observatio in tuborum evacuatione.	129	
Meteora ignea artificialia.	229	
Minuti secundi duratio quanta sit.	116	
Modus ingeniosus elevandi aquam in quainvis altitudinem, per attractionem &		
expulsionem simul.	53	
Modus elevandi aquam etiam brutis notus.	59	
Motus perpetui efficiendi pruritus multorum. 5.	Eum possibilem esse, alij affir-	
mant, alij negant. 329.	Multi eum efficere tentarunt, ibid. Sed frustra. 330	
Impossibilis est. 332.	Argumenta contraria solvuntur.	334
Motus perpetuus chymico-hydraulicus. 376.	Drebellij, & aliorum. 377.	Boëck-
léri. 379.	Harstorfferi.	381
Multimammia Deorum mater.	256	
Museum Kircherianum.	3	
Musica Pythagorica malleorum ope. 421.	Quomodo automaticè exhibenda.	
428		

N.

Naturæ conatus ad vacuum impediendum.	474
Natura vacuum abhorrens resistit evacuationi Recipientis in Experimento Mag-	
deburgico.	471
Navis horologa.	188
Naves & statuæ automatae, per aquas incidentes.	285
Nauta hydro-horologus.	272
Nicolai	

RERUM PRÆCIPUARUM.

Nicolai Zucchij de novo Experimento judicium.	463
Numeri pariter impares ab unitate numerati.	122
Numerum medium inter duos proportionalem invenire.	145
Numerum tertium proportionalem post duos invenire.	ibid.
Numeris tribus datis, quartum proportionalem invenire.	148
Nympha reflans Echo Pani.	419

O.

Organa hydraulica quæ dicantur.	385
Organī hydraulici automati & autophoni requisita.	384
Eiusdem schema.	408
Ova medica quomodo repleantur carne.	21

P.

Palingenesia, seu regeneratio plantarum ex suis cineribus.	314
Pan oœtaulum inflans.	418
Parisienses libræ quot efficiant pedem cubicum aquæ.	135
Pauli Casati dubitatio contra Mersenni observationem.	130
Perpendiculum aquæ descendens debet esse longius, quam ascendentis.	34-35.
Perpendiculum aquæ quid sit.	75
Perpendiculis, non aquarum copiâ, certatur in hydraulicis.	49. 87.
Perpendiculi excessum tuetur Natura in aquæ fluxu.	109
Perpendiculum aquæ cadentis in fonte Heronis cura excedere debeat perpendiculum aquæ ascendentis.	86
Pes dividitur in uncias duodecim, & digitos sexdecim.	116.
Eius mensura diversa apud diversos.	109
Petitiones pro fluxu aquæ ex foraminibus tuborum.	117
Phænomena aquæ salientis.	159
Phiala calefacta, & aquæ immersa, attrahit aquam vacui metu.	151
Phiala Aquisuga.	27
Phiala aquam in altum proiiciens.	186
Pinnæ chalybeæ cylindrum phonotacticum circumagerere possunt.	211
Platismatum.	389
Portæ error in elevanda aqua ad turris altitudinem.	206
Præco horarius.	103
Principia Machinarum hydraulicarum.	252
Problemata varia de fluxu aquæ per foramina vasorum.	15
Prochyta Heronis.	163. & seqq.
	317. & 318

Rrr

Pro-

M I L I N D E X M I L E Y

Proportio velocitatis motus aquæ descendens per tubos in æqualium foraminum.	125.	Eius causa.	126.
Proportio temporum quibus effluit aqua e tubis.		ibid.	
Proportio tuborum ad tempora fluxus aquæ.			127.
Proportio aquæ ad a quam eadem, quæ foraminum in tubis æquè altis.		ibid.	
Proportio temporum eadem quæ basium tuborum, quoad aquæ fluxum.			129.
Proportio temporum aquæ fluxus ex tubis, ad eorum altitudinem.			131.
Proportio temporum effluxus aquæ ad foramina tuborum.		ibid.	
Proportio aquæ effluentis ad foramina.			161.
Proprietates aquæ salientis ex tubis verticalibus.			149.
Proprietates fluxus aquæ per diversa eiusdem tubi aut vasis foramina.			158.
Pythagoras proportiones musicas ex officina ferraria didicit.			420.
Pythagorica Musica malleorum ope..			421.

R.

Radix aquæ ex inflexo tubo exslientes.			151.
Rarefactionis vis in bombardis. 61. In cuniculis subterraneis, ac terræ motibus.		ibid.	
Rarefactionis exempla duo.			62.
Recipiens non sphæricus, in Experimento Magdeburgico evacuationi non resistit. 467. Evacuatur initio facile, postea difficulter. ibid. Evacuatus minus ponderat quam aëre plenus. 468. Magno impetu admittit aërem, quando aperitur.			ibid.
Riccioli diligentia exacta in observandis legibus gravium dependentium.			127.
Rota versatilis, aquam fundens.			258.

S.

Sacelli valvae sponte aperibles.			246.
Salientes aquæ ex tubis quid sint. 151. Earum proportio ad datos tubos. 152. Earum longitudoes observare. ibid. Eò sunt longiores, quo altius foramen tubi.			
Salientium tabella ex Mersenno. 154. [Eandem longitudinis proportionem servant, quam tuborum altitudines.			153.
Salientium verticalis nunquam adæquat altitudinem originis.			155.
Saliens verticalis tubi quadrupedalis.			156.
Salientium verticalium longitudo, qia proportione crescat.			ibid.
Salientis horizontalis longitudinem invenire, data tubi altitudine.			157.
		Scler-	

RERUM PRÆCIPUARUM.

Sclopētum Æolium.	216.217
Scriptores Hydraulicorum, & Pneumaticorum.	8. &c seqq.
Scyphus pertusus. 183. & 184. Heronianus.	200
Sedes Aquivoma.	220
Serpens aquam exspūens.	279
Siphon quid. 72. Eius variæ species. ibid. Erectus, Inversus, Mixtus. ibid.	
Siphones æqualium & inæqualium crurium.	73
Siphon conjugatus.	74
Siphonis erecti proprietates. 74. & 75. Eius ope aquam ex monte uno in alterum derivare.	76
Siphonis inversi proprietates.	77.78
Siphonis mixti variæ species.	81
Siphonis crus longius superat brevius, non capacius minus capax.	88
Siphon inversus æqualium crurium longitudine, inæqualium capacitate, retinet aquam suspensam secundum Heronem.	90
Siphontam erectus, quam inversus, revocatur ad libram.	93
Siphon interruptus, & causa effectus ipsius.	104
Siphon horologus.	189
Siphon inversus interruptus.	187
Siphon fontem exhibens.	179
Situlæ automata, motum perpetuum æmulantes.	365
Situla automata unica, motum perpetuum æmulans.	368
Sphæra concava, & aëre plena, cur plus aëris per inflationem admittat secundum Heronem.	22
Exsucto aëre continet intervalla vacua secundum eundem.	23
Sphæra in aëre suspensa.	300
Eius usus, & motus.	301
Speculator cornu inflans.	207
Statuæ Cyclopum in alleis incedem ferentes.	428
Statuæ saltantes.	431
Stipula in gyrum acta.	233
Motus contrarios exhibens.	235
T.	
Tabaci refrigeratio.	305
Tabulæ planæ metu vacui dividili non possunt.	25
Terræmotus Romæ.	62

INDEX.


Terraqueus globus in medio mundi collocatus fuit die tertio creationis rerum.	65.
Nunc non est semper in mundi medio mathematicè.	66.
Thermoscopium hybernum.	230.
Æstivum.	230.
Tetraphonium, in cylindrum phonotacticum transferendum.	392.
Triton buccinam inflans, & fluviorum fluxum sistens.	285.
Tubi per quos aër defertur in Machinis attractivis metu vacui, possunt esse quantumvis longitudinis.	40.
Tubus quid sit.	110.
Eius variæ species.	ibid.
Tubiforamen, os, osculum, lumen, idem sunt.	ibid.
Tuborum altitudo unde sumatur.	113.
Verticales tripliciter inflecti possunt inferius.	149.
Horodictici in fonte Cæsareo.	183.
Tubus spiralis motum perpetuum æmulans.	341.
Eius constructio & usus.	342.
Ad motum perpetuum accommodat eum Bettinus.	343.
Sed fallitur.	344.

V.

Vacuum Philosophorum aliqui admittunt, alii respiciunt.	18.
In corporibus disseminatum esse, probat Hero.	28.
Dari naturaliter non potest.	28.
Causa eius impeditiva multiplex.	29.
Id admittit Lucretius.	44.
Non dari experimento aquæ probatur.	308.
Vacuum in Recipiente evacuato non esse, multis probatur.	470.
Vacuistarum argumenta ad probandum vacuum in Recipiente.	469.
Vasa inania esse plena aere, experimentis probatur.	19.
Vasa exfusto aere labiis adhaerent.	21.
Vas inversum difficulter extrahitur ex aqua, ob vacui metum.	26.
Vasa subtilis pertusa, superioris occulta, aquam retinent metu vacui.	ibid.
Vas magis plenum plus aquæ effundit per foramen, quam minus plenum.	115.
Vas amplius non effundit plus aquæ per foramen, quam minus amplum, ceteris paribus.	117.
Vas parare, cuius fluxus dividat datum tempus in partes æquales.	142.
Vasa pro aqua vinum reddentia. 190. Alia.	221.
	Vas.

RERUM PRÆCIPUARUM.

Vas pro manibus lavandis.	229
Vas eodem ore vinum & aquam reddens.	316
Vas eodem ore plures liquores fundens.	ibid.
Vas r̄imatum plenum.	320
Ventile.	206
Ventorum mutationem deprehendere.	234
Villa Aldobrandina Tusculi.	326
Villæ aquarum artificia exhibentes in Germania.	328
Vis attractiva quomodo ab Herone explicetur. 24. Quibus insit corpori- bus.	28. & seqq.
Vitreæ sphærulæ minoris bombardulæ strepitum æmulantes.	63
Vitruvij hydraulicum organum. 409. & seqq. Ejus explicatio & schema. 412. Cur hydraulicum vocetur.	413
Volucres garrientes & se moventes.	418



F I N I S.

Rrr 3

ER-

ERRORES

Qui partim Auctoris, partim Correctoris diligentiam effugerunt.

Pagina.	Linea.	Errata.	Correcta.
23	20	fundam	fundum
34	10. & 11	deurretur	decurretur
42	12	minus	majus
51	7	At	Ad
ibid.	12. & 13	parrum	parvum
52	14	aqua debet	aqua non debet.
53	13. & 14	simul	simil
56	20. & 23	F	G
	& 34.		
57	3. & 6	F	G
ibid.	ultima	tubu BG	FC
76	17	tubo aut	aut tube
77	3	doleo	dolio
101	4	attractu	attractu
145	in fine 18	adde	& productum dividat per primum;
180	26	intra	infra
188	29	H B naviculum	H F naviculam
189	13	trahente	ad, funem
ibid.	14	dele, funem	
ibid.	16	R N	F H
207	12	sustineat	sustineant
214	3	M A C H. VII.	M A C H. X I L
227	27	violentia	violentia
231	24	colore	calore
232	13	aqua	aque
241	11. & alibi	spatulas	spatulas
245	7	conavo	concavo
251	30	Y	iij
256	16	ut	&
257	8	fundebar	fundabatur
261	10	inaequales	zquales
274	13	AD	A E
279	15	unusquorque	unumquodque
283	13	ludendis	ludentis
289	29	posita	positam
292	23	C D	C B
302	6	restititium	restitivum
316	4	D F	E F
343	15	& sic	& sic
325	19	planam	planum,

AD

AD BIBLIOPEGUM.

Iconismi inserantur suis locis ita, ut quilibet respiciat paginam in eis notatam.

Zum Buchbinder.

Die Kupfferblätter sollen also in das Buch gehestt werden/dass sie gegen den Zahlen stehen/welche oben daran verzeichnet seyn.

Al Libraro.

Le figure intagliate in rame s' inseriscano nel libro in tal maniera, che siano voltate verso le pagelle in esse note.

Au Libraire.

Les images doivent estre tellement inserées, que chacune regarde la page qui y est marquée.

Omnia ad majorem DEI gloriam.

